


Socinus

THEOLOGIA.

~~N 1178~~ - 1180.




311290-311292

I St. Drukt

X. m. 57.

a. b. c.



411V. 6. 50

FAUSTI SOCINI
MISCELLANEA:

Hoc est,
Scripta Theologica, seu Tractatus breves de diversis materiis,

Quorum seriem sequens pagina monstrat.

RACOVIAE,
Typis Sebastiani Sternacii,
Anno 1611.

Hoc opusculo continentur hi tractatus.

1. Adversus semijudaizantes.
2. Epistolæ tres Martini Seidelii de Messia,
& ad eas F. Socini responsio.
3. Contra Chiliaftas, de regno Christi ter-
reno per annos mille.
4. Disputatio brevissima de Christi carne
adversus Mennonitas.
5. Ad objectiones Cutteni responsio.
6. Ioannis Niemojevii epistolæ duæ, De
Sacrificio & Invocatione Christi. Et
ad eas Fausti Socini responsio.
7. De Ecclesia & Invocatione Christi ex
epistolis F. Socini ad quendam.

3112 92

T. St. Dr.

Adversus Semijudaizantes.

Mifera omnino conditione ii omnes esse videntur, qui cum Hebraei genere non sint, nec porro legem Mosis per omnia servant, Iesum tamen Nazarenum pro Servatore suo agnoscere recusant, id est, ei fidem habere, eiq; obedire sub spe aeternae salutis, plane renuunt, dicentes eum non esse illum Messiam, sive Regem, qui a Deo per Prophetas promissus fuerat. Quam enim spem (quaeso) isti habere possunt, quamve religionem sequi, quae Deo illos charos & gratos efficiat? Nam si dixerint se sperare omnia ea, quae Deus in Mosis lege promisit; Primùm animadvertendum est, Deum in ea lege nihil aperte promisisse, nisi iis, qui ex Abrahamo, Isaaco, & Iacobo nati essent. Deinde promissiones eas iis tantùm esse factas, qui totam eam legem servassent. Si igitur aliquis est, qui nō modò ex patribus illis Hebraeis originem non habeat; verùm etiam unam tantùm Mosaicæ legis partem sibi servandam eligat, quantumvis maximam atq; præcipuam ejusdem legis, præceptis quibusdam interim omnino spretis, nulla profectò causa est, cur iste vel quidquam, tanquam divinae legis per Mosen datæ studiosus, à Deo sperare queat, vel se Dei cultorem esse affirmare audeat. Itaq; etiam si, qui legem Mosis servaverint, licet ex Israele, seu Iacobo oriundi non sint, ea omnia se consecuturos

4 Adversus semijudaizantes.

sperare possent, quæ in ipsa Mosis lege promissa sunt: non tamen, ut quidam opinantur, istis satis esset decalogum, id est, decem illa præcepta, quæ omnium prima, & seorsim ab aliis sub Mose sunt data, sibi præstanda deligere, & quedam alia præterea, quæ cum natura magis consentire videantur, ex illis, quæ illicò per eundem Mosén fuerant adjuncta. Non magis enim horum, quàm aliorum præceptorum in ea lege Deus auctor est, nec minùs se vindicem, atq; ultorem professus est eorum, qui præcepta quedam non servassent, quæ cum natura minimè consentiunt, quàm eorum, qui ea, quæ consentire cum ipsa videntur, violassent. De omnibus enim præceptis per Mosén datis dictum est, Num: 15. quòd, si quis prudens sciens, unum ex illis violasset, excindenda esset anima illius è Dei populo: & Gen: cap: 17. de circumcissione idem nominatim dictum fuerat, quam tamen certum est, non esse ex illis præceptis, quæ cum natura aliquid commune habeant. Et sanè, quòd ad circumcissionem attinet, quemadmodum Paulus Apostolus ait, Christum nihil illis profuturum, qui omninò circumcidi volunt, dicendum est, Mosén, & quicquid ad ejus legem spectat, nihil profuturum his, qui non circumciduntur, præsertim cum etiam ante Mosén hoc præceptum Patribus à Deo datum fuisset, idq; fœderis nomine inter se & illos appellatum, cujus conservatio etiam ante Mosén legem tantè apud Deum erat, ut Mosén etiam ipsum occidere voluerit, eò quòd filium suum constituto tempore circumcidere omisisset. Verùm singamus licere uni-

cuiq; pro arbitrato ex Mosis lege eam partem retinere, quæ sibi retinenda videbitur, reliquam verò spernere, & interim tamen ea omnia nihilominus sperare, quæ Mosis legem servantibus promissa sunt, quo tamen nihil absurdius excogitari potest. Fingamus, inquam, istud unicuiq; licere, et quid tandem consecuturus est is, qui ejusmodi fuerit? quidnam promittit Moses Dei nomine iis, qui legem per se datam servaverint? Certè (dicant quicquid velint Iudæi) nihil unquam promissit Moses, præter hujus vitæ bonæ, eamq; felicitatem, quæ ex iis potissimum, quæ extra nos sunt, in hac vita contingere potest; quemadmodum universam ejus legem perscrutanti cuilibet aperte constabit. Quanquam satis est, eos locos inspicere, in quibus nominatim, & ex professo promissa recensentur iis facta, qui Dei mandata illa conservaverint; quales præcipui sunt Exod: 23. Levit: 26. Deut: 7. & 28. in quibus nulla prorsus bonorum, futuræ vitæ, sive aliqua ratione vitæ ipsius futuræ facta est mentio. Iam verò hujus tantum vitæ bonæ, quid queso sunt, etiamsi omnia simul uni soli obveniant? Annon ad ostendendum, ea nihil propemodum esse, id satis est, quòd aliquando tandem, vel potius & re ipsa, & multò magis ea possidentis opinione, quàm celerrimè cessatura sint, & finem habitura? Morte enim adveniente, quæ perpetuò nobis imminet, omnia prorsus deficere necesse est. Satis superq; rem sic se habere, ut diximus, bona videlicet hujus vitæ, aut certè ea hujus vitæ bonæ, quæ Moses promissit, parvi omninò esse æstimanda, Iudæi

6 Adversus semijudaizantes.

ipsi nobis declarant, qui omnes, præter quosdam paucos, nihil intentatum relinquunt, ut futura vita bona, ipsamque vitam eternam, sibi aliquo modo promissam fuisse, & aliis ostendant, & sibi ipsis persuadeant. Quæ in re duplici ratione se irridendos præbent. Primum, quia ad id probandum sepius testimoniis utuntur, quæ nihil ad rem faciunt, nec ibi extant, ubi promissiones divinæ enumerantur. Deinde, quia necesse habent mysticas, sive allegoricas interpretationes ad ea, pro suæ sententiæ confirmatione, adhibere: cum tamē ipsi, ubi de prædictionibus futuri Messie apud Prophetas, de quibus ejus regno per eosdem promisso agitur, ejusmodi interpretationes nullo prorsus pacto admittunt; imò si quis eas adhibere velit, eum planè ludibrio habeant, & risu prorsus excipiant. Ut igitur ad propositum revertamur, miseri omninò esse videntur, qui, cum Iudæi naturâ non sint, nec Judaicam tamen religionem amplectuntur, Iesu Nazarenæ religionem spernunt, vel potiùs abjiciunt: quæ ut undique perfectissima est, sic futura vita bona, ipsamque eternam vitam, & perfectissimam felicitatem suis cultoribus aperte promittit, ejusque rei non levia argumenta omnibus proponit. Nam quod ajunt, Iesum Nazarenum non esse vel fuisse Messiam illum à Deo promissum, quia scilicet, in Iesu Nazareno ea conspecta non fuerint, quæ de Messia illo Prophetæ prædixerant: hic, antequam aliud dicatur, videntum est, an isti credant, aut concedant, ea vera esse, quæ de Iesu Nazareno a pluribus scripta sunt, qui
 vel ipsi

vel ipsi iis, quæ narrant, interfuerunt, aut certe se
 interfuisse profitentur, aut saltem ea etate vixe-
 runt, & cum iis consuetudinem habuerunt, qui Ie-
 su Nazareni familiarissimi fuerunt. Si ea vera esse
 non credunt, nec concedunt, quomodo possunt ipsi
 constituere, Iesum Nazarenū ea non habuisse, quæ
 de Messia illo prædicta fuerunt? Aut quomodo quic-
 quam de Iesu Nazareno penitus affirmare possunt,
 nisi prius constituent, quibus scriptoribus de eo nar-
 rantibus standum sit; cum tot seculis ante ille exi-
 terit? Quibus autem scriptoribus standum esse con-
 stituent, nisi iis stare velint, qui tunc temporis fue-
 runt, & quæ scribunt, se vel vidisse, vel ab aliis, qui
 viderunt, accepisse apertè aut testantur ipsi, aut ab
 iis, qui consecuti sunt, testimonium sunt adepti? Nā
 si hoc non satis est, ut illis fides adhibeatur, nihil est,
 cur Mosi & reliquis veteris Testamenti scriptoribus
 fides adhiberi debeat: quorum tamen bona pars ea
 narrant, quæ nec ipsi viderunt, nec ab aliis, qui vi-
 didissent, acceperunt. E quorum numero ipse Moses
 est, qui, quicquid in primo suorum librorum scripsit,
 nec ipse vidit, nec ab alio qui vidisset, accepit, nec
 quaratione factum sit, ut ipse ea resciverit, ne com-
 memorat quidem. Nec verò minùs incredibilia ea
 sunt, quæ vel ipse Moses vel ceteri veteris Testamēti
 scriptores tradunt, quàm ea, quæ ab Apostolis & di-
 scipulis Iesu Nazareni narrantur; nec quidquam ad
 auctoritatem illis antiquis scriptoribus concilian-
 dam facit, quòd ii ipsi, qui de Iesu Nazareno scri-
 bunt, illorum testimonio utuntur, nisi isti e iusmodi
 sunt,

8 Adversùs semijudaizantes.

sunt, quibus alioqui fides adhiberi debeat. Quòd si
 ex effectis veritas alicujus rei percipienda est, nul-
 la unquam fuerunt scripta, quorum veritas tot ac-
 tantis scriptis confirmata fuerit, quot quantisq; ve-
 ritas scriptorum, quae de Iesu Nazareno extant; a-
 deò ut effecta, quae veritatis veterum illorum scri-
 ptorum visa sunt, praè hīs & paucissima & exilia
 admodum censeri debeant. Sed haec disputatio lon-
 giorem tractationem requirit, & nos hac de re jam
 aliquid latius explicavimus in eo libello quem de
 scripturae S. autoritate scripsimus. Quòd si conce-
 dunt isti, ea vera esse, quae à praedictis hominibus de
 Iesu Nazareno scripta extant, miror sanè, quid
 amplius querant, ut ejus religionem amplectantur.
 Nam si satis non habent, quòd (ut alia non pauca
 omittam) & vite fuerit innocentissima, & infinita
 admiranda opera fecerit, quòd suo sanguine suã do-
 ctrinã cõfirmaverit, quòdq; a mortuis excitat, seip-
 sum suis discipulis per multos dies conspiciendũ &
 contrectandum dederit, quòd deniq; postmodum
 sursum in caelum acceptus fuerit, ejusq; nomine in-
 vocato, discipuli ejus tot ac tanta miracula fecerint,
 ut inermes alioquin ac nudi, immò sepiùs verberibus
 ac plagis concisi, ac tandem necati, maximam
 vim hominum, qui antehac, vel Iesu Nazareni no-
 mini prorsus infensi erant, vel religionem ab ipsius
 religione penitus diversam, eamq; a patribus mul-
 torum saeculorum serie acceptam colebant, variis in
 locis ad ipsum Iesum Nazarenum adduxerint. Si
 haec, inquam, illis satis non sunt, ut ei fidem habeant,
 ne s̄

ne si Angelus quidem de celo descenderet, ejusq; Iesu Nazareni religionem, verissimam esse testaretur, satis habituri essent. Verùm, si hæc satis omnino unicuiq; esse debent, quid nos ampliùs torqueamus, ut diligenter inspiciamus, nunquid notæ, quæ in Iesu Nazareno fuerunt, illis exactè respondeant, quæ de Messia promisso a Deo prædictæ fuerant? Contrariâ profectò, nî fallor, ratione prorsus utendum est, atq; diligenti inspectione ista ommissa, concludendum, eum & Messiam fuisse, & notas illas omnes habuisse. Quandoquidem & is se eum esse dicebat, & discipuli ejus idem frequentissimè & disertissimè confirmârunt, qui, fieri nullo modo potest, ut mentiti sint, si quæ suprâ exposuimus, vera sunt. Prædictionum igitur de futuro Messia explanationes ab ipso Iesu, ejusq; discipulis sunt petendæ, eaq; recipiendæ, quicquid prima fronte duræ atq; alienæ videantur (nec enim sunt revera) non autem contrâ ex prædictionibus, quarum semper proprium fuit, ut obscuritatem multam habeant, veritas hæc, quòd Iesus Nazarens sit Messias ille promissus, petendæ est, iis, inquam, qui historie de Iesu Nazareno fidem adjungunt: ex qua historia multò clariùs ea veritas patet, quàm ut de ea quisquam dubitare possit; immò ex qua historia manifestum est, Iesu Nazareno omnem fidem adhibendam esse, quisquis tandem ille fuerit. Ego quidem is sum, qui si ulla ratione fieri posset, ut quæ de Iesu scripta sunt, vera essent, nec tamen ille is Messias esset, qui multo antè a Deo promissus fuerat, eandem nihilomi-

nus fidem ejus dictis essem habiturus, quam nunc
 habeo, quæq; a veris Christianis semper fuit habita.
 Quamquam, quid tandem est, cur Iesum Nazare-
 num illum Messiam esse, vel prorsus negemus vel af-
 firmare non audeamus? Duo præcipuè ad hoc animos
 quorundam movere solent. Unum, quòd Iesus nul-
 lum regnum in terris habuerit, cum tamen illum
 Messiam in terra omnino regnaturum prædictum
 fuisset. Alterum, quòd multa præceperit, vel promi-
 serit, vel etiam vetuerit, quæ pugnant cum divina
 lege per Moysen data, quam æternam fore Deus ipse
 sapius dixerat, quamq; ulla ex parte mutare
 Messie munus non erat futurum. Quod ad regnum
 attinet, etiamsi Iesus ea ratione in terris non re-
 gnaverit, nec regnet, quâ alii reges solent, non ta-
 men sequitur eum in terris regnum suum non ha-
 buisse, nec habere: quemadmodum intelligi potest ex
 inque in scripto adversus Seidelium explicavimus.
 Nam si quis dixerit, neutiquam fieri posse, ut Iesus
 in terris unquam regnaverit, aut regnet, cum pauci
 semper fuerint ii, qui illi ex animo paruerint. Re-
 gnum Christi, quod futurum erat in terris, sic &
 regnum Dei, non subditorum voluntate, sed re-
 gnantis potestate continetur, eaq; metiendum est.
 Quam potestatem non omnibus apparere necesse
 est, sed iis tantum, qui oculos ad videndum habent.
 Dei potestas, quam summam in mortales omnes &
 habet, & pro arbitrato suo exercet, non omnibus est
 conspicua, alioquin non tantus esset atheorum nu-
 merus. Quinetiam ex illis ipsis, qui non sunt planè

Adversus semijudaizantes. II

ædæot, quos infinitos penè esse credendum est, non a deo multi sunt ii, qui Dei potentiam rectè noverint. Insigni enimpietate & iustitia a more ad hanc rem opus est, quæ oculos mentis illuminet, in aper tamq; hujus veritatis cognitionem hominem producat. Sic Iesu Nazareni a mortuis excitati, & supra omnem dominationem a Deo eveccti, superq; suum populum ab ipso constituti, quiq; propterea Christus Dei est, potestas, quam in omnes mortales in iis omnibus, quæ ad Dei populum quoquomodo spectant & habet, & pro suo arbitratu exercet, paucis omninò est conspicua, licèt maximus sit numerus eorū, qui Iesum Dei Christum esse constentur; iis videlicet, qui se ab hujus mundi inquinamentis separantes, sobriè, iustè, piè & castè vivere instituunt, qui deniq; Iesu ipsius præcepta & probant, & minimè averfantur; nec, quominus eorum absoluta quadam pietate, & divino splendore capiuntur, eorum exercendi difficultate deterrentur. Quæ difficultas hominibus carnalibus tanta esse videtur, ut hinc potissimùm fiat, ut ex eorum numero complures omnibus modis sibi persuadere conentur Christi religionem e mentitam, ac falsam esse: & idcirco, si quid carnali prudentie sese offert, unde colligi posse videatur, Iesum non esse illum Messiam, quem Deus promiserat (quemadmodū multa ejusmodi Deus esse voluit, quò carnales homines a Spiritualibus internoscerentur, mali a bonis) id statim arripiunt, aliaq; innumera pr ætermittunt, ex quibus apertè colligitur, Iesum illum Nazarenum, qui

sub

*Sub Pontio Pilato Iudæa præside crucifixus fuit
 Messiam illum esse, nec alium præter ipsum esse pos-
 se. Ea videlicet hic colligere non est animus, nec
 porro opus esse videtur, cum maiore ex parte ab ali-
 is multis & collecta & diligenter explicata fue-
 rint. Iam, quæ hæcenus sunt à me dicta, si cum iis
 conjungantur, quæ in scripto meo, de futuro olim re-
 gno Messie, quod promiserat Deus, adversus Seide-
 lium disputata sunt, satis esse poterunt ad priorem
 rationem diluendam ex duabus, quas supra attulera-
 mus pro iis, qui Iesum Nazarenum illum Messiam
 esse confiteri nolunt. Altera ratio de mutata lege
 Dei per Mosen data, nullas vires habet, cum Iesus
 non antè eam mutationem aggressus fuerit, quam
 ipsum ea potestate præditum esse constaret, ut id
 iure optimo facere posset. Nam quod dicebatur
 Messie munus futurum non fuisse, ut legem iam a
 Deo datam mutaret, contra potius res se habere vi-
 detur. Namq; neminem magis decet leges, quibus
 populus aliquis utitur, mutare, quam ipsum regem.
 Hocq; unum ex præcipuis & manifestis indiciis est,
 quod aliquis sit rex, si leges ipse quas velit, populo
 ferat, & iam antea latas pro arbitrato refringat.
 Quod tamen in iis tantum fieri contingit, aut certe
 debet, quæ a natura nullo modo pendent, sed totæ
 in legislatoris voluntate sunt posita. Cujusmodi cum
 multæ essent inter eas leges, quas Deus per Mosen
 populo dederat, eas merito potuit Iesus auctoritate
 sibi ab eodem Deo tradita abrogare; & merito ipse
 Deus voluit ut a Iesu abrogarentur, quò vel hinc
 perspi-*

Adversus semijudaizantes.

perspicuum omnibus fieret, eum a se populi sui verum atq; eternum regem fuisse constitutum. Nec verò, cum Deus olim dixit, leges illas quas Iesus abrogavit fore eternas, sibi ipsi eas abrogandi potestatem ademit, per quemcunq; tandem id facere aliquando voluisset; sed populo ipsi omnem potestatem adimere voluit, eas, quicquid illa parum Deo dignæ viderentur, abrogandi, aut ulla ratione mutandi; eternas eas esse & fore prænuntians, nisi scilicet ipse aliter aliquando decreuisset. Decrevisse autem eum, ut ceremonialia illa abrogentur, quæ Iesu Nazareni Apostoli, potissimum verò Paulus per ipsum Iesum abrogata fuisse contestati sunt, non modo ejusdem Iesu potestas summa, ac imperium, quod illi multis rationibus conspiciendum quodammodo exhibuerunt, prædictæ contestationi junctæ planè ostendit, verum etiam ipsius rei natura id omnino fert. Publicè enim atq; apertè novo federe in veteris locum substituto, quo vita eterna, caelestiq; beatitas omnibus illud servantibus promittitur, nullo pacto consistere potuerunt præcepta illa planè terrena, quæq; suâ naturâ ex sola legislatoris voluntate pendent, & propterea temporaria censerî debent: Sed quemadmodum bona in novo federe promissa, vera ac solida bona fuerunt, sic oportuit præcepta earum rerum esse, quæ veram ac solidam hominis justitiam continerent, iisq; convenirent, qui naturæ divine, si ea conservâssent, participes fieri digni aliquando habendi essent.

MARTINI SEIDELII

Epistola I.

In qua continetur Sententia ejus de Messia, seu rege illo promisso, & de Religione.

EX promissione facta Davidi 2 Sam. 7. ubi dicitur Davidi: *stabilietur domus tua, & regnum tuum usq; in seculum.* Itē ex promissionibus Prophetarum, qui ex ea promissione restitutionem regni seu Regem Iudæis post captivitatem Babylonicam promittunt; ita argumentor. *Quale regnum Davidi usq; in seculum promissum est, tale necesse fuit, ut posteri ejus, in quibus hæc promissio debebat impleri, haberent. Sed regnum mundanum Davidi usq; in seculum promissum est. Dicit enim ei Deus: tuum regnum stabilietur usq; in seculum.* Ergò regnum mundanum posteri Davidis, ut haberent, necesse fuit: & per consequens etiam Rex ille, quē Propheta ex hac promissione post captivitatem Babylonicam, regnaturum promiserunt, perinde ut ceteri posteri Davidis, mundanum regnum debuit habere. Quod quia Iesus ille non habuit, non enim regnavit ut David, & posteri ejus: sed dicitur habere caeleste regnum, quod est diversum a mundano regno, Ergò Iesus non est Rex ille, quem Propheta promiserunt.

Ad hoc argumentum non respondetis; sed meæ conclusioni opposcentes vestram sententiam, dicitis, Deum majora & præstantiora præstitisse, quàm promiserit; promississe quidem mundanum Regem, & cæleste Regnum, quod cæleste Regnum majus & præstantius esset mundano Regno. Ad quod respondeo: Si illa majora & præstantiora, de quibus dicitis, ejusdem generis essent cum iis, quæ promissa sunt, tum consentirent cum promissionibus. ut si Deus regi illi promisso, præter Israeliticum regnum etiam alia mundana dedisset, tum Deus plura præstitisset, quàm promississet.

Vestra autem majora & præstantiora, quæ in Iesu præstita esse dicitis, sunt diversa, & pugnancia cum iis, quæ promissa sunt. nam cæleste Regnum est diversum a mundano. Et, si Rex ille promissus debuit esse Rex mundanus, sequitur, quòd non debuerit esse Rex cælestis. nam ista secum pugnant. atque ita novum Testamentum opponitis Prophetis, ego contra, Prophetas oppono novo Testamento. Prophetæ dicunt quòd Rex ille promissus debuit esse Rex mundanus, novum Testamentum id negat, & dicit, quòd Rex ille promissus nõ debuit esse mundanus, sed cælestis. Cùm itaque Prophetæ & novum Testamentum hac in re sibi contradicant, & contradictoriæ non possint simul esse

esse veræ, sed alterutrum oporteat esse verum; ego hac in re malo credere Prophetis, quorum doctrina est vetustior novo Testamento, & quia novum Testamentum suam doctrinam ex Prophetis ostendere conetur, atq; ideò Prophetas pro fundamento suo agnoscat. Vos autem, novo Testamento magis creditis, idq;, quemadmodum ex vobis intelligo, ob miracula Iesu, & discipulorum ejus; item ob martyria eorum; item quia ista doctrina mirabiliter per totum mundum propagata & recepta fuerit, & multis seculis duravit; item quòd multa sanctissima præcepta præcipiat, quæ in nulla alia religione præcipiantur; deniq; quòd vitam æternam patefaciat & promittat. Quàm firma autem ista vestra argumenta & fundamenta sint, id vobis ostenderem, si vobis gratum fore scirem: sed quia existimo, vos, sicut & reliquos Christianos, non libenter audire, si quis de fundamentis Christianæ religionis disputet, ideò vobis nolo esse molestus. Hoc unicum tantum vobis ob oculos pono, quòd quemadmodum ego adhærens Prophetis, novum Testamentum reiicio, ita vos adhærentes novo Testamento, cogimini reiicere Prophetas: nam quemadmodum novum Testamentum mihi contradicit, ita Prophetæ vobis contradicunt. Neq; est quod obijcias, Prophetæ quidem promiserunt mundanum

danum regnum, sed id intelligendum est de
 cælesti regno. Nam ego non tantum hoc de-
 monstro, quod Prophetæ promiserint Re-
 gem mundanum, sed etiam hoc demonstro,
 quod Rex ille promissus necessariò munda-
 num Regnum habiturus erat, si missus fu-
 isset. nam ista est mea conclusio. Et hæc qui-
 dem est sententia mea in controversia de
 Messia seu rege illo promisso; quam senten-
 tiam scio esse verissimam & certissimam.

Cæterum, ut sciatis, cujus sim Religio-
 nis, quamvis id scripto meo, quod habetis,
 ostenderim, tamen id breviter hic repetam.
 Et primum quidem doctrina de Messia, seu
 Rege illo promisso, ad meam religionem
 nihil pertinet; nam Rex ille tantum Iudæis
 promissus erat, sicut & terra illa Canaan:
 sic etiam circumcisio, sacrificia & reliquæ
 ceremoniæ Mosis ad me non pertinent, nam ista
 non mihi, sed tantum populo Iudaico, pro-
 missa, data & mandata sunt: neque ista fuerunt
 cultus Dei apud Iudæos, sed inserviebant
 cultui Divino, & ad cultum Divinum dedu-
 cebant Iudæos. Verus autem cultus Dei, quem
 meam religionem appello, est Decalogus,
 qui est æterna & immutabilis voluntas Dei:
 qui Decalogus ideo ad me pertinet, quia
 etiam mihi a Deo datus est, non quidem
 per vocem sonantem de celo, sicut populo
 Iudaico, at per creationem in situs est menti
 meæ,

meæ: quia autem insitus Decalogus, per corruptionem naturæ humanæ, & pravis consuetudinibus aliqua ex parte obscuratus est, ideò ad illustrandum eum, adhibeo vocalem decalogum, qui vocalis Decalogus ideò etiam ad me & ad omnes populos pertinet, quia cum insito nobis Decalogo consentit, imò idem ille Decalogus est.

Hæc est mea sententia de Messia, seu Rege illo promisso, & hæc est mea Religio, quam coram vobis ingenuè profiteor.

MARTINUS Seidelius
Olaviensis Silesius.

Responsio Fausti Socini.

ET si nos minimè dubitamus, quin in promissione illa Davidi facta 2 Sam. 7. promissio etiam de Messia, seu Rege illo insigni mysticè contineatur: tamen, quod ad ipsum verborum corticem, quem tu solum attendis, attinet, dicimus ex illa promissione hanc non pendere, sed esse duas diversas promissiones. Promissionis enim illius prioris executio, & sic reverà ipsa promissio duravit usq; ad captivitatem Babylonicam Regni Iudæ, in qua, & postquam per multa secula non fuit Rex ullus populi Dei ex stirpe Davidis, cum tamen ex promissione illa contineretur, fore, ut Da-

vidis

vidis solum in perpetuum firmaretur. Promissionis autem posterioris executio, te ipso teste, post captivitatem Babylonicam expectanda erat. In priore dictum tantummodò fuerat, regnum domus Davidis nunquam cessaturum: In posteriore verò Rex quidam valde conspicuus, & qui restitutus Israël esset regnum, quod jam cessaverat, aut cessaturum erat, promissus fuit. Hæc ideo a nobis dicuntur, non quia in posteriore promissione ejusmodi Regem promissum fuisse negare velimus, qui in solio Davidis sessurus esset, sed ut promissiones distinguantur, quod non minimi momenti in tota hac disputatione esse, jam ipse probè animaduertere potuisti. Iam verò quod ais, si Rex iste futurus Davidis Regnum habiturus erat, Davidis autem regnum mundanum fuit, mundanum quoq; Regis istius Regnum esse debuisse. Respondemus, Davidis Regnum fuisse Regnum super Dei populum peculiarem, atq; hæc præcipua nota regnum istud a cæteris regnis distinctum fuisse. Cùm igitur Iesus, peculiaris populi Dei regnum obtinuerit, merito regnum Davidis habuisse dicendus est, nec necesse est, ut alia præterea in re ejus regnum cum Davidis Regno conveniat; præsertim, cùm propter id, in quo non convenit, multò excellentius hoc, quàm illud, esse constet.

Nam quod dicimus, si Deus mundanum Regem mundanumq; regnum verbis promisit, celestem autem Regem, celesteq; Regnum re ipsa præstitit, plus eum præstitisse, quàm promiserit; rectè omnino dicimus, nec solum sententiam nostram (us

ais) tuæ conſuſioni opponimus, ſed etiam ad argu-
 mentum tuum (quod tu negas) eâdem operâ re-
 ſpondemus. Nam qui plus præſtat, quàm promiſit,
 ſuis promiſſis non modò ſtetiſſe, ſed ea etiam cumu-
 latè præſtituſſe eſt agnoſcendus. Neq; obſtat, quod
 ais, hoc verum eſſe, cum ea, quæ præſtantur, ejuſdem
 generis ſunt, cujus ea, quæ ſunt promiſſa; celeſte au-
 tem regnum, quale Ieſum habere dicimus, penitus
 diverſum eſſe a mundano, quod promiſſum fuit, &
 cum eo pugnare. Primùm enim dicimus, tuam i-
 ſtam regulam minimè admittendam eſſe, ſed ſatis
 omninò exiſtimari debere, ſi id, quod præſtatur,
 quiddam eo quod promiſſum fuerat, majus & illi
 ipſi, cui erat promiſſum, utilius & gratius ſit; præ-
 fertim ſi promiſſum prorsus gratuitum fuit, & pro-
 miſſionis verba ejuſmodi fuerunt, quæ ſaltem per
 allegoriam ad rem præſtitam rectè accommodari
 poſſint. Atqui nemo futurus eſt ita ſtolidus, ut multò
 majus & excellentius celeſte, quàm mundanum
 regnum eſſe, dicturus non ſit, & non multò magis
 velit ejuſmodi regem habere, a quo ex morte libe-
 retur, & ad eternam beatitatem transferatur,
 quàm eum, cujus ope in hac mortali vita ſecurus ac
 felix vivat. Quid enim aliud omnia hujus vite com-
 moda ſunt, quàm inaniffima quedam umbra, ſi cum
 ſempiternis illis bonis conferantur? Iam verba, qui-
 bus illius, poſt captivitatem Babylonicam, futuri Re-
 gis & Regni promiſſio, quam prorsus gratuitam
 fuiſſe conſtat, conſignata fuit, ejuſmodi ſunt, ut, ſi
 non alia ratione, at certè per allegoriam quàm ap-
 poſi-

positissimè ad caeleste regnum, & Regem accommo-
dari queant, & meritissimè Deus suo tempore di-
cere potuerit, se, cum promissum illud fecit, quam-
vis verba aliud præferre viderentur, tamen de
caelesti regno, ac Rege locutum fuisse.

Deinde dicimus, caeleste regnum, quale nos
Iesum habere, & asserimus & gloriamur, sive
ipsius Iesu sive etiam nostrum ratione, non aded
diversum a mundano regno esse, ut tu existimare
videris: immo quidquid veri ac solidi boni in mun-
dano regno esse potuisset, in eo contineri. quando-
quidem non ita regnare Iesum in celis dicimus, ut
interim in terris etiam non regnet. Non solum enim
in celo, sed in terra quoq; omnem potestatem ei da-
tam fuisse affirmamus, ipsumq; principem regum
terre, & Regum regem, dominumq; dominantium
agnoscimus, quatenus & ipse solus plus vis om-
nibus in terris potest, nec illi, ipso invito, quid-
quam facere possunt, & tandem omnes ejus poten-
tiam experiri & confiteri cogentur. Quis unquam
Rex mundanus fuit, cui tot populi Regesq; ser-
vierint, seseq; sua sponte submiserint, quot Regi
nostro Iesu? Cui porro unquam tot tantiq; honores
in universo orbe terrarum exhibiti fuerunt, quot
quæ antique ipsi Iesu? Quod verò ad nos attinet, cum
vera in hac vita hominis felicitas in eo consistat, ut
secundum virtutem agat, & in divinarum rerum
contemplatione versetur, nulli homines unquam
fuerunt, aut futuri sunt, quibus ista duo equè con-
tingant, atq; iis qui Iesum Regem agnoscunt, eiq;

obediunt; nec ulli mortalium magis ſecuri, dum hic vivunt, eſſe poſſunt, quàm ii, qui ſub cura ipſius Ieſu vitam degunt, qui ab omnibus malis longè meliùs quàm ullus mundanus Rex ſubditos ſuos, eos tueri poſteſt. Quòd ſi iſti ad majorem Dei, ipſiusq; Ieſu gloriam ſuo tempore clariùs patefaciendam ſæpè affliguntur, vexantur, interficiuntur, in iſtis omnibus, quæ mala eſſe videntur, cum propter virtutem ac robur ipſis a Ieſu ſubmiſtratum, tum propter ſpem haud dubiam ab ipſo hauſtam beatiffima atq; æterna vite, feliciores multò ſunt iis omnibus, qui in ipſis deliciis vivunt. Non igitur in hoc regiù illius promiſſi negotio Prophetæ & novum Teſtamentum ſibi contradicunt, ut tu arbitraris, ſed per novum Teſtamentum Prophetæ explicantur; nec porro, ut tibi videtur, novum Teſtamentum Prophetas pro fundamento ſuo agnoſcit, quamvis ipſorum teſtimoniis ad majorem rei fidem faciendam utatur. Solidiora hiſ nimirum, multo ſunt novi Teſtamenti & Chriſtiane religionis fundamenta, quæ, quomodo tu convellere tentes, libenter ex te audiremus; non quidem, quòd de Chriſtiana religione rectè explicata, ullo modo dubitemus, ſed potiùs quia nihil prorsus de ea dubitamus, & certò ſcimus fore, ut ſemper, quò magis in dubium revocabitur, eò magis ejus ſanctiſſima veritas eluceat.

Quòd ad religionem tuam attinet, primùm quòd aũ, doctrinã de Meſſia, ſeu rege illo promiſſo, nihil ad tuam religionem pertinere, hoc, ſive verum ſive falſum ſit, nihil ad rem facit. Nam eti-

am si doctrina de promisso illo rege, ad tuam religionem minime pertineret, ea tamen doctrina, quam ille Rex promissus attulit, quem nos Iesum Nazarenum esse dicimus, ad te omnino pertineret: non solum quia ea ad quemcunq; pertinet, cui annuntiata fuerit, & ipse Iesus Deo calitus id comprobante, non Iudeis tantum, sed omnibus hominibus eam annuntiari voluit, verum etiam quia id multo antè per Divinos Prophetas, quibus tu fidem adhibes, non obscure prædictum fuerat.

Quòd deinde ais, te nullum alium Dei cultum habere, nisi solum Decalogum, etsi in eo te laudamus, quòd aliquam religionem habes, & Deum ratione quadam ab ipso non planè improbata colere vis: tamen in eo te culpamus, idq; tui causâ vehementer dolemus, quòd in rudi nescio qua, & imperfecta religione velis acquiescere, quam Deus nulli unquam mortalium, quamvis tu Decalogum tuæ menti per creationem insitum esse tibi persuadeas, nec tacitè, nec apertè tradidit, (de solo enim ipso decalogo loquimur) queque ipsa per se, divinas promissiones nullas nec præsentis nec future vite habet, & eã reiicias, que omnium absolutissima & perfectissima est, queq; a Deo benignissimo, ab ipsis quodammodo incunabulis tibi fuit tradita, atq; etiam nunc multo apertius traditur & inculcatur; ac præterquam quòd hominem manifestissimè ipsa per se satis felicem in hac vita reddere potest, certissimis etiam cum temporalium bonorum, tum verò æternæ vite promissis, ab ipso Deo ornata & constabilita fuit.

FAUSTUS SOCINUS.

II. Epistola Martini Seidelii.

Miror vos negare, promissiones Prophetarum de restitutione regni, ab illa promissione facta Davidi. 2 Sam. 7. dependere, cum tamen id ex Prophetis, & potissimum ex 33. cap. Ieremiæ apertissimum sit: nam cum ibi propheta Regem illum promississet, submittit postea promissionem illam factam Davidi, tanquam causam, seu fontem, inquit: *Quia sic dixit Iehova: non excindetur vir sedens super solium domus Israël.* Quam promissionem, postea magis explicat & incultat, inquit: *si irritum facere poterunt sedus meum cum die & nocte, etiam sedus meum irritum fiet cum Davide, ut non sit ei filius regnans super populum Israëliticum.* Ex quo non tantum hoc manifestum est, Ieremiam, ex illa promissione facta Davidi, promississe illum regē; sed etiam hoc inde apparet, quod illa promissio facta Davidi, etiam tum firma fuerit, cum Iudæi iam amisissent regnū, & essent in captivitate Babylonica: id quod vos etiam negatis, & dicitis promissionem illam factam Davidi, tantummodo usque ad captivitatem Babylonicam durasse, & in captivitate Babylonica finem habuisse. Sed quæro, cur Ieremias promissionem illam factam Davidi adducit, si jam facta erat irri-

ta? imò dicit, illam promissionem per capti-
vitatem Babylonicam, non abolendam ne-
q; aboleri, sed firmam esse, & firmam futu-
ram, quàm firmus esset & futurus esset ordo
ille inter diem & noctem: quasi diceret Pro-
pheta, etiam si vobis Deus regnum vestrum
ob peccata nostra ademturus sit, aut jam a-
demerit, non tamen debetis existimare, De-
um planè promissionem illam factam Da-
vidi, abolevisse aut aboliturum, sed dabit
vobis rursus regem ex posteris Davidis, mo-
dò posteri Davidis & vos etiam, postquam
lueritis pœnam illam exilii, rursus ad Deum
convertamini.

Quòd hic vobis absurdum videtur, Pro-
phetas consolari eos ipsos, quibus ob mali-
tiam eorum minatur exilium, ad hoc re-
spondeo: Ieremiam tum demum addidisse,
suis minis promissiones, cùm jam videret
Iudæos in captivitate, ubi malitia & impro-
bitas eorum coërcebatur; id quod etiam de
Ezechiele statuendum est. Esaias verò & re-
liqui Prophetæ, qui ante captivitatem Ba-
bylonicam vixerunt & prophetarunt, non
tam ob sui temporis Iudæos, qui neq; minis,
neq; promissionibus crediderunt, quàm ob
posteros eorum, promissiones de restitutio-
ne regni addiderunt; ut quemadmodum mi-
nas ipsorum non inanes fuisse experturi es-
sent, ita etiam promissiones non inanes fu-
turas

turas statuerent. Hoc respiciebant Prophetæ, nempe ut ii, qui tempus captivitatis, nempe 70. illos annos supervicturi essent, non desperarent de restitutione regni sui, & fierent Ethnici, sicut plurimi, & præsertim ex decem illis tribubus, non credentes promissionibus Prophetarum, inter Ethnicos manserunt, & Ethnici facti sunt; ne, inquam omnes ita desperarent, promittunt ipsi Prophetæ restitutionem regni, ut ipsis adderent animum ad convertendum se ad Deum. Neq; opus erat tum ipsis addere conditionem, nam tum suo malo experiebantur & sentiebant, & hanc promissionem de perpetuo regno & reliquis, fuisse conditionales. Deinde, si Prophetæ non ex illa promissione Davidi facta Regem illum promiserunt, quam ob causam igitur dicunt eum futurum ex posteritate Davidis, item sessurum super solium David?

Fateor quidem, aliam esse illam promissionem factam Davidi, 2 Sam. 7. & alias Prophetarum promissiones, sed in hoc tantummodo est diversitas, quòd in superiore promissione duratio regni Davidici seu Israëliti promittitur, in posterioribus verò promissionibus ejusdem regni, quia propter peccata populi conciderat, restitutio promittitur: quia vero restitutio illa regni non peryulgar em Regem poterat fieri, idèò

Prophetæ promittunt, regem illum valde futurum sapientem, fortem, robustum, &c.

Cæterùm non intelligo, ad quid afferatis differentias inter Israëliticum regnum, & alia regna mundi, cùm de ea re non sit quaestio: differentia inter mundanum & cæleste regnum nobis hic opus est, cùm Prophetæ mundanum regnum promiserint, Iesus verò dicatur habere cæleste regnum, & cæleste regnum sit diversum a mundano, id quod etiam quodammodo videmini negare, & vultis, Iesum & mundanum & cælestem Regem esse, cùm tamen ipse Iesus hoc negaverit, inquiens: *Regnum meum non est de hoc mundo*: quod igitur Iesus regnum de hoc mundo dixit, id ego mundanum Regnum appello; & quia mundanum aliter accipitis, quàm ego volo, ideò utar vocibus ipsius Iesu, sic inquiens: *Quale regnum Davidi usq; in seculum promissum est, tale necesse fuit, ut posterius eius, in quibus hæc promissio debebat impleri, haberent. Sed regnum de hoc mundo Davidi usq; in seculum promissum est; nam Davidicum seu Israëliticum Regnum fuit de hoc mundo: Ergò regnum de hoc mundo posterius Davidi ut haberent, necesse fuit, & per consequens etiam Rex ille, quem Prophetæ ex hac promissione post captivitatem Babylonicam regnaturum promiserunt, perinde ut ceteri posterius Davidis,*
regnum

regnum de hoc mundo debuit habere: quod quia Ieſus non habuit, nam ipſemet hoc fatetur inquiens: regnum meum non eſt de hoc mundo: Ergò Ieſus non eſt Rex ille, quem Propheta promiſerunt. Reliqua ideò non attingo, quia oportet ut de hoc priùs aliquid firmi ſtatuamus, antequam ad alia perveniamus, ne omnia commiſceamus.

MARTINUS Seidelius.

Reſponſio Fauſti Socini.

S Ipaullò diligentius & verba noſtra, & ſacrarum literarum testimonia perpendiſſes, non mirareris, nos negare, promiſſionem illam Dei de Meſſia ſeu Rege illo inſigni, non pendere ex promiſſione, quam idem Deus Davidi fecit 2 Sam. 7. Rationes enim (ut de verbis noſtris primum agamus) quas attulimus, ejuſmodi profectò ſunt, ut convelli non poſſint, nec tu ad eas revera quidquam reſpondeſ. Nam quomodo (quaſumus te) ante tempus promiſſionis de Meſſia præſtandæ, non ceſſavit effectus promiſſionis illius ipſi Davidi factæ, & ſic ipſa promiſſio, ſi ante tempus illud jam deſierat Davidis poſteritas regnare in ipſius Davidis ſolio? Promiſſio enim illa diſertè continebat, perpetuò futurum aliquem ex poſteritate Davidis, qui in ipſius ſolio ſederet; quod abundè confirmatur ex eo, quod

quod scriptum est 2 Reg. 8. 19. Verùm si cessavit, certissimum esse debet, ab illa alteram istam promissionem pendere non potuisse. Quomodo item non est promissio de Messia admodum diversa a promissione illa Davidi facta, & propterea talis, quæ ab illa pendere nequeat, cum Davidi nihil aliud promittatur, quàm perpetuitas regni in ejus familia? Messias vero promittatur restitutor & amplificator regni Israël, & summe ac perpetue felicitatis populo Dei conciliator? Quamobrem quod ais, idcirco non vulgarem regem fuisse promissum, sed sapientem, fortem, robustum, quia ejusmodi Rege ad restituendum regnum Israël opus erat, hoc prorsus nihil est. Primum quia multò plura de rege illo promissa sunt, quàm opus esset ad regnum Israëliticum per ipsum restituendum. Deinde quia, ut Deus ex promissione illa Davidi facta, regnum in ejus familia iterum stabiliret, nihil necesse erat, ut sapientia ac virtute illius, qui regnaturus fuisset, id fieret: Sed satis erat post captivitatem Babylonicam, ex qua solo Persarum Regis Cyri concessu liberati fuerant, aliquem ex familia Davidis existere, qui Rex populi esset, sive sapiens sive insipiens, sive fortis sive ignavus, cujus posteris Dei benignitate in eodem regno perseverarent. Et hæc quod attinet ad verba nostra.

Quod verò pertinet ad Sacra testimonia, dicimus nihil in eo 33. cap. Hieremiæ scriptum esse, ex quo concludere liceat, Deum ibi ad promissionem illam ipsi Davidi, 2 Sam. 7. factam, respexisse, nedum

Jerem. cap.
23. 14. ad 23.

nedum id, quod ibi promiſit, ex promiſſione illa pendeat. Apparet enim omnino, ea verba, quae tu ex eo loco recitas, in quibus pacti cum Davide ſit mentio, ad ſuperiorem promiſſionem ibidem factam referenda eſſe. Sic enim antea ad verbum legitur. Ecce dies veniunt (dicit Iehova) Et erigam verbum illud bonum, quod locutus ſum ſuper domum Iſraëlis, & ſuper domum Iudæ. In diebus illis, & in tempore illo, germinare faciam Davidi germen juſtum, & faciet iudicium, & juſtitiam in terra. In diebus illis ſervabitur Iuda, & Hieruſalem habitabit confidenter, & hoc [eſt] quod vocabit eum Iehova juſtitia noſtra. Quoniam ſic dicit Iehova, Non excidetur Davidi vir ſedens ſuper ſolium domus Iſraëlis. Et ſacerdotibus Levitis non excidetur vir a conſpectu meo offerens holocauſtum, & adolens oblationem, & faciens ſacrificium omnibus diebus. Et illico adjungitur. Et factum eſt verbum Iehove ad Ieremiam, dicendo, ſic dicit Iehova. Si irritum fietis pactum meum diei & pactum meum noctis, atq; ut non ſit dies & nox in tempore ipſorum, etiam pactum meum irritum fiet cum Davide ſervo meo, ut non ſit ei filius regnans in ſolio ejus, & cum Levitis ſacerdotibus miniſtris meis. In quibus verbis quis non videt, id ipſum confirmari, quod proximè promiſſum fuerat, & pacti nomine proximè antecedentem promiſſionem intelligi? Sed ſtatim additur. Quemadmodum non numerabitur exercitus caelorum, nec metietur quis arenam maris, ſic multiplicabo ſemen Davidis ſervi mei & Levitæ

vitas ministros meos. Certe hoc nihil ferme com-
 mune habet cum antiqua illa promissione. Iam ve-
 rò promissionem, quæ in supra recitatis verbis con-
 tinetur, ut ex particula, Quoniã, perspicuum est,
 ad præcedentia respicere ac referri in dubitatum
 esse debet. Atqui præcedentia ex antiqua illa pro-
 missione nullo modo pendent, sed ad ea omninò re-
 feruntur, quæ per eundem Hieremiam cap. præser-
 tim 23. & 29. jam Deus promiserat. Nec verò te
 moveat, quod in hac promissione dicitur. Non ex-
 cindetur Davidi, &c. quasi istud antiquæ promif-
 sionis continuationem declaret. Est enim modus lo-
 quendi iste apud Hebræos (ut nôsti) per quàm fami-
 liaris, quo non continuatio ejus quod jam sit, aut
 fuerit, sed ejus quod futurum sit, significatur, ut in
 vaticinatione illa Jacobi. Non recedet sceptrum
 de Iuda, &c. Gen. 49. Nec similiter te moveat,
 quod in confirmatione illa nominatur pactum cum
 Davide, qui tot annis ante erat mortuus. Nam vel
 per prophetiam id dicitur (perinde enim erat, ac
 si cum ipso Davide eam pactiõnem Deus fecisset,
 cum ipsius causa sine dubio eam faceret) vel meritò
 id cum Davide fieri dictum est, quod cum ejus po-
 steritate fiebat.

Quid quod ipse fateris, aliam esse promissionem
 factam Davidi. 2 Sam. 7. & alias Prophetarum,
 sed in hoc tantummodò esse diversitatem, quod in
 superiore promissione duratio regni Davidici, seu
 Israëlitiçi promittatur, in posterioribus verò pro-
 missionibus ejusdem regni, quia propter peccata po-

puli conciderat, reſtitutio? Quis enim ex iſtis ver-
 bis tuis non apertè colligat, promiſſiones Prophe-
 tarum, ex promiſſione illa Davidi facta, minimè pen-
 dere, cùm planè aliud ſit durare, aliud reſtitui, im-
 mò reſtitui non poſſit id, quod duravit? Quare, eti-
 amſi id verum eſſet, quod ais, iſtas duas promiſſiones
 in cæteris omnibus eſſe pares: tamen id non ex eo
 proficiſceretur, quod poſterior a priore penderet,
 ſeu aliunde nempe ex eo quòd cæteroquin idem
 prorsus in poſteriore promiſſum fuiſſet, quòd in prio-
 re. Faceſſat igitur iſta tua duarum iſtarum promiſ-
 ſionum connexitas, & alterius ab altera (ut ita di-
 cam) dependentia; & jam (ſi aliqua ratione id ſi-
 ri poteſt) agnoſce errorem tuum, qui in ſuperiore
 ſcripto auſus fueras affirmare, ex promiſſione illa
 Davidi facta, 2 Sam. 7. Prophetas reſtitutionem
 regni ſeu Regem poſt captivitatem Babyloniam
 promittere, cùm ipſe Deus ſit, qui, priore promiſſio-
 ne propter ipſius poſteritatis Davidis peccata, non
 autem ſolius populi, irrità factâ, alteram multò
 ampliorem & auguſtiorẽ eidem Davidis poſteri-
 tati & populo facere pro bonitate ſua dignetur.
 Nam quid illud eſt, quòd interrogas, cur igitur Pro-
 pheta Regem illum, futurum ex poſteritate Davi-
 dis, & ſeſſurum ſuper ſolium Davidis promiſerunt,
 ſi ad antiquius illud promiſſum ipſi Davidi factum
 non reſpexerunt? An non vides te inconſequentis
 fallaciam cum accidentis fallacia mixtam incide-
 re? Quasi verò non potuerit Deus, propterea quia
 David verè ipſius ſervus fuerat (id quòd etiam di-
 fertis

fertis verbis ab ipso ibidem commemoratur) ejus posteritati hoc promittere & præstare, ut denuò Israël regnum obtineret, & in Davidis solio sederet, etiamsi nullà prorsus promissio de regno in illius posteritate perpetuando præcessisset. Quocirca si Messie regnum mundanum esse debuisse, idq; ut te dicentem audivimus, propter populi peccata, a Deo præstitum non fuisse, demonstrare velis, jam ad alia confugias necesse est, quàm ad verba sive ad rationem illius promissi, 2 Sam. 7. Davidi facti. Quo tamen si confugere posses, id, ut ostensum est, nihil te adjuvaret.

Porro quod ais, te non intelligere, ad quid afferamus differentiam inter regnum Israëliticum, & alia regna mundi: nos verò i sumus, qui, cur istud dicas, planè non intelligamus, cum non inter Israëliticum regnum & alia regna mundi, sed inter Davidis regnum & cætera regna, qualiacumq; tandem illa fuerint, aut futura sint, differentiam afferamus; quæ ea est & fuit, ut regnum Davidis, regnum super Dei populum peculiarem sit, cætera verò minimè. Et hanc dicimus esse differentiam specificam (ut vocant) illius regni, ut scilicet intelligas, in quocumq; regno ea differentia fuerit, ibi Davidis regnum esse, etiamsi cætera omnia desint, quæ in ipso regno fuerunt, quod Deus obtinuit. Quæ admodum cum animal, in quo ratio sit, deprehendimus, scimus esse hominem, quidquid illi desit, quod in primo homine, quem Deus condidit, fuisse constet. Fuit enim ratio, forma seu differentia specifi-

34 Responſio

ca primi illius hominis, quatenus animal erat. Itaq̃
 cū tu ex eo concludis, Meſſie regnum mundanum
 eſſe debuiſſe, quia Davidis regnum ei promiſſum
 fuerat, rectè & ad rem ipſam accommodatiſſimè
 ejus differentia a nobis facta eſt mentio, ut hac ra-
 tione perſpicias, aliquod regnum, Davidis regnum
 eſſe poſſe, quamvis mundanum non ſit; & Ieſu Na-
 zarenī regnum, licet non mundanum, Davidis ta-
 men regnum meritò appellari, cū in Davidis re-
 gni forma, ſpecifica differentia inſit, nempe quòd
 regnum ſit ſuper Dei populum peculiarem. Quam-
 obrem quod dicis, differentià hīc opus eſſe inter
 mundanum & cæleſte regnum, in eo biſariam (ut
 quidem credimus) idq̃ graviter erras. Primum
 quia principium petis, cū non modò non probave-
 ris, regnum Meſſie mundanum eſſe debuiſſe, ſed
 hoc illud ſit, de quo in præſentia inter nos contro-
 verſia eſt. Deinde, quia ſi id probaſſes, nobis neuti-
 quam differentia, ſed ſimilitudine inter munda-
 num & cæleſte regnum opus eſſet, ut videlicet inde
 concluderemus, potuiſſe Meſſiam cæleſte regnum
 habere, etiamſi mundanum ei promiſſum fuiſſet, ut
 tua ipſius verba conſitentur, dum ais, nos negare cæ-
 leſte regnum diverſum eſſe à mundano, atq; Ieſum
 & mundanum & cæleſtem Regem eſſe velle. Quod
 tamen multò aliter ſe habet, cū nihil aliud dica-
 mus, niſi cæleſte regnum Ieſu Nazarenī, quem nos
 Meſſiam eſſe contendimus, non ad eò à mundano re-
 gno differre, ut tu exiſtimas, & quidquid veri boni
 in mundano regno continetur, in Ieſu cæleſti regno

contineri

contineri; ut vel hinc appareat Deum, cum caeleste istud regnum Iesu dedit, promissa sua de Messia in ipso Iesu implese, etiamsi mundanum regnum se ei daturum aperte promississet. Hæc satis dilucide à nobis scripta sunt, & tamen tu (nescimus quam ob causam) quamvis benè doctus, & non mediocri ingenio præditus, ea non percipis. Etsi enim affirmamus, Christum in terris regnare, tamen hoc aliud est, quàm mundanum Regem esse, vel mundanum Regnum habere. Nam Deus ipse sine dubio in terris regnat, nec tamen mundanus rex est, aut mundanum regnum habet. Non erat igitur, quod ipsius Iesu verba, qui dixit, regnum suum non esse de hoc mundo, nolis objiceres, vel in argumento tuo Mundani appellationem, in de hoc mundo mutares, quasi nos Iesu Regnum mundanum esse velimus.

Ceterum, ut tibi plenius satisficiamus, argumento isti tuo alia adhuc ratione, quæ magis propria, magisq; Dialectica videri poterit, respondendum censuimus, & quàm fallax & captiosum sit, tibi demonstrandum. Etenim argumentum tuum, quod est: Quale regnum Davidi usq; in seculum promissum est, tale necesse fuit, ut posterius ejus, in quibus impleri debebat ista promissio, haberent, Sed Davidi mundanum regnum usq; in seculum promissum est, Ergo, &c. istud, inquam, argumentum, vel ex quatuor terminis constat, vel ejus major propositio falsa est. Nam si in ea propositio vox Quale non omnem qualitatem comprehendit, sed eas quæ rem

ipſam conſtituunt, ex quatuor terminis conſtabit
 ſyllogiſmus; cùm ea qualitas, quòd regnum Davidi
 promiſſum, eſſet mundanum, rem ipſam non conſti-
 tuat, id eſt, ut ſuprà diſputavimus, non pertineat
 ad ejus regni formam & differentiam ſpecificam.
 Sin autem in ea propoſitione verbum *Quale* omnes
 qualitates complectitur, falſa eſt propoſitio; ut ex
 eo apparet, quòd Deus in poſteris Davidis, quibus
 decem tribus ademptæ fuerant, promiſſum ſuum
 a Reg. 8. 19. Davidi factum præſtitum eſſe dicit. Hinc enim per-
 ſpicuum eſt, non omninò, quale erat regnum, quod
 Davidi uſq; in ſæculum promiſſum fuit, tale poſte-
 ros ipſius, in quibus ea promiſſio impleri debebat,
 habere debuiſſe. Quodſi dicas, majorem tui argu-
 menti propoſitionem non accipiendam eſſe, ac ſi hiſ
 verbis concepta fuiſſet. Quale erat regnum,
 quod Davidi uſq; in ſæculum promiſſum
 fuit, tale, &c. ut nos modò illam accepimus: ſed
 omninò ita intelligendam eſſe, ut ipſa verba ſonare
 videntur, ut ſit ſenſus: Cujus qualitatis promiſ-
 ſum eſt Davidi regnum uſq; in ſæculum, e-
 jus qualitatis necelle fuit, ut poſteri &c. tum
 dicimus, aut minorem propoſitionem falſam eſſe,
 aut ſyllogiſmum quatuor terminos habere. Nam
 dum ais, Davidi regnum mundanum uſq; in ſecu-
 lum fuiſſe promiſſum, aut intelligiſ fuiſſe illi promiſ-
 ſum uſq; in ſæculum regnum ejus qualitatis, ut eſ-
 ſet mundanum, & hoc eſt falſum; nuſquam enim
 ea qualitas in promiſſione apponitur: Aut intelligiſ
 ſimpliciter, regnum quod Davidi uſq; in ſæculum
 promiſſum

promissum fuit, fuisse mundanum, & syllogismus quatuor terminos habet; cum in majore propositione non de qualitate simpliciter regni usq; in seculum promissi, sed de ipsa regni qualitate promissa agatur.

Quæ de promissionis illius, de qua querimus, tacita conditione scribis, cum ea ad exceptionem ejus, quod adversus te afferi posset, pertineant, nos verò in superiore scripto nostro tantummodò ad tuum argumentum respondere conati simus, non est, cur hoc loco a nobis refelli debeant; nec tu in scriptis tuis aliquid (judicio nostro) afferre deberes, nisi id vel ad ea, quæ nos scribimus, responderet, vel tuam sententiam confirmaret, præsertim cum nos nondum actoris partes sumpserimus, & tu (quod nos quoq; vehementer probamus) pedetentim in hac disputatione nostra progrediendum censeas. In qua tam diu æquo animo perseverabimus, donec te pertinacem esse non appareat. Sed vide, ne aliter, quàm deceat, nostra verba interpretando, & ad responsiones nostras quodammodo connivendo, ejus rei nomine nobis meritò suspectus esse incipias.

FAUSTUS Socinus.

III. Epistola Martini Seidelii.

Quòd Prophetæ restitutionem Regni seu Regem Iudæis promittentes, ad promissionem illam factam Davidi 2 Sam. 7. respiciant,

ciant, atq; ex ea promissione restitutionem
 regni seu Regem Iudæis promittant, id tam
 firmum est, ut nullo modo everti possit.
 quod ex omnibus locis, ubi Rex ille pro-
 mittitur, apparet, maximè verò ex 33. cap.
 Ierem, ubi Propheta sic inquit: *Ecce diebus*
venturis, dicit Iehova, suscitabo verbum illud bo-
num, quod locutus sum domui Israël, & super do-
mium Iuda suscitabo, id est, rursus in actum pro-
 ducam, *verbum bonum*, id est, bonam illam
 promissionem, quam locutus sum domui I-
 sraël, & domui Iuda. Quæritur, de qua pro-
 missione Ieremias loquatur. Respondeo,
 quamvis etiam de illa promissione possit
 intelligi, quâ Israëlitico populo terra illa
 usq; in sæculum promissa fuit, ita ut ex ea
 promissione Ieremias restitutionē illius ter-
 ræ Iudæis promittat, quam restitutionem
 terræ, etiam aliis in locis Prophetæ cum re-
 stitutione Regni conjungunt: tamen ego
 magis de illa promissione intelligendum
 puto, quæ facta est Davidi 2 Sam. 7. ubi re-
 gnum Israëliticum posteris Davidis usq; in
 sæculum promittitur. At, inquires, verbum
 illud bonum, non Davidi, sed domui Israël,
 & domui Iudæ factum esse Ieremias testa-
 tur. Respondeo; promissionē illam factam
 Davidi, non tantum ad posteros Davidis seu
 reges, sed etiam ad Israëlitas seu subditos
 pertinuisse. Cum enim posteris Davidis, I-
 sraëli-

fraëlitarum regnum usq; in sæculum pro-
 mittitur, Israëlitis simul promittitur, eos
 usq; in seculum habituros reges, & percon-
 sequens regnum & terram suam. Quia verò
 Israëlita post Salomonem in duo regna di-
 visi fuerunt, nempe in regnum Iudæ, & re-
 gnum Israël, ne aliqua pars putaret, se exclu-
 sam ab illa promissione, ideò singulatim eas
 nominat, inquit, & regno Iudæ, & regno
 Israël promissionem illam factam esse; quia
 nimirum tunc nondum divisi fuerant, cum
 illa promissio Davidi fieret, & Davidi &
 posteris ejus regnum super totum populum
 Israëliticum promissum sit, non super unam
 partem populi. Deniq; propheta dicit: *su-
 scitabo illud, verbum bonum*, ex quo verbo ap-
 paret, quòd de promissione tali loquatur,
 quæ tunc temporis desierat, & quodammo-
 do conciderat & evanuerat; ideò dicit, *su-
 scitabo illud*, id est, producam eam rursus in
 effectum, hoc est, rursus vobis dabo Reges
 ex posteris Davidis, sicut antè dare solitus
 eram. Quòd autem de promissione illa fa-
 cta Davidi loquatur, id in sequentibus a-
 pertius dicit, inquit: *In diebus illis, & in tem-
 pore illo, germinare faciam Davidi germen justum,
 & faciet iudicium & justitiam in terra, &c.* De-
 inde promissionem illam factam Davidi
 expressè tanquam causam suæ promissionis
 adducit, inquit: *Quia sic dixit Iehoyas: non ex-*

excindetur Davidi vir, sedens super solium Israëliti-
cum. Quòd autem ista promissa verba, nem-
pè, non excindetur Davidi vir sedens super solium I-
sraël, nō sit nova promissio, per Ieremiā pri-
mūm prolata, ut vos vultis, sed quòd sit vet-
illa promissio facta Davidi, 2 Sam. 7, inde o-
stendo, quia promissio illa facta Davidi, om-
nibus in locis, ubi repetitur, his verbis re-
petitur, atq; ideò hæc verba idem denotant,
quod verba illa 2 Sam. 7. denotarunt. Ut
1 Reg. 2. cap. David promissionem illam si-
bi factam repetens, sic inquit ad Salomō-
nem: Custodi statuta Iehovæ Dei tui, ut suscitet Ie-
hova verbum suum, quod loquutus est super me, di-
cendo: si custodirent filii tui viam suam? Non excin-
detur tibi vir de solio Israël. Sic 1 Reg. 9. capite
Deus repetens illam promissionem factam
Davidi, sic inquit ad Salomonem. Et tu si am-
bulaveris coram facie mea, confirmabo solium Re-
gni tui super Israël usq; in seculum, sicut dixi Da-
vidi patri tuo, dicendo: Non excindetur tibi vir de
solio Israël. Sic 1. Paralip. 7. cap. dicit Deus
Salomoni. Et nunc elegi & sanctificavi domum
hanc, ut sit tibi nomen meum usq; in seculum, & si
tu ambulaveris coram facie mea, firmabo solium
Regni tui, quemadmodum fædus feci cum Davide
patre tuo, dicendo: Non excindetur tibi vir, qui do-
minetur in Israël. Item. 1 Reg. 18. inquit Salo-
mo. Et nunc Iehova Deus Israelis, custodi servo tuo
Davidi patri meo, quod locutus es ei dicendo: Non
excin-

*excindetur tibi vir a facie mea, sedens super folium
 Israel.* Cùm itaq; in omnibus aliis locis, per
 hæc verba denotetur promissio illa Davidi
 facta I Sam. 7. sequitur, quòd etiam apud
 Ieremiam promissionem illam factam Da-
 vidi denotent, atq; ideò falsum esse, quod
 dicitis, Ieremiam per illa verba non vete-
 rem illam promissionem, sed novam, & quæ
 sit ab illa veteri diversa, denotare. Quid i-
 gitur novi ista verba apud Ieremiam deno-
 tant, quod aliis in locis eadem verba non
 denotârunt? Sed tædet me probare ea quæ
 sunt manifestissima. Vnum tantum modò
 addo, non solùm Prophetæ restitutionem
 regni seu Regem, ex promissione illa facta
 Davidi, promiserunt & populo promissio-
 ne illam quasi digito monstrârunt; sed po-
 pulus quoq; Iudaicus destitutus rege & Re-
 gno suo, ad illam promissionem antiquam
 factam Davidi respexerunt, atq; ex illa pro-
 missione potissimùm consolationem &
 spem restitutionis regni concipiebant. Nam
 ita precatur populus Dei 89. Psal. *Tu Iehova
 scutum nostrum es, tu loquutus es olim sanctis tuis,
 atq; dixisti: dabo Heroi (id est Davidi) robur, e-
 veham electum super populum, &c. omninò juravi
 per sanctitatem meam, si Davidem fallam, semen
 ejus in perpetuum durabit, & folium ejus coram
 me tanquam Sol. Nunc autem despicias & abjicis,
 similitatem exerces cum Messia (id est, cum Da-*

vide) rescindis fœdus servi tui, humi contaminas coronam ejus, &c. ubi est prisca bonitas tua, quam jure jurando promisisti Davidi? Hic populus Judaicus quodammodo exoptulat cum Deo, quòd ipsis non daret regem ex posteris Davidis, cum tamen Davidi promisisset posteros ejus usq; in seculum super Israëlitas regnatos, & antiquam illam promissionem factam Davidi, opponunt Deo. Vnde hoc didicerant, quòd ad illam promissionem potissimum respicere deberent? a prophetis non itaq; crediderunt, promissionem illam antiquam per captivitatem Babylo- nicam irritam factam, ut vos dicitis, sed crediderunt, posteris Davidis semper paruisse aditum ad impletionem illius promissionis, id quod ipsos Prophetæ docuerunt.

Aliter etiam respondetis ad meum argumentum, quod ita conclusi. *Quale regnum Davidi usq; in seculum promissum est, tale necesse fuit, ut posteris ejus, in quibus hæc promissio debebat impleri, haberent. Sed regnum mundanum Davidi usq; in seculum promissum est, quia Israëliticum. Ergo regnum mundanum posteris Davidis ut haberent, necesse fuit, & per consequens, etiam Rex ille, quem Prophetæ ex hac promissione post captivitatem Babylo- nicam regnaturum promiserunt, perinde ut reliqui posteris Davidis, mundanum regnum debuit habere. Quamvis consequentia hujus argumenti manifesta sit, tamen quia hic fa-*

citis ambiguitatem in *Quale*, & *Tale*, cū tamen nulla sit, & satis apertum fit, me illis verbis ad mundanum & cæleste respicere, igitur syllogismum aliter formabo, & quidem in tertia figura in modo *Disamis*: quæ licet quodammodo puerilia sunt, tamen quia etiam in his aliquid desideratis, ideo vobis etiam in hac re morem gero. sic igitur argumentor.

Regnum Israëliticum Davidi & posteris ejus usq; in seculum promissum est.

Regnum mundanum Davidi & posteris ejus usq; in seculum promissum est: & per consequens, etiam Rex ille, qui ex hac promissione post captivitatem Babyloniam, secundum promissiones Prophetarum regnaturus erat, perinde ut ceteri posterii Davidis mundanum seu terrestre regnū debuit habere.

Reliqua quæ assertis sunt ejusmodi, ut mihi non videantur egere responsione, & quæ à vobis ipsis possetis videre, quòd sint infirma, ne quid contemptiùs dicam: ipsimet, inquam, possetis videre, si seposito affectu paulò diligentius ea consideraretis.

MARTINUS Seidelius.

Responſio Fauſti Socini.

ITerum aſſeueras, ex cap. 33. Ieremie apertiffimè conſtare, Prophetas promittere Iudeis reſtitutionem regni ſeu Regem, expromiſſione Davidi facta. 2 Sam. 7. idq̄, tam firmum eſſe, ut nullo modo everti poſſit. Et tamen tu ipſe paullo poſt concedis, Hieremiam eo in loco potuiſſe Iudeis terre illius reſtitutionem promittere expromiſſione illa, quâ populo Iſraëlitico terra illa uſq; in ſeculum promiſſa fuit, cum eam terra reſtitutionem etiam aliis in locis Prophete cum regni reſtitutione conjungant. Verùm ais te putare, magis Hieremie verba ad promiſſionem illam. 2 Sam. 7. Davidi factam referenda eſſe. Igitur, te ipſo teſte, nec firmum eſt, nec aperte conſtat, ex promiſſione iſta Davidi facta, Hieremiam eo loco Iudeis regni reſtitutionem, ſeu regem promiſiſſe, ſed tu ita putas. Nihil autem dicimus, quòd adhuc retines tuum illum modum loquendi, Prophete promittunt ex promiſſione &c. quaſi verò in locis, de quibus queritur aut queri poteſt, Prophete interpretentur aliquam anteceden-tem Dei promiſſionem, & non manifeſtè ipſe Deus per Prophetas aliquid promittat. Qui Deus præterea, cum apud Hieremiam loco predicto promittit, ſe ſuſcitaturum ſive erecturum verbum illud bonum, quod locutus erat ſuper domum Iſraëlis (ſive ut tibi placet, tibiq; magis aduerſatur, domui Iſraë-
lis) & ſuper domum Iudæ; Suſcitandi ſive Erigen-
di verbo

di verbo non significat, verbum illud tunc temporis
 desisse, ut tu opinaris: quod vel ex eo loco patet,
 quem tu ex 1 Reg. 2. infra recitas, ubi David ad
 hunc modum Salomonem alloquitur. Custodi
 statuta Iehovæ, Dei tui &c. ut suscitet Ieho-
 va verbum suum, quòd locutus est super
 me. Nam certè verbum illud, quod locutus erat De-
 us Davidi, nondum desierat. Quodnam verò esset
 verbum illud bonum, quod Deus locutus esset super
 domum, sive domui Israël, & super domum Iudæ,
 apparet ex ipsius verbis apud eundem Hieremiam
 cap. 23. ubi eadem ferè verba leguntur, quæ scripta
 sunt cap. 33. Neq; ibi ulla sit alicujus præcedentis
 promissionis, ad quam illa, quæ inibi sit, referatur,
 ut intelligere possis principium atq; originem ejus
 quod cap. 33. promittitur, inde omninò petendam
 esse, non autem ex promissione illa Davidi facta.
 2 Sam. 7. Nam, quidquid illa promissio revera ad
 domum Israël, & domum Iudæ postea pertineret,
 ex usu tamen loquendi apud Prophetas & alios
 Sacros scriptores veteris Testamenti, nulla ratione
 admitti potest, illud bonum verbum super domum,
 & multò minùs domui Israël, & super domum
 Iudæ fuisse factum, ubi nec Israël nec Iudæ domus
 nominatur; nec ad ipsas sermo dirigitur, nec deniq;
 ipsarum sed Davidis tantùm causâ, verbum illud
 bonum locutus est Deus, idq; super Davidem, & su-
 per posteros ejus factum esse dicitur. Ut nihil dicam,
 quòd tunc temporis non distinguebatur Iudæ ab I-
 sraële, nec fortasse exemplum ullum invenietur, ubi
 id quod

id quod ante illam diſiſionem de Iſraële dictum aut promiſſum fuerit, de Iſraële & Iuda dictum fuiſſe, diſerte ſcriptum extet, etiamſi effectus dicti aut promiſſionis poſt diſiſionem illam, ex parte vel etiam ex toto dilatus fuiſſet. Nam quod addis cap. 33. deinde promiſſionem illam factam Davidi, expreſſè tanquam cauſam ſue promiſſionis a Deo afferri, dum (ais) inquit. Quia ſic dixit Iehova, Non excindetur Davidi vir, &c. animadvertendum eſt in codice Hebraeo legi ki cho amar. Quæ verba ex proprietate Hebræi ſermonis, nō cauſam antecedentem ejus, quod priùs dictum à Propheta fuerit, ibi exponi declarant, ſed explicationem ſeu confirmationem antecedentium oſtendunt: nec verbum amar, præteritum aut certè non pridem tranſactum, ſed vel præſens, vel vix præteritum tempus ſignificat. Quocirca multò commodiùs, dicit, quàm dixit, redditur. Et ſanè indignum eſt vel eruditione, vel diligentia tua, hæc te ipſum non animadvertiſſe, cum verba illa frequentiſſimè apud Prophetas, præſertim verò apud ipſum Hieremiam legantur, nec tamen ferè unquam aliter, quàm nos dicimus, accipi poſſint, ut, præterquam tibi, omnibus certiffimum eſſe non dubitamus. Nec verò, ſi iſdem verbis Non excindetur &c. commemoratur alibi antiqua illa promiſſio Davidi facta, idcirco ſequitur, non eſſe apud Hieremiam novam promiſſionem, ſed veterem illam; quaſi Deus iſdem verbis, quibus veterem fecerat, novam promiſſionem faciendo, uti non potuerit, immò uſum fuiſſe admodum veriſi-

verisimile non sit, cum nova promissio, non minus
 quam vetus illa, perpetuitatem regni in posteritate
 Davidis complexa fuerit, quæ verbis istis Non ex-
 cindetur &c. omnino exprimitur. Postremò quæ ex
 Psal. 89. affers, non modò tuam sententiam non
 confirmant, sed eam non mediocriter labefactant.
 Ut enim ipse ais, exoptulat quodammodo ibi popu-
 lus cum Deo, quòd fædus suum, quod cum Davide
 & ejus posteritate pepigerat, non servasset, immò il-
 lud rescidisset. quod etsi falsum erat (nam sub con-
 ditione, quam Davidis posteritas non servaverat,
 fædus illud a Deo promissum fuerat) tamen inde
 manifestum est, populum sensisse, fædus illud irri-
 rum fuisse factum, ut verè (quod ad litteralem sen-
 sum attinet) propter posterorum Davidis & ipsius
 populi peccata, suerat. Quare, si propter illud fædus
 adhuc populus sperabat, futurum, ut è malis eripe-
 retur, quibus undiq. premebatur, (quæ de re tamen
 nihil apertè constat) illud non ideò sperabat, quòd
 vel ipse per se, efficaciam promissionis illius adhuc
 durare, sibi persuasisset, vel Prophete, posteris Da-
 vidis semper patuisse aditum ad impletionem illius
 promissionis, eum docuissent: sed quia ex fædere il-
 lo, quantus fuisset Dei erga Davidem & ejus po-
 steros amor & caritas, per se ipse intelligebat, ex
 quo in eam spem adducebatur, ut non in perpetuum
 eos Deus abjecturus esset. Et profectò mirum est te,
 qui promissionem de Messia ex posteritate Davidis,
 propter consueta & iam tum existentia peccata
 populi, prorsus irritam factã esse velis, velle ad pro-
 missionem

miſſionem illam Davidi factam, quamvis & populus & poſteri ipſi Davidis degenerantes ſæpè ac diu graviſſimè peccàſſent, ſemper poſteritati aditum patuiſſe; præſertim cum illam promiſſionem ab hac pendere prorsus contendas. Nam (queſumus te) cur, ſi aditus iſte ſemper patuit, poſt captivitatem Babyloniam, in qua & populus & Davidis poſteritas ex Dei bonitate atq; decreto ſatis pœnarum ſuorum peccatorum dederat, non ſtatim creatus eſt Rex aliquis in populo ex poſteritate Davidis, ſed dux tantùm populi, unà cum Iehosua ſacerdote Zorobabel factus eſt? qui quantumvis probus & Deo carus, nec pro ſe, nec pro filiis ad regalem aut dignitatem aut poteſtatem aditum habuit? Argumentum tuum, quod nos, non ut nobis, ſed ut tibi pleniùs ſatisfaceremus, dialectica ratione ideò diſſolveramus, quòd Rhetoricam quandam rationem, quã a nobis antea diſſolutum fuerat, percepiffe non videreris, cur mutares nulla fuit cauſa; namque in pejus ſemper ruis. Verum tamen, quale nunc ſit, videamus. Sic igitur argumentum tuum reſingis:

Regnum Iſraëliticum Davidi & poſteris eius uſq; in ſæculum promiſſum eſt.

Regnum Iſraëliticũ fuit mundanum. Ergò.

Regnum mundanum Davidi & poſteris eius uſq; in ſæculum promiſſum eſt.

Vide queſo, an non poſſit quis te imitatus ita argumentari:

Deus populum Iſraëliticum in terram Chanaan introducere promiſit. Populus Iſraë-

Israëliticus fuit sine lege scripta. Ergò.
Deus populum sine lege scripta in terram
Chanaan introducere promisit.

Numquid non vides, te hîc omnino ex qua-
tuor terminis syllogismum constituere, cum in ma-
jore propositione Regnum Israëliticum simpliciter
ponatur, in minore verò quale tunc fuit, cum pro-
missum est, consideretur. Oportuisset te non per ver-
bum fuit, sed per verbum est minorem proportio-
nem efferre, & cum in modo Disamis te syllogismū
formasse profitearis, universalibus verbis eam pro-
positionem concipere, hoc pacto: Omne Regnū I-
sraëliticum est mundanum. Quod si fecisses, jam
falsa ea propositio apparuisset, aut certè a nobis me-
rito negari potuisset, qui regnum Davidicum (quod
idem hîc est, atq; Israëliticum) non mundanum da-
ri & contendimus & demonstrare conati sumus.
Itaq; quocunq; te vertas, nunquam in forma (ut lo-
quuntur) es argumentaturus, quin alterutrius pro-
positionis aut falsitas manifesta, aut maximè dubia
veritas appareat. De reliquis, que attuleramus, tu-
um non erat ita confidenter sententiam ferre,
quòd infirma sint, nequid contemptius dicas, sed ea,
ut nos tua semper fecimus, refellere, aut saltem si-
lento præterire. Nos quidem, teste Deo & consci-
entia nostra, ea firmissima esse putamus, & in hac
disputatione, quam tecum habuimus, nimium no-
stri ipsorum amorem planè deposuimus, & quàm
diligentissimè fieri potuit, in ipsa versati sumus; nec
tu ullos alios invenies unquam, qui veritatis sint a-

maniores & studiosiores, quàm nos sumus. Utinam de re hac eadem verè dicere & nos & alii possint. Certè ex ipsa hac disputatione nostra, periculum est, ne quis, te tuis potiùs opinionibus, quàm veritati addiçtum esse, meritò suspicetur.

Contra Chiliaftas, de regno Christi terreno per annos mille.

Etsi sæpiùs dicere consuevi, in questione, De regno Christi in terris futuro, ratione corporeis oculis conspicuà & hisce sensibus perceptibili, unà cum ejusdem Christi in terris corporali præsentia, idq; per complura sæcula; me multo libentiùs audire, quàm loqui, & doceri, quàm docere velle: tamen sciunt pleriq; me ex altera parte semper professum fuisse, nullo pacto mihi probari sententiam de ejusmodi futuro Christi regno. Et revera ego semper eam sacris literis analogicq; fidei nostræ repugnantem, & perniciosam simul esse sum arbitratus, præter id, quod absurdissima multa, & sibi invicem adversantia, ex ea necessariò oriri mihi planè est visum. quod satis per se superq; est ad ejus falsitatem indicandam & coarguendam. Iam verò, postquam haud levi cum animi mei dolore rescivi, multos, eosq; alioqui pietatis studiosos, sententiam istam seridè sequi & defendere, majore studio animum advertitatem hujus questionis investigandam applicui: & quò diligentius totam rem, sacraq;

testimonia, & rationes inde ductas perſpexi ac conſideravi, eò firmiùs credidi, ſententiam iſtam & falſam & abſurdam, & quod caput eſt, pernicioſam eſſe.

Primùm enim mihi videtur, ſententiam iſtam de tali, quale antè expoſuimus Chriſti regno in terris futuro, viam ſternere ad regnum, quod nunc Chriſtus in celo manens re ipſa habet, conuellendum atq; evertendum. Ex quo totius fidei noſtræ & Chriſtianæ religionis ruina, neceſſariò ſequitur, ut jam, ni fallor, pleriq; omnes animadverterunt, quicquid contrà diſputent ii, qui Chriſto in celo manenti, adorationem & invocationem adimunt. Quicquidem ad ſententiam ſuam confirmandam hoc argumento potiſſimùm utuntur, quòd Chriſti regnum, ut Sacræ literæ præferre videntur, ſit futurum in terra, idq; in ipſa Iudæa, ſuper Iudaicum populum Hieroſolymis, poſtquam Dei nutu ac providentiâ, urbs illa in ea provincia, eodem loco ubi antea erat, inſtaurata fuerit. Nam ſi ita res ſe haberet, tunc ad hunc modum argumentari liceret: Regnum Chriſti unum tantùm & ſimplex eſt non duplex, prout diuine literæ ſatis apertè teſtantur, quæ unius tantùm Chriſti regni mentionem faciunt, idq; nunquam de ſituro ajunt, id eſt, nullum aliud, præter Dei ipſius regnũ, ejus loco ſucceſſurum. Igitur ſi Chriſti regnum in terris ſuper populum Iudaicũ, in urbe Hieroſolima futurum eſt, regnum Chriſti nullum eſſe poteſt, niſi Chriſtus ipſe in terris adſit, & ſuper populum Iudaicum ſceptrum teneat, &

confequenter, cùm hæc nondum fuerint nec fint, nondum etiam fuit neq; eſt Chriſti regnum, ſicq; Chriſtus ad hunc diem in cælo manens, nondum regnavit nec regnat. Hujus argumenti vim nullo pacto effugere poſſunt ii, qui prophetica veteris teſtamenti teſtimonia, de Chriſti regno ſuper domum Iacob, & Hieroſolymis in perpetuum futuro, & ſi qua ſunt ſimilia, quæ corporis ſenſibus comprehenſibile in terris Chriſti regnum, idq; perpetuò duraturum promittere videntur, nullo pacto myſticè ſeu allegoricè, ſed, ut verba ipſa ſonant, accipi volunt. Quibus conſultius, meo quidem iudicio, foret, ipſis prophetiſis teſtimoniis relictiſ, ad ea tantùm teſtimonia conſugere, quæ in ipſius novi Teſtamenti ſacri literis (ubi aliqua de Chriſto nunc, dum in cælo manet, re ipſa regnante, apertiffima ſunt teſtimonia) omninò docere videntur, Chriſtum, ratione ſupra dicta, in terra per multa ſæcula unà cum ſuis regnaturum. Nam niſi prophetica illa teſtimonia, vel omnia vel aliqua ſaltem ex ipſis myſticè ſeu allegoricè interpretemur, ubi (quæſo) apud Prophetas mentio facta deprehendetur, Chriſtum in cælo manentem, in Iudaico populo nondum illi ſubjecto, tamen re ipſa ac pleno jure regnaturum? Vbi nam, inquam, a Prophetis mentio facta deprehendetur, præſentis nunc pleno jure Chriſti regni, quod illi Evangelica & Apoſtolica ſcripta tribuunt, quodq; agnoſcere neceſſe eſt, ſi Chriſtus nunc meritò ac propriè eſt appellandus, eiq; adoratio & invocatio tribuenda? Nunquid veriſimile eſt, prophetas ex
profefſo

profeffo de Chrifti regno loquentes, regni ipfius po-
torem & diviniorem hanc faltem (ut fic dixerim)
partem, vel potiùs regnandi rationem fententio præ-
teriffie? Quod fi pars aliqua propheticarum vaticini-
ationum de Chrifti regno, neceffariò myfticè feu
allegoricè eft interpretanda, eadem ratione omnes,
cùm eadem aut fimiles ubiq; fint loquutiones, in-
terpretari debemus, aut certè poterimus. Ex quo
fit, ut ex prophetis de Chrifti regno predictio-
nibus, nihil prorsus folidi afferi poffit ad regnum
iftud Chrifti in terris, de quo agimus, confirman-
dum. nifi quis ante illud, ullum Chrifti regnum, nec
fuiſſe unquam nec futurum, contendat.

Sed five quis ex prophetarum, five ex Apoſto-
lorum Evangeliftarumq; ſcriptis regnū iſtud Chri-
ſti in terris probare velit, nullo modo argumentum
negantium Chriſtum nunc re ipſa regnare, ſupe-
riùs allatum, diſſolvere poterit. Non poterit, inquã,
effugere, quin vel præter & contra divina testi-
monia duplex Chriſti regnum faciat, vel Chriſtum in
cælo manentem, nunc re ipſa regnare neget. Nam Objeçtio.
ſi dixerit, immo ſe aſſerere, & quòd Chri-
ſtus in cælo manens nunc re ipſa regnet, & quòd
poſtmodum in terra corpore præſens regnaturus fit,
hoc totum, inquã, ſe aſſerere unum idemq; ac ſim-
plex Chriſti regnum eſſe, & regnum illius aſpecta-
bile in terra, nihil aliud revera futurum, quam pa-
tefactionem regni quod re ipſa jam inde Chriſtus
habet, ex quo redivivus aſcendit in cælum.
Reſpondebitur tantam eſſe diverſitatem inter Reſponſio.
D 3 utramq;

utramq; regnandi rationem, ut omnino duo diversa regna censenda sint. Primum enim præfens, id est, hoc tempore regni Christi ratio ejusmodi est, ut ipsum regnum planè subsistat, & pleno jure a Christo administraretur, etiamsi totus terrarum orbis illi adversaretur; satis enim est ad plenum jus hujus regni obtinendum, quòd Christus suprema divinaq; potestate sit præditus, quatum in celo, tum in terra, quidquid velit, efficere queat. At futura illa, quam isti sibi fingunt, regni Christi ratio omnino requirit, ut multi ex hominibus sint, qui eum pro Christo agnoscant & venerentur, id est, ut regem suum colant. Deinde hæc Christi regni ratio præfens, nullum discrimen personarum aut locorum habet. Ista verò futura postulat, ut peculiari quadam ratione Christus super Iudaicum populum regnet, idq; in ipsa urbe Hierusalem. Præterea, ut paulo antè attigimus, præfens Christi regni ratio potestatem supremam, divinaq; requirit, tum in celo, tum in terra: At futura ista satis habet, si Christus suprema potestate in terra sit præditus, & ejus doctrina pro vera æternaq; habeatur. Taceo nonnullæ alia insignia inter utramq; regnandi rationem discrimina, quæ unusquisq; cordatus homo faciliè per se animadvertere potest. Quamquam vel id satis indicat, has duas regnandi rationes, duo etiam regna constitutere, quòd, qui sententiam istam probant de regno Christi, quale diximus, in terris futuro, illud simpliciter atq; absolutè Christi regnum vocare solent.

quippè

quippe qui fatis intelligant, non patefactionem revera presentis Christi regni, sed novum quoddam & absolutum Christi regnum illud futurum. Et sane quid attinet, ad hoc, ut patefiat presens Christi in celo manentis regnum, ipsum Christum corpore presentem in terra mille annos unà cum suis regnare? An non id melius prestat, quod Christus ipse de celo descendens, universum orbem terrarum, divina prorsus ratione judicet, statimq; suos omnes immortales ac beatos reddat, sibi verò adversantes perdat, eternoq; supplicio addicat? ut certè faciet. Hoc autem quia revera & patefactio & complementum est regni Christi, nam & supremam secundum Deum ipsius Christi potestatem declarat, & mortem, totius mystici Christi corporis inimicum teterrimum ac perniciosissimum, ultimumq; inter omnes Christi hostes abolendam, abolet, merito alicubi sed perrarò tamen, regnum Christi vocatur, ut 2 Tim. 4. 1. Aliud Christi regnum in terris, ipso Christo corpore presente, non agnoscit scriptura. Nec sanè aliter sensisse puriorem antiquitatem, vel ex symbolo, quod Apostolicum appellatur, constare potest: in quo aliud nihil, quod huc pertineat, dicitur, nisi Iesum Christum Dei filium, qui in celum ascendit, inde venturum esse ad judicandum vivos & mortuos: de alia ulla in terra sive regnandi sive regni sui patefaciendi ratione, in toto illo symbolo, ne syllaba quidem extat. nec sanè immeritò. Sic enim, si quis rectè animadvertat, perpetuus tenor sacrarum literarum novi Testamenti omnino fert

atq; docet, ut aliquanto apertius mox, Deo dante, sum ostensurus.

Nam quod deinde potiffimum ſententiam iſtam de Chriſti regno in terris, ea ratione quã dictum eſt, futuro, me penitus averſari cogit, illud eſt, quodd ſcilicet apertè video eam pugnare cum perpetuo ſenſu, qui in ſcriptis Evangelistarum & Apoſtolorum deprehenditur: in quibus adventus Chriſti de celo ad nos in terram, tantum ad judicandum mundum futurus deſcribitur, idq; ſtatim; ut præcipuè colligitur ex furis noctu venientis, ſæpius uſurpata ſimilitudine, & ex comparatione illa. Mat. 24. adventus Chriſti cum temporibus Noë, quando diluvium extitit: ex ea enim ipſa comparatione, & ex verbis omnibus, quæ ad eam explicandam Chriſtus profert, valde perſpicuum eſt, Chriſtũ, ſimulatq; advenerit, non quidem ſolium ſuum in terra erecturum, in quo ſedens regnet unã cum ſuis per longiſſimum tempus, ſed in quo ſtatim de univerſo hominum genere ſententiam ferat; & alios quidem ad ſe recipiat, id eſt, præmio æterno donet, alios verò miſſos faciat, id eſt, æternis pœnis afficiat. Idq; ſequenti capite, idem Chriſtus perſpicuè declarat cum ait: Vbi venerit filius hominis in gloria ſua cum omnibus angelis ſuis, tunc ſeſſurum eum in ſolio ſuo glorioſo, & congregatum iri ante ipſum omnes gentes; ipſum autem alios ab aliis ſeparaturum, & juſtos quidem, ex ejus ſerenda ſententia, vitam æternam adepturos, ceteros verò æternum ſupplicium ſubituros. Vbi nihil audis de ipſo ſeſſuro in ſolio

folio suo ad regnandum cum hominibus piis in terra per complura secula. Et ne quisquam hic causari & tergiversari possit, animadvertatur diligenter ex duobus supra dictis locis, præsertim verò ex posteriore, apertissimè id colligi quod modo dicebam, videlicet adventum Christi secum statim allaturum, non quidem aliquorum hominum, aut majoris partis eorum, sed universè omnium judicium, ultimamq; ac diffinitivam de omnibus sententiam. Atqui judicium hoc ultimum & universale, ii ipsi, contra quorum sententiam disputamus, fatentur fore extremum omnium, que in terra & in hoc seculo fieri debent, aut certè post regnum Christi in terris, non autem ante, nec simul cum eo futurum. Id quod inter alia eos fateri cogit locus ille, qui Achilles est testimoniorum, que proferunt ad confirmandam sententiam suam, Apoc. cap. 20. Ibi enim manifestè judicium istud futurum dicitur post mille illos annos, quibus duraturum est regnum illud, de quo ibi verba sunt, quòd isti id esse autumant atq; contendunt, de quo inter nos est questio. Ad demonstrandum verò, Christi adventum secum statim allaturum finem hujus seculi, & ipsius terre interitum, & ita Christo adveniente, nullum penitus isti regno locum futurum, nihil apertius excogitari potest eo, quod scriptum est, 2 Pet. 3. ubi disertè dicitur, cum dies Domini advenerit, celos transituros, id est perituros, quemadmodum alibi scriptum est, & elementa solutum iri, terram verò & que in ea sunt opera, exurenda esse, deniq; hæc omnia esse dissolvenda.

renda. Namq; idem esse adventum diei domini seu diem domini, quod ipsius domini adventum, & Petrum nomine diei domini, ipsius domini adventum intellexisse. præter nonnulla alia in novo Testamento loca, quæ dilucide ostendunt, hæc duo pro uno & eodem sumi atq; usurpâri, ipsius Petri verba id clarissime demonstrant. Vt enim ex v. 4 constat, contra eos disputat, qui prænunciatum ac promissum adventum Domini, tanquam rem prorsus vanam & que nunquam futura esset, ridebant. Itaq; manifestè, quod prius adventum Domini appellaverat, adventum deinde diei domini vocat.

Et quando supra incidimus in mentionem celebris illius, pro regno Christi in terris asserendo, loci Apoc. cap 20, opere precium me facturum arbitror, si ostendero, ex loco illo regnum istud nequaquam probari posse, & necesse esse, ut totus ille locus allegorica aliquaratione accipiatur & explicetur. Etenim, si hoc evicero, facile, ut spero, non pauci ex adversariis manus dabunt, cum reliqua omnia loca, tam in veteri quàm in novo Testamento, quomodo partim omnino debeant, partim commodè possint allegoricè sumi & explanari, unusquisq; parvo aut nullo negotio sit intellecturus. Ad hoc igitur quod dixi ostendendum, duplici via utar. Primum simpliciter probabo, si locus ille ita accipiendus esset, ut verba sonare videntur, utq; adversarii eum accipiant, id ibi dictum inventum iri, quod apertè pugnat cum clarissimis novi Testamenti locis. Deinde opponam illi locum. 1 Cor. 15. 23. et deinceps. ex quo lo-

to, in eo quod inde eliciam, apertiffimo, manifeſtius etiam conſtabit, locum illum Apoſtolicum allegoricè interpretandum eſſe, & eadem operà verba Pauli diligenter explanare conabor; idq; eò libentius, quòd ſciam non paucos eſſe, qui ex illo ipſo loco ſententiam iſtam de Chriſti regno in terra futuro confirmare non dubitant. Iam in loco illo Apocal: aperte dicitur, animas decollatorum propter teſtimonium Ieſu, & propter verbum Dei, ſive ipſos decollatos, & qui non adoraverunt beſtiam neq; imaginem eius, neq; acceperunt characterem in fronte ſua & in manu ſua, vixiſſe & regnaſſe cum Chriſto mille annis. Si iſtud vivere, reſurgere eſt corporali reſurrectione, & regnare, eſt hic in terra regnare; (ut quidem neceſſe eſt, ſi locus iſte ad regnum Chriſti, de quo diſputamus, confirmandum pertinere dicendus ſit) hæc eius loci ſententia pugnat ex diametro cum eo, quod apertiffimè colligitur ex verbis Chriſti quater repetitis, Ioan: cap: 6. id eſt v. 39. 40. 44. & 54. in quibus omnibus locis Chriſtus id dicit, ex quo patet, eum quemlibet ex ſuis ultimo die reſuscitaturum: quibus illud adſtipulatur, quod dixit Martha ipſi Chriſto, Ioan. 11. 24, ſe ſcilicet ſcire, Lazarum fratrem ſuum, qui erat mortuus, reſurrecturū in reſurrectione futura die ultimo. Nonne hæc prorsus invicem repugnant, jam advenſiſſe diem ultimum, &, adhuc ſupereſſe annos mille & amplius? Apparet enim ex eodem. Apoc: loco, poſt mille illos annos ſuper futurum adhuc aliquod ſpaciū temporis, ante diem ultimum. Itaq; cum Chriſti ac

*Martha, quæ Christi ipsius sermonibus priùs edocta
 fin dubio, ad eum modum est loquuta, verba sim-
 plicissima & apertissima sint, nec ulla penitus sit
 causa, cur non ita omnino sint accipienda, ut ipsa so-
 nant, neceffe planè est, ut verba loci Apocalypsis, quæ
 visionem quandam referunt, id est, rem, ut visionum
 perpetuus mos est, subobscuram & allegoricis in-
 terpretationibus prorsus obnoxiam, aliter accipian-
 tur, atq; ipsorum (ut sic dixerimus) cortex præsefert:
 nisi Spiritum Sanctum secum pugnare velimus, &
 quod Christus sepiùs & constantissimè fore asseve-
 ravit, non ita futurum ut ille dixit, sed longè diver-
 sa ratione statuamus. Quæ cum absurdissima &
 plena blasphemie sint, concludendum est omnino
 Apoc: locum allegoricè interpretandum esse, id est
 ut ad confirmandum regnum Christi in terris, de
 quo controversamur, nihil faciat. Sed jam cum lo-
 co isto Apoc. conferamus locum istum Pauli 1 Cor.
 15. eumq; paullo diligentius examinemus. Itaq; pri-
 mùm ex Pauli verbis, cum ait, vivificatum iri eos,
 qui sunt Christi, in adventu ejus, aliquid colligi vi-
 detur, quod pugnet cum eo, quod scriptum est in lo-
 co Apoc: nisi locus ille allegoricè explicetur. Hic e-
 nim indefinitè, atq; ob id universè dicuntur resur-
 rectori ii, qui sunt Christi, in ejus adventu, id est
 simul atq; advenerit. Ibi verò non omnes qui Chri-
 sti fuerint, sed pars eorum quedam potior atq; præ-
 stantior, mille annis cum Christo regnatura, vide-
 tur resurrectura dici. Neq; enim omnes, qui Christi
 sunt decollantur, aut bestiam imaginemve ejus a-
 dorare,*

dorare, vel ejus haracterem in fronte & manu sua accipere nolunt: sic enim omnino interpretanda videntur verba Ioannis, ut videlicet ad eos referantur, qui ista facere recusent, non autem simpliciter non fecerint; fortasse quia nec de bestia nec de ejus imagine quidquam audièrunt unquam; vel quòd in aliqua orbis parte fuerint, quòd ejus noticia non pervenerit; vel quòd priùs fuerint, quàm ipsa existeret. Confirmatur autem, Ioannis verba non omnes qui Christi sunt, complecti, ex eo quod subjungitur, cæteros mortuos non revixisse, donec mille anni complerentur. Nam hoc ad solos impios eosvè, qui Christi non sunt, referre, nimis durum videtur. Verisimile est enim, si hic esset sensus ejus loci, non diciturum fuisse Ioannem simpliciter, cæteri verò mortuorum, ut dixit; sed potiùs, cæteri verò mortuorum, qui ista fecerunt, aut quidpiam simile. Adde, quod ex fine cap: apparet, inter eos mortuos, qui non revixerunt in priore illa resurrectione, aliquos fuisse pios, & in libro vite scriptos. Dicitur enim ibi apertum fuisse librum vite, & judicatos fuisse istos mortuos, ex iis que scripta erant in libris secundum opera ipsorum, & tandem subiicitur, si quis non inventus fuit scriptus in libro vite, conjectum fuisse in stagnum ignis: quod certè clarè ostendit, multos in libro vite scriptos ex istis mortuis inventos fuisse. Constat igitur jam, de non contemnendo discrimine inter ista duo loca, nisi locus Apoc: allegoricè accipiatur.

Sequitur discrimen ac dissidium multo evidentius,

dentius multoq; majoris momenti, si locus Apoc. secundum adversariorum sensum sit explicandus. Nam Paulus subjungit, Deinde, id est, resuscitatis iis qui sunt Christi, in adventu ipsius, ad futurum finem. In loco autem Apocal. legitur, resuscitatis quibusdam multis Christi fidelibus, eos regnatos mille annis cum Christo. Certè enim, si hoc futurum est in terra, & sic durante etiam hoc seculo, finis adhuc longissime aberit. Quamquam vox finis in Pauli loco, ut ex consequentibus intelligi potest, non hujus seculi proprie, sed regni Christi finem videtur significare, ita ut, quomodocumq; alioqui regnum istud, de quo in Apoc. interpretemur, nisi allegorica aliqua ratione totus locus explicetur, evidens planè atq; ingens discrimen atq; dissidium inter istum & Pauli locum appareat.

Objeçtio.

At excipiunt adversarii; immò ex Pauli verbis, que statim subjicit, aperte constare post Christi adventum & resurrectionem ipsius fidelium, & ante finem multa intercessura, quæ scilicet sient illorum mille annorum spatium, de quibus in loco Apoc. adeò ut Pauli locus & cum loco Ioannis mirè hac in parte consentiat, & sententiam de commoratione diuturna Christi in terris post adventum suum, aperte confirmet. Quamvis enim Paulus ea verba protulerit, Deinde finis, ea tamen non ita accipienda esse, quasi statim adfuturus sit finis; nam illico ibi subjungitur, cum tradiderit regnum Deo & patri, cum aboleverit omnem principatum & omnem potestatem ac virtutem,

tem: ex quibus verbis apparet, post adventum quidem Christi & resurrectionem ipsius fidelium, finem fore, sed non tamen statim, verum postquam deinceps ea facta fuerint, quae subijciuntur. Ad haec respondeo. Primum quod attinet ad priorem partem eorum quae subijciuntur, id est, ad traditionem regni Deo & patri, sine dubio id factum iri post Christi adventum & resurrectionem eius fidelium; sed neque hoc ullum temporis spatium, nisi brevissimum requirit, nec quidquam aliud re ipsa est, quam executio ad futuri finis, finis, inquam, ut ego libentius interpretor, regni Christi; traditione enim regni Deo & patri, finis Christi regni continetur, atque (ut sic loquar) efficitur. Iam vero quod attinet ad posteriorem partem eorum, quae subijciuntur, id est, ad abolitionem omnis principatus, & omnis potestatis ac virtutis, neque hoc similiter Christo ipso, corpore presente longo tempore, indiget, sed neque ut id fiat, corporali Christi praesentia in terra, quidquam est opus, praesertim si recte intelligatur, quinam sint istius principatus, potestates ac virtutes: ex non paucis enim aliis locis satis constat, non homines hos esse, sed demones. Praeterea haec pars non ita accipienda est, quasi ista deinceps fieri debeant, ut postea demonstrem. Et certe, si mens Pauli fuisset docere, ista deinceps factum iri, praesertim vero si aliquod longum temporis spatium, antequam perficerentur, intercessurum indicare voluisset, verisimile est prorsus eum aliter loquaturum fuisse ac fecit, & dicturum, Deinde abolebit omnem principatum & omnem

Responso

omnem potestatem ac virtutem, tradetq; mox regnum Deo & patri, & erit finis. Nam ut locutus est, ejus verba ita accipi possunt (ut quidem mox docebo esse accipienda) ut intelligatur, ista quidem fieri oportere ante finem, sed non tamen post Christi adventum, & ejus fidelium resurrectionem. Iam non solum Pauli verba ita accipi posse ut modo dictum est, verum etiam omnino debere demonstrant apertè ea que sequuntur, præsertim verò id quod v. 26. dicitur, ultimum inimicum abolendum, esse mortem. Nam si mors ultimus inimicus est, qui aboleatur, quomodo post resurrectionem Christi fidelium aboleri possunt, vel abolendi sunt omnes principatus, & omnes potestates ac virtutes? annon hi inter inimicos numerantur, vel potiùs sunt præcipui Christi inimici? Nunquid ubi resurrexerint Christi fideles, inimica mors nondum erit abolita? Quid magis absurdum, & secum manifestè pugnans excogitari potest? Caterum non modo ultimum inimicum abolendum, esse mortem, & consequenter post Christi fidelium resurrectionem non posse aboleri omnem principatù, omnemq; potestatem ac virtutem, & necesse esse ut ista omnia antè fuerint abolita, sed etiam statim post abolitam mortem, Christi regni finem ad futurum, probat manifestè id, quod post mentionem abolitionis istorum omnium, illico addit Paulus; inquit enim, Christum regnaturum, donec illi subiecti fuerint omnes inimici ejus: nam si ultimus inimicus subjiçendus, mors est, certè, morte abolita iam non amplius regnabit

gnabit Christus. Vbi diligenter animadvertendum est, eos qui Christo hoc tempore regnum non concedunt, & nondum eum regnasse volunt, nec non aliquos ex iis, qui eum quidem nunc regnare confitentur, sed tamen nihilominus regnum istud ipsius in terris expectant, contra quos nos præcipuè disputamus, vehementer falli, existimantes verba illa Pauli, oportet eum regnare, de futuro, id est, olim exituro regno accipienda esse; cum ex Græco verbo βασιλευδν, quod præsentis, vel præteriti imperfecti temporis tantum est, perspicuum sit, necesse esse, ut Paulus de regno loquatur, quod jam re ipsa sit: qui, si de exituro regno loqui voluisset, non aliter quàm βασιλευσειν aut βασιλευσαε, in futuro scilicet vel Aoristo tempore dicere potuisset. Iam quòd ita Pauli verba accipienda sint, ut simulatq; omnes inimici Christi ei fuerint subiecti, ejus regni futurus sit finis, seu regnum is Deo & patri sit traditurus, & voculam donec, usitatam in ejus verbis significationem habere, ut videlicet rei finem declaret, non autem, ut aliquando solet, simpliciter eousq; rei durationem; nec esse quod quis arguatur, Paulum quidem dicere, Christum regnaturum usq; ad subjectionem omnium suorum inimicorum, sed non tamen negare, quin postea quoq; sit regnaturus: id planè suadet vel potius fateri cogit, quòd a surdissimum esset, Paulum, cum ex professo de Christi regno agat, deq; ejus fine, nullum verbum de duratione ejus, etiam post subiectos Christi omnes

omnes inimicos, protulisse; præsertim verò si adhuc
 mille annos & amplius duraturum esset. Verùm
 præterea, omnino verborum Pauli sententiam eam
 esse, quam diximus, docent quæ paulo post eodem
 loco scripsit; cùm autem subiecta ei erunt o-
 mnia, tunc & ipse filius subjiçietur ei, qui
 ipsi subjecit omnia, ut sit Deus omnia in
 omnibus. Ex quibus verbis patet, tunc ad futurum
 finem regni Christi, cùm illi omnes inimici fuerint
 subiecti. Cui sententiæ consonat illud Dei ipsius, in
 Psalmo celebre dictum, a Christo & ab Apostolis de
 ipso Christo interpretatum; Sede adexteris meis,
 donec ponam inimicos tuos scabellum pe-
 dum tuorum, quod nemo sane mentis negaverit
 idem esse cum eo, quod hîc Paulus ait, oportere
 Christum regnare, donec illi subjiçiantur omnes ini-
 mici ejus. Vnde etiam constat id verissimum esse,
 quod antea diximus, Pauli verba nulla ratione de
 regno aliquando exituro, sed de eo quod jam exi-
 terit, accipienda esse. Nam certè, sessio Christi a
 dextris Dei, quæ idem est quod Christum regnare,
 jam tum cæpit quum Christus assumptus est in cæ-
 lum. Marc. 16. 19. Iamq; igitur videant quid agant
 ii, qui loco illo Apoc. ut verba sonant accepto, ad re-
 gnum istud Christi terrenum probandum, potissi-
 mum utuntur; sic enim Christum in terris, ratione
 cunctis aspectabili, mille annis regnaturum conclu-
 dunt, postquam ejus fideles plurimi resurrexerint:
 et tamen ex Paulo certissimum est, tunc desitutum
 Christi regnum, idq; Deo & patri ab ipso traditum
 iri, cùm

iri, cūm ejus fideles a mortuis excitati fuerint; ac breviter, iſti tunc planè Chriſti regnum iſtud cepturum ſtatuunt, cum Chriſti regni finem adfuturum Paulus apertè docet. Ex hiſ arbitror jam ſatis conſtare, locum illum Apoc. allegoricè interpretandum omninò eſſe, & ſic nihil ex eo elici poſſe, quod regnum iſtud Chriſti in terris comprobandi vim ullam habeat, Quodſi quis me interroget, quanam ſit iſta allegorica ejus loci interpretatio, nihil pudebit conſiteri, me hactenus eam ignorare, nec ex multis ejusmodi interpretationibus, quæ a doctiſſimis viris, cūm antiquioribus tum recentioribus, afferri cognoſci, ullam mihi, niſi fortè aliqua ex parte, probari. Quid autem mirum, viſionem eamq; propheticam, id eſt, de rebus futuris, non plenè intelligi? An non hoc proprium eſt ferme omnium vaticinationum, ut ſcilicet non plenè intelligantur, niſi poſt earum eventum? Nec ſanè nec eſſe eſt in hac diſputatione, ejus viſionis veram interpretationem tenere: ſed ſatis omninò eſt, apertè conſtare, eam non ita eſſe interpretandam, ut ipſa verba ſonant, id quod me oſtendiſſe conſido. Quanquam præterea animadvertendum eſt, in ipſa viſione nihil dici de loco, ubi regnent decollati iſti propter Chriſtum, & alii qui ibidem vixiſſe, ideſt, revixiſſe dicuntur. Dicitur enim tantummodò, eos regnare cum Chriſto, nec de Chriſto, qui e celo in terram deſcenderit, ibi ulla fit mentio. Quare cūm certum ſit Chriſtum in celo regnare, videtur potiùs ibi dici, iſtorum unà cum ipſo Chriſto regnum, in celo quàm in terra eſſe. Nam ſi

quis dicat , postmodum ibidem affirmari , exactiū mille annis , gentes quasdam a diabolo seductas circuiffe castra sanctorum , & civitatem dilectam. Respōdeo, nihil prorsus cogere, ut isti sancti illi sint, quos revixisse & regnasse superiūs dixerat. Et hæc in præsentia satis esse volo ad ostendendum , adversarios , in eo loco qui præcipuus inter omnes, quos afferre soleant, esse videtur, nihil solidi pro sua opinione stabilienda habere.

Addam adhuc, quàm brevissimè potero, aliam rationem, quæ sententiam istam de terreno Christi & suorum regno, semper mihi suspectam atq; adeò planè invisam reddidit , quam alii nonnulli attingunt. ad quam breviter explicandam venio. Universe novi Testamenti literæ, totaq; fidei nostræ Analogia, id potissimùm quærent ac postulant , ut istis terrenis rebus omnibus neglectis atq; pro nihilo habitis, quæ finem sunt habituræ, quæq; mortalibus oculis aspiciuntur, ad res illas cælestes perpetuò aspi-remus, quæ sunt æternæ & mortali homini inaspetabiles. Cujus rei præclarum ac disertum testimonium, inter alia plurima extat , ad finem cap. 4. posterioris ad Cor. Sed etiam insignis valde est locus ille similiter ad finem 3. cap. epistolæ ad Philip. Vbi scriptum est, nostram conversationem, vel potius, ut Græcum verbum sonat , tanquam propriæ civitatis jus atq; usum , in cælis esse , unde & servatorem expectamus Dominum Iesum Christum: ut intelligas , ibi calorum appellatone , non quidem omnem locum ubi Deus regnet, suoq; favore & benignitate adfit,

adfit, quemadmodum non pauci, fimilia testimonia eludentes, intelligendum contendunt: sed omnino locum illum, ubi nunc Chriftus præfens corpore habitat, qui cum hac noftra terra, ubi nos diutiffimè effe regnatos ifti contendunt, nihil commune habet, immò ubiq; in facris literis ei opponitur. Atqui fi hic in terris tam diu regnaturi fumus, hocq; faltem ex parte futurum èft præmium fidei & laborum noftrorum, quomodo fieri poteft, ut de hac ipfa terra non cogitemus affidue, vel ut terrena omnia negligamus & poft habeamus? Quid aptius ad homines a cæleſti illa & ſpirituale, ac penè angelica vita, unà cum ſpiritus paupertate, ideft, humilitate conjunctâ, retrahendos atq; abducendos, ad quam divina omnia ferme novi fœderis oracula nos adhortantur atq; impellunt, quàm expectatio diuturnæ felicitatis in hac ipfa terra, ac terrenâ, quantumvis alioqui ſanctiſſima ratione auctoritatis & potentie administrationis? Certè quale præmium èft, quod agenda vite expectatur, talem ferè neceſſe èft ipſius vite rationem effe. Neminem autem hic meis verbis turbari & offendi velim. Scio enim (quod ab ipſo initio faſſus ſum) multos effe, qui regnum iſtud expectant, & pii ſunt revera, & vitam planè ſpiritualem degunt, aut certè degere perpetuò ſtudent. Verùm hoc loco rei ipſius per ſe vis & natura a me inſpicitur & conſideratur, & quid fieri fit verifimile, non autem quid re ipſa fiat; cum multa ſint, quæ Deo juvante impedire poſſunt, quominus quis ex concepta pernicioſa

per se opinione, quicquam vitii contrahat. præsertim si iam virtutis sit studiosus cultor, antequam ejusmodi imbibat opinionem. Cæterum negari non potest, vim per se præmii vite agenda eam esse, quam dixi. Hinc Christus non quidem in terris sed in cælis copiosam esse mercedem nostram affirmavit, & similia dicta sæpius repetiit, ut scilicet, dum veram nostram mercedem exponeret, simul nos ad celestis vite rationem, & mercedi nostræ consentaneam invitaret. Nam quod idem dixit, mites possessuros terram, ad locum Psal. 37. 11. ubi eadem sententia ad verbum legitur, sine dubio alludit. Vbi sententia ista, pro eo tempore & sub veteri fœdere, in quo terrena sunt promissa, ut ipsa verba sonant, intelligi poterat: at verò a Christo novi fœderis mediatore usurpata, in quo fœdere promissa celestia sunt, mysticè omnino est accipienda. Posset hæc ratio pluribus confirmari, & exactiùs ac plenius multo explicari atq; concludi: sed his paucis que dixi, contentus esse volo.

Innumera alia, ad sententiam de terreno isto Christi & suorum regno, planè dissuadendâ, sese dicenda offerunt; verum temporis angustia, ea me scribere non permittit: unum tamen, quod apud me est maximi ponderis, breviter attingam, & mox finem huic scripto imponam. Dico igitur, sententiam istam vel penitus dissuadendi, vel saltem, ne ea publicetur, monendi, vim maximam habere, quòd, si ea vera esset, aut certè si publicanda foret, Christus & Apostoli eam aperte docuissent. Hoc au-

tem eos non feciſſe, & novi Teſtamenti lectio unumquemq; ſatis docere poteſt, & id ſatis oſtendit, quòd alioqui nullo modo fieri potuiſſet, ut totus orbis Chriſtianus per complura ſecula eam pro falſa & ridicula habuiſſet; ſiquidem orbis Chriſtiani univerſi error aliquis, poteſt fortaiſſe etiam per longum tempus, eſſe in re aliqua credenda & affirmanda, quæ Chriſti & Apoſtolorum dictis minùs ſit conſentanea: ſed in ea penitus rejicienda & neganda, quam apertè vel Chriſtus vel Apoſtoli docuerint, nullo prorſus pacto: nec ejuſmodi erroris exemplum, ſed ne leviffimam quidem umbram quiſquam inveniet umquam. Quare caveant diligenter ii, qui ſententiam iſtam hodie urgent, ne, etiamſi vera eſſet, id palàm facere contendant, quod Deus obſcurè tantùm indicare voluerit, ob eam fortè cauſam, ne Chriſti fideles de terra terreniſq; rebus curandi aut cogitandi occaſionem inde ſumant, aliud nihil obſcura iſta indicatione querens, quàm ut, cùm res evenerit, appareat, eam præſinito jam ab antiquiffimis temporibus ipſius conſilio & decreto eveniſſe. Nam in hunc præcipuè finem prophetica prædictiones exiſtunt, quòd notum fiat Deum eſſe, eumq; humana hæc curare. Iam quicquid de terreno iſto Chriſti & ſuorum regno (ſi id futurum tamen eſt, quod ut credam nullo modo adduci poſſum) in ſacris literis continetur, id ad propheticas prædictiones potiùs, quàm ad divina Evangelicaq; promiſſa, referendum eſſe, ne illi quidem ipſi, qui illud expectant, fortaiſſe negare audebunt. Quamobrem, re-

gnum istud omnino expectandum esse docere, & divina oracula, ut de ipso loquentia, interpretari, ejus tantummodò est, qui prophetico spiritu sit prädicitus, quiq; utpote ab ipso Deo edoctus, ejusq; spiritu afflatus, quæ dicit, constantissimè asserere atq; asseverare non dubitet; non autem ejus, qui compluribus scriptis, divinis licèt, testimoniis & rationibus atq; argumentis, quamvis ex sacris literis petitis, ad ea quæ dicit, non tam aliis quàm sibi ipsi probanda ac persuadenda indigeat, & si quis eum meliùs doceat, ab eo discedere, sententiamq; mutare sit paratus. Cavendum est, ne hujusmodi exoticis, & jam diutissimè a toto orbe Christiano explosis opinionibus invehendis, iis ve asserendis aut etiam disputandis, invisi planè iis etiam qui seriò pietati student, meritò reddamur; præsertim, si opiniones iste nullum secum spirituale commodum asserunt, sed potiùs gravia incommoda & pericula, qualia opinionem de Christi in terris regno isto, secum asserre ostèdi. Necdum videre possum, quid spiritualis commodi, vel minimi quidem ex ea proficisci queat. Nam quod quidem affirmant, hac ratione Iudeos ad Iesum Nazarenum pro Christo agnoscendum allici, egregiè falluntur isti, pace eorum sit dictum; cum potiùs nihil magis Iudeos inde retrahere possit, quàm si videant eos, qui Iesum pro Christo habent, prædictiones de Christo & ejus regno, ex quibus solis ipsi de his rebus veritatem petunt, & petendam esse contendunt, ita ut ipsa verba sonant, interpretari Exclusis enim in prædictionibus istis,

Allego-

Contra Chiliastas. 73

Allegoricis interpretationibus, nihil est cur ipsarum vi Iesus Nazarenus pro Christo sit habendus, immò cur non pro tali nequaquam sit agnoscendus.

Cracovia. 17. Septembris. 1589.

FAUSTUS SOCINUS.

Disputatio brevissima
DE CHRISTI CARNE
adversùs Mennonitas.

CRedunt quidam, haud sanè alioqui mali homines, ex iis quibus Christiana religio cordi esse videtur, Iesu Christi filii Dei carnem, nullo modo ex Mariae virginis substantia, in ejus utero formatam fuisse: sed tantummodò per illam, sive de caelo delapsam, sive inibi alia ratione formatam pertransiisse; atq; ut uno verbo dicam, Christum nascendo nihil de matre sumpsisse: utq; hanc sententiam mordicus teneant, adeò ut sint ex ipsis, qui propter hanc unam causam mori non recusent, tria protissimùm, ut mihi relatum fuit, eos movent. Primum est, quòd disertè in divinis literis scriptum sit, Verbum factum fuisse carnem. Ioan. 1. 14. quod certè, ajunt, demonstrat, Dei filium, qui idem quod verbum est, non quidem ex Maria virgine, ut vulgò creditur, carnem assumpsisse, sed per se, quòd ad Substantiam attinet, nulla extrinsecus re assumpta, hominem factum fuisse. Alterum est, Quòd, si Iesu Christi caro ex Mariae virginis substantia formata fuisset, utiq; ipse Christus, tanquam ex Adamo prognatus, non secus ac ceteri omnes homines, peccato, damnationi, morti deniq; obnoxius fuisset, & divina legi servandæ ob-

stri-

strictus. Quæ si vera essent, jam nec nostra peccata, tanquam agnus innocentissimus tollere, nec Deo nos reconciliare, nec morte sua id, quod nos divine justitiæ debebamus, pro nobis exolvere, nec obedientiâ suâ legi pro nobis satisfacere potuisset; ac proinde noster servator non esset. Tertium est, quòd ajunt satis constare, hominem nascendo nihil ex matre sumere, sed ex patre tantùm, dicente præsertim Paulo Apostolo ea verba, Sicut mulier ex viro, 1 Cor. II. 12. ita & vir per mulierem. Ex quibus patet, nihil in ortu nostro ex muliere sumi, sed tantummodò nos per ipsam quasi pertransire. Hæ sunt potissime rationes, ut dixi, quibus illi in sua sententiâ (ut quidem audio) retinentur: quibus pii hominis & amici precibus adductus, quàm dilucidissimè potero, respondere constitui.

Quod igitur ad primam attinet, falsum illud esse dico, quod ipsi pro concessa sumunt. Nam in Græco Codice scriptum est, ὁ λόγος & σὰρξ ἐγένετο. Quæ verba etiamsi verti possunt, Verbum caro factum est, non minùs tamen, ut omnes sciunt, Latine sonant, verbum sive sermo caro fuit. Ex istis autem duabus interpretationibus nemini dubium esse debet, eam eligendam esse, quæ loco ipsi magis conveniat. Atqui nullo pacto convenire reliquis Evangelistæ verbis potest, ut ea verba, ὁ λόγος & σὰρξ ἐγένετο, verbum caro factum est, interpretemur. præsertim si eo sensu verba ista accipiantur, quo isti boni viri faciunt. Perverso enim ordine, si id fieret,
de ver-

de verbo illo locutus esset Ioannes. Nam prius ea narrasset, quæ posterius fuerunt, posterius vero id quod prius fuit. Quandoquidem sine dubio prius est verbum caro factum, id est, ut illi interpretantur, effectum homo, quam in mundo fuerit, in propria venerit, a suis non fuerit receptum, potestatemq; filios Dei fieri iis dederit, qui ex Deo sunt nati. quæ tamen omnia prius narrantur, quam illud dicatur. Rejecta igitur vulgata interpretatione, altera amplectenda est, quæ nihil convenientius ipsi loco inveniri potest. Postquam enim Ioannes multa de Christo, sub verbi seu sermonis appellatione dixisset, ne quis aliud intelligeret quam esse vellet, ait deinde, quasi lectorem monendo, verbum illud fuisse carnem, id est, hominem imbecillum, & perpeffionibus ac calamitatibus obnoxium, atq; in mundi conspectu vilem; cuius tamen ipse & alii eam gloriam vidissent, quæ propria unigenæ Dei filii esset. Nam mox subjungit, Et vidimus gloriam ejus &c. Quod si quis tamen veterem lectionem retinere omnino velit, & verbum caro factum est, legere, satius multo est, ea verba aliò referre, quam ab ipsis referantur; ad demissionem scilicet sui ipsius postquam homo fuit, non autem ad id, quod homo fuerit factum. Tunc enim factum est caro verbum (quod nihil aliud, quam Iesus Christus filius Dei est) cum sese volens omnibus malis subjecit, quæ illi a perditis hominibus illata fuere, & mortem crucis subire non dubitavit seu recusavit.

Sequitur secunda ratio, in qua id omne esse videtur, quod homines istos non planè immeritò in istam de Christi carne sententiam inducere potuit. Verùm illud primùm scire debuerant, falsum esse, quod a nostris Magistris hætenus traditum est, Omnes homines, quia ab Adamo originem duxerint, non posse non peccare; eam scilicet ob causam, quòd peccatum illud Adami hoc secum, vel suâ naturâ, vel divina voluntate traxerit, vel propter utrumq̃. Hoc enim nusquam in sacris litteris legitur; quamvis in ipsis legatur, hominem ad peccandum valde proclivem esse, Gen. 8. 21. 3 Reg. 8. 46. & neminem esse qui non peccet; que non tam propterea fiunt, quia peccatum illud universæ Adami posteritati tantum vulnus imposuerit, nec ita intelligenda sunt, quasi aliter fieri nullo modo possit: sed intelligendum est, naturam humanam sua sponte fragilem & imbecilem esse, in iis exequendis que bona sunt & Deo accepta; quippe quibus plerumq̃, non appetitus modò, qui in homine vehementissimus est, sed ex parte etiam ipsa ratio repugnet. Cujus rei testimonium evidentissimum in ipso Adamo habemus, e jusq̃, conjugè; qui antequam peccassent, & ita, antequam labem aliquam ex peccato contraxissent, adeò tamen fragiles & imbecilles fuerunt, ut spreta aperta Dei monitione, ex vetita sibi arbore, partim appetitu impulsì, partim ratione persuasi, comederint ac gravissimè peccaverint.

Cum autem dicitur, neminè esse qui non peccet, usitatum loquendi modum esse intelligi debet,
qua

Psal. 14. 2.

Psal. 13.

quo significatur, vix inveniri hominem sine peccato, quemadmodum etiam David dicebat, neminem esse, qui quod bonum esset, faceret, ne unum quidem. Nam si, ut Paulus facit, ad omnes Israëlitæ verba Davidis referenda sunt, certè non omnes omnino tales erant: atq; ne longius abeamus, non talis erat ipse David, qui de se multò aliter alibi prædicat. Breviter, ad quoscunq; homines ea verba referenda sint, certum esse debet, id ad amplificationem quandam dici, ut scopo, ad quem sermo tendit, magis inserviat. Nam ut scopo sibi proposito magis inserviret, Salomon quoq; Deum orando dixit, neminem esse qui non peccet: quo scilicet populi sui futura peccata aliqua ratione excusaret, & ad veniam illis concedendam, si ad ipsius misericordiam populus confugisset, Deum moveret atq; adduceret. Deinde, etiamsi verissimum esset, neminem prorsus esse qui non peccet, non tamen continuò sequeretur, aliter fieri nullo modo posse. Neque verò, quia affirmo Adamum quoq; ad peccandum proclivem fuisse, idcirco nego majorem in posteris proclivitatem esse ad peccandum, quàm in ipso Adamo fuerit. Sed hoc longè aliud est, quàm non posse non peccare, neq; id ex primo peccato profectum est, sed sensim ac paulatim per degenerationem, ut in omnibus aliis rebus evenire videmus, est factum. Ut ad rem igitur veniamus, dico falsum id esse, quod dicitur Christum, si ex Adamo prognatus fuisset, peccato obnoxium fuisse futurum, id est, (nam alioqui argumentatio non rectè

con-

conclusa fuisset) illum omnino peccaturum. Nihil autem dico, quod potuit Deus Christum (quicquid mali secum prognatio ex Adamo afferat) a peccando conservare, & ne peccaret efficere. Et hoc quidem quod attinet ad peccatum & ex eo damnationem. Quod autem pertinet ad damnationem, cui sint obnoxii illi qui ex Adamo progenerantur, non propter proprium peccatum, sed propter peccatum ipsius Adam; Dico, ab ea damnatione semper, Dei voluntate, eos exemptos fuisse, qui illi obediverint & confisi fuerint, ut tota scriptura testatur, que hujusmodi homines & justos, & justificatos, & Deo caros atq; acceptes esse ubiq; affirmat. Nemo autem Deo plus obedivit vel confisus fuit quam Christus; Ergo Christus, quamvis ab Adamo prognatus, nulli tamen damnationi obnoxius fuit. De morte autem non est quod aliquid respondeam; cum ea mors, qua nobis Christus salutem peperit, non ea sit, cui ipse, tanquam ex Adamo prognatus, obnoxius fuisse dici possit. hæc enim naturalis est, illa verò violenta eaq; detestabilissima, cui nullus hominum, ex eo solo quod ab Adamo originem ducat, subiectus est. Præterea Christus morte & sanguinis sui fusione, non idcirco nobis vitam & salutem comparavit, quia justitiæ divinæ aliquid pro nostris peccatis solverit, sed quia moriendo & sanguinem suum fundendo, non solum peccatorum omnium remissionem nobis a Deo, si vitam ex ipsius Christi prescripto emendaverimus, oblatam sanxit & confirmavit, verum etiam ad æternam vitam ipse pervenit, & potestatem

rem est adeptus, omnes suos, id est, suis preceptis obedientes, eadem vita donandi. Hinc etiam patet responsio ad id quod dicebatur, de obligatione Christi servandæ legem divinam, si ex Adamo prognatus fuisset; quasi id propterea saluti nobis per Christum partæ adversetur, quòd nemo pro aliis ea præstare possit, que ipse debet. Non enim, quia pro nobis præstiterit id quod nos debebamus, propterea dicitur Christus obedientiâ suâ nobis salutem peperisse, sed quia suâ obedientiâ celos penetravit, ubiq; in æternum vivens potest in perpetuum, idq; perfectè, servare omnes, qui per ipsum accedunt ad Deum, id est, qui ipsi obedientes Deo confidunt. Et quemadmodum delicto Adami factum est, ut, quicumq; ex ipso, carnali ratione propagantur, quamvis non omnes ea ratione delinquant, quâ ipse fecit, quia tamen ex ipso sunt nati, eidem morti ac damnationi sint obnoxii, cui ipse propter delictum suum, fuit: sic Christi obedientiâ factum est, ut quicumq; ex ipso, spirituali ratione sunt progeneriti, id est, ei fidem habentes eumq; imitantes, novam in terris ac celestem quandam vitam vivunt, etiamsi non ita perfectè Deo obediunt ut ipse fecit, ejusdem tamen æternæ vitæ ac salutis, quam ipse sibi eadem obedientiâ suâ acquisivit, participes sint futuri.

III.

Superest, ut de postrema istorum ratione agamus, in qua vehementer eos falli existimo. Nam, ut audio, cum Philosophi tum Medici, ratione atq; experienciâ propemodum ipsa duce ac teste, ajunt, ex
matris

matris sanguine & substantia, non secus atq; herbas ac stirpes nascendo, ex terræ humore, sic nos dum in utero formamur, multum accipere. In hoc tamen atriq; inter se differunt, quod pleriq; Philosophorum, mulieris semen ad generationem unà cum viri semine concurrere negant, Medici verò affirmant. Neq; verò aut Philosophis aut Medicis adversatur Paulus cum ait, Sicut mulier ex viro, ita & vir per mulierem: Non enim, per mulierem dixit, quasi nihil sumat nascendo ex muliere vir, & solùm per eam quodammodo transeat: verùm, vel sic locutus est, ut sermonis elegantiam quandam tueretur, quæ periiisset, si utrobiq; dictione usus fuisset. cùm tamen interim dictione, per idem significare vellet postea, quod antea dictione, ex, significaverat; vel ex viro dixit, non autem ex muliere, sed per mulierem, ut differentiam aliquam inter hanc & illum, in generatione statueret, atq; a viro quidem primariam, a muliere verò mediam quandam corporis nostri causam proficisci ostenderet. quod ne Medici quidem ipsi fortasse negabunt; vel potius, ut equidem arbitror, aliò respexit, & ad ea verba quæ paulò ante dixerat, Non enim vir ex muliere est, sed mulier ex viro, sine dubio relationem habuit: Quæ verba non ad generationem formationemq; in utero, sed ad creationem referenda sunt, in qua non vir ex muliere, sed mulier ex viro formata est, ut sacra historia docet. Atq; hanc eorum Pauli verborum sententiam esse, indicat alius ejusdem Pauli locus huic per-

1 Cor. vi. 8.

1 Tim. 2. 13.

similis, in quo scriptum est, Adam enim prior formatus est, deinde Eva. Cum igitur in loco nostro postmodum dixit, Sicut mulier ex viro, ita & vir per mulierem, nihil aliud sibi voluit quam ostendere; si mulier ab initio ex viro formata est, per mulierem ex altera parte virum deinde nasci: ubi ex muliere etiam dicere potuisset, sed hoc loco noluit, quia jam dictione ex, ad primam originem designandam usus fuerat; Id tamen sine dubio dicere voluit, virum dum nascitur, ex muliere formari, quemadmodum mulier cum creata fuit ex viro fuit formata. Hinc est (contra quam isti boni viri existimant) quod in sanctis literis tam frequenter scriptum invenitur, ex muliere quamquam esse natum aut genitum virum aliquem, numquam vero fortassis, si Hebraei & Graeci fontes consulantur, nec mulierem neque virum ex viro: Et homo natus ex muliere, seu nati ex mulieribus, saepe legatur, numquam vero homo natus ex viro, seu nati ex viris, quamvis viro generatio non mulieri tribuatur: Et Christus ipse dicitur natus ex Maria, & ex muliere factus seu natus. Ex quibus omnibus tandem apparet, verba Pauli ab istis citata, non modo eorum sententiae non favere, sed ei non parum adversari; et propterea concludendum esse, cum teste Paulo, quemadmodum mulier ab initio ex viro formata est, sic deinde ex muliere vir nascitur, non secus ex mulieris substantia virum nascendo accipere, quam ex viri substantia, cum primum formata est, mulier accepe-

JOB. 14. 1. 15.

14. 15. 24. 4.

MATT. 11. 11.

MATT. 1. 16.

GAL. 4. 4.

acceperit: & quia certissimum est, Christum ex
 Maria virgine natum fuisse, Christum quoq; ex
 Mariæ virginis substantia nascendo accepisse.
 Atq; ex his responsū satis videtur ad illa tria, quæ bo-
 nos istos alioqui, ut dixi, homines in eo errore deti-
 nere videntur, quod Iesu Christi filii Dei caro nul-
 lo modo ex Mariæ matris ejus substantia formata
 fuerit, seu quod Christus nascendo nihil de matre
 sumpserit. Boni consulet amicus, in cujus gratiam
 hæc scripsimus, exiguum hunc laborem nostrum.
 Nam ita occupati eramus, ut vix hoc tantillum
 præstare potuerimus. Videat ipse pro virili sua, ut
 isti simplices homines ab eo errore retrahantur.
 Nam quò magis Christum extollere, & nostræ sa-
 lutis rationem asserere se putant, eò magis Dei er-
 ga humanum genus beneficium incomparabile per
 Christum datum, adeoq; ipsum Christum depri-
 munt, & viam salutis nostræ magis etiam, quàm
 antea esset, tenebris involvunt, seu potius, quan-
 tum in ipsis est, destruunt. Eò enim tendit eorum
 sententia, ut Christum verum hominem fuisse ne-
 get. Quod si admittatur, necesse est ut fidei ac spei
 nostræ per ipsum Christum, quæ unica salutis eter-
 næ via est nobis a Deo proposita, potissimum funda-
 mentum evertatur. Deo enim per Christum idcir-
 co præcipuè confidimus, in eoq; spem nostram collo-
 camus, quia eum, qui homo erat ut nos sumus, quem-
 q; sequimur & imitamur, non modò a mortuis ex-
 citavit, verùm etiam suprema gloria & potestate
 donavit. Id certè ex opinione ista consequitur, quod

ipsi qui eam tam arctè tenent, adeò verum esse contendunt, ut, quemadmodum vidimus, inter præcipua numerent, quæ eos in eam sententiam induxerunt; id autem est, Christum legi Dei servandæ obstrictum non fuisse: quod non modò manifestis Pauli verbis repugnat, Gal. 4. 4. qui Dei filium natum seu factum, sub lege fuisse, disertè scribit, verùm etiam ipsi salutis per Christum parte rationi planè adversatur; cùm, ut ibidem Paulus apertè indicat, necesse fuerit, ut Christus sub lege nasceretur, quò eos, qui sub lege erant, redimere posset. Sed hæc hæctenus.

Responsio Fausti Socini
AD OBJECTIONES
Cutteni.

Infantes nascuntur sine peccato, quatenus ipsi sine dubio nondum quidquam peccarunt: nec tamen sunt qualis Adamus fuit, cum à Deo est creatus, quatenus ipsi, æternæ morti sunt obnoxii, id quod Adamus non erat, antequam peccaret; non quidem, quia illis Adami peccatum imputetur, sed quia ex Adamo, propter suum peccatum jam morti æternæ obnoxio facto, sunt propagati.

Infantes, cum nascuntur, nullus quidem peccati sunt rei, non tamen propterea filii Dei similes sunt aut dici possunt: quippe cum Dei filius ita sine peccato vixerit, ut nullam quantumvis magnam externam tardationem, non penitus vicerit ac superaverit, & interim omnium divinarum virtutum habitus habuerit, quæ in infantibus recens natis, nullum prorsus locum habere possunt.

Adamus, antequam peccaret, quod ad ipsius naturam attinet, erat mortalis, ut post peccatum: sed post peccatum, non modò naturâ mortalis, sed etiam morti penitus obnoxius fuit. Itaq; mors ipsa corporis, non quatenus naturalis est, sed quatenus est prorsus necessaria & in Adamo & in nobis, peccati effectus censenda est.

Quilibet homo, ubi ad eam ætatem pervene-

vit, ut rationis usum habeat, si nulla mala institutione aut usu corruptus fuerit, posset si planè id vellet, nullum ex iis peccatis committere, quæ cum ipsa ratione pugnant, eiq; per se omninò adversantur: sed ut ea peccata vitare possit, quæ ipsi rationi per se non omninò adversantur, necesse est præterea, ut sibi persuadeat ac speret, si illa vitaverit, se ingens aliquod inde bonum consequuturum. Propterea Deus præceptis suis, quæ per Christum dedit, cum inter illa sint non pauca, in quibus ea prohibentur, quæ per se humanae rationi alioqui non omninò adversantur, addidit vitæ æternæ promissum, cui ut fidem adhibere possint, iis omnibus generatim concedit, quib; ipse Christus e jusq; Evangelium annunciat.

5. Homo ipse per se, nec se ipsum, nec Deum ejusq; voluntatem cognoscere potest, sed necesse est, ut hæc illi Deus aliqua ratione patefaciat: quæ patefactio si plena fuerit, qualis est in Evangelio, id est, cū vitæ æternæ promisso, jam habebit, unde possit vires sumere, ipsius Dei voluntatem perficendi.

6. Homo in hac vita, non quidem viribus naturalibus, sed viribus sibi a Deo, per spem vitæ æternæ sibi ab eo factam, subministratis, potest ejusdem Dei voluntatem perficere.

7. Ad vitam æternam consequendam, non ullum meritum, sed Christi præceptorum obedientia requiritur, cui constitutum est præmium seu merces, ipsa vita æterna; non quòd obedientia ista id per se mereatur, sed quòd ita Deo benignissimo, cum humano genere agere visum fuit.

Christus certè non fuit nec esse potuit, antequam esset. Esse autem cum homo sit, non potuit, antequam in utero matris sue conciperetur. Postquam verò conceptus & natus fuit, munusq; suum obire cepit, potuit per se ipse miracula facere, quatenus potestas ea faciendi, quam a Deo habuerat, in ipso, ex ipsius Dei dono ac voluntate residebat.

Christus homo, Prophetis & Apostolis non eo tantum est præstantior, quòd ipse ex spiritu sancto fuerit conceptus, ipsi verò minimè; quodvè Deus per ipsum majora miracula fecerit, quàm per illos: (quanquã præterea quod attinet ad Apostolos, etiamsi, ut ipse Christus dixit, majora quàm ipse fecerit, miracula facere potuerint; non tamè ipsi sua, sed Christi potestate ea faciebant) sed multò magis est ob id Christus Prophetis & Apostolis præstantior, quòd per suum Evangelium ipse mundo, non illi beatam immortalitatem patefecit, ac Dei nomine æternum fœdus, illi iis largiendo, qui ipsi Christo, & per illum Deo confisi, ei sese obedientes præstiterint, nobiscum sancivit & suo sanguine confirmavit, ac præterea ab ipso Deo est universorum heres constitutus, cum plenissima potestate, omnia jussu suo regendi ac moderandi; non ipsorum Prophetarum modò & Apostolorum, totiusq; divini populi in perpetuum celestis rex declaratus, sed ipsorum Angelorum omnium princeps, ac Dominus factus.

Quamvis Christus suam legem habeat, eamq; Dei nomine mundo rulerit, non tamen simpliciter legislator.

legiſlator dicitur; cùm ejus lex, aliud nihil fuerit, quam complementum ac perfectio Moſaica. Nec ſanè ob id præcipuè in mundum venit, ut legem ferret, noſterve legiſlator eſſet; ſed ut noſ ſervaret, in quem etiam ſinem nobis ſuam legem dedit.

II.

Chriſti lex, quia ut diximus eſt complementum & perfectio legis Moſaica, ſine dubio ipſa lege Moſaica eſt perfectior: nec tamen negandum eſt, quin ipſa quoq; lex Moſis, ab hominibus interiorẽm probitatem requireret, licèt non tam exactam ut Chriſti lex requirit; quæ viciffim non minùs, quàm lex Moſis, externam probitatem ſeu ſanctitatem poſtulat, ſed multò tamen excellentiorem.

II.

Moſes ſine dubio fuit princeps, adeò ut alitubi rex fuiſſe dicatur: ſed non tamen tamquam princeps juſſit dentem pro dente eximi, ſed ſimpliciter tamquam legiſlator ipſius Dei nomine. Chriſtus verò, quanvis in terris more aliorum Regum rex eſſe noluerit, non tamen hæc fuit cauſa, cur noluerit ſuos iſtam talionis penam repetere. Ceterùm, cum aliquo coram judice litigare, non omninò vetuit Chriſtus, ſed tantùm, ubi ulciſcendi id cauſa fiat, & vindicta, quemadmodum in pena talionis repetenda fiebat, ea ratione queratur.

I3.

Terra Chanaan, propriè loquendo, non fuit promiſſa a Moſe, ſive in lege Moſis, ſed fuit hæreditas a Deo decreta, ante ipſam legem, populo Iſraëlis. In promiſſis verò a Moſe factis, nulla ſanè eſt aperta mentio regni caeleſtis. Hoc enim Chriſtus demum ſibi obedientibus promiſit.

Chri-

Christus non ob id venit, ut se nobis exemplum omnium virtutum ostenderet, sed, ut ante dictum est, ut nos servaret; quamvis inter illa, quae fecit & passus est ut nos servaret, illud mirum in modum eluceat, quod in se ipso perfectissimum exemplar omnium, quorum sectatores ii esse debent, qui tantae salutis participes esse volunt, divinarum virtutum praebuit atq; expressit.

Si quis est qui dubitet, an Christus non profit, nisi illis qui ipsum imitantur, is profectò nec Christianae religionis gustum ullum habere, nec novi Testamenti scripta legisse meritò videri potest.

Is homo, qui gustum alioqui Christianae religionis habeat, & promissorum in ea contentorum, si simpliciter labatur, aut etiam aliquod gravius peccatum committat, fieri potest, ut sine alia superveniente Dei gratia se ipsum erigat, & peccatum relinquat. Verumtamen, cum nemo in toto Christianae pietatis colende curriculo, suis ipsius viribus tutò confidere possit, nihil laudabilius & securius, quàm ad opem & auxilium divinum, quod nobis etiam alioqui, in omnibus, quae facere aggredimur, implorandum est, in eiusmodi causa recurrere. Quod si quis ita delinquat, ut vite sanctimoniam abiciat, & virtutum Christianarum semitã relictã, vitiorum viam ingrediatur, nullã ratione potest ipse per se, denuò ad virtutes sectandas converti, & vitii valedicere; sed necesse est, ut Deus singulari suo favore & gratiã, ad id praestandum illi adesse, eumq; juvare dignetur.

17.

Evangelium Christi non est simpliciter ostendere hominibus penitentibus, paratam apud Deum peccatorum remissionem; sed ita demum, si talis penitentia adjunctam sibi habeat fidem in ipsum Christum, id est, obedientiam preceptorum ejus sub spe vite eterne, ab ipso iis promissa, qui talem obedientiam prestiterint.

18.

Christi perpeffiones, cruciatus & mors, non potuerunt esse oblatio, que nobis iram Dei placaverit; cum jam Deus iratus nobis non esset, cum Christus munus suum obire cepit, sed contra per ipsum Christum quereret, atq; adeo a nobis peteret, qui ipsius Dei inimici eramus, ut sibi reconciliari vellemus, & peccatis relictis, ad justitie opera sectanda nos convertere; se enim, si id a nobis fieret, paratum esse, omnia ista peccata nobis remittere ac condonare. Itaq; quidquid passus est Christus, crux deniq; & sanguis ejus, non aliò pertinent, quàm ad suum effectum perducendam tantam Dei erga nos clementiam ac liberalitatem.

19.

Christi perpeffiones, non modò testantur nobis & confirmant certitudinem legis Christi atq; Evangelii, nec tantùm sunt nobis exemplum, ad imitationem ipsius Christi adhortans; sed sunt, ut modò dicebamus, ratio & via perducendi ad suum effectum, ingentem Dei erga nos benignitatem, in nostris peccatis omnibus gratuitò condonandis, & immortalitate nobis afficiendis; & simul cum iis
jun-

junctæ, quæ ipsas sunt consequuta, sunt demonstratio manifesta, nihil tam dirum & atrox Christum imitanti accidere posse, quod illi beatam immortalitatem, ad quam contendit, præcipere possit.

Christus, obedientiâ quam Deo præstitit, quæ admodum nobis sic etiam sibi ipsi (proprie loquendo) nihil est meritus; sed sicut nihilominus hanc ipsius obedientiam, ex Dei decreto, consequuta est ejus a mortuis resurrectio, sic etiam consequuta est ipsius potestas, nos, qui illi obtemperamus, a mortuis excitandi, & salute æterna impertiendi. 20.

Cena Dominicæ usus est necessarius, ut Christo obediamus, qui illum nobis præscripsit. Baptismus autem in Ecclesia, Apostolorum exemplo, omnino est retinendus. 21.

Nemo a nobis pro fratre habetur, qui Christum invocare renuat: Imò eum qui sit hujusmodi, ipsum Christum, quem Dominum & Deum agnoscimus, utq; talem adoramus & invocamus, penitus, sive prudentem sive imprudentem, negare censemus. 22.

Quod anima nostræ unâ cum corporibus moriantur, nullo pacto asserimus; tantùm ex analogia totius scripturæ edocti affirmamus, eas usq; ad Christi adventum, non frui beatitudine illa, quæ illis est promissa, qui ipsius Christi sunt. 23.

Nos, cum baptismû administramus, vel utimur usitata formula verborû, In nomine, seu in nomê Patris, & Filii, & Spiritus sancti; Vel simpliciter Apostolos imitati, in nomine Iesu Christi bapti- 24.

bapti-

Baptiſamus. Si quis ex noſtris aliã formulã eſt uſus, eſt ſingulare quiddam, quod ipſi noſtro cœtui aſcribi non debet.

25. *Baptiſari in nomen Patris & Filii, non eodem prorsus ſenſu dicitur, quo dixit Paulus, omnes baptiſatos fuiſſe in Moſen; nec nos, cum Pauli locum iſtum aſſerimus adverſariis reſpondentes, qui ex eo, quod Chriſtus iuſſit Apoſtolos baptiſare in nomen Patris, & filii, & Spiritus ſancti, colligunt, filium & Spiritum ſanctum, & utrumvis eorum eſſe illum unicum Deum noſtrum, aliud probare volumus, quàm poſſe quem in aliquem (quod idem eſt, atq; in alicujus nomen) baptiſari, quamvis ille non ſit ille unicus Deus noſter.*

26. *Nos, viribus naturalibus, in prima creatione homini datis, parum omnino in rebus divinis tribuimus, ſcientes, teſte Apoſtolo, animaleſ hominem non percipere, quæ ſunt Spiritus Dei. Et certè, quod Deus filium ſuum ex Spiritu ſancto concipi voluerit, indicat primæ creationis noſtræ, ubi de myſteriis divinis agitur, imperfectionem. Fit autẽ nobis, in illis verbis, Credũt nihilominus & c. nõ levis injuria; quaſi verò dubitari merito de nobis poſſet, an crederemus illud eſſe verum, quod aperitiſſimis verbis idq; non ſemel, in ſacris litteris expreſſum eſt.*

27. *Spiritum ſanctum, virtutem Dei atq; efficaciam, quã aliquo modo res ab ipſo Deo ſanctifican-*
tur,

Ad objectiones Cuttoni.

23

tur, esse credimus. Personam verò ipsum Spiritum sanctum, propriè & in potiore significacionem acceptum, ab ipso Deo cuius est Spiritus, distinctum esse negamus.

Sanctam motionem creatam a Deo in anima hominis, metonymicè, auctorem rei pro re ipsa nominando, Spiritum sanctum appellari posse, dubitari nequit. Sed aliud est appellari posse, aliud verò re ipsa esse.

28.

IOANNIS NIEMOIËVII
Epistolæ duæ,

DE SACRIFICIO
& Invocatione Christi.

Perlecto scripto tuo contra Volanũ, animadverti argumenta ejus satis accuratè a te refutata, locaq; scripturæ plæraque diligenter examinata ac elucidata: Verùm non sine mærore (ne quid gravius addam) incidi inter legendum in quoddam Paradoxon, scripturæ sacræ contrarium ac planè horrendum, dum Christũ in morte sive in cruce sacrificium obtulisse pernegas. Volanus circa causam efficientem turpiter lapsus est, dum Christum morte sua patrem cælestem placasse, ex iratoq; clementem ac misericordem effecisse, asserere ac affirmare non veretur: Tu contrà, Domine Socine, in causâ mediâ non leviter hallucinari videris, qui mortem Christi extenuas, effectumq; præcipuum mortis Domini nostri obliterare ac expungere vis, audacter pronuncians, dominum Iesum Christum non in ara crucis, sed in ipso cælo sacrificium obtulisse. Miror quid tibi in mentem

rem venerit, ut tam confidenter (ne quid aliud dicam) contra manifesta sacrae scripturae testimonia pugnare, contrariamque sententiam tueri non timeas.

Legi quoque diligenter responsionem tuam ad Argumenta Francisci Davidis; ubi Christi domini invocationem, honoremque nomini ejus sacrosancto convenientem asseris, ac contra calumnias Francisci Davidis defendis: Attamen videris mihi, paucis verbis optimam sententiam non tantum obscurasse, sed quasi in dubium revocasse, adversariosque in errore confirmasse.

Quæris quid sit, quod tantum malum secum importare possit? Breviter respondeo: verba illa quæ sæpius addis; *Christum Dominum invocare possumus, sed non debemus sive non tenemur, &c.* ruinam negotio causaque tuæ minantur. Non possumus percipere, quomodo hæc conciliari possint; Non debemus, sed possumus: quasi in negotio salutis nostræ liberum sit facere vel omittere, prout nobis aliquid magis necessarium vel e contra visum fuerit.

Ego verò non tantum posse, sed & debere nos Iesum Christum invocare, ab illoque bona nobis necessaria petere, affirmo; quod hisce rationibus breviter confirmare volo. Debemus in Iesum Christum credere, fiduciamque

ciamq; erga illum sinceram concipere:
 Ergò & invocare nomen ejus sanctum de-
 bebimus, non tantùm possumus. Itē, debemus
 Iesum Christum, dominum, regem, guber-
 natorem, ducem, protectoremq; nostrum,
 agnoscere, cui tutò inniti, ad ejusq; nos nu-
 tum componere debemus: Ergò eundem,
 invocare, ab eoq; precibus ambire, quò no-
 bis auxilio suo præstò fit, opemq; non dene-
 get, debemus. Possem per omnes partes e-
 minentiæ Christi, ejusq; officii erga nos, di-
 scurrere, ex quibus omnibus invocationem
 sacrosancti nominis ejus, non tantùm pos-
 sibilem (ut ita dicam) verùm summè neces-
 sariam evincerem: Verùm, quoniam mihi
 non cum adversario res est, ab iis superse-
 deo; hoc tantùm in tuo scripto desiderans
 ut semper & ubiq; rem, quam defendendam
 suscepisti, ornes, tuearis, maximèq; commē-
 des, præcavens, ne quod una manu ex ædifi-
 casti, alterà destruere aut labefactare videar-
 is. Si enim possumus, sed non debemus, aut
 ut tu scribis, non tenemur, quid inde sequa-
 tur facilè quivis colligere poterit. Adversa-
 rius dicet: Quid tam studiosè urges invoca-
 tionem nominis Christi, cùm ego id præsta-
 re non teneam? Imò sit tibi per me liberum
 invocare, mihi tu in re indifferente, tuo e-
 xemplo præscribere non potes, &c. Vnde

non levis error perniciosaq; dubitatio suborietur, dum alii invocare Dominum Iesum Christum non cessant, imò sedulò id præstant, alii verò id facere recusabunt, atq; dum testimoniis exemplisq; sacris urgentur, libertate conscientia suæ facilè se tueri ac excusare, si istud tuum pronunciatum stabit, poterunt. Mihi verò videtur huiusmodi Christianus, qui Dominum Iesum Christum invocare aut nō vult, aut nō audet, vix nomine Christiani digno: quod & tibi verisimile videri credo. Cur igitur ex necessaria, liberam ac indifferentem facere vis? Scio in publicis precibus non semper id requiri, cum & exempla Apostolorum diversum ostendant; verum hinc non de hac re loquor: sed conscientia singulorum fidelium in veritate, notitiaq; nominis Iesu Christi erudiendæ ac stabiliendæ sunt, ut quid credere de Christo, qualemq; fiduciam concipere, quæ demum & qualia bona ab eo sperare debeant, certò persuasi sint. Quæ in re qui rectè edocti sunt, spiritu sancto attestante in conscientia eorum, si in fide ac spe, reverentiaq; erga Christum Dominum fundati non aberrant, ii neq; de invocatione nominis eius unquam litem movebunt. Contrà quicumq; invocare non audent, ii neq; fiduciam nec spem ullam veram ac sinceram habent, Christi; domini

dignitatem, eminentiam, officiumq; penitus aut ignorant, aut leviter tantum de illo persuasi sunt, nunquamq; gustarunt quam benignus ac suavis sit dominus: ad quem cum certa fiducia (quod absq; ardenti invocatione nominis ejus fieri nequit) accedere non audent: certoq; certius est, hujusmodi omnes sive pseudochristianos, sive tepidos super Christo Domino super lapide vivo, veluti vivos lapides non ædificari.

Restat adhuc non levis scrupulus in eodem scripto, quem ut eximas opto, dum Adorationē Christi ab Invocatione distinguere videris. Negare non possum, sæpius id accidere, ut aliquem adoremus (de civili adoratione loquor) sine petitione alicujus rei ab eodem: Verum quomodo hæc in Christo Iesu adorando distingui possint, non video neq; percipere possum. Non enim amplius Iesus Christus nobiscum versatur carnali præsentia, ut eo viso capita nostra inclinamus, aut coram eo procidamus. quod Papistæ se egregiè præstare putant, dum coram lignea crucifixi imagine se humiliant, ac capita aperiunt. Nobis verò qui Iesum Christum non in terra, neq; in elementis terrestribus præsentialiter quærimus, omnis Christi adoratio non tam externa, quanto magis interna esse debet. Quotiescunq; enim ad nomen Iesu Christi genua flectim⁹, id absq; ardenti

Ioannis Niemojevii.

99

ardenti desiderio cordis, sive petitione auxilii salutaris facere non possumus; quod dum facimus nihil aliud agimus, nisi nomen ejus invocando, eundem non tantum interno affectu cordis veneramur, sed etiam externo gestu adoramus. Et sapissimè fit, ut absque exteriori reverentia, vel gemendo, vel precando auxilium ejus ambiamus; cum nunquam fieri possit (de veris adoratoribus loquor) ut Christum adorando ab eo aliquid non petamus: quod sine invocatione nominis ejus fieri nequit. Intelligis, ni fallor, vir erudite, quare ego istam subtilem distinctionem inter Invocationem & Adorationem, non recipiam nec assequi possim: tuum erit nodum hunc expedire. Data Lublini Ultima Februarii, anno 1587.

IOANNES Niemojevius.

Responsio Fausti Socini.

Sententiam meam de Sacrificio Christi, hæc thesi comprehensam tibi impugnandam propono. Sacrificium & oblatio Christi expiatoria pro peccatis nostris, quamvis non sine cruce & sanguinis fusione, non tamen revera in ipsa cruce sanguinisve fusione, sed mox in caelo, Christo illuc ingresso, peracta est. Hanc autem thesim ad unguem cum iis consentire invenies, quæ contra Volanum hac de re scripsi.

G 2

Sed

Sed jam ad alias tuarum litterarum partes venio.

Damnas vehementer, quod in disputatione mea cum Francisco Davidis affirmem, nos Christum Dominum invocare posse, non tamen teneri; hocq; ipsi Christi invocationi, quam tamen ubiq; stabilire nitor, ruinam sternere arbitraris. Hic autem pro eodem habes, non debere, & non teneri; cū tamen nō debere eam vim habeat, ut significet, aut certè significare possit, Id facere nō licerè; quod cōtrarium esset ejus, quod ego assero: Non teneri autem (quæ locutio, quamvis fortasse non omnino Latina, ad hunc sensum explicandum, & olim & hodie usurpata est) nihil aliud significet, quàm Nullo jure cogi. Videris etiam paulò aliter accipere Invocandi verbum, quàm ego accipiam, qui ipsam (ut sic dixerim) precum nostrarum directionem eo verbo intelligo, quemadmodum & Franciscus ipse Davidis, (quamquam interim Adorationem aliquando cum Invocatione confunderet) se intelligere apertissimis verbis ostendebat. Dico autem, te videri verbum istud paulò aliter accipere; nam Apostolorum exemplo, & publico ac perpetuo Ecclesiæ usui, ad Deum potius quàm ad Christum suas preces dirigendi, occurrere volens ais, te hac de re non loqui: Sed, inquis, conscientia singularum fidelium in veritate notitiaq; nominis Iesu Christi, erudiendæ ac stabiliendæ sunt, ut quid credere de Christo, qualemq; fiduciam concipere, quæ demum & qualia bona ab eo sperare debeant, certò persuasi sint. Quasi verò vel hoc

ipsum

ipsum a me diligentissimè ubique non fiat, vel sententia mea de invocatione Christi, huic rei quidquam adversetur. Sed sive rectè perceperis, quid in verbis meis (ubi tamen proprietatem simul & communem loquendi usum secutus sum) significet verbum Invocandi, sive minùs, ostendam (nisi fallor) nihil eorum quæ ad me hac de re scripsisti, sententiam meam labefactare, & nihil esse, cur dubites, ne propter illam a quoquam Christi invocatio in dubium meritò revocetur. Igitur sententia mea, ut ex prædictis intelligi potest, breviter hæc est; Nos quidem jure posse preces nostras ad ipsum Christum dirigere; sed non tamen ad id faciendum divino jure cogi. Et hanc meam sententiam clarissimè exposui, idq; non semel, in libello ipso disputationis meæ cum Francisco Davidis, præsertim verò in eo scripto, quod legitur ante responsionem ejusdem Francisci per partes descriptam & a me refutatam: in quo scripto ad ea respondeo, quæ vir quidam pius & doctus (is erat D. Blandrata) brevissimè, ad Christi invocationis necessitatem probandam, ad me scripserat, & ad demonstrandum hanc necessitatem omnino urgendam esse. quæ eadem re ipsa sunt cum iis quæ tu scribis. Itaque, nisi jam ad me disputationis illius libellum remisisses, possem meritò, pro refutatione eorum quæ meis verbis objicis, te ad scriptum illud meum rejicere. Verùm, libello jam a te mihi remisso, hîc paucis ad tua objecta respondebo.

Primum igitur sic ais: Non possum percipere quomodo hæc conciliari possint,

Non debemus, sed possumus. quasi in negotio salutis nostræ liberum sit facere vel omittere, prout nobis aliquid necessarium, vel contra visum fuerit. Ex his verbis tuis, quæ admodum etiam ex aliis, id apparet, quod dixi te, Non debemus, pro eo usurpare, quod est nō tene- mur, sive, nullo jure cogimur. Iā verò pro respon- sione dico, te hic vel principium, ut ajunt, petere, vel negotii salutis nomine, negotium religionis intelli- gere. cum tamen inter utrumq; differentia statu- enda videatur. In salutis nostræ negotio om- nia sunt necessaria. In religionis verò nostræ ne- gotio, non pauca sunt non necessaria. Et ne aliunde, quàm ex re ipsa, de qua agitur, exempla petamus, Ad Christum preces nostras dirigere, sine dubio ad negotium nostræ religionis pertinet: attamen nemo est, qui negare audeat, nos posse, ut sæpissimè quidem omnes facimus, non ad ipsum Christum, sed ad De- um preces nostras dirigere. Quodsi pariter ad sa- lutis nostræ negotium pertineret, ad ipsum Chri- stum preces nostras dirigere, id omittere sanè un- quam nulli ratione possemus. Illud quod hac in re ad salutis nostræ negotium pertinet, est, nos merito posse ad ipsum Christum, semper & ubiq; in rebus ad Ecclesiam seu publicè seu privatim pertinenti- bus, preces nostras dirigere, idq; ex animo agnosce- re, & palàm profiteri. Nam si quis hoc non agno- scit, nec profitetur, is potestatem, regnum, & guber- nationem Christi in Ecclesia non agnoscit nec pro- fitetur;

fitetur; sine qua agnitione & professione nemo per Christum salutem adipisci potest.

Deinde sic argumentaris: Debemus in Iesum Christum credere, fiduciamq; erga illum sinceram concipere: Ergo & invocare nomen ejus sanctum debemus, non tantum possumus. Respondeo, hic subesse consequentiam quam vocant fallaciam: Recte siquidem ex necessaria invocatione colligere quis posset necessariam fiduciam. Nam, ut Paulus ait, quomodo invocabis quis eum in quem non credit? Sed non recte contra ex necessaria fiducia, necessaria invocatio colligitur. praesertim, si Invocationis nomine, ut in hac disputatione fit, ipsa precum directio intelligatur. Nihil enim vetat, quominus alicui plane confidam, & tamen ad alium in meis necessitatibus preces meas dirigam, cui videlicet non minus confidam. Debemus Iesu Christo confidere: sed iidem debemus ipsi Deo confidere. Immo Christo confidere, nihil revera est aliud, quam ipsi Deo confidere. neq; enim in ipso Christo fiducia nostra terminatur; sed per ipsum in Deum transit ibiq; acquiescit. Quare, tametsi fiducia in Christum necessaria est nobis, non tamen necessarium est, ut ad ipsum preces nostras dirigamus; cum possimus eas ad Deum dirigere, cui similiter immo excellentiore quadam ratione confidere omnino necessarium nobis est. Alioqui, si argumentatio tua a necessaria fiducia ad necessariam invocationem valeret, ad hunc modum quis argumentari posset. Necessarium est nobis semper atq; ubiq;

Christo confidere; Igitur necessarium est nobis semper atq; ubique preces nostras ad Christum dirigere. quod tamē quā a veritate absit, nemo nō videt.

At rursus hac argumentatione uteris; Debemus Iesum Christum, Dominum, Regem, Gubernatorem, Ducem, Protectoremq; nostrum agnoscere, cui tutò inniti ad eusq; nos nutum componere debemus: Ergò eundem invocare, ab eoq; precibus ambire, quò nobis auxilio suo præstò sit, opemq; non denegat, debemus. Hæc argumentatio eodem fermè vitio laborat, quo & superior. Quandoquidem etiam si necessarium esse videtur, ut is, cujus opem & auxilium precibus implorare omnino debeamus, a nobis Dominus, Rex, Gubernator, &c. noster agnoscendus sit; non tamen contrà necessarium est, ut ejus qui a nobis Dominus, Rex, Gubernator, &c. noster agnoscendus sit, opem & auxilium implorare omnino debeamus. Nam si alius similiter Dominus, Rex, Gubernator, &c. noster nobis sit agnoscendus, nihil prohibebit, quin, illo præterito, hujus opem & auxilium precibus imploremus. Exemplum esto in antiquis illis Imperatoribus, qui vel suos filios, vel alios homines sibi consortes imperii asciscébāt. Certè istis licet ad imperii consortium evectis, & sic populi Dominis, Regibus, & Gubernatoribus constitutis ac declaratis, nemo tamen ex populo eorum opem & auxilium implorare cogebatur: sed poterat adhuc unusquisq; opem illorum & auxilium semper implorare, a quibus isti, tales constituti ac declarati fuerant,

fueraut, quippe, quos non minus, quàm istos, Dominos, Reges, & Gubernatores suos agnoscere adhuc deberent. Similiter igitur, cum non Christus tantum, a nobis Dominus, Rex, Gubernator, &c. noster sit agnoscendus, sed Deus quoq; a quo ipse Christus talis est nobis constitutus & declaratus, nihil prohibet, quominus non ipsius Christi, sed Dei opem atq; auxilium in precibus nostris imploremus. Nam si dicas, te in argumentatione tua addidisse de Christo, quòd ei tutò inniti debeamus, id quòd de istis hominibus ad imperii consortium ascitis dici nequeat; jam in responsione ad superius argumentum, ubi ex fiducia in Christo necessariò collocandà, necessaria ejusdem Christi invocatio colligebatur, huic rationi satisfactum est.

Verùm hic statim subjici. Possem per omnes partes eminentiæ Christi ejusq; officii erga nos, discurrere, ex quibus omnibus invocationem sacrosancti nominis ejus non tantum possibilem (ut ita dicam) verùm summè necessariam evincerem. Ego verò affirmo, cum ex iis que supra enumerasti, omnium, que Christus habet, maximis & præstantissimis, ista Christi invocandi, id est, ad eum preces nostras dirigendi summa necessitas, nõ nisi perperam, ut vidimus, colligi possit, nunquam eam rectè, ex aliis Christi eminentiæ partibus, collectum iri: Sed tantum (quam quidem ipse diligentissimè ubique urgeo) indubitam, & ab omnibus necessariò agnoscendam & predicandam, ad Christum preces nostras dirigendi

potestatem, quemadmodum ex his, sic etiam fortasse ex illis rectissime conclusum iri.

Sed ais: Si possumus sed non bebemus, aut, ut tu scribis, non tenemur, quid inde sequatur facile quivis colligere poterit. Adversarius dicet: Quid tam studiose urges invocationem nominis Christi, cum ego id prestare non teneam? *Respondeo;* Idcirco tam studiose urgeo invocationem Christi, ut Adversarius mecum agnoscat, & palam profiteatur, Christum a nobis merito invocari, id est, preces nostras ad ipsum dirigi posse, & consequenter fateatur ac predicet, Christum in celo manentem, summam nunc in ipso celo & in terra potestate re ipsa præditum esse, universamque Ecclesiam suo nutu regere ac gubernare; & idcirco ut caelestem nostrum Dominum, Regem, ac Gubernatorem a nobis adorari, seu divino cultu ac veneratione affici debere. Certè (ut interim ad alia que subiungere respondeam) qui ita de Christo ex animo, ut quidem prorsus necessarium esse dico, & sentiet & loquetur, nunquam dicet, se Christum invocare, sive ad ipsum preces nostras dirigere, vel non audere vel nolle. Immo, quamquam id nec ne facere, sibi liberum alioqui esse agnoscet; tamen se ad illum preces suas directurum dicet, prout spiritus suggererit, atque humana imbecillitas postulaverit; cuius potissimum juvanda gratia, hoc Christo a Deo datum est, ut preces nostras perpetuo exaudire, nobisque opem ejus implorantibus opitulari possit: neque unquam iste de Christi invocatione litem movebit,

aut,

aut, dum alii Christum invocabunt, id ipse facere recusabit. Cur enim, si jure optimo semper a se invocari Christum posse & agnoscit & profitetur, aliis Christum invocantibus, ipse id facere recuset, nisi fortè Christianæ charitatis prorsus sit expers, ideoq; planè indignus, qui in Christianorum cœtu locum habeat? Itaq; ambabus (quod ajunt) vulnis, ea verba a te postmodum divinitus scripta, illorumq; sententiam amplector ac recipio; Quicumque (Christum) invocare non audent, ii neq; fiduciam, nec spem ullam veram ac sinceram habent, Christi; Domini dignitatem, eminentiam, officiumq; penitus aut ignorant, aut leviter tantùm de illo persuasi sunt, nūquamq; gustârunt. quàm benignus ac suavis sit Dominus &c. Rectè igitur existimâsti, mihi quoque verisimile videri, eum, qui Dominum Iesum Christum invocare non vult, aut non audet, vix Christiani nomine dignum esse. nisi quòd non modò vix, sed ne vix quidem; & non modò verisimile id mihi videtur, sed persuasissimum mihi est. At nihil prorsus cum hoc pugnat, ut paulo antè ostendi, asserere, posse nos quidem meritò ad Christum ipsam præces nostras dtrigere; non tamen (simpliciter & absolutè scilicet loquendo) ad id faciendum divino jure cogi. Nam præterquam quòd nullum divinum, idq; certum atq; indubitatum præceptum ea de re extat, ipsa etiam subordinatio Christi ad Deum isti necessitati penitus adversatur. Ex ista enim subordinatione, hoc inter Dei & Christi invocationem
discr-

discrimen necessario consequitur, quod scilicet Deum quidem invocare omnino debemus, sive ad ipsum Deum sive ad Christum verba precum nostrarum dirigendo (qui enim Christum nominatim orat, ipsum Deum revera orat, cujus Christus vicarius quodammodo est, eiq; ut dixi, subordinatus:) Christum vero, ob hanc ipsam causam, semper quidem invocare possumus, id est, ad ipsum preces nostras dirigere (id enim facientes, nihil a precepto ac necessitate invocandi Dei recedimus) sed possumus etiam illum non invocare; id est, possumus non ad ipsum, sed ad Deum verba precum nostrarum dirigere. Cum enim Deus Christo nequaquam sit subordinatus, qui Deum orat precum verbis non ad Christum, sed ad ipsum Deum directis, is nullo modo Christum orasse censendus est. Atq; cognitio & doctrina hujus discriminis inter Dei & Christi invocationem, certissima est ratio conscientie nostrae, in tota hac questione invocationis Christi, quiete ac tranquilla reddenda, & Adversariorum, qui nos Christum cum Deo confundere calumniantur, oris obstruendi, illorumq; pravitate detegenda; qui idcirco Christo invocationem adimunt, quia supremam illam potestatem & gubernationem, precumq; nostrarum exauditionem illi nequaquam concedunt; ex qua, ut ostendi, non necessitas, sed potestas tantum Christi invocandi necessario sequitur. Est deniq; tutissima atq; adeo unica via, ut conservandi Deo in Ecclesia (quemadmodum omni studio ac conatu curare debemus) suam prerogativam,

sic

fic ipsam Christi invocationē prorsus stabiliendi, & adversus omnes satanae impetus inconcussam reddendi. tantum abest, ut eam hac ratione labefactari posse, quisquam meritò suspicari queat. Et propterea ego cum Francisco Davidis disputans, consultò ipsissimā interim (ut mihi quidem videtur) veritate nihil dissimulatā, hanc ipsam viam sum ingressus. Sed quae hac de re scripsi, ut, ni fallor, apertissimè mentem meam explicant, sic rectè intelligenda ac perpendenda sunt. Alioqui, si quis, quae legit, negligenter legat, non solùm ex meis scriptis, sed etiam ex ipsis sacris literis occasionem sumere facilè poterit, licèt planè immeritò, de rebus divinis malè ac perversè sentiendi.

Nunc venio ad scrupulum tuum propter distinctionem meam inter Christi Adorationem & Invocationem. Neq; enim vides, quomodo Christus corpore a nobis absens adorari queat, quin eodem tempore invocetur: cum tamen videlicet ego ubiq; affirmem, nobis necesse esse Christum adorare, invocare verò non item. Et ais: Quotiescunq; enim ad nomen Iesu Christi genua flectimus, id absq; ardenti desiderio cordis, sive petitione auxilii salutaris, facere non possumus. Immo verò nihil impedit, quominus ad ipsius etiam Dei nomen, genua sive corporis sive animi flectamus, nihil tamen interea temporis cogitantes, nisi ut illum debito honore afficiamus. An non possumus Christo & corporis & animi genibus flexis, hymnos ac lau-

des

des canere ac tribuere divinas? an non eū & mente
 & lingua Dominum ac servatorē nostrum, venera-
 būdi agnoscere ac confiteri? an non, ut in ipsius cena
 fit, ei sacro & divino cultu gratias agere, ejusq; nomē
 sanctissimum divina planē ratione concelebrare;
 & tamen eodem ipso tempore nihil de auxilio ab
 ipso sive petendo, sive etiam expetendo cogitare?
 Profectō possumus. Talis est enim Christus a Deo
 factus nobisq; constitutus, taliaq; per ipsum benefi-
 cia accepimus, ut, etiam eo secluso, quōd nobis eum
 invocantibus opem in necessitatibus nostris ferre
 potest, eum tamen prorsus divino honore afficere
 debeamus. Quamvis enim corpore nobis Christus
 non adsit, adest tamen spiritu; & non modo gestus
 nostros omnes & verba videt & audit; sed cor
 ipsum nostrum perpetuō novit atq; intuetur, nec
 quidquam hic diversi est ab eo, quod foret si ubique
 & semper præsens nobis corpore adesset. Quocirca,
 quemadmodum nemo potest negare, quin, si Chri-
 stus corpore præsens nobis esset, eum adorare,
 & tamen eodem tempore simul non invocare posse-
 mus; sic negandum nullo modo est, eum licet a nobis
 corpore absentem, adorari sine invocatione posse.
 Exempla quidem adorati, nec tamen simul invoca-
 ti Christi, cū in terris esset, non pauca habemus,
 eaq; non civilis sed religiose adorationis; ut Mat. 2.
 v. 11, & cap. 14. v. 23, Ioh. 9. v. 38. & alibi. Siqui-
 dem, ut in ipsa disputatione mea cum Francisco Da-
 vidis scripsi (ipsa autem verba adscribam) Adorat
 is, qui corpus aut animum alicui reveren-

ter inclinatur, & coram eo venerabundus procumbit, etsi nihil ab eo petat. Invocat autem is, qui in necessitate constitutus, aut aliquid percipiens, confidenter alienam opem & benignitatem implorat. Quamobrem miror, distinctionem Adorationis & Invocationis Christi, non quidem a me excogitatam, sed a rei ipsius, non minus quam vocabulorum diversitate proficiscentem, tibi homini erudito imprimis ac perspicaci, adeo subtilem videri, ut eam percipere nequeas: cum potius necesse sit ad summam quandam atque (ut ita dixerim) imperceptibilem subtilitatem confugere, si quis hæc duo, quæ & natura ipsa & loquendi usus manifestè distinxit atque sejunxit, confundere velit, vel alterum ab altero nunquam separare. Dat. in agro Paulicoviano. die 20 Martii. 1587.

FAUSTUS SOCINUS.

IOANNIS NIEMOIEVII

Epistola II.

Verba in responsione contra Volanum hæc extant. Itaque affirmo Christum non quidem in cruce, seu crucis ara se Deo obtulisse, sed in ipso cælo. Item: Nec porro ipsam Christi mortem, ejus revera sacrificium esse aut fuisse, sed illi prævisse &c. In literis vero ad me datis quædam addidisti, sententiam tamen non mutasti: immo hanc esse tuam opinionio.

pinionem, quòd Christus revera in cruce sacrificium non peregisset, manifestè confessus es.

Quid igitur dicam? Libenter placita scriberem, si piè ac justè id facere possem: verùm nec te officiosis mendaciis delectari putò, nec ego alicui adulari volo, contraq; animi sententiam loqui possum. Ut igitur tecum liberè agam, nolo verborum circuitu uti, sed fretus clarissimis novi Testamenti sententiis, absq; omni tergiversatione simpliciter affirmo, sententiam tuam, non tantùm erroneam, verùm cum testimoniis sacrae scripturae ex diametro pugnare. Non opus est longa probatione, sed tantùm scripturae sanctae loca aliquot producenda, ex quibus sententiae tuae vanitas, errorq; deprehendi facilè potest. quod facere, favente Deo, incipiam.

Paulus Ephes. 5. *Christus dilexit nos, & tradidit semetipsum pro nobis oblationem ac victimam Deo, in odorem bonae fragrantiae &c.*

Hebr. 9. *Nam si sanguis taurorum & hircorum, & cinis juvencæ aspergens inquinatos, sanctificat ad carnis puritatem; quanto magis sanguis Christi, qui per spiritum æternum seipsum inculpatum obtulit Deo vivo?*

Ibidem: *Neq; ut sepè offerat semetipsum, sicut Pontifex ingreditur in sacrarium quotannis, cum sanguine alieno, alioqui opportuisset eum sepè passum*

passum fuisse a condito mundo. Sed nunc semel in consummatione seculorum, ad abolendum peccatum per immolationem sui ipsius patefactus est: & sicut illud statutum est hominibus, ut semel moriantur, postea verò iudicium; ita & Christus semel oblatus, ut multorum peccata tolleret, altera vice absq; peccato conspicietur iis qui ipsum expectant ad salutem, &c. Possem plura testimonia adducere; verùm nunc iis contentus esse volo, ex quibus manifesta repugnantia opinionis tuæ apparet. Tu enim Iesum Christum seipsum in cruce obtulisse Deo negas, mortemq; Christi pro vero sacrificio agnoscere non vis; testimonia verò citata, Christum, per mortem crucis seipsum obtulisse Deo, apertissimè testantur.

Quid ad hæc dicturus es? Fortassis ad Dianian confugies: verùm ego ipsissima verba urgeo, nec nunc de sensu verborum, disputationem instituere volo, verbis apertissimis contentus, sicut omnes pios, Deiq; amantes facere decet. Obsecro itaq; ne extra & ultra propositum necessitatemq; me in certamen provoces, hoc est, ne mecum de sensu verborum litem instituas: dabitur, Deo volente, oportunum tempus, de sensu verborum Apostoli conferendi ac disputandi; nec deerunt rationes, Deo favente, sententiam veram eruendi ac confirmandi. Nunc verò hoc tibi objicio, in

H

hocq;

hocq; te non laudo, quòd apertissima Spiritus sancti pronuntiata, per repugnantiam, verborum oppugnare audeas. Spiritus enim sanctus clarissimis verbis mortem Christi oblationem nominat, tu verò per antiphasin testimonio Spiritus sancti contraire videris. Summa igitur meæ reprehensionis, totiusq; disputationis, quoad præsentem, articulum, hæc fit: aut ostende, (quod te nunquam facturum puto) scripturam novi Testamenti, mortem Christi oblationem sive sacrificium non vocare, aut manifestæ veritati cedere, palinodiamq; canere non dubites, teq; ab errore liberes, nec cæteris scandalum, adversariisq; occasionem sugillandi calumniandiq; præbeas. Tu Christi sacrificium in cælo demum peragi asseris, conferens Christi ascensum cum introitu veteris Pontificis in sancta sanctorum. Verùm quamvis negare nolo, Christi sacerdotium esse æternum, in cæloq; sacerdotem pro nobis interpellando, vultuiq; Dei apparendo agere: tamen nihilominus in terra per mortem crucis, idem Christus seipsum obtulit, morsq; ejus jure optimo oblatio vocari, attestante Spiritu sancto, potest. Nam & sub lege Pontifex cum sanguine in sanctuarium ingrediebatur, qui sanguis mactatorum animalium erat; ea verò mactatio animantium, oblatio sive sacrificium
 appel-

appellatur. Ita & Christus seipsum per mortem crucis obtulit, sanguinemq; proprium effundi passus est: per quem sanguinem introivit in tabernaculum non manu factum, hoc est, in ipsum cælum, ut ibi æternus Sacerdos Deo appareat pro nobis. Sed ab istis uberius tractandis supersedeo; a proposito certamine non discedens, hoc unum urgeo: aut ostende in novo Testamento mortem Christi oblationem non appellari, aut terrâsse, sententiamq; scripturæ sacræ contrariam edidisse confitere. Quod attinet ad rationem justificationis nostræ, effectaq; mortis Christi; scias me cum illis non sentire, qui Christum morte sua Deum placâsse, ex iratoq; clementem effecisse imaginantur. nec illis assentior, qui fide mortuâ justificari volunt. Novi, gratiâ Dei, distinguere autorem justificationis nostræ a causa mediâ, patrisq; clementissimi misericordiâ gratiamq; , summam præcipuamq; causam salutis nostræ agnosco: qui quicquid fecit, id totum, primo respectu, propter seipsum fecit, ut misericordia ejus immensa, bonitasq; ineffabilis appareret. At tamen mediæ causæ quæ in Christo mediatore præcipuè concurrunt, non sunt negligendæ, nec leviter transcendendæ, aut in alium sensum, quem Spiritus sanctus non dicit, accipiendæ. Opera bona a fide justificante separare nolo, sed fi-

dem cum operibus (a Paulo edoctus) confundere caveo: etsi enim opera a fide re ipsa non separantur, tamen in negotio justificationis, ratione quadam distinguuntur. Sed de his dabitur aliquando oportunior differendi occasio, tempusq; & locum Deus, si voluerit, suppeditabit. Nunc verò finem priori parti controversiæ nostræ imponens, rogo, quod & superius postulavi, ne in respondendo terminos propositos mutare velis, in aliudq; genus transcendere audeas, hoc est, ne mecum de sententiâ verborum litem moveas: sed si id negare non poteris, me pro sententiâ meâ confirmandâ, Apostolica verba rectè adduxisse, nihil præterea restabit, quàm ut errorem tuum agnoscas corrigasq;. quod ut facias suadeo, idq; tibi a Deo optimo dari ac suggeri opto.

Sed jam ulteriùs progrediamur, deq; filii Dei invocatione agamus. Video te laborare, quò crimen a te labefactatæ invocationis Iesu Christi removeas, teq; nihil huiusmodi scripsisse, unde adversarii occasionem erroris sui stabiliendi habeant, ostendere possis. Ego ingenuè fateor, te doctè, piè, ac luculenter pro asserenda Domini nostri Iesu Christi gloria scripsisse, adversariosq; fortissimis telis ex verbo Dei petitis cõfodisse, armaq; eorum irrita ac vana reddidisse: & nisi pauca illa verba, de quibus

bus mox agemus, addidisses, non puto aliquid validius, quo adversarii contundantur planèq; corruant, scripto illo tuo contra Franciscum edito inveniri posse. Verùm cum invocationem filii Dei, quam tantopere commendasti ac stabilivisti, non ita necessariam sicut fiduciam in dominum nostrum Iesum Christum asseris, sed liberam facis, ad quam nemo jure divino necessariò cogatur: videris mihi a priori sententia etsi non recedere, tamè aliquatenus deflectere. Si enim invocatio Iesu Christi non est adeò necessaria, ut quivis Christianus jure divino ad eam cogatur, profectò inter adiaphora numeranda, potiùsq; singulorum fidelium conscientiis relinquenda, ut quilibet juxta suggestionem spiritus, vel illà uteretur vel eam negligeret; nullaq; fuisset causa tam acriter cum adversariis hac de re contendendi. Si enim Christus gloriam integram ab iis, qui nomen ejus invocare nec audent nec volunt, habere potest, profectò permittendi sunt ejusmodi propriis conscientiis, ut hac in parte libertate Christiana utantur. Verùm si invocatio Iesu Christi ad gloriam nominis ejus refertur, sine qua honor Domini Iesu Christi illibatus conservari, gloriaq; ei integra tribui non potest, profectò invocatio nominis Iesu Christi, res est ex necessariis, ad fidè religionemq; Chri-

stianam pertinentibus. Verùm his breviter prælibatis, ad Apologiam tuam accedamus. Objicis mihi quod inter verba, *non debere, & non teneri*, discrimen nullum statuam: qua de re contendere nolo, nam me grammaticum non esse, non inficior. Agnosco hæc duo verba, me in una significatione accepisse: verùm a te admonitus, ero posthac cautior.

Discrimen quoddam inter res ad salutem necessarias, & illas quæ ad religionis negotium pertinent, statuis: quæ ad salutis negotium faciunt, eas necessarias affirmas, quæ verò religioni serviunt, non pauca non necessaria asseris. Ego, mi domine, explicationem accuratioremq; hujus rei descriptionem desidero: verba enim, ut a te scripta sunt, nisi candidum interpretem nacta fuerint, possent nonnullam suspensionem injicere, te de religione Christiana minùs sentire, sive imprudentiùs loqui. Religio enim vera ea omnia continet, quæ ad cultum Dei, Iesuq; Christi tam internum quàm externum, in verbo Dei præscriptum, pertinent: ex quibus si quis, sciens ac volens aliquid omiserit, puto hujusmodi hominem contemptæ religionis (nisi resipuerit) pœnas luiturum. Ego itaq; omnia quæ ad religionem Christianam verè ac propriè pertinent, cum iis rebus quæ salutem nostram ser-

viunt

viunt, conjungere didici. Scio, quoad religionis negotium, a multis peccari, non maliâ sed ignorantia, qui (ut spero) veniam habituri sunt, si ex eorum numero fuerint vel sunt, qui vero timore Dei imbuti, sincero cordis affectu Deum quærunt, nihil temere omittentes, quod perspectum a Deoq; profectum habent. Sed de his non est nunc dicendi locus: nobis, quibus veritas Dei ampliori modo patefacta est, nulla excusatio relicta, si scientes volentesq; negligentes in religione, non tantùm interna, sed etiam externa fuerimus. Non debemus igitur nec possumus religionis officium, a salutis negotio distinguere: immo potiùs salutis nostræ modum sive medium, majori ex parte in vera religione constituere. Sed jam videamus exemplum a te adductum hujusmodi: *Ad Christum ipsum preces nostras re ipsâ dirigere, sine dubio ad negotium religionis nostræ pertinet: attamen nemo est qui negare audeat, nos posse, ut sepius quidem omnes facimus, non ad ipsum Christum, sed ad Deum preces dirigere. Illud quod hæc in re ad salutis nostræ negotium pertinet, est, nos meritò posse ad ipsum Christum semper & ubiq; in rebus ad Ecclesiam, seu privatim seu publicè pertinentibus preces nostras dirigere, idq; ex animo agnoscere & palàm profiteri. Nam nisi quis hoc agnoscat & profiteatur, is potestatem, regnum & gubernationem Christi in Ecclesia non*

agnoscit nec profiteretur : sine qua agnitione & professione nemo salutem per Christum adipisci potest.

Exemplum a te loco argumentationis positum, videtur fallaciam redolere, quam ego aut nominare nescio, aut ad fallaciam divisionis pertinere arbitror: vis enim, ex eo quod assiduè non fit, concludere, quod necessariò facere non teneamur. Verùm facile per instantiam argumentum tuum solvere possum. Deus Pater non semel invocatur; immo Stephanus solùm Christum invocavit, Paulus quoq; non semel id fecisse legitur: ergò invocatio Dei non est necessaria ad salutem. Non rectè igitur, (pace tua dixerim) argumentaris, ab eo quod semper non fit, ad non necessarium actum. Nam de tempore & loco non est præscribendum: Spiritus suggeret fiduciaq; , quam erga Christum unus altero majorem habet, singulos fidelium instruet. Ego libenter ad gloriam Christi fateor, me nunquam in privatis meis gemitibus sive precibus, quoties Deum Patrem invoco, ejusq; auxilium imploro, Christum omittere: novi enim certissimèq; confido, me nisi per ipsum non posse ad Patrem tutò ac confidenter accedere; quoniam sic Patri omnipotenti placuit, ut Christus sit opitulator ac interpellator noster, per quem cum fiducia ad thronum divinæ gratiæ, ut misericordiam consequa-

sequamur, confugiamus. Quod ad publicas preces Ecclesiæ pertinet, hæ pro temporis necessitatibus; ratione moderari possunt. Frustra itaque hoc exemplum adduxisti, immo meo iudicio extra propositum: nam non quæritur an semper & ubique necessarium sit preces ad Christum dirigere, sed an res sit necessaria homini Christiano Christum invocare, ad eumque preces dirigere. Tu ipsemet fateris, hoc ad salutis nostræ negotium pertinere, ut agnoscamus nos merito posse ad ipsum Christum semper & ubique preces nostras dirigere. Hoc tuum posse, necessario oppositum, mihi haud dubie labefactionem Invocationis Christi continere videtur. Quid enim hoc est: possumus invocare Christum, idque ut profiteamur, ad salutem necessarium est: verum ut invocemus nullo jure cogimur? Si quis ita argumentaretur: possumus credere Christo, idque agnoscere & profiteri debemus, verum ut ei confidamus, nullo jure cogimur: nonne tibi absurda huiusmodi argumentatio videretur? Scio quid respondere possis; nos expressum mandatum habere de fide in Christum dirigenda, de precibus verò ad eum dirigendis non item. Ego nunc hac de re diligentius agere nolo, tu ipse tuum scriptum inspice, videbis te contra Franciscum, Dei ordinationem & constitutionem loco

præcepti approbare; immo aliquot loca, nisi fallor, adducis (quæ & ego adducere, nisi brevitati consulerem, possem) quæ vim expressi mandati habent.

Sed quid pluribus opus est, cum tu ipse evidenter testeris, eum, qui Christum invocandum negat, nec potestatem, nec regnū, nec gubernationem Christi in Ecclesia agnoscere; sine qua agnitione & professione, nemo salutem per Christum adipisci potest. Si igitur is qui Christum invocari jure ac merito posse non agnoscit neq; profitetur, Christum Dominum verè nec agnoscit nec confitetur, ob cujus ignorantiam salute per Christum parta privandus est: quomodo is, qui sciens Christum esse invocandum, tamen non invocat, majori pæna dignus non erit? Constat itaq; ex tuamet ipsius confessione, Domini nostri Iesu Christi invocationem ad salutem consequendam esse necessariam. Si enim hujusce rei ignoratio ab agnitione vera Iesu Christi excludit, a saluteq; per Christum acquirenda arcet: quomodo rei ipsius neglectus sive contemptus eundem effectum producere non debeat?

Accedis postea ad meam argumentationem, quæ a natura viq; fidei, fiduciaq; erga Iesum Christum conceptæ, ad effectum necessariæ Invocationis producebatur. Quam tu hujusmodi responso rejicere

rētas, objiciēs argumēto a me producto fal-
 laciā consequentis: *Rectè siquidē* (verba tua
 refero) *ex necessaria Invocatione colligere quis*
posset necessariā fiduciā. Nam, ut Paulus ait, quo-
modo invocabit quis eum in quem non credit? Sed nō
rectè contrā ex necessaria fiduciā, necessaria In-
vocatio colligitur, præsertim, si Invocationis nomi-
ne, ut in hac disputatione fit, ipsa precum directio
intelligatur. Nihil enim vetat, quominus alicui
planè confidam, & tamen ad alium in meis neces-
sitatibus preces meas dirigam, cui videlicet non
minùs confidam. Debemus Iesu Christo considerare,
sed iidē debem⁹ ipsi Deo cōsidere; imò Christo cōside-
re, nihil revera est aliud, quàm ipsi Deo cōsidere: neq;
enim in ipso Christo fiducia terminatur, sed per ipsū
in Deū transit, ibiq; conquiescit. Quare tametsi fi-
ducia in Christum necessaria nobis est, non tamen
necessarium est, ut ad ipsum preces nostras diriga-
mus, cūm possimus eas ad Deum dirigere cui simi-
liter, immo excellentiore quadam ratione confide-
re, omnino necessarium nobis est.

Hæc tua, Domine Socine, ad argumen-
 tationem meam responsio, tantum adest, ut
 vim argumenti mei enervet debilitetve,
 quin potius connexū argumenti mei strin-
 git ac confirmat. Nam quod tu ex necessaria
 Invocatione necessariam fiduciā colligis,
 sed non e contra; videris mihi hac in re mul-
 tum hallucinari, qui res conjunctissimas di-
 vellere tentas, quæ mutuam relationem ha-
 bent,

bent, & invicem recipiuntur. Si enim in eum ad quem preces dirigo, credere eiq; confidere debeo: quomodo vicissim eum, cui tutò confido, (ut Iesu Christo tutissimè confidere debemus) nunquam in necessitatibus meis invocare audebo aut non curabo? Profectò si quis reperiretur, qui de fide in Iesum Christum gloriari auderet, eumq; invocare negligeret, istum ex tribus vitiis ad minus uno laborare oporteret: vel enim de Domino Iesu Christo minus sentiret, videlicet, invocantem ac confidentem juvare non posse: aut se ejus auxilio non indigere arbitraretur: vel potiùs (quod verisimilius est) loco veræ fidei nomen tantùm inane prætenderet, simulatq; fide gloriaretur. Sed quoniam veri Christiani de Domino ac salvatore nostro persuasi sunt, eum & posse & velle juvare, ejusq; auxilio & operâ semper & ubiq; se indigere: certè hi omnes ex fiducia concepta aliter facere nec possunt, nec debent, quin ad Christum in necessitatibus suis assiduè confugiant, ab eoq; auxilium petant. Fiducia igitur vera necessariò producit Invocationem, non minus quàm Invocatio sincera veram fiduciam requirit.

Quod verò a persona excellentiaq; Dei Patris, ad infringendam necessitatem Invocationis Iesu Christi, argumentum petis, cui excellentiori modo confidere, eundemq;

invo-

invocare tutissimè possumus: facis id impertinenter, immò (pace tua sit dictum) minùs cōsideratè. Quid enim aliud facis, quàm ab Adversariis arma mutuaris, & non sentiens in eorum castra transire videris? Si enim propterea, quòd ad Deum preces nostras dirigere necesse habeamus, ad Christum non necessariò easdem dirigere teneamur: nonne eadem sequelâ fidem in Christum non necessariam, aliquis imprudens existimare poterit? maximè cùm Deum talem habeamus & profiteamur, qui sine alicujus ope nobis succurrere, nosq; ex omni periculo liberare, solusq; erripere possit. Cur igitur alicuiquam, præter Deum ipsum patrem benignissimum, omnipotentemq; protectorem confidamus, sive in necessitatibus nostris ad alium quempiam confugiamus? Vides, si modò attendere voles, te hujusmodi argumentis plus gloriæ Christi nocere, quàm prodesse, adversariisq; ansam contra Christum insurgendi præbere. Novimus, gratiâ Dei, & libèter profiteamur ineffabilem majestatem, bonitatemq; Patris nostri clementissimi: sed, ubi agitur de gloria Christi, non opus est potentiam ac majestatem Dei prætere, excellentiâq; Patris gloriam filii obscurare, sed voluntas, consilium ac ordinatio Dei consideranda ac proponenda est. Si Deus nos

us nos voluisset per se solū salvare, & absq;
 mediatore conservare, profectò id facere
 sicut potuisset, ita & fecisset, Christumq;
 salvatorem neq; promisisset neq; exhibuisset.
 Sed quoniam Iesum Christum constituit
 Dominum, Salvatorem ac mediatorem
 nostrum, per quem ad Patrem accedere debemus,
 eiq; omnem potestatem in cælo & in terra
 tradidit, in quem post Deum credere, eiq;
 tutò confidere possumus, inanis est omnis
 disputatio de eminentia Patris: sufficere enim
 sola voluntas eius potest, proq; certissima
 regula fiducia ac obedientiæ nostræ erga
 Christum, Dei ordinatio ac constitutio esse
 debet. Tuum argumentum itaq; valde claudicat,
 quod in hunc modum formare oportet: Possumus
 & tenemur Deum Patrem invocare: ergò ad
 Christum preces nostras dirigere quamvis
 possumus tamen non tenemur. Manifesta
 fallacia consequentis, quàm ab instanti,
 simili argumento ostendere possum: Possumus
 & tenemur in Deum Patrem credere, ergò
 Iesu Christo quamvis confidere possumus
 tamen non tenemur. Non est ovum ovo
 similius quàm hoc argumentum tuo
 argumento. Verba itaq; a te in hunc
 modum scripta: *Quare tamen si fiducia
 in Christum necessaria nobis est, non
 tamen necessarium est, ut ad ipsum
 preces nostras dirigamus, &c.* quicumq;
 diligenter inspicere
 ac di-

ac dijudicare voluerit, videbit ad labefactandam Invocationem Christi spectare: quicquid enim necessarium non est, id fortassis & parum prodesse potest. Verum ne in re manifesta nimius sim, laboreq; superfluo utar, malo a rationibus meis quiescere, teq; ipsum potiùs contra temet ratiocinantem audire, ut ita faciliùs absurditatem istam animadvertere possis, erroremq; tuum corrigere velis. Verba huiusmodi in tuo scripto extant: *Rectè igitur existimasti, mihi quoq; verisimile videri, eum, qui dominum Iesum Christum invocare aut non vult, aut non audet, vix Christiani nomine dignum esse; nisi quòd non modò vix, sed ne vix quidem, & non modò verisimile id mihi videtur, sed persuasissimū mihi est.* Si ita iudicas, domine Socine, quòd is qui Christum invocare non vult, nomine Christiani hominis indignus est, quomodo absolutam necessitatem invocationis Christi negare audes? Videris profectò pugnata loqui & asserere. Nam si necessarium est, ut is, qui per Christum salvari vult, sit verus Christianus; verus autem Christianus esse non potest, quicumq; Christum invocare non vult nec audet: nonne vides ex hoc tuo connexo huiusmodi conclusionem necessariò sequi, quòd quicumq; nomen Christi invocare non vult nec audet, istum ad salutem per Christum partam non pertinere? Vnde &
hu.

hujusmodi consequens necessariò emerget quòd invocatio nominis Iesu Christi æquè est necessaria, quàm salutis nostræ certa persuasio, nominisq; Christi vera professio. Vide igitur quomodo Dominus Faustus dominum Socinum oppugnet, ut ex hoc mutuo conflictu veritas (cui rogo reluctari noli) tanto magis elucescat. Posita hac ratiocinatione Domini Fausti contrà Dominum Socinum, ego aliam non dissimilem, adijciam: Omnis res, per quam gloria Christi maximè elucescit & amplificatur, nominisq; Christiani professio stabilitur ac confirmatur, est sumè necessaria: Dirigere preces nostras ad Dominum Iesum Christum, est res per quam gloria Christi amplificatur & elucescit, nominisq; Christiani professio declaratur ac confirmatur: Ergò directio precum nostrarum ad Christum, res est maximè necessaria. Rogo quid in hoc argumento (quamvis ab homine indocto formato) desideras? Majorem propositionem, scio te non vituperaturum. Minorem tu ipse defendis, quando eum qui Christum invocare non vult nec audet, hominis Christiani nomine indignum judicasti, ignarumq; dominii, regni ac potestatis Christi declarasti. Si igitur constat, per Invocationem, Christi regnum ac gloriam
ejus

eius illustrari, cerriſſimè invocatio nominis
Christi res est neceſſaria & nō libera tantū.

Quod ad eminentiam paternam atti-
net, (cujus in hoc ſcripto mentionem facis)
hæc nulla ratione per Invocationem Chri-
ſti nominis minuitur ſive obſcuratur, ſed
magis ſtabilitur illustraturq;: nam quicquid
potestatis ac gloriæ Chriſtus poſſidet, id to-
tum a Patre habere, omnib⁹ piis, in regnoq;
Chriſti doctis, certiffimum est, atq; omnis
gloria Chriſti, in gloriam Dei Patris redun-
dat. Non est igitur verendum, ne adverſarii
juſtam cauſam calumniandi, gloriæq; Dei
detrahendi, ex doctrina neceſſariæ Invoca-
tionis Chriſti, accipere poſſint; quibus os
obſtruendum, non hujusmodi ſubtilioribus
diſtinctionibus, ſed aperto verbo Dei, in
quo expreſſum teſtimonium extat, de ſum-
ma Chriſti exaltatione, quem Pater in ſolio
ſecum conſedere fecit, vicariumq; ſuum
conſtituit. Non poteſt igitur gloria Chriſti
gloriæ Dei, ne quidem in minutiffima par-
ticula derogare: quin potiùs ita ſtatuendum
eſt, quòd minima gloriæ Chriſti abnegatio,
neceſſariò vergit in Deum ipſum, ut auto-
rem gloriæq; Chriſti vindicem.

Stat itaq; firmum argumentum meum
a poteſtate Chriſti ad neceſſariam invoca-
tionem nominis eius ductum. Tu verò vo-
lens hoc elidere, potiùs eludis exemplo ab-

lis, quos Imperatores in consortium imperii asciscere soliti erant. Exemplum hujusmodi nō posse integrè accommodari Christo, tu ipse vidisti: attamen non video, quid te juvare possit. Illi enim, qui olim ab Imperatoribus in consortium legebantur, non nomine tenus, sed re ipsa honore debito afficiebantur; nec unquam placuisset imperatoribus illis, si quis neglectis & posthabitis eorum consortibus sive collegis, ad Imperatores solos recurreret. Quod præcipuè in filiis Imperatorum spectabatur. exemplum quoq; Iosephi a Pharaone exaltati, hujus rei clarissimum exhibet testimonium. Non possum itaq; non mirari, cur tam inconsideratè scripseris: *Similiter igitur, cum non Christus tantum a nobis dominus, Rex, Gubernator, &c. noster sit agnoscendus, sed Deus quoq;, a quo ipse Christus talis est nobis constitutus & declaratus, nihil prohibet, quominus non ipsius Christi, sed Dei opem atq; auxilium in precibus nostris imploremus, &c.* Argumentum hujusmodi est: non solus Christus est rex & Dominus noster, sed etiam Deus Pater, multò excellentiore modo: ergò possumus non Christum, sed Deum ipsum invocare. Quod verba inferiùs posita magis cōfirmant: *Sed possumus illum etiã nō invocare, id est, possumus non ad ipsum, sed ad Deum verba precum nostrarum dirigere, &c.* Si ita argumentum tuum conclusisses: Possumus Chri-

Christum non semper nec ubiq; invocare, sed sæpè solum Patrem implorare possum^{us}, rectè conclusiles. Verùm dum indefinitè verba hæc : *possumus Christum non invocare*, scripseris, videris eos justificare, qui Christum nunquam invocant, nec invocare curant sive audent. Si enim possumus non invocare, ergò qui non invocant, nihil peccant, dignumq; reprehensione admittunt. A simili: possumus feriâ sextâ non jejunare, ergò qui non jejunant, non peccant. Quicumq; enim non faciunt, ad quod nullo jure divino coguntur, nescio qua ratione istud pro peccato imputari possit ac debeat. Videris hujusmodi intempestivis argumentis, non solùm invocationem sed etiam eminentiam Christi, etsi non tu ipse labefactare, tamen adversariis ad labefactandum imprudens causam, porrigere. Christus ipse testatur, sibi a Patre omne iudicium, commissum, ut omnes honorificent Filium, quemadmodum Patrem honorificant. Absq; dubio hæc verba summum honorem Christo deferunt, in quo & invocationem nominis ejus, facilè quivis non contentiosus includi, agnoscere poterit: habent igitur hæc verba vim expressi mandati invocationis Christi. Nam quicumq; Christum non invocant, ii nec debito honore (quod tu ipse fateris) afficiunt. Status itaq; quæstionis

nostræ non est, an semper & ubiq; Christum invocare teneamur: sed an gloria! Christi, nostræq; salutis fiducia id exigant requirantq; , ut Christus necessariò invocetur. Quod necessariò faciendum esse, firmissimis rationibus comprobatum, meo iudicio, video, tuq; ipse majori ex parte mihi suffragari videris, dum omnes istos, quicumq; Christum nec invocant nec invocare audent, condemnare videris. Statigitur, in æternumq; firmissima perstabit hæc propositio: Christus ab omnibus iis, qui per Christum salvari volunt, necessariò invocandus est. Rogo te itaq; obnixè, ut post hac tuo *Possumus* renuncies, locoq; ejus, *Tenemur* reponas ac ascribas.

Hoc insuper loco colophonis addo. Quãvis nullum de invocando Christo mandatum in novo Testamento extaret (prout non pauca, quæ vim expressi mandati retineant, esse puto) tamen si non absolutâ, consequentis nihilominus necessitate Christum invocare tenemur. Nam absq; invocatione nominis Iesu Christi, neq; fides vera, fiduciaq; sincera erga Christum defendi, nominisq; ac majestatis ejus autoritas conservari potest, nomenq; Christianũ justè ac legitimè usurpari. Sed de his in præsentem sufficere arbitror.

Quod ad scrupulũ a te injectũ, ob distinctionẽ Adorationis & Invocationis Christi,

atti-

attinet, neq; adhuc mihi exemptū video. Nō sū adeò rudis, gratiā Dei, ut, quid inter vocabula adorationis & invocationis intersit, nesciam: verū ubi de religione nostra erga Iesum Christum agitur, inter hæc duo discernere nec scio nec possum: maximè cū nos Christum præsentem præsentia corporali non habeamus. Quicquid enim gloriæ honorisve Christo a nobis exhibetur, id potius ad internum cultum referendum duco: nam etsi aliquando externos gestus adhibemus, tamen ii per se parum aut nihil valent: incitamenta tamen sunt ad attentio-rem orationem sive gratiarum actionem, ardentio-remq; , cuius tota energia in interiori animi motu, seriatq; cordis affectione constat. Miror itaq; quī fiat, ut tu hymnos, laudes, gratiarumq; actiones in adoratione includens, invocationem sub eodem genere habere nolis; cū gratiarum actio etsi specie (ut ita dicam) differat, tamen sub eodem genere cum invocatione, id est, sub interna adoratione, de religione Christiana loquendo, comprehendi possit ac debeat.

Quod verò scribis: Talem esse Christum a Deo factum & nobis constitutum, taliaq; nos per ipsum beneficia accepisse, ut etiam eo secluso, quòd nobis eum invocantibus opem in necessitatibus nostris ferre potest, eum tamen prorsus divino honore

afficere debeamus, &c. ut verum fatear, maluissem a te non fuisse scripta: videntur enim imprudenter (sit dicto venia) scripta: nam si Christus nos in necessitatibus nostris iuvare non posset, parum abesset, quin otiosum ac exauthoratum (quod absit) Christum haberemus. Si enim Christus nobis in necessitatibus nostris succurrere non posset, nec Rex, nec caput, nec sponsus, nec pastor noster meritò vocari deberet. Qualis enim Rex, qui subditos ad se confugientes, nec exaudire nec adjuvare potest? Cujusmodi caput, quod membra non vivificat? Quomodo sponsus, qui sponsam non nutrit nec defendit? Essetne pastor, qui lupos ab ovibus non arcet, ne oves tuetur. Ex adverso, quales subditi, qui in necessitatibus suis Regem non invocant? Cujusmodi membra, quæ a capite vitam non accipiunt? Fidelis ne uxor, quæ mariti sui auxilium in necessitate non implorat? Suntne propriæ oves quæ sub tutelam pastoris sui non confugiunt? Sed sufficit; tu enim ista omnia optimè nôsti, cæterosq; multo me doctiùs instruere potes: modò cave, ne præjudicata opinio noceat, neq; pudeat a minori aliquando admoneri & discere. Ego hoc epiphonemate rem totam concludo; Vincat veritas. Amen. Data Lublini, 25 Aprilis, anno 1587.

IOANNES Niemojevius.

Respon-

Responsio Fausti Socini.

Proposui tibi, tanquam ex scripto meo contra Volanum desumptam (quod scriptum tibi hac in parte scripturæ sacræ contrarium visum fuerat) hanc thesim impugnandam: Sacrificium & oblatio Christi expiatoria pro peccatis nostris, quamvis non sine cruce & sanguinis fusione, non tamen revera in ipsa cruce sanguinisve fusione, sed mox in cælo, Christo illuc ingresso, peracta est.

Antequam thesim istam meam impugnes, ais, me in eâ, verba quedam addidisse, quæ in duabus sententiis non extant, quas tibi ex scripto contra Volanum descripsisti, quasq; ibidem recitas; verba opinor illa, quamvis non sine cruce & sanguinis fusione. Putâssem te existimare, aliquid etiam a me additum fuisse in verbo peracta est, quod in illis nudis sententiis non extat, nec ejus sensus planè in eis est expressus; nisi ex verbis, quæ deinde subjiçis, constaret te intelligere, id verbum ad sententiam in eo scripto, expositam pertinere. Ut autem apertissimè constet, me nihil omnino iis, quæ antea scripseram, addidisse, immo apertius antea locutum fuisse, quàm postea iis verbis, quæ tu addita existimâsti: describam hîc utrumq; locum integrû, ubi illæ duæ sententiæ leguntur, quod & tu sanè, nî fallor, facere debueras, cum tibi eas descripsisti. Sic

enim eâdem operâ, & meliùs ſemper, quid ſentiam, intellexiſſes, & jam ad ea omnia reiſa reſponſum datum a me vidiffes, que tanquam evidentiffima contra theſim meam testimonia attuliſti. Immo non ſolùm locos illos integros, ut quidem mihi videtur, ſed totam hac de re diſputationem, que paucis omnino paginis continetur, tibi deſcribere debueras: ſic enim in nova, necdum bene cognitâ ſententiâ, quam quis impugnare in animo habet, ut eũ, qui eam conſtanter affirmat & docet, poſſit ab ea retrahere, facere meo iudicio decet. Sed jam utriuſq; loci verba, ut in meo ſcripto leguntur, adſcribam.

Prior locus ſic habet. Dico igitur, non leviter falli Volanum, qui cum pleriq; putet, tunc Chriſtum ſe obtuliſſe Deo, cum ſanguinem ſuum fudit, exiſtimans idem eſſe, Chriſtum ſe Deo obtuliſſe per proprium, ſanguinem, & Chriſtum ſuum ipſius ſanguinem Deo obtuliſſe. quod poſterius nunquã revera Apoſtolus dicit, ut paullo poſt apparebit. Itaq; ex mente ejuſdem Apoſtoli affirmo, Chriſtum non quidem in cruce ſeu âra crucis, ut vulgò loquuntur, ſe Deo obtuliſſe, ſed in ipſo cælo. Loquor autem (nota) unã cum Apoſtolo, de vera & perfecta, non autem de incohata quadam oblatione. Patet hoc, &c. Ex hiſ quidem verbis aperriſſimè patet, me multo clariùs expreſſiſſe in ſcripto contra Volanum, quàm in theſi mea inde petita, me a Chriſti obla-

fiti oblatione crucem & sanguinem ejus non separare; & fateri, inchoatam quodammodo in cruce fuisse Christi oblationem, non tamen ibidem revera perfectam. Quod etiam in disputatione mea de Iesu Christo Servatore, disertius scripseram tum alium his verbis: Sententia mea non sejungit Christi mortem, ab ejusdem pro nobis oblatione: immo assero, eum non obtulisse seipsum, nisi per mortem, id est, non nisi morte sua interveniente; quamvis oblatio non antè perfecta fuerit, quàm post resurrectionem & ascensum ipsius in cælum.

Alter porrò locus ita se habet. Nec porrò (ait scriptura) ipsam Christi mortem, ejus revera sacrificium esse aut fuisse, sed illi præivisse: quippe quòd oblatione sui ipsius in cælo, contineretur. Appellatur quidem a Paulo Christi factum illud, quòd mortem pro nobis subire voluit, oblatio & victima Deo, in odorem bonæ fragrantiae: nam facta egregia, quibus patrandis charitas atq; beneficentia erga homines exercetur, Deo ve obedientia præstatur, hostiæ Deo gratæ appellari solent. ut ex his locis apparet Heb. 13. 16. 1 Pet. 2. 5. Phil 4. 18. in quorum postremo idem loquendi modus habetur, qui in superiore illo Pauli loco, qui Paulus alibi hortatur, ut nostra corpora hostiam Deo placentem exhibeamus. Verùm quòd ipsa mors Christi sit ejus sacrificium illud

expiatorium, de quo hic agimus, id nusquam scriptum extat. Quamquam ex eo, quòd sine prævia morte sacrificium ipsum peragi non poterat, factum est, ut non modò Christus pro peccatis nostris, seu propter peccata nostra mortuus esse dicatur; sed etiam ipsi morti seu sanguini Christi, peccatorum expiatio tribuatur, nempe potissimum, ut hac ratione Dei, ipsiusq; Christi summa in nobis servandis charitas maximopere commendetur. *Hactenus verba mea: ex quibus te ipsum jam agnoscere arbitror, me in thesi mea nihil tuis addidisse, que contra Volanum scripseram. Nunc videndum est, quibus testimoniis me docere velis, eandem meam thesim, spiritus sancti verbis penitus adversari, & ex diametro cum illis pugnare.*

Primum verba illa Pauli producis, Ephes. 5. Christus dilexit nos, & tradidit semetipsum pro nobis oblationem ac victimam Deo, in odorem bonæ fragrantia. Hunc locum, ut ex verbis meis paullo antè recitatis apparet, non solum jam antea ipse observaveram, sed etiam nihil contra meam assertionem continere, ostenderam. Et sanè miror, cum me a mea sententia retrahere tantopere coneris, te hunc ipsum locum attulisse, non refutatis iis, que jam ego ad eundem respondendo scripseram, & ibi scripseram, unde tu sententiam meam excerpseras. Quamquam verò, ut aliud prætere a respondeam, minimè est necesse: tamen, ut clarius perspicuas, ipsa hujus loci verba, contra quam

tu omnino credis, sententia mea nihil repugnare, & simul agnoscas, me ab ipso mea sententia publicande initio, hunc locum non sine responsione præterisse; adscribam hic, quæ de eo scripsi in disputatione mea de Iesu Christo Salvatore. sic autem adverbium ibi habetur. Neq; verò huic meæ sententiæ, de oblatione Christi pro nobis (ut fortasse quispiam existimare posset) obstant ea verba Pauli, in principio cap. 5. ad Ephes. Ambulate in dilectione, sicut & Christus dilexit nos, & tradidit semetipsum pro nobis, oblationem ac hostiam Deo in odorem suavitatis. Vbi, cum dilectionis Christi mentio fiat, apparet de ipsa crucis morte dici, vel potius de ipso Christo, quatenus crucis mortem subiit, quòd fuerit oblatio Deo gratiissima. Primùm enim sententia mea, &c. Nam hic sequuntur ea verba, quæ supra ex eadem disputatione retuli. Sed paullo post sic ibidem legitur. Præterea non dicit Paulus Christum obtulisse se Deo pro nobis; quamvis id multi crediderint, & præsertim qui eum locum, vertendo, ejus verbis præpositionem in addiderunt (*Beza is fuerat in prima sue translationis editione*) hoc pacto: Qui tradidit semetipsum pro nobis in oblationem &c. Siquidem verbum Tradidit, quod in Græco est $\pi\alpha\rho\iota\delta\omega\mu\epsilon\nu$, nõ est jungendũ cum voce $\pi\rho\sigma\phi\omicron\rho\rho\alpha\nu$, hoc est, oblationem. ut rectè &

Tigurini & Caſtello animadverſerunt, qui diſtinctionem inter ipſa adhibuerunt. Id autem omnino ſuadet, cum ipſum verbum *παράδ' ἑῶναι*, (cujus in victimis offerendis nullum fortaſſe uſum invenies) tum Apoſtoli mens, qui maximam Chriſti dilectionē exprimere voluit, & apertè dicere; Chriſtum ſeipſum pro nobis in mortem tradidiſſe. In mortem autem tradere, ſimplici verbo Tradidit expreſſit, ut hac ipſa de re loquens ſæpiùs fecit. Nam hoc eodem cap. v. 25. inquit. Viri diligite uxores veſtras, ſicut & Chriſtus dilexit Eccleſiam, & tradidit ſemetipſum pro ea. Et ad Gal. 2. 20. In fide filii Dei qui dilexit me, & tradidit ſemetipſum pro me. Et de Deo, qui ita nos dilexerit, ut eum morti tradiderit, ad Rom. cap. 8. 32. Qui proprio filio non pepercit, ſed pro nobis omnibus tradidit illum. Atq; eodem ſenſu uſurpavit quoq; verbum Dare Chriſtus ipſe, ſeu potiùs, ut quibuſdam placet, Evangeliſta Iohannes in hiſ verbis: Sic enim Deus dilexit mundum, ut filium ſuum unigenitū daret, ca. 3. 16. Quod & ipſe Paul⁹ fecit ad Gal. 1. 4. & Tit. 2. 14. Id verò nō ita expreſſet, ſi dixiſſet, Chriſtū obtuliſſe ſe Deo pro nobis. Neq; enim hoc, ut illud mortem ob oculos ponit, cūm poſſit quis ſe offerre Deo nec tamen mori. Nam idem Apoſtolus, in
 prin-

principio cap. 12. ad Rom. scribit, ut præbeant corpora sua hostiam viventem, sanctam, Deo placentem. Sensus igitur hujus loci est, Christum ita nos dilexisse, ut seipsum pro nobis in mortem tradiderit. Deinde ut Ephesii ad singulare hoc Christi facinus imitandum magis accedantur, per appositionem subjungitur, hanc ipsius Christi eximiam charitatem, hoc ipsius egregium opus, fuisse Deo oblationem & hostiam gratissimam. Itaq; non de ejus corporis oblatione, sed de oblatione præstantissimi facti agitur. Nam ipsum factum hostiam appellari posse, patet ex eo, quod scriptum est ad Hebr. 13. 16. Beneficentiæ autem & communionis nolite oblivisci, talibus enim hostiis promeretur Deus. Quin similem prorsus loquendi modum, cum eadem appositionis usitatissimâ figurâ, habes ad finem epist. ad Philipp. ubi scriptum est: Habeo autem omnia & abundo: repletus sum acceptis ab Epaphrodito, quæ misistis, odorem suavitatis, hostiam gratam, placentem Deo. Ex quo loco etiam apparet, ea verba, de quibus suprâ egimus, *In odorem suavitatis*, quibus LXX. Interpretes reddiderunt id, quod in Hebræo est, *In odorem quietis*, nullam expiationem, nedum, ut ibi diximus, iræ placationem significare, & propterea in illis verbis ad Ephes. non agi de hostia aliqua expiatoria. ut

Hic

Hieronymus quoq; in explanatione hujus loci optimè agnovisse videtur, quamvis verbi Tradidit sensum omnino allecutus non fuerit. Nam ibi ita scriptum reliquit; Què admodum enim ille se tradidit pro nobis, sic & iste, pro quibus potest, libenter occumbens imitabitur eum, qui oblationem & hostiam in odorem suavitatis se Patri tradidit, & fiet etiam ipse (nota) oblatio & hostia Dei in odorem suavitatis.

Non opus est, arbitror, me quidquam addere, ut ostendam Pauli verba, ex vi ipsius Grammaticæ, & secundum ipsum litteralem (ut vocant) sensum de alia oblatione accipièda esse, quàm de qua inter nos agitur. Tantùm, ut melius intelligi possit id, quod in superscriptis verbis meis dicitur de verbis illis, In odore suavitatis (nam ad superiora lectorem quodammodo rejicio) sciendum est, me antea in eodem opere monuisse, prædicta sacre scripturæ verba vix usurpari in sacrificiis expiatoriis, sed potissimum ac ferè semper in aliis sacrificiis non expiatoriis; ut videre est primis tribus capitibus Leviticis, in quibus de sacrificiis non expiatoriis agitur, & de holocausto, quod solum & per se expiatorium non erat, & manifestè distinguitur apud Mosem ab hostia pro peccato. in sequentibus verd capitibus, ubi de variis sacrificiis expiatoriis agitur, semel tantùm (nè fallor) in uno ex illis ea verba leguntur. Capite porro 16. ubi diligentissimè tota cerimonia sacrificii illius anniversarii pro peccatis, explicatur,

cui sacrificio potissimum in epistola. ad Heb. assimilatur Christi sacrificium, nunquam leguntur. Adde, quod verba illa, in sacrificio expiatorio, non de eo dicuntur, per quod maximè & revera peccata expiabantur (nam neq; inde odor ullus ad superiora ferebatur) sed de combustione adipis & renium: quæ tametsi ad absolvendam expiationem, in legalibus illis sacrificiis requirebatur, tamen, ut ea quæ fiebat iam egresso pontifice ex sacrario, nihil sibi respondens in Christi sacrificio expiatorio habet, ubi omnia absoluta sunt, nunquam Christo ipso pontifice ex sacrario egresso.

Affers deinde, tamquam testimonium thesi ac sententiæ meæ manifestè apertissimèq; contrarium, locum ad Heb. cap. 9. hæc videlicet verba, ut a te descripta sūt: Nā si sanguis taurorū & hircorū, & cinis juvēcæ aspergens inquinatos sanctificat ad carnis puritatē: quāto magis sanguis Christi, qui per spiritū eternū seipsum inculpatū obtulit Deo vivo. Primū hinc omissa sunt multa verba inter voces Deo & vivo, fortasse scribæ errore, quem miror te nō animadvertisse: ea autem sic in Beza translatione, quam sequi videris, leguntur: purgabit conscientiam vestram a mortuis operibus ad serviendū Deo. Ex quibus verbis apparet, hoc loco, si ipsa nuda verba spectes, non agi de expiatione seu purgatione a reatu peccatorum, de qua nos agimus, & thesis mea loquitur; sed de purgatione ab ipsis peccatis, id est, de vi quam Christi sanguis habet efficiendi, ut peccatis relictis, Deo ser-

serviamus. qua de re disputatum est a me, praesertim cum hunc ipsum locum explico, indisputatione de Christo Servatore, & quomodo hoc verum sit, pluribus demonstratum. Igitur quod ad ipsa verba attinet (quae sola hic attendi vis, ommissa in praesentia indisputatione de sensu verborum) non potest hic locus thesi meae esse contrarius, etiamsi (quod tamen longe aliter se habet, ut postea ostendam) disertè in eo scriptum est, in ipsa cruce sanguinisque fusione, aut saltem in ipso sanguine peractam fuisse Christi oblationem. Mea enim thesis disertis verbis, non de quacumque Christi oblatione, sed, ut dixi, de expiatoria pro peccatis nostris oblatione loquitur: de ea, inquam, unde factum sit, ut a reatu & pena peccatis nostris debita, liberati simus, non autem unde factum sit, ut peccatis relictis, Deo serviamus. Deinde, cum verba divini illius scriptoris a te allata, ad superiora referantur, ut particula Nam, aperte ostendit, non erant antecedentia verba in hujus loci recitatione omittenda, quae in eadem Bezae translatione sic habent: Adveniens autem Christus pontifex futurorum bonorum, per majus & perfectius tabernaculum, non manu factum, id est, non hujus structurae: neque per sanguinem hircorum & vitulorum, sed per proprium sanguinem ingressus est semel in sacrarium, aeternam redemptionem nactus. Nam si sanguis &c. Haec autem verba satis docent, quid sit Christi oblatio, quae hic commemoratur, eamque non sine ingressu Christi in sacrarium,

hoc est, in ipsum celum, peractam fuisse ostendunt. Ut enim iisdem verbis utar, quibus usus sum in disputatione de Christo Salvatore: Hic ratio redditur eorum quae prius dicta fuerant. Dictum autem fuerat, Christum per proprium sanguinem ingressum in sancta, aeternam redemptionem invenisse; ergo hic, cur Christus in celum, per proprium sanguinem ingressus, aeternam redemptionem invenerit, ratio redditur, & ita non desola ejus sanguinis fusione, sed de ipsius quoque in celum ingressu mentio fit. Quibus verbis meis addo, hinc omnino sequi id quod ibidem proximè antè dixeram, ea verba, obtulit semetipsum Deo, explananda esse hoc pacto, seipsum in caelis Deo pro nobis praesentavit. Alioqui tota periodus pessimè cohereret cum verbis proximè antecedentibus, nec illorum, ut tamen necesse est, rationem redderet. Itaque tantum abest, ut hic locus sententiam meam labefactet, ut eam maximè confirmet, si modò velimus, in eo de expiatoria Christi oblatione agi pro peccatis nostris. aliter nihil ad rem nostram, locus iste, ut iam dictum fuit. Confirmatur autem hic de oblatione Christi sui ipsius verba fieri, quae peracta fuerit in caelo, ex illis verbis, per spiritum aeternum. Nam (& hic similiter iisdem verbis utar, quibus usus sum in disputatione de Christo Salvatore) per spiritum aeternum se obtulisse Christus dicitur, quia jam in aeternum vivit, & idcirco in aeternum pro nobis in conspectu Dei apparebit; non autem, ut multi simpliciter interpretantur, quia aeterna sit Christi sacrificii expiatio: sic

enim ſuſſiſſet auctor iſte id, quod probare animo
 intenderat. Hic autem ſpiritus opponitur litteræ,
 hoc eſt Legi, quæ neque æterna fuit nec in æternum
 ſacerdotes conſtituebat. Atque in his paucis verbis
 eadem ſententia continetur, quæ pluribus ad finem
 cap. 7. explicata fuerat, ubi ſcriptum eſt: Lex e-
 nim homines conſtituit ſacerdotes infirmita-
 tem habentes: ſermo autem jurisjurandi,
 quod poſt legem fuit, filium in æternum,
 perfectum (ſeu conſecratum) Quid igitur
 queſo hic locus habet, unde videri poſſit, hic aper-
 tiſſimè affirmari id quod ego nego, in ſanguinis vi-
 delicet Chriſti ſuſione, peractam fuiſſe expiatoriam
 pro peccatis noſtris ejuſdem Chriſti oblationem?
 Numquid, quia hic dicitur, ſanguinem Chriſti, qui
 ſe obtulit Deo, purgare conſcientiam noſtram ab
 operibus mortuis, idcirco, non dicam apertè dicitur,
 ut quidem tibi videtur, ſed concludi debet, ipſo Chri-
 ſti ſanguine peractam fuiſſe ejuſmodi oblationem?
 Mibi quidem nullo modo videtur, tum quia, ut con-
 tra Volanum ſcripſeram, cum ſine Chriſti ſanguine,
 Chriſti hæc oblatio fieri nõ potuerit, merito ſangu-
 ini, oblationis ipſius effectus tribui poteſt; tum ve-
 rò quia oblatio ipſa, alia effecta producere poteſt,
 (ut quidem ſi nuda huius loci verba tantummodò
 attendamus, omnino producit) præter hunc qui hic
 ſanguini tribuitur; & ſic, licet quadam in re cum
 ipſo conveniat, non tamen ipſo revera contineri.
 Immo ipſa verba apertiffimè potiùs præſeferunt,
 aded Chriſti ſanguinem purgare &c. quod eũ con-
ſecuta

secura sit oblatio ejusdem Christi per spiritum eternum, quemadmodum vitulorum & hircorum sanguinem, id est, horum animalium mactationem consequeretur ingressus legalis pontificis in sancta; ad quam rem, ut jam dictum fuit, hic manifesta relatio habetur.

Postremò ad eandem thesìs sententiæq; meæ cum sacris litteris manifestam repugnantiam ostendendam, assertur a te locus in fine ejusdem. 9. cap. epist. ad Heb. ut in Beza translatione legitur, hoc patet: Neque ut sæpe offerat semetipsum, sicut Pontifex ingreditur in sacrarium quotannis cum sanguine alieno; alioqui oportuisset eum sæpe passum fuisse a condito mundo: Sed nunc semel in consumatione seculorum, ad abolendum peccatum per immolationem sui ipsius patefactus est. Et sicut illud statutum est hominibus, ut semel moriantur, postea verò judicium: ita & Christus semel oblatus ut multorum peccata tolleret, altera vice absq; peccato conspicietur iis, qui ipsum expectant ad salutem. Hic locus non modò thesì sententiæq; meæ non est contrarius, sed eam apertè confirmat, præsertim in primis verbis, ex quibus cætera alioquin per se ambigua explananda sunt. Quomodo autem eam confirmet, jam docui in ipso scripto meo contra Volanum, in his verbis: Tertium, quod prædicta verba probant, illud est, quòd oblatio illa antiqua, cum qua scriptor ille oblationem Christi confert, nõ

fieret nisi ingrediente pontifice in sancta, & propterea similiter Christi oblatio facta non fuerit, nisi postquam Christus in caelum ipsum ingressus est. id quod etiam satis aperte in illis explicatur, cum, ut monuimus repetendum sit ex praecedentibus post verbum Neq; In ipsum caelum introiuit. *Sed & in disputatione de Christo Servatore, ex hoc ipso loco sententiam meam confirmaveram, his verbis: Quid quod auctor ipse (epistole ad Heb.) quidnam Christi oblationis nomine intelligat, adeo dilucide explicat, ut nulla dubitandi occasio relinquatur. Sic enim scribit eodem cap. 9. 25. Neque ut sepe offerat semetipsum, quemadmodum pontifex intrat in sacra per singulos annos in sanguine alieno. Elegantissime opponit Christi, quam sui ipsius semel oblationem fecit, ingressui pontificis quotannis in sancta cum sanguine alieno. Offerre enim, Ingressui in sancta respondet: verba, Neque sepe, verbis Per singulos annos; Semetipsum, Sanguini alieno, cum decente quadam antithesi opposita esse appareret. Et mox: Quis igitur in his verbis manifeste non deprehendat, nihil aliud esse obtulisse Christum seipsum Deo (agebatur enim de verbis superioris a te allati loci eiusdem cap.) quam, per proprii sanguinis fusionem, sive, ut idem hic scriptor loquitur, per proprium sanguinem, vera sancta, hoc est, caelum.*

lum ipsum ingressum esse, & ibi pro nobis coram Deo astare? *Hactenus ibi, quod pertinet ad prima hujus loci verba. Iam quod attinet ad sequentia, in quibus, ut arbitror, pondus ipsius testimonii ponis, ea similiter usq; ad ea verba, Et sicut illud, &c. sententiam meam confirmare ibidem ostenduntur. Hic tamen brevitatis causâ, satis habeo paucis demonstrare, nec ipsa nec reliqua quidquam illi adversari. Nam quid illi adversari possunt verba illa? alioqui oportuisset eum sæpe passum fuisse a condito mundo. Num propterea illi adversantur, quòd a passione (ut sic loquar) ad oblationem argumentans scriptor ille divinus, ostendit idem esse passionem & oblationem? Atqui non ab eodem ad idem, quamvis cum adjunctione aliqua, quæ illis verbis continetur, a condito mundo, sed a conjunctis, seu ab antecedente ad consequens, argumentum illic ducitur, id est, ex negato necessario antecedente consequens etiam negatur. quod argumentandi genus longè elegantius atque concinnius est. Ex eo igitur, quòd Christus non sæpè passus est a condito mundo, colligit scriptor ille eum non necesse habuisse, ut sæpè semetipsum offerat, seu, non sæpè semetipsum obtulisse. neq; enim oblatio sine antecedente passione esse potest. Veluti si quis ita loqueretur: Non oportuit Christum sæpius resurgere, alioquin oportuisset eum sæpius mori; nemo esset qui hinc concluderet, apud istum idem esse Christi mortem & resurrectionem, sed tantummodò, non posse resurrectionem esse ubi mors*

non est. Verba porro, quae sequuntur; sed nunc semel in consumatione seculorum, ad abolendum peccatum per immolationem sui ipsius patefactus est, non video quomodo, ne in speciem quidem, meae sententiae adversentur, nisi immolationis nomine solam mactationem intelligamus; quasi ex eo quod dicitur Christus per sui ipsius immolationem apparuisse ad abolendum peccatum, sequatur (si quidem immolatio solam mactationem significat) sola mactatione Christi abolitum fuisse peccatum, & sic sola Christi crucis morte & sanguinis fusione, oblationem ejus expiatoriam pro peccatis nostris contineri. Atqui immolatio, sive ut in Greco est, θυσιᾶ, non solam mactationem, sed aliud praeterea significat, id est, quidquid post mactationem ipsam, (ut quidem in omnibus ejusmodi sacrificiis usu venit) faciendum restat. etiamsi aliquando verbum θυσιᾶ per synecdochen, solam mactationem significare inveniatur, etiam ubi nullum sacrificium est: ut Act. 10. 14. Praeterea, quamvis per Christi mortem abolitum sit peccatum, non tamen idcirco sequitur, vim aliquam propriam in ipsa morte fuisse, quae id factum fuerit: sed tantum non sine Christi morte id fieri potuisse. Quemadmodum scriptum est, eundem Christum per mortem illum destruxisse, qui mortis habebat imperium, hoc est, diabolum; cum tamen non revera ipsa morte hoc prestiterit Christus: immo ipsa ejus mors per se contrarium effecisset, id est, diabolum in suo mortis impe-

perio vehementissime confirmasset: verum quia non poterat sine Christi morte, ejusdem resurrectionis & exaltatio existere, quarum vi revera diaboli imperium illud mortis abolitum est; propterea per mortem suam id Christus effecisse dicitur. Nec quidquam tritius aut frequentius his loquendi modis est, sive in sacris sive in profanis litteris. qua de re rursus aliquid postea dicam, ut ostendam, me hic interea nequaquam ab ipsi verbis (quod tu nunc fieri vetas) ad eorum sententiam transire. Quae autem hic dixi, non propter locum a te allatum dixi, cum in eo neutriquam dicatur, per Christi mortem abolitum fuisse peccatum; non modò quia, ut dictum est, aliud immolatio seu *θυσία* Christi significat, praeter ejusdem mactationem, sed etiam quia verba illa, ad abolendum peccatum, non sunt cum illis conjugenda, per immolationem sui ipsius. (Nam & sic alii fortasse omnes, ut ego arbitror, praeter unum Seb. Castellionem, existimaverunt: in omnibus enim aliis translationibus, in omnibusque codicibus Graecis, quos quidem ego inspexi, distinctio inter utraque verba apposita est.) Itaque sicut nemo dixerit, scriptum esse, per Christi nativitatem datum fuisse ab ipso Christo testimonium veritati, licet ipse dicat, se ad hoc natum fuisse, ut testimonium daret veritati; sic ex eo, quod scriptum fuerit, Christum per sui ipsius immolationem apparuisse ad abolendum peccatum, minimè dicendum est, consequi, scriptum simul fuisse, per Christi mortem abolitum fuisse pec-

catum, licet Christi immolatio aliud nihil esset
 quam ipsius mors. Sed idcirco dixi, quae dixi, quia
 ingenuè & fateor & glorior, per Christi mortem
 abolitum fuisse peccatum, idq; aut quid simile, quod
 idem planè significat, pluribus in locis sacrarum lit-
 terarum scriptum esse, optimè novi. Ceterùm quid
 sibi velit, Christum per sui immolationem apparuisse
 seu patefactum esse, non est hic differendi locus.
 Alibi, id est, in disputatione de Christo Servatore
 meam sententiam abundè exposui. At verò dices
 fortasse, te immolationis nomine totum sacrificium
 totamq; oblationem intelligere, & propterea, cum
 nomen istud referatur ad patiendi verbum paulò
 ante positum, hinc sequi, passionem ipsam totum sa-
 crificium totamq; oblationem complecti, seu passio-
 ne sacrificium oblationemq; peractam fuisse. Re-
 spondeo primùm, prorsus negari posse, immolationis
 nomen ad Patiendi verbum relationem habere: sed
 referendum esse ad verbum Offerendi superius posi-
 tum, & verba illa, Alioquin &c. per parenthesis
 legenda esse, ut in ipsa Beza translatione leguntur.
 Deinde etiamsi immolationis nomen ad Patiendi
 verbum referendum esset, & immolatio pro toto
 sacrificio, totaq; oblatione accipiatur: non tamen
 continuo sequi, passionem ipsam sacrificium oblatio-
 nemq; contineri, sed tantùm sacrificium & obla-
 tionem non sine passione fuisse aut peragi potuisse.
 Sed jam de postremis hujus loci verbis agamus, Et
 sicut illud &c. Existimas enim (ni fallor) cum in
 hac comparatione, Christi oblatio morti hominibus
 statuta

statute respondeat, hic aperte dici, Christi oblationem ipsius mortem fuisse. Verum meo iudicio aliter res se habet. Nemo enim negare potest, ideo Christi oblationem morti hominibus statute rectè respondere posse, quòd, ut jam sepè dixi & in mea ipsa thesi asserui, inq; scriptis meis dilucidè exposui, non fuit Christi oblatio sine ejusdem Christi morte, nec sine ea peragi potuit.

Arbitror jam satis constare posse, plurimum abesse ut sacræ scripturæ loca a te citata, cum mea thesi ex diametro pugnent. Nec sanè id, quod tu ipse ex eis contra me concludis, quidquã thesi meæ adversatur, aut sententiæ meæ quam ipse refers. Ais enim; Tu Iesum Christum seipsum in cruce Deo obtulisse negas, mortemq; Christi pro vero sacrificio agnoscere non vis: testimonia verò citata, Christum per mortem crucis seipsum obtulisse Deo, appertissimè testantur. Si citata a te testimonia nihil ampliùs restantur, quàm, Christum Deo se obtulisse per mortem crucis, quomodo, quæso, meæ thesi adversari possunt, in qua assero, Christo in calum ingresso, ejus oblationem demum peractam fuisse? aut potiùs quomodo eam confirmandi non vim aliquam habent? Scriptum enim est disertè, Christum per proprium sanguinem introisse semel in sancta. Heb. 9. 12. quæ sancta ipsum calum esse, nec te ipsum negare, jam pro concessio supra a me sumptum est, & probatur apertè eodem cap. 24. præter alia multa ejusdem rei apud eundem scriptorem evidentissima

argumenta Certè, ſi Chriſtus per proprium ſanguinem ingreſſus eſt in celum, verum erit, Chriſtum per crucis mortem ſe Deo obtuliſſe, & ſimul tamen non ſolum verum eſſe poterit, ſed etiam veriſimile fiet, Chriſti oblationem ingreſſu ipſius in celum peractam fuiſſe. præſertim cum, quemadmodum dicitur Chriſtus ſemel oblatuſ, ſic ſemel in celum ingreſſus fuiſſe dicatur. Iam quòd ipſe aiſ, me negare Chriſtum ſeipſum in cruce Deo obtuliſſe, & nolle Chriſti mortem pro vero ſacrificio agnoſcere, nullo modo pugnare poteſt cum eo, quòd Chriſtus ſeipſum per mortis crucem Deo obtulerit: niſi etiam, Chriſtum in cruce celum ingreſſum non eſſe, & Chriſti mortem verum ipſius ingreſſum in celum non agnoſci, cum eo pugnare velis, quòd Chriſtus per proprium ſanguinem, id eſt, per crucis mortem in celum ingreſſus fuerit. Numquam ego negavi Chriſtum per crucis mortem ſe Deo obtuliſſe: Alioquin, cum affirmem ingreſſu ejuſdem Chriſti in celum, ipſius oblationem contineri & peractam eſſe, ſimul contra manifeſtæ ſcripturæ verba negaſſem, Chriſtum per proprium ſanguinem in celum ingreſſum fuiſſe: vel potiùs, cum id negare non poſſem, mihi ipſi manifeſtè adverſatuſ fuiſſem, & Chriſti ingreſſu in celum, ejuſ oblationem contineri negaſſem. Quamquam in nullo ex testimoniis a te allatis dicitur (nedum illa, ut ipſe aiſ, id apertiffimè teſtentur) Chriſtum per crucis mortem ſe Deo obtuliſſe. quemadmodum ex examinatione mea ſupra allata verborum, unicuiq; conſtare poteſt, &

quili-

quilibet, qui consideratè ea legat atq; perpendat,
 facile agnoscat ac confitebitur. Quocirca vehemen-
 tissimè sum miratus, te ea adeò aperta contra the-
 sim-sententiamq; meam testimonia esse putasse, ut
 tibi licuisse credideris a me flagitare, ne ad verbo-
 rum sententiam in illis diluendis nunc confugerè.
 Quod tamen non jure te fecisse ipse satis agnoscere
 videris, cum de verborum sententia disputationem
 in aliud tempus differs. nam si illud fieri aliquando
 potest, cur nunc non fit, cum jam disputatio inter
 nos instituta est, vel potius cum, ut video, id curas,
 ut verba sententiamq; meam revocem? Ego sa-
 nè nullo modo mea dicta revocare possum, ni-
 si id facere me debere docear: id autem quo-
 modo doceri possum, nisi dicta mea sacris litteris ad-
 versari persuadeam? hoc verò quomodo persuaderi
 possum, nisi de sententia verborum, quæ contra me
 afferuntur, diligenter agatur? Sed Deo ago gra-
 tias, quòd non necesse habui meo jure uti, & postu-
 lationi tue satis facere potui, ac testimonia a te al-
 lata diluere, ostendendo (quamquam id per se satis
 manifestum est) verba ipsorum nihil omnino sona-
 re, quòd dictis meis adversetur. Quod si de verbo-
 rum sententia agendum fuisset, & penitius inqui-
 rendum, quaratione expiata fuerint a Christo pec-
 cata nostra, apertissimè constitisset Christi oblatio-
 nem expiatoriam, non in ipsa cruce, sed in celo per-
 actam fuisse. quemadmodum in ipso scripto meo
 contra Volanum ostendi: sed multo clariùs atq; u-
 beriùs id disputatione de Christo Servatore. Nec
 verò

verò tue petitioni non satis feci, cum exposui cur
 dici potuerit Christi sanguinem seu mortem pur-
 gare seu abolere peccata nostra, sive per Christi
 mortem abolitum fuisse peccatum: neq; hic a verbis
 „ ipsis ad sententiam transivi. Vulgatissimum enim
 „ est ac frequentissimum, & propterea ipsis verbis
 „ consonum, ei rei aliquem effectum tribuere, sine
 „ qua effectus ille non existit, quamvis res illa vera
 „ ipsius causa efficiens non sit, nec proxima instru-
 „ mentalis. Hinc, exempli causâ, scriptum legimus
 fidem servare; cum tamen non aliter fides servet,
 quàm quia eam salus consequitur, nec sine fide salu-
 tem quis adipiscitur, Deo revera interea ut effici-
 ente causa, per Christum ut proximam instrumen-
 talem, servante, id est, eternam vitam dante, vel
 aliam salutem largiente; nullas vires fide ipsâ ad id
 efficiendum revera habente aut conferente. Simi-
 liter per fidem justificari dicimur; quamvis non ali-
 ter per fidem justificemur, quàm quia Deus per
 Christum, ipsi Christo fidentes justificat. Quam-
 quam, quod attinet ad locutionem istam, per mor-
 tem Christi, & similes, jam, scripturæ exemplis
 prolatis, quam vim ejusmodi verba habeant, eamq;
 cum thesi sententiaq; mea nihil prorsus pugnan-
 tem, satis demonstratum est. Possem hîc exemplis
 compluribus apertissimis ostendere, quàm non jure
 a me petieris, ne de verborum sententia agam, eti-
 amsi in testimoniis tuis, verba cum sententia mea
 appertissimè pugnantia legerentur; sed hoc la-
 bore, utpote supervacaneo, supersedere volo. A me
 idtan-

id tantum iudicio meo petere debueras, ne mirarer, si tantopere sententiam meam vituperares, ab eaq; me retrahendum curares, cum ea manifestè, quod ad verba attinet (si modò id ita se habuisset) cum non paucis locis sacrarum litterarum pugnaret. Sed vix etiam hoc ipsum iure facere potueras, cum in scripto meo contra Volanum, a te bis perlecto & diligenter examinato, ea legantur per quæ testimonia a te allata, & si qua sunt similia, aut apertè aut tacitè diluuntur; cumq; ibidem sententia mea non simpliciter exponatur, sed clarè explicetur, & testimoniis rationibusq; divinis confirmetur, adeò ut neq; Volanus meritò mihi insultare, nec quisquam infirmus offendi possit, aut ullus adversarius hinc calumniandi meq; condemnandi occasionem arripere. Legantur modo diligenter, quæ ibi scripsi, nam ea, nisi fallor, futura sunt semper satis ad me defendendum, sententiamq; meam si non probandam, saltem probabilem ostendendam unicuiq; non prorsus a veritatis sensu alieno. Dices, me tibi injuriam facere, qui scriptum illud meum diligenter examinaveris, & tamen sententiam meam planè improbes. At ego manifestè deprehendo ex iis quæ ad me scripsisti, te eorum, quæ ibi legisti, oblitum fuisse, & vix quidquam meminisse præter sententiam ipsam meam, eamq; mutilam & imperfectam.

Sed, ut jam disputationem hanc concludam, quòd a me petis & urges, ut aut errasse me agnoscam & confitear, sententiamq; edidisse scripture sacre contrariam, aut ostendam in novo Testamen-

to, mortem Christi oblationem seu sacrificium non appellari; hoc, inquam, nulla prorsus ratione petere potes. Primum, quia sive mecum disputare, seu me a sententia mea retrahere velis, tuum est probare sententia mea falsitatem, non autem meum probare veritatem. praesertim cum jam id fecerim in scripto meo contra Volanum, quod nuper legisti, & quo lecto, me redarguere capisti. Deinde, quia sacrae scripturae loci, quos haecenus meae sententiae opposuisti, neque verbis neque sententia, Christi mortem, sacrificium illud & oblationem ejusdem Christi vocant expiatoriam pro peccatis nostris, & multo minus ajunt, in ipsa cruce sanguinisve Christi fusione, expiatoriam ejusmodi oblationem revera peractam fuisse. quod tibi probandum est, si velis me thesim sententiamque meam revocare, aut eam probandam suscipere. Postremo, quia talis negans enuntiatio nulla ratione probari potest, quantumvis vera sit, nisi omnia verba totius novi Testamenti in medium producantur & examinentur. Si petiisses, ut probarem in novo Testamento dici, mortem Christi non esse oblationem, &c. tolerabilior fuisset petitio tua (quamvis nec ipsa aqua, eique similis quam Papistae & Lutherani contra nos utuntur, dum petunt ut ostendamus locum in sacris litteris, ubi dicatur illud quod in cena Domini datur, non esse corpus Christi. nisi quod tanto minus aqua haec tua petitio foret, quam ista Papistarum & Lutheranum, quanto illi clarius in ipsis sacris litteris contrariae sententiae habent testimonium: immo ut verius loquar, ipsi habent

habent apertissimum testimonium affirmans, illud quod in cena Domini datur, esse illud Christi corpus, quod pronobis fuit traditum, tu verò nullum locum habes apertè affirmantem, mortem Christi esse oblationem illam expiatoriam) sed petere, ut ostendam in novo Testamento Christi mortem non appellari oblationem, intolerabilis planè petitio est. Iam si hoc petere in animo habuisti, ut ostendam ex aliquot novi Testamenti locis, ipsam Christi mortem non esse oblationem illam expiatoriam; quamquam, ut dixi, hoc a me jure petere non potes, tamen ex multis, quæ in variis scriptis meis, quæ omnia legisti, ad id probandum attuli, unū seligam; quando tu ejus, licet aliquanto obscurius meministi inquiring, me conferre Christi ascensum cum introitu veteris pontificis in sancta sanctorum: non quidem, ut illud hic rursus explicem, jam enim supra ex ipsis scriptis meis verba illud explicantia recitavi, sed ut, quæ contrà videris asserere voluisse, refellam.

Dico igitur primùm, non me conferre ingressum Christi in celum cum ingressu veteris pontificis in sancta sanctorum, sed ipsum spiritum sanctum id facere, in epistola ad Heb. cum alibi tum verò maxime cap. 9. Deinde, quòd ad hanc collationem seu comparisonem ejusq; vim declinandam, ais te nolle negare Christi sacerdotium esse æternum (sunt ipsa verba tua) in celoq; sacerdotem pro nobis interpellando, vultuiq; Dei apparendo agere, tamen nihilominus (ais) in terra per mortem crucis idem

cis idem Chriſtus ſeipſum obtulit, morsq; ejus jure optimo oblatio vocari, atteſtante ſpiritu ſancto, poteſt. Quòd, inquam, ſic ſcribis, hoc nihil pertinet ad ipſam comparationem. comparatio enim in eo eſt, quòd, quemadmodum vetus Pontifex non faciebat oblationem ſuam, niſi poſtquam ingreſſus eſt in ſancta ſanctorum; ſic Chriſtus ſuam oblationem non fecit, niſi poſtquam ingreſſus eſt in celum: & pontifex quidem fuſo priùs pecudum ſanguine, id eſt pecudibus maētatis; Chriſtus autem fuſo priùs ſuo ſanguine, id eſt, ſeipſo in crucis mortem tradito. Nihil ad hanc comparandi rationem: Chriſti ſacerdotii eternitas, ex qua tamen ſine dubio colligitur, Chriſti oblationem expiatoriam ipſa crucis morte non contineri, que jam non eſt ampliùs; ſed Chriſti coram Deo in celo apparitione, que perpetuò durat & duratura eſt. Durat quidem ac perpetuò durabit Chriſti mortis, quicunque ab ipſa manat, effectus & efficacia: ſed aliud eſt oblationis efficacia, aliud ipſa oblatio. Nec ſolam Chriſti oblationis efficaciam, ſed ipſammet oblationem perpetuò durare neceſſe eſt, ſi Chriſtus revera eternus eſt ſacerdos, eamq; illam unam quam ſemel fecit, cùm unica in perpetuum ſit oblatio Chriſti expiatoria. Scriptor epiſtole ad Heb. c. 8. aperte teſtatur, neceſſe eſſe, ut Chriſtus, qui eſt in celo, aliquid habeat quod offerat; & ſi eſſet in terra, nō futurū ſacerdotem: & tu tamen affirmas, Chriſtū in terra ſeipſum obtuliſſe. Iam, ut idem ſcriptor ait, oblationes que ſunt in terra, ſive ii qui eas offerunt, exēplari & umbræ

Nee conſulas
hic Bezam:
nā verba Apoſtoli corrupit, addens de ſuo verbum Fuit, & mutans Offerat in Offerret.

umbræ deserviūt cęlestiū. ubi in Vatabli Bibliis
 sic annotatum reperies: Id est, qui quidem e-
 xemplari & umbræ deserviebant eorum,
 quæ agenda olim erant in cęlis per Chri-
 stū. In cęlo enim Deo seipsum offert Chri-
 stus. *Vides ut alii ante me, iiq; doctissimi viri a-*
gnoverint, Christum sui ipsius oblationem non in
terra sed in cęlo secisse, quod & te agniturum spe-
ro, si modò tantum locum ipsum cap. 8. epist. ad
Heb. diligenter inspexeris, omniaq; ejus verba per-
penderis. Nihil respondeo ad illud quod ais, spiri-
tum sanctum attestari, Christi mortem, oblationem
jure optimo vocari. supra enim satis superq; ad hoc
responsum est. Sed illico subjungis: Nam & sub
lege pontifex cum sanguine in sanctuarium
ingrediebatur, qui sanguis mactatorum a-
nimalium erat: ea verò mactatio animan-
tium, oblatio sive sacrificium appellabatur.
Hæc pōstrema verba, in quibus tota vis est, nunquam
cuiquam probabis, nisi locos proferas. quod te facere
posse non arbitror. Nam certissimum est, solā ma-
ctatione sive apud Hæbreos sive apud Gentes, nul-
lam oblationem peractam fuisse, quod & nomen
ipsum oblationis apertè indicat, cū in ipsa macta-
tione nihil prorsus offerretur. Vnde etiam fit, ut
mibi neganti, Christi oblationem in ipsius morte
peractam fuisse, nullum probandi onus incumbat:
sed contrà vis incumbat, qui istud affirmant; quippe
qui id affirmant, quod alioqui contra omnem usum
atq; rationem, adeoq; ipsum sensum communem
 esse

esse videtur. Et hac quidem hæten⁹, quod attinet ad Christi oblationē expiatoriā pro peccatis nostris, ut tibi rationē redderē, cur ex iis quæ a te scripta sunt, ne suspicari quidem possim, eam in cruce peractam fuisse seu in morte Christi: tametsi autem tu a re ipsa, de qua thesis mea loquitur, ad appellationem disputationem transtulisti, tamen arbitror hac etiam in parte me objectis tuis satisfecisse.

De effectu mortis Christi, gaudeo te meliùs sentire, quàm alii quidam sentiant: me autem vel illum negligere aut non multum curare, vel aliter accipere ac spiritus sanctus dicter, numquam deprehendes. Imò si scripta mea paullo diligentius, quàm hætenus feceris, examinare volueris, in quibus, præsertim verò in disputatione de Christo Servatore, sussiimè hac de re dissero, videbis spero, quàm procul ab istis vitiis absim, & quàm calumni-entur ii, qui me horum audacter insimulant; quibuscum te sentire, virum tam pium atq; cordatum, indignum planè esset.

Quod ad opera & fidem in justificatione nostra attinet, dico Paulum nullo modo distinguere opera (quæ non implenda legis gratiã, nec ut merito illorum ac propria vi justificemur coram Deo, sed ut ipsi Deo ex Christi præscriptione obediamus, a nobis fiunt) ab ea fide, quã sive per quam nos justificari asserit: ejusmodi enim opera non modò a fide, quã justificamur, separari nequeunt ut ipse confiteris, sed anima seu forma quedam ac vita ejus fidei sunt: sicut Iacobus nos apertè docet, cum ea, res-
tu si-

Et u fidei, spiritui corpori vitam danti confert. quod
 verissimè & maximè propriè illis convenire, & jam
 in scriptis meis satis demonstravi, & suo tempore
 me omnibus verè piis demonstraturum spero.

Sequitur ut de Christi Invocatione agamus,
 & ratio a me reddatur, cur non possim tibi ac-
 quiescere iterum me monenti ac suadenti, ut sen-
 tentiam meam mutem, quæ est, Christum a nobis
 invocari, id est, ad eum preces nostras dirigi jure
 posse, non tamen ad id faciendum nos divino jure
 cogi; atq; affirmem, omnino necessarium nobis esse
 preces nostras ad Christum dirigere. Primum igitur,
 ut me ad hoc faciendum moveas, repetis
 id quod priùs dixeris, si mea sententia vera est,
 rem adiaphoram seu indifferentem esse Christi in-
 vocationem, & propterea nullam fuisse causam
 tam acriter hac de re cum adversariis contendendi.
 Ad hoc jam satis responsum est in prioribus meis
 ad te litteris, in illis verbis: Respondeo, Idcirco
 tam studiosè urgeo invocationem Christi,
 ut Adversarius, &c. cujus meæ responsionis, mi-
 rû est te nullam mentionem facere, cum iterum idẽ
 mihi objicis. Apparet autem te statum questionis &
 controversiæ inter nos & adversarios, non rectè
 tenere aut non meminisse; quem ut planè percipias,
 ac simul videas, mihi istud objectum esse jam diu no-
 tissimum & ad diluendum facillimum, pleniorẽ
 q; responsionem habeas, adscribam hoc loco, quæ
 contra Franciscum Davidis hac de re scripsi, quam

*vis a te nuper unà cum aliis huc pertinentibus jam
 lecta, quando te eorum non meminisse video. sic igitur
 verba mea habent cap. 27. partic. 4. Ad id ve-
 rò quod postea addis; Alioqui (nēpe nisi Chri-
 sti invocatio vel præcepta est vel prohibita) Christi
 invocationem adiaphoram futuram, quare
 etiam concludis de ea disputandum non es-
 se; Respondeo, Si Adiaphori nomine rem
 intelligis, quæ nec bona per se nec mala sit,
 consequentiam tuam non esse bonam. sunt
 enim multa per se bona, quæ tamen præcep-
 ta non sunt. Quod si nomine Adiaphori id
 modò intelligis, quod nec prohibitum est
 nec præceptum; jam fateor ego, de Christo
 invocando, id est, de precibus nostris ad-
 ipsum dirigendis, nullum certum mandatum
 extare, ideoq; nos posse quidem semper id
 facere, non tamen teneri; nec propterea se-
 quitur, de Christi invocatione disputandum
 inter nos non esse. Etenim illud, de quo in-
 ter nos circa Christi invocationem disputa-
 tur, nullo modo nec nobis nec vobis est A-
 diaphorum. Nos enim contendimus, nemi-
 nem Christianum esse posse, qui non fateat-
 ur, se confidenter in necessitatibus suis
 Christi opem implorare posse, & consequē-
 ter ipsius summam in angelos & in homi-
 nes, & in ipsos dæmonas potestatem, cum
 plena ac perpetua præsentēq; totius Eccle-
 siæ curâ & gubernatione conjunctam, non
 agno-*

agnoscat & confiteatur, Deumq; per ipsum in Ecclesia omnia facere & largiri, sibi non persuadeat. Vos contrà, eum qui nunc Christi opem imploret, idololatram esse affirmatis; & divino verbo, atque adeò Dei gloriæ summoperè adversari contenditis, si Christus nunc in cælis manens aliquid efficere vel largiri ipse possit, aut si Ecclesiam regat atque gubernet aliter, quàm per verbi ministerium semel constitutum; ac proinde in Deum graviter peccare, qui aliam præterea hoc tempore potestatem, aut Ecclesiæ curam in Christo agnoscunt & esse contendunt. *Hactenus ibi verba mea. Controversia igitur inter nos & adversarios est, Verùm Christus jure invocari possit, nec ne: illi negant, nos affirmamus. Quid igitur queritur amplius in nostra cum illis disputatione, quàm ut demonstremus, nos jure posse Christum invocare? ex qua una re demonstrata, omnia quæ ad Christi gloriam & majestatem sacris testimoniis comprobata & nobis commendata pertinent, necessario consequuntur & illibata conservantur. At inquires, Non debere ad di, Nos tamē Christū invocare, id est, ad eum preces nostras dirigere, divino jure nō cogi. Cur verò? An quia hoc est falsū? Atqui ego affirmo esse verissimū; ut jam satis in ipsis meis ad te prioribus litteris ostendi, & in his postea, Deo dante, tuis ad meas rationes responsionibus refutandis, clariùs ostendam. An quia hoc, quantumvis verum,*

in dubium videtur revocare, an Chriſtus invocari poſſit, aut ſaltem quia ſine ullo incommodo reticeri poteſt? Immo hoc ut veriſſimum eſt, ſic (quæ eſt veritatis natura) mirum in modum confirmat nos in ea ſententia, quòd Chriſtus jurè a nobis invocari poſſit, id eſt, eam nobis in dubium revocari nulla modo permittit; nec cum propter hoc, tum propter diſtinctionem ac diſcrimen, quòd inter Dei & Chriſti invocationem ſtatuendum omnino eſt, ſilentio præteriri aut debet aut poteſt, quemadmodum in priore velitatione noſtra & dixi, & aliqua ex parte demonſtravi. Quòd ut meliùs intelligatur, Dico, Adverſarios, ut probent Chriſtum invocari jurè non poſſe, hoc potiſſimum argumento uti, quòd nullum ea de re extet præceptum expreſſum atque indubitatum, ſine quo tam arduam rem in divino cultu audere nemo debeat. Ut argumentum hoc diſſolvamus, aut aſſumptio aut conſequentia nobis eſt neganda. Aſſumptionem nullo modo negare poſſumus, quidquid tibi neganda eſſe videatur. Nam, ſi præceptum eſt datum ut Chriſtum invocemus, quandocumq; ejus rei occaſio ſeſe obtulerit, id facere omnino debemus. Omnia enim præcepta affirmantia ſemper obligant, cum ſe rei præcepta occaſio offert. Occaſio Chriſti invocandi eſt ſine dubio, cum quis in aliqua neceſſitate eſt conſtitutus, quæ divina ope indigeat, & multò magis, cum quis jam rei ipſa invocare vult. Ergò, ſi præceptum eſt ut Chriſtum invocemus, numquam, cum in aliqua neceſſitate ſumus quæ divina ope indigeat, & multò minùs

minùs cum jam re ipsa invocare volumus, omittere
 possumus quin Christum invocemus. Sed hoc mani-
 festè est falsum. Ergò falsum est, extare præceptum
 de invocando Christo. Igitur non Adversariorum
 argumenti assumptio, sed consequentia neganda
 est, & ostendendum, quamvis præceptum datum
 non sit, ut Christum invocemus, invocari tamen a
 nobis jurè posse. quemadmodum ego latissimè osten-
 di in disputatione mea cum Francisco Davidis. Ap-
 paret igitur, necesse esse huc devenire, ut fateamur,
 non extare præceptum de invocando Christo;
 & consequenter, nos divino jure non cogi Christum
 invocare. Quòd divino jure cogamur invocare, hoc
 Dei est proprium, & ad ipsius Dei prærogativam
 supra Christum maximè pertinet; ut postea clariùs
 patebit. Iam quod ais, si Christum divino jure in-
 vocare nõ cogimur, relinquendum esse liberum con-
 scientiis fidelium, ut quilibet (sic enim scribis)
 juxta suggestionem spiritus, vel illà uteretur
 vel eam, negligeret; Dico me nusquam urgere,
 ut quisquam omnino Christum invocet, id est, ad i-
 psam verba precationum suarum dirigat; sed hoc,
 ut ex ipsis prioribus meis ad te litteris intelli-
 gere potest, prout spiritus unicuique suggererit, liberum
 relinquere. id quod nihil pugnat cum eo, quod ab
 Adversariis contendo: id enim contendo, ut ex ani-
 mo agnoscant, se jurè posse preces suas ad Christum
 dirigere, & propterea simul fateantur, se paratissi-
 mos esse ad id faciendum, quandocumque id illis
 spiritus suggererit. Quomodo verò is, qui ita & sen-

ziat & loquatur, dici umquam poterit, non audere
 aut nolle Chriſtum invocare? Hoc ego in alteris
 meis litteris longè a veritate abeſſe docui. & tamen
 tu ruruſus in hunc hæc cadere poſſe affirmas, confun-
 dens iterum, quòd ſæpe in poſterioribus hiſce tuis
 litteris facis, Non audere ac nolle invocare Chri-
 ſtum, cum Non invocare Chriſtum; cum tamen ſi-
 ri poſſit, ut quis Chriſtum non invocet, id eſt, re ipſa
 ad eum preces ſuas non dirigat, non quia non aude-
 at aut nolit id facere, ſed quia id ſpiritus non ſug-
 geſſerit. Quare cautè omnino interpretandum eſt
 in verbis tuis verbum Negligeret, ſi ea admitti de-
 bent; ut ſcilicet ſignificet Non uti, non autem A-
 ſpernari, ſeu mavis Nihil curare. Quinetiam ob
 eandem cauſam cautè ſimiliter accipi debet id ver-
 bum, etiam ſi certiffimum eſſe velis, propter antece-
 dentia verba ita interpretandum, ac ſi ſcriptum a
 te fuiſſet, Non uteretur. Poſteſt enim adhuc ita ac-
 cipi, ut ad propoſitum non autem ad eventum refe-
 ratur; & breviter poſſunt verba tua ita accipi, ac ſi
 dixiſſes, ut quilibet juxta ſuggeſtionem ſpi-
 ritus ſtatueret, an illâ velit uti, nec ne. Atqui
 ex ſententia mea hoc nullo modo conſequi poſteſt.
 Nemini enim qui ex animo agnoſcat, Chriſtum ju-
 rè invocari poſſe, ſuggerere poſteſt ſpiritus, ut ſta-
 tuat non invocare Chriſtum. Immo ejuſmodi homi-
 ni ſæpius ſuggeret ſpiritus, ut Chriſtum invocet, ſi-
 ve charitate Eccleſiæ, edificatione id requirente,
 ſive humanâ imbecillitate ad id impellente (quem-
 admodum in altero meo ad te ſcripto jam dictum
 eſt) ſive

est) sive etiam aliis justis causis & rationibus id suadentibus, pro loci ac temporis ratione. Hæc satis ad ea, quæ preludii cujusdam loco mea sententia iterum objecisti. Nunc de iis videamus, quæ meæ ad priores tuas litteras responsioni objicienda censuisti.

Dixeram, videri statuendam differentiam inter negotium salutis, & negotium religionis. Petus hic, vir humanissime, seu desideras accuratiorrem explicationem. Nulla alia accuratiorre explicatione mihi opus esse videtur, præter eam, quam, ut primum meum autographum testari potest, ab initio scripseram; sed postea, cum tecum mihi rem esse cogitarem, id est, cum viro apprime erudito ac perspicaci, consulto tanquam supervacaneam delevi. Ea est, quod latius patet negotium religionis, quam negotium salutis; & omnia quidem, quæ ad salutem pertinent, ad religionem quoque pertinent, sed non contra. Quare quod ais, religionem veram ea omnia continere, quæ ad cultum Dei Iesuque Christi tam internum quam externum, in verbo Dei præscriptum pertinent, nihil contra differentiam istam facit. Sed tu ex eo, quod religio omnia continet quæ ad salutem spectant, credis fortasse, vicissim salutem nostram ea continere omnia, quæ ad religionem spectant, & sic, quemadmodum negotium salutis a religionis negotio disjungi non potest, sic similiter religionis negotium a salutis negotio non posse disjungi, quod perinde est, ac si quis existimaret, quia, ubicumque est homo ibi est animal, sic vicissim ubicumque est animal ibi esse hominem.

quod fallacie genus appellatur fallacia consequentis, in quam (ignosce mihi vir prestantissime) sepe incidere mihi videris in hisce disputationibus nostris. Scire (exempli gratia) licere homini Christiano ex omnibus cibis cum gratiarum actione comedere, sine dubio ad religionem pertinet, non pertinet tamen ad salutem, teste Paulo Rom. 14. Hoc idem dico de omnibus rebus adiaphoris, quae plurimae sunt, de quibus scire quid sentiendum sit, nemo negare potest ad religionem pertinere, quamvis ad salutem non pertineat. Quot sunt ad religionem nostram pertinentia, de quibus quotidie disputatur, quae tamen ad salutem non pertinent? Certè plura, quam multi existimant. Exempla proferrem, sed satis esse arbitror rem indicasse: jam enim ad ea respondendum est, quae contra exemplum a me prius allatum scripsisti.

Ais igitur, Exemplum a te loco argumentationis positum, videtur fallaciam redolere, quam ego aut nominare nescio, aut ad fallaciam divisionis pertinere arbitror. Vis enim ex eo quod assidue non fit, concludere quod necessario facere non teneamur. Certè si ita argumentatus essem, ut verba tua sonant, turpis fallacia esset in argumentatione mea, non quidem divisionis, sed manifeste ignorationis elenchi. Ab eo enim quod non fit, ad id argumentatus essem, quod facere non teneamur. Ego non ab eo quod non fit, sed ab eo quod non fieri jure potest, argumentum duxi. Fallacia porro, quam tu in
argu-

argumentatione mea esse suspicaris, non divisionis est, sed A secundum quid, ad simpliciter. Verum longe abest argumentatio mea ab hac fallacia. Ad quod ostendendum, quia hic cardo totius questionis nostra vertitur, quid vel jam dixerim vel dicturus sim (quæso te) diligenter attende. Iam supra dixi ad, quod verissimum est, & de quo inter omnes Theologos constat, præcepta affirmantia semper obligare, cum rei præcepta faciendæ occasio sese offert. Iam verò si necessariò tenemur Christum invocare, certè necesse est etiam ut id nobis præceptum fuerit. Et, si præceptum est, necesse est etiam ut semper Christum invocemus, quandocumque Christi invocandi occasio se offert. Ergò, si hoc necesse non est, non est etiam de Christo invocando nobis præceptum datum, et, si præceptum non est datum, necessariò Christum invocare non tenemur. Rectè igitur & sine ulla prorsus fallacia conclusi, ex eo, quòd non semper Christi invocandi oblata occasione Christum invocare tenemur, nos Christum invocare necessariò non teneri. Tu ipse hujus sortasse ratiocinationis vim sentiens, tibi ipsi manifestè contrarius, cum priùs tacitè concessisses, & postea apertè concesseris (nempe quia nimis evidenter est verum) nos posse Christum non semper nec ubique (ais enim, si ita conclusissem, me rectè conclusurum fuisse) invocare, sed sæpè solum patrem implorare; tamen de veris Christianis hæc verba scripsisti. Certè hi omnes ex fiducia concepta aliter facere nec possunt nec debent, quin ad Christum.

ſtum in neceſſitatibus ſuis aſſiduè (nota) con-
 fugiant, ab eoq; auxilium petant. Oſtende-
 ram ego, argumentum tuum a fiducia in Chriſtum
 ad ejuſdem invocationem ductum infirmum eſſe,
 vel ex ea, quod hinc ſequeretur, cum ſemper atq; u-
 bique Chriſto confidere debeamus, ſemper etiam
 atque ubique debere nos preces noſtras ad Chriſtum
 dirigere. quod & manifeſtò falſum eſt, & tu ve-
 rum non eſſe conſiteris; & tamen, cum illud tuum
 argumentum defendere velles, coactus es contrari-
 um affirmare, & in iſtam ipſam abſurditatem,
 quam ego effugi a te non poſſe prædixeram, inci-
 dere. Rem paulò diligentius, te obſecro, perpende,
 & videbis nullo pacto contendere te poſſe, Chriſtum
 neceſſariò nobis invocandum eſſe, quin etiam con-
 tra manifeſtam veritatem contendas, nos num-
 quam in precibus noſtris omittere poſſe quin Chri-
 ſtum invocemus; niſi novum quoddam divini præce-
 pti genus inducas, ut non ſemper, oblata rei præce-
 pte occasione, ſed aliquando, prout nobis videbitur,
 quidpiam facere jubeamur; & breviter velis præ-
 ceptum nobis fuiſſe, non quidem ſimpliciter ut
 Chriſtum invocemus, ſed ut eum aliquando invo-
 cemus. quod numquam probare poteris. Nam quid-
 quid ad hoc confirmandum attuleris, aut ſimplici-
 ter, & ſic ſemper in precibus noſtris invocandum
 eſſe Chriſtum, oſtendendi vim habebit (id quod fieri
 nequit) aut nihil ad Chriſti invocationem præcipi-
 endam pertinebit. Propterea etiam ſi veriſſimum
 eſſet, nos neceſſe omnino habere aliquando preces
 noſtras

noſtras ad Chriſtum dirigere, non tamen affirmandum ſimpliciter eſſet, ut tu facis, Chriſtum neceſſario nobis invocandum eſſe; ſed tantum, Chriſtum neceſſario aliquando nobis eſſe invocandum. Percurre cogitatione omnia Dei præcepta affirmantia, nullum inuenies, quod, rei præceptæ occasione oblata, ullo pacto omitti poſſit, ſi, quæ res illa præcepta ſit, rectè intelligatur. Dices fortasſe, cenam Domini celebrare, diuinum præceptum eſſe (quod ego quoque ſentio) & tamen aliquando tantum neceſſe nos habere eam celebrare. Verùm iſtud præceptum nullam certam rei præceptæ occasionem habet, & iſtud Aliquando, in hoc præcepto exequendo, non cuiſlibet rei præceptæ occaſioni opponitur, ſed cuiſlibet tempori. Quodſi tamen ulla certa occaſio cenæ Domini celebrandæ dari poteſt, non dubium eſt, quin ſemper ea occaſione oblata, neceſſe ſit cenam Domini celebrare. Puto me ſatis demonſtraſſe, in argumentatione mea, quod ad ipſius formam attinet, nullam penitus eſſe fallaciam, immo ne quod ad materiam quidem; cùm, quæ in illa aut aſſumpſi aut pro conſeſſis poſui, veriſſima oſſe oſtenderim, & partim a te ipſo conſeſſa. Videndum nihilominus tamen eſt de iſtantia, quam contra argumentum meum aſſers, & quâ facilè illud ſolvere te poſſe ais. Ea eſt ejuſmodi; Deus Pater non ſemper invocatur: immò Stephanus ſolum Chriſtum invocavit, Paulus quoque non ſemel id fe-ciſſe legitur. ergò invocatio Dei non eſt neceſſaria ad ſalutem. Ad hanc ipſam iſtantiam

non modò pluribus in locis contra Franciscum Davidis disputans, apertè respondi, & rem hanc totam clarissimè exposui: sed in ipso priore ad te scripto meo ea dixi, unde responsio evidenter appareat, & totius rei explicatio. Sunt enim ibi hæc verba mea; Ex ista enim subordinatione (Christi ad Deum) hoc inter Dei & Christi invocationem discrimen necessariò consequitur, quòd scilicet Deum quidem invocare omnino debemus, sive ad ipsum Deum sive ad Christum verba precum nostrarum dirigendo; qui enim Christum nominatim orat, (nota) ipsum Deum revera orat, cujus Christus vicarius quodammodo est, eiq; ut dixi, subordinatus: Christum verò ob hanc ipsam causam semper quidem invocare possumus, id est, ad ipsum preces nostras dirigere; id enim facientes nihil a præcepto (nota) ac necessitate invocandi Dei recedimus. Sed possumus etiam illum non invocare, id est, possumus non ad ipsum, sed ad Deum verba precum nostrarum dirigere. Cùm enim Deus Christo nequaquam sit subordinatus, qui Deum orat, precum verbis non ad Christum sed ad ipsum Deum directis, nullo modo Christum orasse censendus est. Vides (nisi vehementer fallor) instantiam tuam jam antea a me eversam fuisse, ex qua everfione constat apertè, id verissimum esse quod suprà scripsi, soli Deo hoc convenire, ut ipsum necessariò invocare debeamus,

non etiam Iesu Christo; aut certè constat, quod ad ipsam necessitatem invocandi attinet, discrimen omnino inter Dei & Christi invocationem statuendum esse, quod a te nullum statuitur, summâ subordinationis Christi ad Deum obscuratione vel potius deletione. Instantiam quam huc affers, de fiducia in Deum & in Christum similiter necessariâ, suo loco infra, ad rem non facere, Deo dante, demonstrabo. Nunc, ut pergam ostendere, jure divino (absolutè loquendo, ut in prioribus meis ad te litteris scripsi) nos non cogi, nec semper nec aliquando ad Christum preces dirigere, verba quedam tua, que hic sequuntur, examinabo: ex quibus rursus te tibi ipsi in hac Christi invocandi necessitate adversari docebo, & interim sententiam meam confirmare. Sed priùs explicandum mihi est, quid verbis illis absolutè loquendo, mihi velim. Dico igitur, non esse absolutè necesse, ut quis ad Christum ne semel quidem preces suas dirigat, id est, fieri posse, ut quis preces suas numquam ad ipsum Christum direxerit, & tamen nec ideo peccaverit, & nihilominus salutem per eundem Christum consequatur; quippe cui numquam contigerit ullam ex iis causis habere, quas supra attigi, omnino preces suas ad Christum dirigendi. Alioqui si ullam ex illis causis habuerit, nec tamen preces suas ad Christum direxerit, & grave peccatum commississe dicendus erit, & necesse habebit ut illud sibi dimittatur, si salutem per Christum sit consecuturus. Itaque licet non absolutè, tamen per accidens (ut loquuntur) ad
ipsum

ipſum Chriſtum preces noſtras dirigere aliquando neceſſe habemus. Quod neceſſitatis genus non modò in hac re tam gravi tantiq; momenti, ſed in levioribus quoque multis per ſe adiaphoris rebus cernitur: multa enim ſepè charitate, Eccleſiæq; edificatione, aliivè juſtis cauſis cogentibus, facere neceſſe habemus, quæ alioqui prorsus omittere poſſumus, id eſt, niſi ea fecerimus, graviter peccamus. Exempla, quippe quæ omnibus, & tibi præſertim ſunt nota, nihil opus eſt producere. Iam enim ad tua verba examinanda accedendum eſt.

Itaque ſic ſcribis, de tempore & loco non eſt præſcribendum, nempe invocandi Chriſti. Sed ſi de tempore non eſt præſcribendum, Ergò ne de ipſa quidem invocatione præſcribendum eſt. Ea enim omnino ſuum tempus habet, id eſt, cum in neceſſitate quis eſt conſtitutus, & multò magis, cum invocare vult. Sed, addis, ſpiritus ſuggeret: id ego prior dixeram, & hic repeti, atque iterum repeto, ſpiritus ſuggeſtioni relinquendum eſſe, ut hac in parte preces noſtras moderetur; ſatisq; propterea eſſe, nos jam penitus eſſe perſuaſos, a nobis jure optimo Chriſti opem, in preces noſtras implorari nominatim poſſe, idq; ſemper & ubiq;. Ita fiet, ut ſpiritu ſuggerente, id etiam facere non dubitemus. Subjicis autem poſtea: fiduciaq; quam erga Chriſtum unus alterò majorem habet, ſingulos fidelium inſtruet. Fiducia in Chriſtum non inſtruit quemquam ex Chriſti fidelibus, ut omnino ad ipſum Chriſtum preces ſuas dirigat,

rigit, sed unumquemq; monet, cum Christus preces nostras intelligat, posse ad ipsum preces nostras dirigere. Alioqui, cum Christi fideles nunquam fiducia in Christum deserviantur, ad ipsum semper in necessitatibus suis preces dirigere instruerentur, quod falsum esse, ostensum est. Caterum, quod ad hoc pertinet, in quo Christi fideles de Christi invocatione monentur, seu instruuntur, par est in omnibus prorsus in Christum fiducia; licet alioqui alius alio majorem habeat. Nam si quis propter fiducia in Christum paucitatem vel minimum quidem dubitet, an Christum semper & ubique invocare jure possit, is Christi fidelis revera non est. Pergis autem, & ais, Ego libenter ad gloriam Christi fateor, me nunquam in privatis meis gemitibus sive precibus, quoties Deum patrem invoco, ejusque auxilium imploro, Christum omittere. novi enim, certissimeq; confido, me nisi per ipsum non posse ad Patrem tuto ac confidenter accedere. Si cum ais, te nunquam Christum omittere, intelligis, te semper ad Christum quoque preces tuas dirigere, id quidem facis, quod facere jure potes. Sed ratio, quam affers, ostendit, te existimare hoc facere ubi necesse esse. Quomodo igitur alibi, veritate cogente, fateris, posse nos sepe solum Deum patrem invocare? Numquid alia hac in re est conditio tua, quam nostrum omnium? Vides arbitror, te tecum pugnare, id quod propterea fit, quod, quæ adfers ad probandam Christi invocandi necessitatem, quemadmodum etiam ipsum

ipſum neceſſitatis verbum ſimpliciter prolatum poſtulat, ſi rectè allata ſunt, probant, non quidem aliquando, ſed ſemper in precibus noſtris invocandum eſſe Chriſtum. Itaque, ut vidimus, non obſcurè concluſiſti, nos neceſſe habere nunquam Chriſti invocationem in noſtris privatis precationibus omittere, quamvis poſtmodum ſic ſcribas, Quod ad publicas preces Eccleſiæ pertinet, hæ pro temporis neceſſitatisq; ratione moderari poſſunt, cum tamen ratio, quam attuleras, neceſſitatis invocandi ſemper Chriſti in privatis precibus, ſi ullam vim habet, eandem prorsus habeat & in publicis. Iam illa verba, pro temporis neceſſitatisq; ratione, ſatis indicant, te ipſum veritatem quodammodo ſenſiſſe, id eſt, nullam ordinariam eſſe neceſſitatem invocandi Chriſti; ſed fieri poſſe, ut neceſſitas aliqua id faciendi emergat. quod ego quoque non ſolum fateor, ſed memini, me aliquando ad ſynodum Chmelnicenſem ſcripiſſe, rectè futurum, ſi hoc tempore propter falſos iſtos fratres, qui Chriſtum invocare nolunt, conſtitueretur, ut in publicis precibus non tantum Deus pater, ſed Chriſtus quoq; invocaretur. Addidiſti etiam alia verba, quæ neceſſitati non omittendi Chriſti invocationem in precibus noſtris antea concluſæ adverſantur, nempe illa, nam non quæritur an ſemper & ubique neceſſarium ſit preces ad Chriſtum dirigere. & illico ſubjungis, ſed an res ſit neceſſaria homini Chriſtiano Chriſtum invocare ad eumq; preces dirigere. quæ poſte-
riora

riora verba, ut supra demonstratum est, cum prioribus modò recitatis pugnant. Si enim necessaria res est homini Christiano preces ad Christum dirigere, necessarium est etiam semper & ubiq; (cum scilicet quis precari vult) ad Christum preces dirigere. Caterum superiora verba tua, quòd nunquam omittas Christum in tuis privatis precibus, quòd ad ipsa verba attinet, possunt etiam ita accipi, quasi non omittas Christi meminisse, inq; ejus nomine ad Patrem accedas, agnoscens Christum eum esse, per quem Deus pater omnia Christi ipsius fidelibus largiatur, nec nisi Christi fideles ad Deum accedere posse. & hoc probat ratio tua suprà descripta in recitandis verbis tuis; non autem, nos non posse ad Patrem tutò & confidenter preces nostras dirigere, nisi simul ad Christum quoque eas dirigamus. sed ad rem locutus non fuisses, si hæc tuorum verborum sententia esset. Verba porrò, quæ ibi jungis, quoniam sic patri omnipotenti placuit, ut Christus sit opitulator ac interpellator noster, per quem cum fiducia ad thronum diviniæ gratiæ, ut misericordiam consequamur, confugiamus, quorum sententia & verba simul ipsa, aliqua ex parte, expressa sunt in fine cap. 4. epist. ad Heb. si, ut ego quidem arbitror, ad Christi invocationem in predicto ad Heb. loco referri possunt, non præceptum, ut in disputatione mea cum Francisco Davidis docui, sed adhortationem continere dicenda sunt, & commonefactionem propter imbecillitatem nostram, quæ mirificè sublevatur,

eo non fruſtra invocando, qui compati poteſt infirmitatibus noſtris, ut ibi paulo ante ſcriptum eſt. Quòd ſi præceptum continerent, omnes idem facere cogerentur, quòd tu facis (priorem enim verborum tuorum interpretationem omnino retineo) & nunquam Deum patrem invocare poſſent, quin ſimul præces ſuas ad Chriſtum dirigerent, ut ſatis jam ſuperq̄ demonstratam eſt.

Vidimus, te coactum fuiſſe tecum pugnare, & aliqua ratione ſententiam meam, quam oppugnas, confirmare: Nunc videamus de reliquis, quæ mihi objiciſ. Aiſ, Hoc tuum poſſe (ſemper & ubique invocare Chriſtum) neceſſario oppoſitum, mihi haud dubiè labefactionem invocationis Chriſti continere videtur. Continet ſine dubio iſtud meum Poſſe, quatenus Neceſſario opponitur, labefactionem abſolute neceſſitatis invocandi Chriſti; ſed non tamen ipſius Chriſti invocationis: immo illud ipſum expreſſè ac diſertè continet, quòd noſtris adverſariis, qui Chriſto invocationem non concedunt, opponendum eſt, & nihil minus; apertiffimeq̄, contra ipſos Chriſti invocationem confirmat. Iam, quòd exiſtimare præ te ſers, me ita argumentari, Poſſumus, ergo nullo jure cogimur, plurimum falleris, ſi ita exiſtimas. Nihil ego hic argumentor, ſed tantùm ſententiam meam profero, cum ajo, Nos poſſe, non tamen ullo jure cogi. Immo ipſa verba, Non tamen, aut ſimilia, apertè docent, me fateri, iſtud meum poſſe per ſe non opponi ulli neceſſitati; & quamvis hic ita eveniat,

mat,

niat, ut cum necessitate non conjungatur, tamen alioqui optimè cum necessitate conjungi posse. tantum abest, ut ex ipso posse exclusionem necessitatis concludam. Possem hic pluribus ostendere, quam turpem lapsum mihi ascripseris, idq; planè injurià, cum nulla tam fœdi mei erroris ne levissima quidem suspicio esse possit: Sed brevitati aliqua saltem ex parte consulendum est. Ad instantiam tuam de fiducia in Christum propter jam dicta nihil respondendum est. Tantum dico, quod credis, non secus præceptum esse, ut ad Christum preces nostras dirigamus, ac præceptum est, ut illi confidamus, id longè aliter se habere. nulla enim (quod tu tamen pro concessio sumis) Dei ordinatio, aut constitutio extat de precibus ad Christum dirigendis. Loca, que ego ipse contra Franciscum Davidis attuli, quemadmodum ibi dixi, videri quidem possunt vim habere expressi præcepti: sed tamen revera non habere, ex natura præcepti ac perpetua vi, de qua supra egimus, quam in precibus ad Christum dirigendis non exeri compertissimum est, omnino statuere debemus.

Deinde ex eo, quod ipse affirmo, necessarium esse ad salutem per Christum consequendam agnoscere ac profiteri, Christum jure ac meritò invocari posse, tamquam a minore, argumentari vis, magis necessarium esse re ipsa Christum invocare. quod argumentum perversa planè ratione conclusum est, cum plus sit Re ipsa omnino invocare, quam, omnino agnoscere, se jure ac meritò posse invocare. Quale nam (rogo te) est istud argumentum? Hoc jure ac

meritò fieri poſſe agnoſcendum eſt: Ergo multò vel aliquantò magis fieri debet. Exemplum aſſeram non longè petitum ſepiùs mihi varia ratione uſurpandum. Agnoſcendum eſt, nos ſemper & ubique poſſe jure ac meritò ad Chriſtum preces dirigere: Ergo multò vel aliquantò magis debemus ſemper & ubiq; preces ad Chriſtum dirigere. Tanta eſt denique iſtius tui argumenti inutilitas, ut in ipſa rationatione concludenda alios (quos vocant) terminos pro iis, quos antea poſueras, ſubſtituere coactus fueris, primùm in illis verbis, quomodo is, qui ſciens Chriſtum eſſe invocandum, &c. Aliud eſt enim, Chriſtum eſſe invocandum: aliud verò, Chriſtum jure ac meritò invocari poſſe. Hoc poteſtatem tantùm; illud neceſſitatem quoque ſignificat. Itaque medium tui argumenti terminum, in quo tota vis eſt, mutaſti. Deinde, cum idem argumentum alia quadam forma repetis, in ipſa concluſione illa verba ponis, quomodo rei ipſius neglectus ſive contemptus &c. Atqui aliud eſt Negligere ſive contemnere invocare Chriſtum, aliud non invocare, quemadmodum ſuprà oſtendi: aliud eſſe Nolle & non audere invocare Chriſtum, aliud Non invocare. quod quo ſenſu a me ipſo dicatur, longè a contemptiõis ſuſpicionis invocatiõis Chriſti remoto, apertiffimum unicuiq; mea ſcripta legenti eſſe poteſt. Itaque argumentationis tue alterum ex duobus extremis terminis ſimiliter mutaſti. Præterea in tua argumenti repetitione inſignis eſt cum ambiguitas tum fallacia cum enim

dicit,

dici, Si enim hujusce rei ignoratio, &c. non apparet, quid Hujusce rei nomine intelligas. Nam supra commemorasti, & posse jurè ac meritò Christum invocari, & Christum invocandum esse; & denique proximè omnium, Christi invocationem ad salutem esse necessariam, quorum primum non idem est, quod secundum & tertium. Hic igitur est summa ambiguitas. Sed statuamus, te, ut equum est, primum intelligere, in conclusione certe summa est fallacia. Oportet enim, ut ibi nomine Rei ipsius, idem intelligas. Verùm, qui Christum non invocat, id est, quem modò contingit re ipsa ad Christum preces non dirigere, nullo pacto contemnit, Christum jure ac meritò posse invocari; cum ne contemnere quidem invocare Christum ulla ratione dici possit, ut jam demonstratum est,

Deinceps refutationem meam priorum argumentationum tuarum refellere aggredieris. Et dicis, me argumenti tui a fiducia in Christum ad ejusdem invocationem ducti connexum stringere ac confirmare; quia videlicet fateor, invocationem sine fiducia esse non posse. Cur verò? An quia, si invocatio sine fiducia esse nequit, vicissim fiducia sine invocatione esse non potest? Atqui hæc est manifesta fallacia consequentis, ut priùs te monueram. Neq; enim, si ex duobus hoc sine illo esse non potest, continuò nec illud sine hoc esse poterit, alioqui infinita absurdissima concludi rectè possent. Formes tibi syllogismum ex hac propositione. Quicumque quempiam invocat, illi etiam confidit, ad

probandam ex fiducia in Chriſtum ejuſdem invo-
 cationem, & videbis. τε εὐλόγισον prorsus syl-
 logiſmum formare, id eſt, ex puris affirmativis in
 ſecunda figura. Sic enim neceſſario tibi formandus
 erit: Quicumque quempiam invocatur, illi etiam con-
 fidit, Quilibet Chriſtianus verus Chriſto confidit,
 Ergo quilibet Chriſtianus verus Chriſtum invocatur.
 Quo argumentandi genere, ut pote vitioſiſſimo, ni-
 hil abſurdi non concladi poteſt. Vt ſi ita argumen-
 ter: Quicumque quempiam amat, illum etiam
 aliqua ratione novit, Quilibet eum, quem odio ha-
 bet, aliqua ratione novit, Ergo quilibet eum, quem
 odio habet, amat, Quod ſi, ut ais, fiducia & invo-
 catio adeò conjuncta ſunt, ut reciprocentur, id quod
 ego prorsus nego, jam non ego ſum, qui argumenti
 tui connexum ſtringo ac confirmo, ſed materie
 ipſius (ut loquuntur) neceſſitas. Sed videamus,
 quomodo nihilominus, ex meo dicto argumenti tui
 nexum ſtringi ac confirmari, oſtendere coneris. Sic
 igitur ſcribis; Si enim in eum, ad quem preces
 dirigo, credere eiq; confidere debeo, quo-
 modo viciffim eum, cui tutò confido (ut Ie-
 ſu Chriſto tutiſſimè confidere debemus)
 nunquam in neceſſitatibus meis invocare
 audebo aut non curabo? Hic manifeſtè termi-
 nos queſtionis noſtræ mutas. Non enim, ut jam non
 ſemel monui, queritur a nobis, utrùm quis poſſit
 non audere, aut etiam non curare invocare Chri-
 ſtum; ſed utrùm poſſit non invocare. que inter ſe
 (pre-

(presertim Non audeere invocare, & Non invocare) plurimum differunt. Et rectè fortasse concludi potest, eum, qui cuiquam confidit, illum etiam audeere invocare: sed non tamen, illum etiam invocare. Nihil enim vetat, quo minus quidpiam non faciam, non quia non audeam, sed aliquam aliam ob causam. Ut nihil dicam, quòd fieri potest, ut quempiam invocare non audeam, non quia illi non confidam, sed vel quia prohibitus sum id facere; vel quia quidpiam aliunde, si id fecero, gravioris mali mihi metuum; vel propter alias causas. Ex quo apparet, ex natura ipsius fiduciae necessariò re ipsa invocationem vel etiam (ut sic dixerim) invocandi ausum non consequi ipsam fiduciam, adeò ut, quamvis verissimum sit, neminem, qui Christo confidat, non audeere illum invocare, tamen hoc non ex ipsa fiducia simpliciter oriatur, sed ex eo, quòd in Christo invocando nulla alioqui sunt causæ, quæ ab ipso invocando deterrere quemquam possint. At verò, quia non similiter absunt omnes causæ, quæ efficere possunt, ut quis re ipsa (non quidem quia non audeat aut etiam non curet; sed quia non contigerit, ut id spiritus suggererit) Christum non invocet, nempe quia adest Deus pater, cui similiter confidit, & ad quem nominatim preces suas se dirigere jure posse novit; propterea non similiter in ipso Christo, ex fiducia in eum, ejusdem re ipsa invocatio sequitur, ut sequitur ab ipso invocando non deterreri. Ex his apparet, quæ postea scribis de uno ex tribus vitiis, quo laborare necesse sit eum, qui de fide in Iesum

Christum gloriatur, & tamen eum invocare negligat, aut ad rem non facere, si verbum Negligere, ut quidem apparet, apud te contemnere & aspernari significat, aut non rectè conclusa esse, cum hæc simul vera esse possint, quempiam Christo ex animo confidere, ita existimantem, & se illius auxilio indigere, & illum sibi eum invocanti opitulari posse, & tamen istum re ipsa Christum non invocare, id est, ad ipsum preces suas non dirigere. nimirum, quia noverit, ipsius Christi auxilium se impetrare posse, non minus si ad Deum preces suas dirigat, quàm si ad ipsum Christum. In verbis, quæ deinde addis, incidis in tibi a me quodammodo prædictam & supra commemoratam absurditatem illam, in quam te vis istius tui argumenti a necessaria fiducia ad necessariam invocationem ducti necessario impulit, & Christianos aliter facere nec posse nec debere affirmas, quin ad Christum in necessitatibus suis assidue confugiant, ab eoq; auxilium petant. Quæ absurditas pariter consequitur ex eo, quod hic rursus concludis, hoc pacto, Fiducia igitur vera necessario producit invocationem non minus, quam invocatio sincera veram fiduciam requirat. Nam si hoc verum est, sequitur omnino, ut, quoniam assidue Christo confidendum nobis est, assidue etiam illum in necessitatibus nostris invocare debeamus. Accipio autem ista tua verba, de fiducia in Christum, ejusq; invocatione, alioqui, si indefinite, ut sonant, accipiantur,

tur, multò majora absurda ex illis necessariò consequentur, ut ex ante disputatis intelligi potest.

Objicis deinde mihi, quòd ab Adversariis arma mutuer, & non sentiens in eorum castra transire videar; quia excellentiam Dei patris urgeam, ex necessitateq; , quam habemus invocandi Dei, concludam (ut tibi quidem visum est) nos non habere necesse invocare Christum.

Si, quandocumque urgetur excellentia Dei patris, in castra transitur istorum Adversariorum, numquam deberemus illam urgere contra alios Adversarios, qui sunt tamquam alterum extremum, nobis medium, seu medii locum tenentibus: & tamen, nisi illam maximè ac potissimùm urgeremus, necesse esset, nos in ipsorum castra transire. Igitur videndum est, an suo loco & tempore Dei patris excellentia, nec ne, urgeatur. Ego quidem, in hac disputatione me eam suo loco & tempore urfisse, penitus mihi persuadeo. Tametsi hoc loco, ubi a fiducia in Christum argumentabar ad ejusdem invocationem, neutiquam eam urfi; quamvis ejus, quasi transiens, mentionem fecerim, & meritò quidem eam commemoravi, ut postea dicam. Vis mea responsionis, ut verba ipsa sonant, non in eo est; quòd necesse habeamus Deum invocare, cujus rei hìc nullam mentionem facio, tantùm abest, ut ex ista necessitate colligam, nos non necesse habere Christum invocare, sic enim nihil respondi: sed in eo est, quòd, cum non solùm Christo, sed etiam Deo confidere debeamus, possumus ad ipsum Deum

(Soluna

(ſolum videlicet) preces noſtras dirigere; & ſic non neceſſe habemus propter neceſſariam fiduciam in Chriſtum eas dirigere ad Chriſtum. Quod ut mani- feſtiùs conſtaret, meritò excellentiæ Dei ſupra Chriſtum in ipſa fiducia in eo collocanda mentio- nem feci. idq; ita, ut interim oſtenderim, fiduciam, quæ in Chriſto collocatur, in ipſo Deo revera collo- cari; Ut tantò clariùs appareret, nihil obſtare, quo- minus Chriſto confiſdamus, & tamen ad Deum ſo- lū preces noſtras dirigamus. Quare quævis hîc inſtantia, non modò tua de neceſſitate confiſdendi Deo, quæ non excludat neceſſitatem confiſdendi Chriſto, nihil ad rem facit. Oportuiſſet ſaltem, te in- ſtantiam aſſerre alicujus rei, quam Deo ſoli, & non ſimul Chriſto, tribuere poſſimus, & tamen eandem Chriſto tribuere teneamur, ejuſmodi autem inſtan- tiam nullam invenire poteris; quippe quæ ſibi ipſi adverſetur, ſeq; ipſa deſtruat. Præterea, non eſſe eandem rationem invocationis, quæ fiduciæ, velex eo patet, quod ſæpius eſt dictum, neceſſe nos habere ſemper Chriſto confiſdere, non autem ſemper Chri- ſtum invocare. Quod ut apertius fiat, recitabo hîc ea, quæ ſcripſi contra Franciſcum Davidis, qui mihi tamquam pugnantia inter ſe obſcuriſſimaq; dicta objiciebat, quòd dixiſſem, nos Chriſtum ado- rare eiq; ſervire non tantùm poſſe, ſed etiam debe- re: eundem tamen nos invocare quidem poſſe, non tamen teneri. Eadem enim in tota hac quæſtione eſt prorsus ratio fidei ſeu fiduciæ, quæ adorationis & ſervitutis, de quibus ibi agitur. Sic igitur contra
cum

eum scripsi cap. 19. partic. pa. Servitutis & adorationis, quæ Christo tribuuntur, alia ratio, quàm invocationis est, ita ut Christo servire, eumq; adorare omnino debeamus, invocare verò tantummodo possimus. Servitus enim & adoratio, de quibus hoc loco agitur, affectiones quædam potiùs, quàm actiones, sunt animi & mentis nostræ; eaq; non alicujus temporis aut occasionis, sed perpetuæ & nobis in hærentes: Invocatio verò, cum pro precum directione & opis imploratione ipsa accipitur, ut & nos facimus & usus loquendi requirit, est actio quædam non nobis perpetuò in hærens, sed quæ a nobis pro tempore & occasione, quantumvis frequenter id fiat, suscipitur. Hinc fit, ut perpetuò uno eodemq; temporis momento & Deo & Christo servire & utrumq; adorare possimus: At Christum invocare non possumus, nisi ad eum nominatim preces nostras dirigamus. Quocirca, si Christum invocare omnino deberemus, numquam ad Deum patrem solum nostras preces dirigere possemus. Quod falsum esse, exempla sanctorum virorum, & purioris Christianæ Ecclesiæ antiquissimus usus ostendit. Neque enim ut superiore cap. partic. 6. dictum est, qui Deum patrem invocat, Christum ipsum invocat; quemadmodum qui Christum invocat, ipsum Deum patrem invocat. Et hæc
ob

ob causam, quamvis ad Christum, nulla patris expressa mentione facta, preces suas dirigat, præcepto tamen de invocando Deo patre satisfacit. Sic rex præfectos dat, a quibus ea peti possint, quæ ab ipso solo alioqui peti possunt. Non tamen, ut omnino a præfectis petatur, jubet. Neque enim, ne quisquam jam se adeat, interdicit. Cum autem ipse rex aditur, nullo modo a præfectis, sed ab ipso tantum rege petitur; quamvis, cum a præfectis petitur, ab ipso rege, cujus auctoritate ac nomine illi omnia faciunt, petatur. Itaque vides, in distinctione illa mea nullam esse antilogiam, nullum ænigma; sed eam sensui ipsi communi quodammodo patere. *Volui in recitandis his verbis contra Franciscum Davidis ea non omittere, quæ de differentia inter Dei & Christi invocationem agunt, quamvis alia idem significantia in priore meo ad te scripto legantur, quæ etiam in hoc posteriore sunt repetita, ut ipse hæc relegens mireris, quomodo tamen, his non semel in meis scriptis lectis, vel quedam mihi objeceris, vel saltem non alia ratione, quam feceris. Non est igitur, ut ad propositum revertar, meum argumentum ullum tale in scripto meo, quale tu formari oportere ais, videlicet ad hunc modum: Possumus & tenemur Deum patrem invocare: ergo ad Christum preces nostras dirigere, quamvis possumus, tamen non tenemur: sed hæc sententia tantum ex meo scripto*

scripto elici potest: Quamvis ad Christum preces nostras dirigere possimus (id quod solum, & nihil amplius, concludi potest ex necessaria fiducia nostra in Christo) non tamen hinc sequi, nos necessario ad ipsum Christum preces dirigere debere. nempe quia ad solum Deum, cui similiter necessario confidendum nobis est, eas dirigere possimus. Nec putes tamen, etiamsi argumentatus ita fuisset, ut tibi videretur (quod sanè mihi numquam in mentem venit) argumentum, quod ipse subjicit, hoc pacto, Possumus & tenemur in Deum patrem credere: Ergo Iesu Christo quamvis confidere possumus, tamen non tenemur, ne putes, inquam, hoc argumentum instantiam manifestant futuram fuisse argumentationis meæ, atque, ut avis, non tam ovum ovo simile esse, quàm hoc argumentum est superiori illi a te mihi tributo. Similitudo enim argumentorum exacta non in concipiendorum verborum forma tantum, sed etiam in materia verbis contenta consistit. Non est autem similis materia fidei, & directionis precum; non solum propter ea, quæ contra Franciscum Davidis scripta recitavi, sed etiam multò magis, quod ad propositum nostrum attinet, propter hæc, Primùm (presertim cum de Christo est sermo) nihil est medium inter fiduciam, & diffidentiam. adeò ut, qui Christo non confidit, ei necessario diffidat; quod scelus planè est. Deinde, si quis Christo non confidit, hunc necesse est etiam ipsi Deo non confidere, spiritus sancto id non obscure attestante pluribus in locis.

Præterea, cui in rebus divinis conſidere poſſumus, ob hoc ipſum, quòd poſſumus, etiam debemus. Cur enim poſſumus cuiquam in rebus divinis conſidere, qualiſcumq; tandem ſit hæc fiducia, niſi quia aut ille veriſſima ac certiſſima nobis Dei nomine promiſſa facit, veramq; nobis colendi Dei ab eoq; felicitatem ſperandi rationem ac viam docet, aut etiam ipſemet ex ipſius Dei ordinatione nobis felicitatem eſt daturus? Verùm, qui talis eſt, ei omnino conſidere debemus. alioqui Dei voluntati reſiſteremus, & veritati divinæ non aſſentiremur. Nihil tale in materia invocationis ſeu directionis precum, quamvis ad ipſum Chriſtum relatæ, cernitur. Si quis enim ad Chriſtum preces ſuas non dirigit, non quia non audeat, aut nolit, ſed quia ita illi contingit facere, nulla cauſa exiſtente ex iis, quæ illum monere poſſunt, ut ad Chriſtum preces ſuas dirigit, nihil ſceleris admittit; ſi interim ad Deum tamen ſuas preces dirigit. medium enim quiddam inter directionem precum ſuarum ad Chriſtum, & abhorrentiam (ut ſic loquar) a dirigendis ad Chriſtum precibus ſuis, eſt eas dirigere ad ipſum Deum. Iam, qui ad Chriſtum preces ſuas non dirigit, non propterea ne ad Deum quidem eas dirigit. Poſtremo, ſi ad Chriſtum dirigere ſuas preces quis poteſt, non ſequitur eum etiam omnino debere. Hic enim poteſtas cum neceſſitate minimè convertitur, aut recipitur. alioqui quemadmodum ſemper poteſt, ſic etiam contra manifeſtam veritatem ſemper omnino deberet. Verùm, ut ſuperiùs indicatum eſt, ego
hic

hic nihil fueram argumentatus, nedum tale argumentum fecissem, quale tu mihi tribuis; sed tantum ad argumentum tuum a fiducia in Christum ductum respondens, ostenderam quomodo ex ista quarumvis necessaria fiducia, ad eundem Christum necessaria precum directio minime sequeretur. Quocirca falsa & absurda, que a simili ex isto tamquam meo argumento ducis, id est, quedam Christi gloriam ac majestatem obscurantia ac minuentia, nihilo magis ad verba, quam ad mentem meam pertinent. que quam tota in eo sit, ut Christi gloria ac majestas illustretur atque amplificetur, & Christus ipse novit, nec te ipsum ignorare existimo. Nec sane opus quidquam erat hoc loco ad ostendendum, Dei Patris eminentiam atque erga nos bonitatem glorie Christi nihil officere, ea afferre que ipse contra alios affero. neque enim, ut dictum est antè, ego hic Dei eminentiam seu bonitatem urfi, præsertim ad Christi necessariam invocationem simpliciter labefactandam. qua de re inferius agendum erit. Multò autem minùs (sitamen extra propositum hoc in loco nostrum, hac de re agendum videbatur) pro concessum quodammodo erat, ex eo quòd Christus constitutus sit nobis a Deo dominus, Servator, mediator, cui omnem potestatem in celo & in terra tradiderit, in quem post Deum credere, eiq; tutò confidere possimus, omnino constare, Dei voluntatem esse ut necessariò ad Christum preces nostras dirigamus: nihil enim ista omnia ad hanc Dei voluntatem probandam momenti habent, sed tantum

ad probandum, Dei voluntatem eſſe ut preces noſtras ad Chriſtum dirigere poſſimus: niſi quedam verba, quæ Mediatoris vocem explicantia addidiſti, nempe hæc, per quem ad Patrem accedere debeamus, neceſſitatem iſtam ex Dei voluntate preces ad Chriſtum dirigendi continere, apertiffimum eſſe credidiſti. Atqui ſi verba iſta talem neceſſitatem continerent, omnino etiam continerent neceſſitatem ſemper preces noſtras ad Chriſtum dirigendi. non aliter enim quàm per Chriſtum, ad patrem accedere nos poſſe certum eſt. Sed quid ſit, per Chriſtum ad patrem accedere, quatenus ſcilicet hoc facere omnino jubemur ac cogimur, dictum eſt ſuprà cum tua verba examinavi, ubi ob hanc ipſam cauſam te numquam in privatis tuis precibus ad Deum, Chriſtum omittere dixiſti.

Subjicit poſtea verba hæc mea in priore ad te ſcripto, Quare tamenſi fiducia in Chriſtum neceſſaria nobis eſt, non tamen neceſſarium eſt, ut ad ipſum preces noſtras dirigamus, ſpectare ad labefactandam Chriſti invocationem. id quod primùm ex eo concludere videris, quòd antè concluſeras, non eſſe neceſſarium Chriſto confidere, ſi (quemadmodum me argumentatum fuiſſe exiſtimabas) quia poſſumus & tenemur Deum patrem invocare, concludendum eſt, nos non teneri ad Chriſtum preces noſtras dirigere. Verùm ego ingenuè fateor, me nulla ratione intelligere poſſe, quomodo ex priore illa tua concluſione hæc poſterior ſequatur. Quamquam cum jam demonſtraverim, te fru-

stra adversum me istam priorē conclusionem ex-
tulisse, nihil est cur hīc quidquam respondeam. At
deinde idem ex eo apertē conclusis, quōd (ais)
quicquid necessarium non est, id fortassis
& parum prodesse potest. Sed quid attinebat,
quæso, ut istud mihi objiceres, verba illa mea asser-
re? An non hoc ipsum expressē continet ipsa senten-
tia mea contra quam disputas, obq̄ hoc ipsum tan-
tūm me reprehēdere pridem instituisti? Videris au-
tem ipse agnoscere, quā sit infirmum objectum
istud, cūm vocem fortassis apposueris, idq̄ potius
ex quorundam aliorum sententia scripsisti, quā
ex tua ipsius. Sunt enim quidam inter nostros ho-
mines, qui nondum percipere queunt, quæ sit dif-
ferentia inter necessarium & utile in religione
nostra. Quibuscum te non sentire, vel ex eo intelli-
go, quōd ipsam cognitionem, quam nostri homines
habent de Dei Christiq̄ natura atque essentia, &
communi sententia discrepantem, nisi fallor, ad sa-
lutem consequendam necessariam esse non credis,
& rectissimē quidem iudicio meo: alioqui perirent
ii omnes, qui tali cognitione sunt aut fuerunt, aut
futuri sunt umquam destituti: ex quo sequeretur,
ut alia absurda omittam, multos sanctissimos & vi-
ros & feminas Christi q̄ martyres periisse. Non ne-
gabis tamen (quod & verissimum est) prædictam
cognitionem non modò utilem & valde utilem, sed
longè utilissimam esse ad ipsam salutem adipiscen-
dam. Taceo innumerabilia alia exempla ejusdem
rei; cūm inter doctissimos multos viros constet, ea.

que ad salutem necessaria sunt, quod ad cognitionem presertim spectat, paucissima omnino esse. Sed fortasse exemplum queris actionis seu facti alicujus nostri, qualis Christi invocatio est, quod in religione nostra nobis sit valde utile, nec tamen necessarium. Non est necesse tale exemplum invenire. Satis enim est ostendisse ad objectum tuum diluendum, aliquid, immo multa admodum utilia esse posse in nostra ipsa religione, quae tamen non sint necessaria. Sed accipe nihilominus hoc exemplum. Assidue exercere se in studiis sacrarum litterarum non est ad salutem necessarium, alioqui perirent innumerabiles homines maxime pii, qui hoc non faciunt: & tamen admodum utile esse nemo negaverit. Nec verò hic dixeris, iis esse necessarium qui id possunt facere. Nemo enim hoc tibi concedet; cum nulli ad salutem necessarium sit aliud, quam Deo per Christum confidere: quod etsi pregnantissimum quiddam est, tamen compertissimum ratione atque usu est, id in eo quoque inveniri posse, qui se assidue in studiis sacrarum litterarum non exerceat, etiamsi id facere maxime possit, dummodo ne inaniter & sine fructu aliquo Christiano tempus, quod lectioni & examinationi sacrorum scriptorum dare posset, terere audeat. Mitto autem, quod etiamsi Christi invocatio parum nobis prodesset, non idcirco ea nobis contemnuenda foret. nam satis esset, eam aliquo loco & tempore alia digna effecta pariturâ, qualis est celebratio nominis Christi, & publica contestatio agnitionis imperii, ac perpetuae e-
 jusdem

iusdem Christi in Ecclesia cura ac gubernationis, atque etiam in tali agnitione, ad Christi gloriam sui ipsius exercitatio quadam ac confirmatio, quod non in publicis modò, sed etiam in privatis precibus locum habere potest.

Sed jam ad me meis dictis revincendum transis. Vbi in te ego refutando, & ostendendo me mihi ipsi optimè constare, non ero longior, cum jam supra errorem tuum in confundendis istis locutionibus, Non vult nec audet invocare Christum, & Nō invocat Christum, & simul, quo sensu ex sententia verbiq; multis meis colligi possit, me neminem condemnare, quamvis re ipsa Christum non invocet, id est, ad eum preces suas non dirigat, abundè ostenderit atque explicuerim. Quid enim aliud ex aliis meis dictis contra me concludis, quàm, quicumque nomen Christi invocare non vult, nec audet, ipsum ad salutem per Christum partam non pertinere? Hic autem obiter dicendum mihi est, te, dum ita concludis, Nomen Christi invocare, pro eodè ponere quod est, Christum invocare, quod & si fieri posse videatur, cum, Hebraica locutione, saepe idem significet, exempli gratiâ, Nomen Dei, quod Deus: tamen, cum hic Invocandi verbum pro eodem accipiat, quod est preces dirigere, non videtur debere mutari hæc locutio Invocare Christum, in hanc, Invocare nomen Christi. Nam Invocare nomen Christi, cultum ac fidem erga Christum, unde quidem fiat ut quis audeat ad ipsum suas preces dirigere, non tamen ipsum. Dirigere ad Christum suas pre-

ces, ſignificat. quod cuilibet conſtare poterit, ſive
lit., ubi locutio iſta legitur, loco ipſius ſubſtituere,
Dirigere preces ſuas ad Chriſtum. Videbit enim,
non bene quadrare hoc non dicam ubique, ſed, ni
fallor, uſquam. Fateor igitur, ut ad rem redeam, e-
um, qui Chriſtum invocare nec vult nec audet, ad
ſalutem per Chriſtum partam non pertinere; nec
propterea mihi quidquam adverſor, etiamſi affir-
mem invocationem Chriſti, id eſt, directionem ad
ipſum precum noſtrarum non eſſe neceſſariam, ab-
ſoluta ſcilicet ulla neceſſitate, ſive ſemper ſive e-
tiam aliquando. Nam per accidens (ut ajunt) ne-
ceſſariam eſſe & fateor & contra Adverſarios ipſe
ſatis contendo, cum illam ſemper & ubique jure fi-
eri poſſe tantopere urgeo. quidquid enim in religio-
ne noſtra jure fieri poteſt, id etiam neceſſitati per
accidens eſt obnoxium; cum qua neceſſitate ac po-
teſtate, unde ea ortum ducit, in iis qui eam agno-
ſcunt, nullo modo ſimul conſiſtere poteſt. Nolle nec
audere.

Affers deinceps ad probandam neceſſitatem
directionis precum noſtrarum ad Chriſtum, hoc ar-
gumentum: Omnis res per quam gloria Chri-
ſti maximè eluceſcit & amplificatur, nomi-
niſq; Chriſtiani profeſſio ſtabilitur ac con-
firmatur, eſt ſummè neceſſaria: Dirigere pre-
ces noſtras ad Dominum Ieſum Chriſtum
eſt res, per quam gloria Chriſti amplificatur
& eluceſcit nominisq; Chriſtiani profeſſio
declaratur ac confirmatur: ergò directio
pre-

precum nostrarum ad Christum res est maximè necessaria.

Si infirmitatem istius argumenti, a te quamvis apprimè docto homine formati, agnoscere ipse vis, substitue in assumptione seu minore propositione pro, Dirigere preces, &c. Dirigere semper & ubique preces, &c. & videbis, eam propositionem non modò tam veram esse, ut antea, sed etiam, ut sic dixerim, veriozem. Ex quo fiet, ut istius argumentationis vi, si rectè ea conclusa est, concludere similiter, & quodammodo veriùs possis, Dirigere semper & ubique preces nostras ad Christum rem esse maximè necessariam. quod non laborabo amplius, ut falsum esse ostendam, contentus exemplo Apostolorum, & tua ipsiusmet confessione; licèt eam non semel convellere, ista tua nova quadam necessitate probanda, ut vidimus, coactus fueris. Non est igitur major argumenti tui propositio simpliciter & absolutè vera, non solùm in Christi persona, sed ne in Deo quidem ipso. Multa enim in Ecclesia fieri possent, per que Dei ipsius gloria maximè elucesceret & amplificaretur, & cultus ipsius Dei stabiliretur ac confirmaretur, que tamen non sunt. nempe quòd alia fiant, que idem revera prestant atque efficiunt. Quamobrem, cùm publica ac constans professio in Ecclesia, quòd Christus omnem potestatem in calo & in terra habeat, quòd Ecclesiam ipse perpetuò regat atque gubernet, quòdq; merito unusquisq; nostrùm semper & ubique ejus opem cum vera cordis fiducia implorare, ad eumq; preces suas

suas dirigere possit, præter ipsius Christi cenæ cele-
 brationem, aliâq; non pauca quæ quotidie fiunt aut
 dicuntur, fierive aut dici possunt, nō minùs (nisi quid
 novi accidat, quod ipsam precum directionem ad
 Christum omnino postulet) Christi gloriam illustret
 atque amplifcet, Christianiq; nominis professionem
 stabiliat ac confirmet, quàm si præterea aliquando
 (pro concessio enim sumo tuam assumptionem sic de-
 bere accipi) preces re ipsa ad ipsum Christum diri-
 gerentur; concludendum est, non esse summè neces-
 sarium re ipsa preces nostras ad Christum dirigere,
 idq; eò magis, quòd in hac invocationis materia co-
 gimur (velimus nolimus) Dei eminentiam supra
 Christum agnoscere; cùm, ut demonstratum est,
 Deum semper & ubique invocare teneamur, Chri-
 stum verò non item. Hanc Dei eminentiam, & sic
 quòd Deus Christo subordinatus non sit, quemad-
 modum Christus Deo, ego urgeo; quam optimè novi
 per Christi invocationem non minui nec obscurari.
 aliter enim quomodo tantopere contenderem, Chri-
 stum jure invocari posse? Non igitur per Christi in-
 vocationem, sed per Christi invocationis necessita-
 tem affirmo ego minui atque obscurari hanc Dei
 eminentiam, ut nimis manifestum est. nam ista tua
 necessitas, ut scilicet non semper sed aliquando sit
 necesse, non præscripto nec quando, nec ubi, nec quo-
 ties, res inaudita est in religione nostra; nec simpli-
 cem Necessitatis appellationem meretur, nedum
 cum illis adjunctionibus, summa, seu Maxima,
 quæ ex verbis tuis aperte colliguntur. Aliam Dei
 patris

patris eminentiam nec urgeo, nec commemoro in hac disputatione, nisi alicubi, ut, quemadmodum supra ostendi, non quidem vel Christi invocationem, vel etiam invocationis necessitatem ei officere aut indicem aut concludam; sed tantum, ut majorem infirmitatem alicujus tue argumentationis ostendam. Quod Christi gloria Dei gloria deroget, ne per somnium quidem cogitavi umquam, immo haud scio, an ullus hactenus evidentiùs, copiosius, ac diligentius, quam ego in scriptis meis fecerim, Christi gloriam, & precipuè hanc, quod ejus opem in precibus nostris sacris fidenter implorare possimus, ad ipsius Dei gloriam maximè ac vehementissimè spectare, docuerit ac demonstraverit. Sed cum Christi gloria nominatur, vera Christi gloria intelligi debet, illa nimirum quam sacris testimoniis edocti, Deum illi tribuisse, cumq; ipso communicasse scimus, que quamvis summa omnino ac multiplex & penè incredibilis sit, aliquid tamen et cogitatione nostra addere possumus, quod ad ipsum Christum quodammodo cum Deo confundendum pertineat, quale istud est, quod preces nostras ad Christum dirigere omnino debeamus. Id quod neque in fiducia, neque in servitute, neque in adoratione, nec denique in ulla re alia, quam tribuere ex Dei ordinatione Christo conveniat, contingere potest, ut ex iis constare arbitror, que supra a me scripta sunt. Et hec satis esse volo pro responsione ad ea, que iterum mihi objicis, quasi sine causa, eminentie Dei supra Christum aliquoties in altero meo

ſcripto mentionem fecerim. Nam, quòd hic hanc meam inter Deum & Chriſtum in invocatione diſtinctionem, tamquam ſubtiliorem carpiſ, eam ejuſmodi non eſſe, ſed ipſi ſenſui communi quodammodo patère, oſtendunt ſatis, quæ ſuprà recitavi contra Franciſcum Davidis a me ſcripta.

Iam, quòd tantum pondus in eo ſtatuis, quòd Chriſti gloria Dei gloriae nihil deroget, ut propter hoc ſic inferas, Stat itaque firmum argumentum meum, a poteſtate Chriſti ad neceſſariam invocationem nominis ejus ductum, videre ſanè nequeo quo jure id facias. Pro conſeſſo enim ſumo, te hic, quemadmodum ſuprà feciſti, & res ipſa poſtulat, per Invocationem nominis Chriſti, ipſius Chriſti invocationem, id eſt, ad eum precum directionem intelligere. Nam quid, obſecro, adverſus id, quod ego contrà affirmo, & exemplo allato, oſtendo, non poſſe colligi ex certiffima licet poteſtate neceſſariam invocationem, defendere tuum argumentum poteſt, quòd Chriſti gloria Dei gloriae nihil prorsus deroget? Numquid ego tuum argumentum ex eo oppugnare ac convellere tento, quòd Chriſti hæc gloria, que ex neceſſitate illum invocandi oriretur, derogaret Dei patris gloriae? Nihil minus. Nam quid hoc ad argumentum tuum? Fuiſſet hoc, ut tu quidem exiſtimáſti, argumentum pro mea, vel contra tuam ſententiam, non autem reſponſio ad argumentum tuum. Ego verò (ut mihi quidem videtur) diligentiffimè caveo, ne ejuſmodi craſſos errores in diſputando committã; quamvis tu hunc

hunc eundem planè errorem mihi ante quoque ascripseris in solutione alterius tui in priore scripto allati argumenti a fiducia ad invocationem, ut antè visum est. Numquid fortasse hujus rei, quòd hic Dei gloria derogaretur, in tuo argumento solvendo ullam mentionem feci? Nullam omnino. Tantùm ut probarem, te consequentis fallaciã deceptum, quemadmodum invocatio vera & meritò facta, esse non potest sine summa aliqua potestate ejus qui invocatur, sic existimãsse, summam potestatem invocatione carere non posse; quòd planè falsum est, etiamsi, ut tua argumentatio habet, ea summa potestas necessario agnoscenda esset: ut hoc, inquam, probarem, satis apertè dixi, hoc verum quidem futurum, si in una tantùm persona summa ista potestas agnoscenda eset; sed si in pluribus ea sit agnoscenda, ex hoc non posse consequi necessariam invocationem, seu precum directionem ad certam unam ex illis. Idg, confirmari exemplo allato summe potestatis mundane non in una tantùm persona agnoscende. ad quòd exemplum quid tu respondeas, postea videbimus. Nam priùs denuo hic aperiendum est, quid te maximè in hunc errorem inducere potuerit, & porrò, ut ex tua ad meum exemplum responsione apparet, omnino induxerit. Illud autem est, quòd putas eandem esse hic rationem invocationis, quæ adorationis, puta, & servitutis; & sicut summa eaq, prorsus agnoscenda potestas, cuicumq, illam habenti, etiamsi plures eam haberent, necessario adorationem, id est, summam reverentiam,

nempe

nempe humanam, ſi poteſtas ſit humana, divinam
 verò, ſi poteſtas ſit divina, & parem ſervitutem
 conciliat, ita exiſtimavi neceſſariò invocationem
 conciliare: quod tamen a veritate abhorrere, & di-
 ſcrimen, quod ad neceſſitatem attinet, inter invo-
 cationem, & adorationem ſervitutemq; ſtatu-
 endum planè eſſe, vel id te monere poterat, quod in
 ipſius Dei Chriſtiq; perſona paulo pòſt agnoſcis &
 fateris; id eſt, poſſe ſape nos ad Patrem ſolum pre-
 ces noſtras dirigere, quod certè in adoratione &
 ſervitute non contingit. Semper enim & ubique
 non Deum ſolum, ſed Chriſtum quoque adorare
 cogimur ſeu tenemur, eiq; ſervire; hoc neceſſariò
 requirente ſummà, quam habet in nos cum patre
 Deo communem, poteſtate a nobis neceſſariò agno-
 ſcenda. ea enim nequaquam a nobis agnoſceretur
 eo modo, quo agnoſci debet, ſi unquam eum adora-
 re eiq; ſervire prætermitteremus. Nunc ad refuta-
 tionem tuam exempli mei venio; qua diluenda, a-
 pertiùs tota de re conſtabit.

Primo igitur loco ais, me ipſum viſiſſe huius-
 modi exemplum (nempe Imperatorum, & ab ipſis
 ad imperii conſortium aſcitorum) non poſſe integrè
 accommodari Chriſto, nimirum, arbitror, quia, ut
 cuicumque vel difficillimo diſputatori ſatis facerem,
 ego ipſe ſum faſſus, in hoc eſſe diſimile exemplum,
 quòd Chriſto omnino conſidendum eſt, illis verò ad
 imperii conſortium evectis hoc non debebatur; in
 tuo autem argumento exus rei mentio fiebat, quòd
 Chriſto tutò inniti deberemus. Verùm ego ibidem
 ſatis

satis huic objectioni occurri, ostendens, jam me in superiore argumento dissolvendo, huic rationi satisfecisse. quare nihil necessarium erat, ut exemplum, quod alioqui, fateor, eâ carere non poterat, hanc quoque rem in se contineret, cujus te ipsum novisse nullam hîc necessitatem esse, satis indicat, quòd in posteriore hoc tuo argumento commemorando dicis, ut vidimus, te illud a potestate Christi ad necessariam invocationem duxisse, nulla fiducia in eo collocanda mentione facta. Itaque & si non simpliciter, tamen habita ratione argumentorum tuorum & mearum responsionum, exemplum a me allatum Christo prorsus accommodari potest; eò magis, quòd si ulla alia differentia est inter exemplum & rem de qua queritur, ea est, quòd illi imperii consortes ab Imperatoribus asciti, non erant prioribus istis Imperatoribus subordinati, quemadmodum Christus subordinatus est Deo. Quare, si tamen nemo cogebatur opem ipsorum implorare, ubi videlicet priores Imperatores aderant, & parem cum illis adhuc potestatem retinebant, multò minùs cogetur quisquam Christi opem implorare, Deo ubiq; presente nò minùs quàm Christo, & eâdem potestatem, quam Christo dedit, sibi retinente.

At deinde atq; istos ab Imperatoribus ad imperii consortium eVectos, non nomine tenus sed re ipsa debito honore affectos fuisse: quasi verò vel ego dixerim istos re ipsa debito honore non fuisse affectos, vel nolim necesse esse Christum debito honore afficere; vel denique constet, ad Christum preces diri-

gere

gere (hæc enim eſt illa opis imploratio, de qua hic agimus) honorem eſſe Chriſto debitum, id eſt, ejaſmodi quod illi exhibere ſit neceſſe. Nonne vides, te hoc loco omnino principium petere? Nam ſi Honoris debiti nomine, non quidem neceſſarium, ſed qui convenire poſſit, intelligis, præterquam quòd improprie prorsus loqueris, nihilominus etiam principium petis; ſi modo verbum Afficiebantur, quod in tuis verbis legitur, ſignificat, Affici omnino debebant. Iam enim in ipſo exemplo explicando a me negatum eſt, quemquam coactum fuiſſe ipſorum opem implorare: quam tamen opis implorationem non nego illis convenire potuiſſe, ſeu, ut clariùs loquar, illis tribui potuiſſe: alioqui nihil ad rem facere exemplum videretur, cum ex mea ipſius confeſſione manifeſtum ſit, Chriſti opem implorari poſſe. Quod ſi verbum tuum illud Afficiebantur, id modo ſignificat quod ſonat, id eſt, factum ipſum, hoc nihil ad rem, ubi non de eo quod fieret, ſed de eo quod jure facere quis cogeret, queritur. Præterea, quomodo probas, iſtis omnem honorem exhibitum fuiſſe, qui exhiberi merito poterat? Sed quidquid ſit, illud certiſſimum eſt te nunquam probaturum, quemquam coactum fuiſſe illorum opem implorare, præſentibus præſertim prioribus Imperatoribus, & eandem cum illis adhuc poteſtatem retinentibus. Opus autem implorationem, in hoc exemplo, ipſam modo & per ſe intelligo, qualis eſt privata ac ſine ſupplici libello. Nam in publica ſeu cum ſupplici libello, quidam præterea honor continebatur iſtis imperiis

perii consortibus debitus, quippe qui prioribus Imperatoribus non essent subordinati, sed tantum eorum socii. Propterea non licebat fortasse in tali opis imploratione umquam eos omittere, quamvis absentes & ignaros: cum tamen Christum, omnia perpetuo licet scientem, etiam in publica invocatione sapere sine dubio omittere liceat. Id quod quisque igitur istis semper re ipsa tribuere cogebatur, erat reverentia, servitus, obedientia, & si qua sunt similia, quae necessario agnitionem necessariam summae nec subordinate potestatis comitari debent. Itaque quod ais, nec umquam placuisset imperatoribus illis, si quis neglectis & posthabitis eorum consortibus sive collegis, ad imperatores solos recurreret; si de posthabitione & neglectu loqueris, quod attinet ad solum factum, non autem ad consilium omnino ita faciendi, numquam istud verum esse ostendes; nisi propterea id non placitum fuisse Imperatoribus illis dicas, quod noluisse, se solos necessitatibus & postulatis subjectorum hominum providere coactos, ut antea, esse (quamquam hoc verum fuisset forsitan, si multos id facere animadvertissent, non autem si unum aliquem, aut etiam paucos quosdam) Atqui istud in Deum cadere nequit, nec quidquam ad questionem nostram pertinet. Legitur quidem in Ecclesiastica historia, si recte memini, de quodam Amphilocho, qui consulto Arcadio a Theodosio patre ad imperii consortium nuper evecto, honorem quendam non exhibuit aliquando; sed soli patri pariter presenti
exhi-

exhibuit, ut hoc Theodoſio miraturo egrèq; (ut factum eſt) laturo, Amphilochns occasionem haberet ostendendi, Deum ſimiliter egrè ferre, ſi quis ipſi ſoli, Chriſto filio, cum quo ſolium ipſum ſuum communicavit, prætermiſſo, cultum divinum præſtaret; & idcirco Theodoſium adhortandi, ne eos ferre vellet, qui Chriſtum ipſum non colerent. Verùm hoc nihil ad invocationem ſive opis implorationem; quã licèt unum Theodoſium Amphilochns tunc honorãſſet, dummodo alioqui Arcadium honore illi conveniente affeciſſet, nihil Theodoſius vel miratus eſſet vel egrè tuliſſet. Iam Pharaonis & Iosephi exemplum quomodo huius rei clariffimum exhibeat teſtimonium (ut ipſe aſſeris) non video: nihil enim ibi apparet, vel inde apparere poteſt de Pharaone egrè ferente aut laturo, ſi quis preces ſuas non ad Iosephum, ſed ad ipſum direxiſſet: niſi velis, quod Pharao dixit in Iosepho toti Ægypto præficiendo, neminem pedem aut manum moturum in tota terra Ægypti ſine imperio ipſius, huc pertinere. Nam ſi hoc eam vim habere dicas, acſi Pharao dixiſſet, neminem quidquam impetraturum, niſi id petiſſet a Iosepho, ab eoq; precibus obtinuiſſet; hoc ſingulare quiddam in eo exemplo erit, quod nec in aliis exemplis invenitur, nec propterea, ut idem aut ſimile quidpiam a Deo in Chriſto factum fuerit, quidquam ſuadebit. Itaque propter exempli ſingularitatem nihil ex eo concludi poterit, niſi cum manifeſta principii petitione. Quamquam non crediderim ego neceſſe eſſe, verba illa Pharaonis ad iſtum modum

dum interpretari: immo tantum illis significari, quidquid iussisset Iosephus, unumquemque facere debuisse; quidquid vetasset, a nemine fieri potuisse. ut nihil dicam, quod, quamvis ad concessionem eorum que peterentur, verba ista accommodari aut possent aut etiam deberent, nihil prohibet quominus Pharaonis mens fuerit, ut nihil, licet a se petitum, cuiquam daretur nisi per manum Iosephi, & eius iussu interveniente. quod sane ego in Christo agnosco & sepe in meis scriptis assero, Deum in Ecclesia nihil largiri nisi per Christum, id est, ipsius iussu interveniente; quamvis id ab ipso Deo tantum petitum fuerit. Denique istud Pharaonis, sive alterius cuiusvis regis terreni exemplum, qui alicui curam sui regni demandaret, non est magnopere in hac parte urgendum; cum fieri possit & quotidie fiat, ut non tam ad illum honorandum & evehendum, quam ad se molestiam & laborem liberandum, ut supra attigimus, id fecerit, quod, ut ibi dixi, nullo pacto in Deum cadere potest.

Ad ea que statim subjungis, ut refutes argumentum quoddam meum, quod ex meis verbis elicis, nihil est cur respondere debeam, cum ego revera nihil argumentatus fuerim, ut supra demonstravi. Tametsi verissimum est (& hoc pacto alibi sum argumentatus) si Christus non semper in precibus nostris invocandus est, nullum igitur de precibus nostris ad illum dirigendis preceptum extaret; quod si nullum preceptum extat, non necessarium esse ad illum preces dirigere. Nec propterea illos iustifico,

ſifico, qui numquam Chriſtum invocant, ſi id conſultò & per contemptum invocationis Chriſti faciunt; ac præcipuè ſi non invocant, ubi ſpiritus propter quamvis cauſam, que multe eſſe poſſunt, id ut fiat, ſuggerit. Itaque nullo pacto eminentiam Chriſti aut labefactò, aut labefactare videri poſſum; quam ſcio in hac parte firmiſſimam, & inconcuſſam perpetuò fore, dummodo a me urgeatur, probetur, demonſtretur (quemadmodum ſemper & ubique fit) optimo jure poſſe nos in precibus noſtris ſemper & ubique Chriſti opem implorare, utpote illius, qui ex patris voluntate omnia in Eccleſia adminiſtret, omniaq; faciendi poteſtatem habeat, cum ex auditione precum noſtrarum, immo cordium ac renum inſpectione atque exploratione perpetuò conjunctà.

Iam verò quòd addis Chriſtum ipſum teſtari, ſibi a Patre omne judicium commiſſum, ut omnes honorificent filium, quemadmodum Patrem honorificant, & ais, Abſque dubio hæc verba ſummum honorem Chriſto deferunt, in quo & invocationem nominis ejus facile quivis non contentioſus includi, agnoſcere poterit, ſi, ut apparet, ac quemadmodum ſoles, per Invocationem nominis Chriſti, ipſius Chriſti invocationem intelligis, hoc eſt, ad ipſum precum noſtrarum directionem (quamquam non debuiffes toties ambiguitate verborum, etiam tibi fortaffe ipſi, occaſionem errandi præbere) ego planè diverſum ſentio, id eſt, contentioſum omnino eum futurum, qui verbis iſtis directionem re ipſa precum noſtrarum ad

Chri-

Christum contineri velit. Constat enim, verbis istis eum modo honorem contineri, qui necessario ex eo sequitur, quod Christo a Deo omne iudicium, hoc est, omnis Ecclesie gubernatio commissa fuerit, quam, ut supra ostensum est, precum re ipsa directio necessario non consequitur, licet eam adoratio ac servitus necessario consequatur, quibus adde & obedientiam, quæ tamen servitute continetur. Nam de obedientia præcipue, seu, quod idem est, de fide re ipsa Christi verbis adhibenda eo in loco agi, ostendunt ea, quæ sequuntur; qui non honorificat Filium non honorificat Patrem, qui misit illum. Amen amen dico vobis, quia qui verbum meum audit, & credit ei qui misit me, habet vitam æternam. Est igitur verborum Christi, quæ a te sunt allata, ut contra Franciscum Davidis cap. 9. partic. 3. scripsi, hæc sententia, Oportere nos Christo obedire, & ipsum non secus ac Deum Patrem revereri; quia omnia gubernat, & sibi non obedientes ac contumaces punire pro arbitrio atque imperio potest. Quamquam verò verba ista Christi, & totus ille locus directionem re ipsa precum nostrarum non continet, continet tamen necessariam agnitionem ac publicam professionem potestatis dirigendarum precum; quippe quæ ex omni Ecclesie gubernatione necessario consequatur, quemadmodum contra eundem Franciscum scripsi partic. 2. capiti 21. his verbis, Iste ipse apud Ioh. locus satis aperte docet, Christi invocationem ad Dei

gloriam pertinere. Suprà enim cap. 9. part. 3. de gubernatione seu iudicio, quod in Ecclesia nunc Christus exercent, istic agi ostendimus; propter quod honos illi sicut patri ejus cęlesti tribuendus ab omnibus sit. Qui honor profectò aliud fit necesse est, quàm, ipsum simpliciter iudicem seu gubernatorem esse, cognoscere; neque enim hac ratione honor ullus Christo tribuetur, nisi etiam quę iudicis & gubernatoris sunt, illi tribuantur. Inter quę id potissimùm numerari debet, ut ejus clementiam & æquitatem implorari posse agnoscatur, & publicè affirmetur. *Vides, quàm diligens fuerim in eliciendo ex hoc loco, quidquid ad Christi invocationem pertinens inde elici potest. Nam, ut necessitas ipsius invocationis rectè ac necessariò inde eliciatur, impedit ipsa invocationis ratio & natura, quę nullo modo ex subordinata potestate quantumvis magnà, necessariò consequitur; nec invocandi legitime facultati, aliisq; non paucis ad Christi summam gloriã spectantibus, quę ex ejus potestate necessariò consequuntur, est similis. Itaque nõ habent a te citata Christi verba vim expressi mandati invocationis Christi, ut existimasti, licet aliarũ rerum predictarũ habeant. quemadmodum ego ipse de adoratione seu divino cultu contra Volanũ scribens sum factus; & in alio scripto ad quendam, in quo scripto eandem distinctionem attuli inter necessitatem adorandi Christi,*

Vide infra
De Invoca-
tione Chri-
sti,

eumq;

*eumq; invocandi, quæ tibi Chriſti invocationem la-
befactare videtur. Sed, ut ad te revertar, addis de-
inceps me ipſum fateri, eos, qui Chriſtum non invo-
cant, eum nec debito honore afficere. Vbi, ut ſoles,
Nō invocāt uſurpas pro Nō audēt nec volunt
invocare; vel potiùs (ſi hoc rectè ex verbis meis &
apertè concludēdum eſt) Nō agnoſcūt & profi-
tētur ſe jure poſſe invocare. Meliùs feciſſes, ſi u-
bique dixiſſes, me videri (tameſi non tantùm vide-
or, ſed ſic eſt revera) condemnare omnes iſtos, qui-
cumq; Chriſtum non invocant nec invocare audent,
ut paulo poſt ſcribis. nam illa verba, nec invocare
audent, aut declarant, quo ſenſu priora, non in-
vocant, ſint a te dicta, aut certè illorum defectum
ſupplent. Sed paulo ante verba iſta, hæc ſcripſiſti:
Status itaque quæſtionis noſtræ non eſt, an
ſemper & ubique Chriſtum invocare tene-
amur; ſed an gloria Chriſti noſtræq; ſalutis
fiducia id exigant requirantq;, ut Chriſtus
neceſſariò invocetur. ad quæ quid mihi meritò
reſpondendum ſit, ſuprà abundè expoſitum eſt. Hic
tamen hoc dicam, ſtatum quæſtionis noſtræ eſſe, ut
ex ſcriptis meis manifeſtum eſt, An Chriſtum invo-
care, id eſt, ad eum preces noſtras dirigere tenea-
mur, ſeu divino jure cogamur. Ex quo ſequitur, ſi
non ſemper & ubique cogimur, partem negantem
noſtræ quæſtionis, quam ego defendo, jure optimo a
me defendi; primum, quia non poſſumus dici ſimpli-
citer divino jure cogi quidquam facere, ſi non ſem-
per & ubique, datâ videlicet eius rei faciendæ oc-
caſio-*

casione cogimur; deinde, quia, si non semper & ubique, ne aliquando quidem, necessitate videlicet absolutâ cogimur; ut antè pluribus est demonstratum. Quod tu in questionis nostræ statu exponendo addis, de Christi gloriæ nostræq; fiduciæ (ut sic loquar) exigentiâ, id revera non pars ipsius questionis est, sed ad rationes pertinet, quibus tu pro parte affirmante uteris: quæ cum nullam vim contra sententiam meam habere, ut quidem mihi videtur, satis evidenter docuerim, non video cur debeam, ut mones, meo Possimus renunciare, ejusq; loco Tenemur reponere ac scribere. Tu potiùs (eâ tamen reverentiâ, qua me cum tanto viro agere decet) monendus mihi es, ut tuæ isti incertæ ac vagæ & simul tamen absolutæ necessitati invocandi Christi renuncies, ejusq; loco certam stabilemq; invocandi Christi, seu ad ipsum preces nostras dirigendi facultatis agnitionem & professionem substituas; ex qua, certa similiter ac stabilis suo tempore, ex supposito sive ex accidente necessitas consequitur ad Christum preces dirigendi: Aliter & Christi invocationem, quantum in te fuerit, planè incertam reddes, & infirmorum conscientias aut lades aut torquebis; qui audientes, sibi necessarium esse ad Christum preces dirigere, & tamen non semper & ubique, aut totum hoc tamquam sibi minimè constans, & unâ cum ipso directionem ipsam precum ad Christum contemnent atque aspernabuntur, aut semper dubitandi causam habebunt, ne graviter peccaverint, si quando ad Christum preces dirigere omiserint.

rint, multò autem magis, si sæpè id illis contigerit, verentes, ne tunc maxime oportuerit Christum invocare, quippe quòd necessitas illa vaga tunc acciderit id faciendi; cum nullo pacto sit verisimile, ut id, quòd necessarium est ut faciamus, quamvis non semper sed aliquando, tempus sue necessitatis ex sola voluntate nostra habeat, si alioqui per se tempus suum habet. Mitto alia absurda & pericula, vel obscurande subordinationis Dei ad Christum, vel Adversarios, qui Christum invocari posse negant, in suo perniciosissimo errore confirmandi, si viderint, necesse esse, ut, qui posse ajunt, idq; defendere volunt, necessarium etiam idem esse dicant atque contendant; quando illi vel jam sciunt, vel facillimè intelligere possunt, ex eo ipso quòd omnes fateri coguntur, non semper & ubique preces nostras ad Christum dirigere nos teneri, nullum hac de re præceptum datum fuisse.

Nam quòd postremò colophonis loco addis, etiam si nullum in novo Testamento mandatum extaret de invocando Christo (quamquam non pauca esse putas, que vim expressi mandati habeant) tamen (ais) si non necessitate absoluta, consequentis nihilominus necessitate Christum invocare teneremur; velim scias, me, cum ullum præceptum de Christi ope, directis ad eum precibus imploranda extare nego, non tantùm de expresso verbis præcepto loqui, sed etiam de colligendo per necessarias consequentias ex aliis præceptis, hominibus Christiani necessario officio. Itaque si ea vera

O 4

essent,

essent, quæ statim subjiçis his verbis, Nam absque invocatione nominis Iesu Christi, neque fides vera fiduciaq; sincera erga Christum, defendi, nominisq; ac majestatis ejus autoritas conservari potest, nomenq; Christianum justè ac legitimè usurpari, si, inquam, hæc vera essent (interpretatis videlicet verbis illis, invocatione nominis Iesu Christi, ac si scripsisses, directione precum nostrarum ad Iesum Christum) ingenuè faterer, certum de precibus ad Christum nostris dirigendis præceptum extare. Sed ea minùs vera esse, & ad ista omnia optimè atq; integrè conservanda, satis esse constantem ac publicam agnitionem & professionem divinæ potestatis Iesu Christi, & consequenter ad eum semper & ubiq; preces nostras dirigendi legitime facultatis, quibuscum necessariò adoratio, servitus & obedientia erga eundem Iesum Christum conjuncta est, spero ex antè disputatis, omnibus faciliè constiturum. nec tibi ipsi fortasse tam vera ista, quæ affirmasti, visa fuissent, si pro, Invocatione nominis Iesu Christi, Directione precum nostrarum ad Iesum Christum, scripsisses. Nam certè sine invocatione nominis Iesu Christi, ut hæc locutio ex sacris litteris accipienda est, ne Christianismus quidem consistere potest. Iam cum agitur in hac religionis materia de necessitate absoluta, quod attinet præsertim ad officium nostrum, id intelligendum est, quòd omnino sit necessarium, si Deo obedire velimus & salvi esse; quæ necessitas aliqui absoluta vocari nequit
per se

per se ipsa, cum conditionem conjunctam perpetuam habeat. Itaque si salui esse non possumus sine directione precum ad Christum, ut quidem non possumus si ea vera sunt quae tu affirmas, statuendum est, etiamsi nullum verbum expressum ea de re praecipuum extet, tamen precum nostrarum ad Christum directionem absolute nobis necessariam esse. id quod ego nullo prorsus pacto aut concedere possum, aut quod affirmetur, laudare.

Restat scrupulus distinctionis inter Christi Invocationem & Adorationem; quem tibi nondum exemptum esse, sane miror. Primum dicis, te optime scire, quid intersit inter vocabula Adorationis & Invocationis; sed tamen te inter haec duo, quatenus ea nunc ad Christum referuntur, distinguere nec scire nec posse; cum, quidquid honoris & gloriae Christo nunc corporali praesentia minimè nobis praesenti exhibetur, ad internum cultum potissimum referendum ducas. Hic sane aliud praetereferas, ac de te affirmas. Videris enim adhuc omnino ignorare, quid inter duo ista vocabula intersit. Ostendunt enim haec verba satis aperte, tibi non videri interiorem cultum sine invocatione esse posse, cum tamen manifestum sit, interiorem cultum esse posse sine ulla petitione. Itaque negare videris, necessarium esse ut in invocatione sit aliqua petitio; quod tamen & nomen ipsum Invocationis necessarium esse ostendit, & inter nos plane constat; cum jam certissimum sit, nobis idem esse in tota hac disputatione de invocatione Christi, Invocationem & Precum directionem.

rectionem. Num fortaffe negabis, interioreſ cultum ſine ulla petitione eſſe poſſe? Atqui ut agnoſcas, hoc nullo modo negandum eſſe, id tantum tecum animo reputa, quod Chriſtum interiore cultu aſſicere ſemper & ubique, immo in deſinenter, quatenus per humanam fragilitatem licet, debemus; non tamen ſemper & ubique, nedum in deſinenter, aliquid ab eo debemus petere. Quid plura? cum Invocatione, ut dixi, idem nobis ſit, quod Precum directio, & ipſe fatearis, nos ſepe ad ſolum Patrem preces dirigere poſſe, immo, ut ipſa tua verba habent, cum fatearis, nos poſſe Chriſtum non ſemper nec ubique invocare, numquid non clarè perſpicis, interioreſ cultum Chriſto exhibendum non ſemper habere ſecum conjunctam invocationem? alioqui oporteret te affirmare ſimiliter, nos poſſe non ſemper nec ubique Chriſtum interiore cultu aſſicere, quod impium planè eſſet. Certè, ſi hoc non ſatis eſt, ut intelligas, me jure optimo inter Chriſti ipſius corpore abſentis adorationem & invocationem diſtinxiſſe, & adorationem ſine invocatione eſſe poſſe conſtanter affirmàſſe, vix ſcio quomodo umquam id tibi perſuaderi poterit. Verumtamen ut interim aliquot tue hac in re incuriæ, tuiq; ipſius decipiendi cauſæ explicentur, atque hac ratione adhuc tentetur, an ſcrupulus iſte tibi eximi poſſit, reſpondendum eſt ad ea que meis dictis objiciſ.

Objiciſ igitur primùm, quod hymnos, laudes, gratiarumq; actiones in adoratione (ut ais) includam.

cludam, invocationem tamen sub eodem genere habere nolim.

Hic rursus in consequentis fallaciam incidis. Putas enim, si Invocatio sub adoratione, ut suo genere contineatur, utramque necessario semper simul junctam esse. Atqui aliter res se habet. Siquidem fieri potest, ut nulla sit invocatio sine adoratione, ut species sine suo genere; nec tamen contra ullo pacto concludi aut debeat aut possit, adorationem sine invocatione esse non posse. Immo necesse est, si Adoratio est genus, Invocatio vero ejus species, ut sepe adoratio sine invocatione esse possit. Neque verò ego usquam aut tacite aut aperte scripsi, Christi invocationem sine adoratione esse posse. Illis sane exemplis hymnorum, laudum & gratiarum actionum afferendis, nihil aliud ostendere volui, ut quidem ipsa verba mea clarè explicant, quam, dari posse Christi adorationem sine invocatione. Quid igitur hinc contra sententiam meam de distinctione adorationis & invocationis colligi potest? Mirum sanè hoc & tamquam portentum quoddam esset, si ex demonstratione, quòd adoratio sine invocatione esse queat, sive etiam ex hujus rei affirmatione colligi posset, nequaquam adorationem sine invocatione esse posse. nam hæc est breviter ac re ipsa illa mea distinctio. Nonne id quod ex dicto meo colligeretur, cum ipso meo dicto ex diametro (quod ajunt) expresseq; pugnaret? Scio quidem te non ita collegisse: sed tamen verba mea ab omni suspitione, quòd distinctioni illi meæ adversentur, liberare

*liberare volui. Non laborabo, ut ostendam ex illis
 exemplis meis non rectè colligi, invocationem, tam-
 quam ad suum genus, ad adorationem pertinere.
 Satis est enim, hoc ipso concesso quod tu ex ipsis col-
 legisti, aperte ostendisse, id non modò ad distinctio-
 nem meam inter adorationem & invocationem
 labefactandam non pertinere, sed eam manifestè
 confirmare. At deinde mihi objicis, quòd hæc verba
 scripserim: Talis est Christus a Deo factus nobisq;
 constitutus, taliaq; per ipsum beneficia accepimus,
 ut etiam eo secluso, quòd nobis eum invocantibus o-
 pem in necessitatibus nostris ferre potest, eum ta-
 men prorsus divino honore afficere debeamus. Ais
 enim, Si Christus nos in necessitatibus no-
 stris juvare non posset, parum abesset
 quin otiosum ac exautoratum (quod absit)
 Christum haberemus, &c. Hoc loco videris in
 accidentis fallaciam incidere. Ego enim considero
 res in natura sua, ut mihi satis sit, intellectu posse
 eas inter se distingui: tu verò eas consideras prout
 in subjecto (ut loquuntur) ut simul sint necesse est.
 quod, etiamsi verissimum esse concedatur; tamen,
 quod ad illud attinet de quo agitur, ex accidente est.
 Quid enim impedit, quominus ea, unde fit ut Chri-
 stum adorare & invocare possimus, nunquam re ipsa
 divelli possint, & non semper omnia conjuncta in
 Christo esse, & tamen propter aliqua ex ipsis, eum
 meritò adoremus, quæ ipsa per se, ut eum invocemus,
 nullam vim habeant? Summæ dignitati summæq; be-
 neficentiæ summus honor debetur, & divinæ qui-
 dem*

Cic. li. 2. de
 Inventione
 Dignitas
 (est) alicu-
 jus honesta,
 & cultu &
 honore &
 verecundiâ
 digna au-
 thoritas.

dem divinus. Christus summam eamq; divinam dignitatem habet, summamq;, eamq; divinam beneficentiam in nos exercuit. Ergò vel ob ista sola, ei a nobis divinus honor & sic adoratio debetur. Atqui ista sola non satis sunt, ut eum invocare possimus, nisi etiam nos juvare possit, nostrasq; preces ex audire; ac præterea nisi constet, non fuisse a Deo prohibitum ut ipsum invocemus: quæ quamquam omnia in Christo sunt, & illi dempta eum quodammodo exauctoratum redderent; non est tamen, quin ex natura ipsa rerum fieri possit, ut sine his ista sint. Immo, etiamsi ne ex natura quidē ipsa rerū hoc fieri posset, tamen satis ad mea verba defendenda esset, quòd consideratione distingui possent; & jure affirmari, unis per se adorationem tantum, alteris verò cum ipsis junctis etiam invocationē convenire. Quapropter nihil est opus ut demonstrarem, ut quidem in promptu est, hæc re ipsa se jungi posse, immo fieri potuisse, si ita Deo visum foret, ut Christus ipse, id est, is qui ab eo Christus factus est, una illa sine alteris habuisset, sive etiam cum illis unis quedam tamen ex alteris, & non omnia. Mitto, quòd in ipsis verbis meis (quibus addere potuissem, quòd perpetuò a Christo divina beneficia accipimus & majora his accepturi sumus, cui rei per se adoratio debetur) non seclusi quòd Christus nos juvare possit, sed quòd nobis eum invocantibus subvenire queat. Possunt enim, ut modò attigi, hæc separari, id est, fieri potest, ut quis juvare possit & porrò juvet, nec tamen ipsum invocantibus subvenire queat; nempe vel quia

eorum

eorum preces non audiat, vel quia prohibitus sit ipsum invocantes iurare. Sed jam de his satis.

Quæ hic obiter addis ad confirmandam necessitatem invocandi Christi his verbis; quales subditi, qui in necessitatibus Regem suum non invocant? Et mox, Fidelisne uxor, quæ mariti sui auxilium in necessitate non implorat? suntne propriæ oves, quæ sub tutelam pastoris sui non confugiunt? Hæc, inquam, omnia eam vim non habere quam credis, satis superius ostensum est, ubi de natura egi potestatis ejusdem in pluribus, quàm unâ, personis residente, quarum etiâ illa de qua agitur, alteri sit subordinata. Hic tamen dicam, nec subditos malos, nec uxorem infidelem, nec oves alienas esse, quæ ad regem, maritum & pastorem suum in suis necessitatibus non confugiunt, modò ne ad alienum regem, maritum, aut pastorem confugiant, sed opem ab eo petant, qui non modò eorum regi, marito ac pastori conjunctissimus sit, sed ipsorum potestatis solus auctor, a quo ipsi perpetuò pendeant, & ad quem ut hi confugiant, nunquam egrè sint laturi; dummodo id per ipsorum contemptum, vel quia ipsis isti non fidant, fieri nec videant nec suspicari possint. Applica nunc tu ipse hæc omnia nobis, Christo, & Deo, in quibus ea sunt, & in hac disputatione esse statuuntur, quæ vel a me in tuis similitudinibus addita, fortasse in ipsis rebus, unde similitudines ducuntur inveniri nequeunt, vel a te nullo modo, si non veritatis quandam umbram, sed ipsam (ut quidem non dubito) veritatem
queris,

queris, omittenda erant. Vincat igitur, ut tu in ipso tuo scripto concludis, veritas. Quod ut in nobis potissimum eveniat, id caveamus diligentissimè quod tu me mones, ne præjudicate opiniones nobis noceant, neve nos pudeat, ut ais, a minore aliquando admoneri, ab eoq; discere. Mihi sanè præjudicatam, hisce in disputationibus nostris, nullam opinionem nocere, argumento esse poterit diligentia mea, in omnibus & singulis a te contra me allatis, perpendendis examinandis, excutiendis. quam equidem in te, propterea quòd hoc honore ea digna non censeo, in meis pensitandis tantam non requiro; sed talem nihilominus desidero, que & me a labore sæpius earundem rerum scribendarum & inculcandarum, te verò cum ab eodem labore, & molestia non jam litterarum sed voluminum meorum legendorum, in quibus eadem identidem repetantur; tum maximè a suspicione, ne præjudicata opinione impeditus, mea aut vix legere sustinueris, aut non intellexeris, aut perpendere nolueris, prorsus liberare atque immunè reddere queat. Cracovic. Die 20. Maij. 1587.

FAUSTUS SOCINUS.

Ex Epi

Ex Epistolis Fausti Socini ad
quendam,

DE ECCLESIA.

Primùm placet mihi mirum in modum, quòd erraverim ex prioribus tuis litteris colligens, aliquos esse inter vos, qui cætus habendos esse iis, qui ex Antichristianis tenebris emergunt, prorsus negarent; quòdq; nemo inter vos dubitet, quin conveniendum vobis sit, ubi & de divinis rebus sermo instituat, Deiq; verbum examinetur atq; explanetur, & Deus precibus ac laudationibus communiter colatur. Nam si hoc constanter retinueritis, omnia rectè se habebunt, & Deus ipseq; Dominus Iesus Christus vobis aderit, quippe in suo nomine congregatis; vosq; indies ad majorem veritatis cognitionem, certioremq; vestre salutis rationem sine dubio perducet. Ad id verò quod attinet, non esse nempe hoc tempore Ecclesiam illà Apostolicam & primævam instaurandam sine speciali aliquo mandato, propterea quia defectio post ipsos Apostolos plena subsecuta est, adeò ut ipsum quoq; fundamentum sublatum fuerit: Non satis intelligo, quid vos Apostolicæ illius primævæ Ecclesiæ nomine intelligatis. Etenim si eam Ecclesiam intelligitis, quæ nullo modo errare possit, idq; ipsamet jure sibi persuadere queat; nulla umquam fuit talis Ecclesia, etiam si de erroribus loquamur, qui salu-

tem

rem eternam adimere possunt: nisi Ecclesiam, ipsos tantum Apostolos intelligi velimus, quos sanè in iis, quæ ad eternam salutem omninò pertinent, errare non potuisse, & ratio manifesta, & Christi apertissima verba atq; promissa planè demonstrant. Ceterum Ecclesiam illam universam, cujus ipsi Apostoli fundatores fuerant, id est, cæterus hominum Iesum Christum profitentium, quotquot ab ipsis Apostolis fuerant instituti, errare potuisse atq; seduci, dum adhuc ipsi Apostoli viverent, illorumq; curam gererent, idq; etiam in iis, quæ ad eternam salutem spectant; satis ostendunt Pauli Epistole, præsertim verò ea quam ad Galatas scripsit. Quod si non eam quidem Ecclesiam intelligitis quæ errare nequeat, sed quæ tamen non erret, seq; minimè errare sibi persuadeat in iis, sine quibus nemini eterna salus contingere potest, qualis sine dubio Apostolorum tempore aliqua Ecclesia erat ex cæteribus constans, qui ab ipsis instituti fuerant; non video cur talem ecclesiam instaurare, etiam sine speciali mandato, tentare pii homines non possint: immò cur talis ecclesia & post Apostolorum tempora dici fuisse, & hodie esse dici meritò nequeat. Nam quod affirmatis, post ipsos Apostolos plenam defectionem fuisse, sublatumq; ex eo tempore fundamentum esse, hoc mihi nulla ratione probari potest: quemadmodum in alteris meis litteris ad te scripsi, in quibus rationem etiam attuli, cur hoc mihi non probaretur, hanc nimirum: Quod ad Christi aspectabilem ecclesiam (de hac enim loquimur) constituendam

nihil aliud requiratur, quàm vera cognitio præceptorum Christi. In Christo siquidem, ut Paulus ait, nil nisi nova creatura valet, & observatio mandatorum Dei. 1 Cor. 7. 19. Gal. 6. 15. quæ videlicet per Christum dedit; fides deniq; quæ dilectionem operatur. Gal. 5. 6. Vnâ enim dilectione omnia Christi præcepta continentur. Et Ioannes ait, quòd qui fratres diligunt, in lumine manent & scandalum in eis non est, suntq; translati a morte ad vitam. 1 Ioan. 2. 10. 1 Ioan. 3. 14. Breviter, si quis cognoscere velit, ad salutem æternam adipiscendam nihil aliud requiri, quàm conservationem præceptorum Christi: præter multa Christi ipsius verba id aperte significantia, & alia complura ipsius Apostolorum dicta, legat præcipuè Ioannis primam Epistolam, in qua id ita inculcatur, ut nemini dubitandi occasio ulla relinquatur. Quis verò ausus fuerit negare, eam esse veram Christi aspectabilem Ecclesiam, quæ doctrinam habeat, quæ satis sit ad salutem æternam consequendam? Atqui & post Apostolorum tempora diu fuisse, & nunc esse posse hominum cætus, qui Christi præcepta teneant, nemo, arbitror, negare ausus fuerit. Nam quod de fundamento sublato dicitis, intelligentes nimirum, post Apostolorum tempora sublatum fuisse fundamentum, quia cognitio vera essentiae Dei, & personæ Iesu Christi obscurata & abolita fuerit; hoc & cum eo pugnat, quod modò ostendi, ad salutem æternam satis esse Christi præcepta servare, nec ullo modo verum esse demonstrari poterit.

Est qui-

Est quidem Deus & Christus fundamentum salutis nostræ, sed non quatenus eorum essentiam & substantiam rectè novimus, sed quatenus Dei voluntatem per Christum patefactam tenemus. Vita æterna est cognoscere patrem illum, qui est ille solus verus Deus, & quem is misit Iesum Christum. At in sacris literis Deum & Christum cognoscere, non significat utriusq; essentiam vel substantiam novisse, sed voluntatem, eiq; se obedientem præstare. Adde, quòd etiamsi ex Christi verbis illis intelligendum esset, cognosci debere quòd Christi ipsius pater sit ille solus verus Deus. id quod nullo modo mihi videtur, quippe qui verba illa, illū solum verū Deum, ut modò indicavi, per appositionem legenda omnino censeam; ut perinde sit, ac si dictum fuisset, quies ille solus verus Deus, non autem, ut Theodoro Beza placet, solū esse verum Deum: possemq; interpretationem meam, immò & Erasmi & aliorum quorundam, firmis rationibus, ex ipsis Græcis verbis eorumq; propria significatione petitis, comprobare. Sed etiamsi, ut dixi, altera interpretatio verissima esset, tamen cognitio ista, sine ulla controversia, usq; ad tempora Concilii Niceni, & aliquantopost, inter eos qui Christum profitebantur, esse non desit. Per totum enim illud tempus, ut ex omnium, qui tunc extiterunt, scriptis liquet, ille unus verus Deus, quem passim sacra testimonia prædicant, solus pater Iesu Christi est creditus; & qui contrarium sentiebant, ut Sabelliani & eorum similes, pro hæreticis planè sunt habiti. Quinetiam,

De vera Dei
& Christi
cognitione,

postquam opinio Trinitatis personarum in una Dei essentia, qualem Antichristiana Ecclesia defendit, inuenta est, & totum ferme Christianum orbem occupavit, adhuc ipsi patri prerogativa quedam est reservata; ut non immerito, illa etiam falsa opinione consistente, dici possit, patrem pro illo solo vero Deo fuisse agnitum. Sed non est nunc hac de re latius explicandi & disserendi tempus; praesertim cum ego non negem, nec negare mihi sit opus, sub Antichristo plenam defectionem fuisse.

Quando An-
tichristus
extiterit.

Atqui ego Antichristum, illum scilicet magnum, hominem illum perditum, a Paulo Apostolo potissimum praedictum, non ante extitisse iudico, quam Romani Episcopi primatus extitit. Nam etiam tum primum Christi praeccepta passim convelli ceperunt, & pro vero Dei cultu idololatria aliqua induci. Antè vero, quam homo ille perditus a Paulo praedictus, & sic, ut ego interpretor, Episcopi Romani primatus extiterit, & si ego nihil dubito plenam defectionem non fuisse, hoc tamen nihil ad rem pertinet, de qua loquimur.

De plena
defectione
& Ecclesiae
instaurati-
one.

Nam si ulla vis est in ratione hac plene defectionis, satis est eam demum extitisse, nostrumque seculum in eam incidisse. Verum quid vetat, quominus hodie instaurari Apostolica ecclesia possit, sine speciali mandato, etiamsi plena defectio jam extiterit, & ad haec usque tempora pervenerit? immò in instauratiōni quodammodo locus non esset, nisi plena defectio jam extitisset, & Ecclesia collapsa esset. Neque enim defectio ista ea abstulit, unde instaurari
Ecclesia

Ecclesia possit. Summâ enim Dei providentiâ & consilio admirabili factum est, quod Apostolica scripta conservata fuerint, ex quibus, qualis vera Ecclesia esse debeat, facile intelligi potest: nec solum conservata sunt, sed omnium qui Christi nomine appellantur, consensu recepta & pro divinis habita. Nec est quod quis causetur, ea obscura esse, neq; eorum sententiam percipi posse, nisi Deus peculiari aliqua ratione, de qua nobis constet, mittat, qui illa explicet atq; explanet. Namq; ab omni veri similitudine abest, Apostolosea scripsisse, quae per se satis aperta non essent: nec ullo modo est credendum, Deum, postquam primi illi, nominatim a Christo ad suam fundandam Ecclesiam missi, defecerunt, non curasse, ut aliquod monumentum ipsorum doctrine perpetuò extaret, unde semper vera Christi religio (quae ubi est, ibi veram quoq; Christi ecclesiam esse oportet) peti posset. Quod si tamen factum est, ut Apostolica scripta a plerisq; diu intellecta non fuerint, id non illorum obscuritati, sed hominum vel malitiae, vel perquam exiguo pietatis studio tribuendum est, & cum Paulo dicendum, quod, si Christi Evangelium & Apostolorum (quod sine dubio Apostolicis scriptis continetur) opertum est, vis, qui pereunt, est opertum, quibus Deus hujus seculi, mentes excecavit. 2 Cor. 4. 3. 4. Quamquam quicquid mali & defectionis inter Christiani nominis homines extitit, aliunde potius quam ex non intellectis, quantum satis erat, Apostolorum scriptis, ortum est. Immo ausim ego asserere, eos, qui primi omnium eos er-

rores in Christianum orbem invexerunt, quibus
 eterna salus convellitur & Christi Ecclesia dirui-
 tur, avaritiâ aut ambitione, aut certè aliquo alio
 injusto animi affectu, & simul suæ mentis vanitate
 ductos, ea pro divinis præceptis atq; sententiis & do-
 gmatibus vulgo obtrusisse, quæ cum Apostolicis aliisq;
 antiquioribus sacris scripturis minimè convenire
 ipsi neutiquam ignorarent. Nam neq; aliunde fa-
 ctum est, ut, cum ipsi cæteris præessent, omnia sacra
 verba in Ecclesia, eâ linguâ recitari non destite-
 rint, quam non amplius vulgus intelligebat, & tan-
 dem lectione sacrarum librorum plebs universa in-
 terdicta fuerit. Non est igitur quod dubitemus,
 quin, postquam Deo benignissimo visum est, ut pas-
 sim legi caperint scripta Apostolica, idq; ut olim, eâ
 linguâ quam cunctus populus intelligeret, simul e-
 tiam ab eodem Deo nobis restitutum fuerit, quo
 collapsam Christi Ecclesiam instaurare, citra ullum
 aliud speciale mandatum, omnino possimus atq; a-
 deo debeamus. Iam quod addis, verè Ecclesie Chri-
 sti & credentium signa esse, in Christi nomine mi-
 racula facere, quæ cum hodie non fiant, certum sit
 Apostolicam Ecclesiam cessâsse: Primum, hoc osten-
 dere potest, nullam extare hodie talem Ecclesiam,
 non autem non esse conandum ut eam instauremus.
 quamquam video te hoc ipsum contendere, nullam
 esse hodie talem Ecclesiam, de quo postea explica-
 tius aliquid dicam. Deinde, si rectè ratiocinaris,
 concludendum est, neminem hodie esse qui in Chri-
 stum credat: & ita cum sine Christi fide salus eter-

nam nemini a Deo offeratur, neminem salutis aeternae spem certam habere posse; aut certe frustra quemquam hodie de Christiana religione vel loqui vel etiam cogitare. Quid enim? Namquid Christiana religio sine fide in ipsum Christum consistere potest? Atqui tu ipse concedis, dari hodie aut certe dari posse, qui Christi nomine invocato, ab injustitia recedant, Ergo & qui in Christum credant. Quomodo enim, inquit Paulus, eum invocabunt, in quem non credunt? Et sanè ex superiori tua ratiocinatione, junctis iis verbis quæ scribis, nullam firmiorem videri regulam, quàm quòd apud omnes nationes, qui Deum metuit & justitiam exercet, ei acceptus sit; nisi ista de Christi nomine invocando & addidisses & repetiisses, potuisset quispiam non omninò injurià suspicari, te in ea sententia esse, ut nemo hodie adhuc sit, qui in Christum credat, eos tamen fore salvos, qui alioqui Deum metuant & justitiam exerceant; quicquid tandem de Christo ejusve religione noverint aut persuasum habeant. Quam sententiã ego & falsam & perniciosam admodum esse arbitror.

Sed urges, ut apparet, planè nullam hodie dari ecclesiam, quæ primavè illi Apostolica similis sit, vel ob hoc, quòd nota ista & tessera Apostolica Ecclesie absit faciendi miracula; aut certè hac nota aut tessera absente, temerarium esse asserere, hodie talem Ecclesiam inveniri. Hoc verum esset, si nota ista & tessera perpetua futura fuisset; sed non futuram fuisse ejusmodi, jam ex eo ostendi, quòd a-

Vtrum signa
quæ creden-
tes sequi
debeant,
perpetua
esse debue-
rint.

loqui nullus hodie esset, qui in Christum crederet. in se enim credentibus nominatim ea a Christo adjecta est. Adde, quod causa, cur adjecta fuerit, satis manifesta est, ea videlicet quam ipse attingis, ut Christi doctrina confirmaretur. quod cum jam factum fuerit, cessat causa ista, & propterea nihil est cur effectum postulemus. Nam quod respondes, illustratam quidem & confirmatam fuisse Christi doctrinam, sed certa etiam signa illi fuisse adjecta, tanquam ejus veras notas & tesseras; hoc nihil aliud est, quam eodem revolvi, atque, ut Dialectici loquuntur, principium petere. Siquidem nego, signa ista, ut veram, id est, perpetuam notam & tesseram Christi doctrinae ab ipso fuisse adjectam, sed tantum pro tempore, ad eam confirmandam addita. Quinetiam affirmo, ea, si perpetua fuissent, religionis rationi obsutura, & fidei experimentum, ut sic dixerim, ac meritum, ut quidam loquuntur, adempturas; nec ullum denique inter bonos & malos discrimen relictura. Quis enim tam perversus fuisset, qui, si Christi doctrina perpetuo conjuncta ista signa habuisset, eam tandem non recepisset, non quidem justitiae & sanctitatis, quam ea continet, amore, sed certa spe ingentis, atque, adeo sine ulla comparatione omnium maximi immortalitatis & sempiternae beatitudinis praemii? Voluit igitur Deus sapientissimus, ut Christi doctrina per aliquod quidem tempus signa ista conjuncta haberet, quod eatenus confirmaretur, quatenus hominibus vel mente alioqui sanis vel sanabilibus, ad eam recipiendam, ut pote

rem

rem novam & inauditam humanę prudentię repugnantem, satis omnino esset; sed perpetua esse noluit, ne improbi etiam homines, quiq; malam mentem deponere nolunt, ad eam recipiendam satis haberent. Probitatem enim & improbitatem, alioqui recipiendę & non recipiendę doctrine Christi causas esse, testatur ipse Christus apud Ioannem, ubi ait: Hoc est iudicium, quod lux venit in mundum, & dilexerunt homines magis tenebras quàm lucem. &c. Ioan. 3.19. Verùm adjungis, nunc maximè in tanta rerum omnium confusione, hujusmodi confirmatione verę doctrine Christi opus fuisse, quę cùm a Deo nobis concessa nondum fuerit, considendum, nos adhuc in Babylone esse, & ea quidem omnium, quę umquam fuerit, maxima; tantum abest, ut ullam Apostolicam Christi Ecclesiam hodie extare affirmare quis jurè possit. At mihi aliter videtur. Primum, quia quicquid sit, omnes in eo consentimus, quod Christi doctrina verissima & sanctissima sit, itaq; ad eam in genere confirmandam nullare nobis est opus. id quod, dum signa illa extiterunt, iis qui tunc vivebant, non contingebat. Toto enim illo tempore, aut pleriq; aut complures eorum quibus signa ista dabantur, ipsam Christi doctrinam in genere & absolute rejiciebant. Deinde in eo etiam convenimus, unde cognitio vera doctrine Christi aut solum aut maximè petenda sit, nempe ex scriptis Evangelistarum & Apostolorum. Quare tota confusio est in interpretatione istorum scriptorum. Atqui ut suprà

attingi, horum vera interpretatio, quantum satis est ad Ecclesiam constituendam, hoc est, doctrinam tenendam ac profitendam, quæ ad salutem eternam conciliandam satis sit, omnibus est obvia, qui modo probitate mentis sint præditi, & a sincero pietatis studio nequaquam alieni.

Verùm plures hodie cœtus Christianorum, sive Ecclesiæ inter se aliquatenus diversæ, esse possint.

Iam verò quod ad ea attinet, quæ te potissimum impulisse videntur, ut de hoc instaurate vel instauranda Ecclesiæ Apostolicæ argumento ad me scriberes; Alios condemnare, qui tecum per omnia non sentiant, & extra tuos cœtus nullam salutem esse affirmare, hoc non est Apostolicæ Ecclesiæ proprium, sed potius ab ea alienum. Quum enim multa in religione Christiana sint, quæ, licet utilia, tamen necessaria non sint ad eternam salutem: nihil prohibet, quominus plures cœtus Christianorum, sive Ecclesiæ inter se aliquatenus diversæ, omnes talem doctrinam habeant, quæ satis sit ad salutem istam consequendam: nec, ut antè indicavi, Apostolica Ecclesia ea demum est, quæ in nulla prorsus sue doctrinæ parte errat, sed ea, quæ in his non errat, quæ ad salutem sunt necessaria. Ceterum aliqua doctrinæ capita constituere, sine quibus nemini salus contingere queat, & qui in istis tecum non sentiat, in tuam Ecclesiam non recipere, aut eam inde eicere, ut Apostolicum est, sic & nunc & semper fieri & potuit & debuit. Videat modo quisq; ut capita ista ea constituat quæ constituenda sunt. Id autem facile fiet, si, ut profectò decet, ex solo eog, aperto Dei verbo omnia petantur. Quod si nihilominus hac in parte

parte erratum fuerit, quatenus aliqua capita constituta fuerint, quæ ex isto numero vera non sint, non idcirco vera Christi Ecclesia ea, quæ hoc fecerit, esse desierit, dummodo nullum eorum prætermiserit, quæ ex isto sunt numero. Et quacunq; tandem ratione in iis constituendis erraverit, in eo tamen numquam errare dici poterit, quod eos recipere nolit, qui in illis secum non consentiant: immò errorem errori adderet, si eos reciperet. Contra enim suam ipsius conscientiam ageret, & eos fratrum loco haberet ac Christi fidelium, quos tamen a salutari Christi doctrina abesse planè sibi persuasisset.

Vnum porro aliquem in singulis cœtibus eligere, qui aliis Dei verbum explanet, atq; ex eo illos ad veram pietatem vitæq; sanctimoniam adhortetur, & Apostolicum est, nec ulla, ut mihi quidem videtur, ratio afferri potest, cur hodie id fieri non debeat. Quod verò ejus tanta sit auctoritas, ut omnia quæ dicit, sine ullo discrimine aut examine sint recipienda, nec aliis quidquam in Ecclesia dicere liceat; hoc nec Apostolica Ecclesie est proprium, nec hodie in multis cœtibus, iis præsertim quibus ego, quatenus licuit, adhæsi, id fieri videmus. Immo in istis, & verbi Dei Ministri omnium reprehensionibus & correptionibus sunt expositi, ac porro sæpissimè ab aliis & reprehenduntur & corripiuntur, & unicuiq; in Ecclesia, de omnibus ad veritatem divinam pertinentibus suam sententiam dicere fas est: quin etiam nulla de re ejusmodi in Ecclesia quidquam constituitur, quin singuli nomina-

De Ministris eligendis & constituendis.

imprius suam sententiam rogentur. Quodsi Apostolorum tempore, cum videlicet prophetiae donum aperte in Ecclesia erat, tamen unus aliquis eligeretur, qui ceteris in Christi doctrina explicanda praeretur, ut, praeter omnem historiam, & complures alios Apostolicarum Epistolarum locos, Epistole Pauli ad Timotheum & Titum planissimum faciunt: non video cur hoc tempore, quo, aperto prophetiae dono sumus destituti, id fieri nequeat, vel potius omnino non debeat. Nec leviter eos miror, qui ex eo, quod Paulus ad Corinthios de prophetando in Ecclesia scribit, colligunt, non uni cuiquam munus docendi populum demandatum esse, sed unicuique id permitendum: quasi, vel quod Paulus scribit, pugnet cum electione unius cuiuspiam qui Episcopi munere in populo fungatur, vel hodie prophetiae donum aperte extet; cui, si uni tantum in Ecclesia docere liceat, aditus quodammodo pracludatur, & hac ratione divina beneficentia contemnatur. Adde, quod ipso Apostolorum tempore, non unicuique in Ecclesia (quod quidem ad locum illum Pauli pertinet) de rebus divinis disserere licebat, sed iis demum, quos prophetiae donum habere constabat: neque enim omnibus id donum concedebatur. Hac autem dico, non quod damnem, si hoc tempore aliis etiam, praeter eum qui peculiari munere verbi Dei in Ecclesia explicandi fungitur, de dogmatibus ipsis religionis nostrae, verba facere in ipso coetu liceat, id quod potius vehementer probor; sed quod ostendam, infirmissimas esse rationes & testimonia, quibus nonnulli hodie utuntur,

tur, ad munus Ministrorum verbi Dei ex Ecclesia tollendum atq; exterminandum. sine quo, ut ipse ferme sensus communis docet, sicut nihil unquam in religione Christiana profectum est, sic nihil unquam aut proficietur aut profici potest. Tantum cavendum est, ne, quemadmodum Petrus monet, populi Pastores isti dominantur gregi: quod tamen ipsius Petri tempore potius in ipsorum Pastorum voluntate, quam in freno aliquo ipsis quodammodo a populo injiciendo repositum fuisse, ejus verba non obscure docent; in quibus hac de re, non quidem populo, sed ipsis Pastoribus precepta dantur. Similia quedam in antedictis Epistolis Pauli ad Timotheum & Titum scripta extant, ex quibus nullo negotio intelligi potest, eorum, qui populo docendo prefecti erant, non exiguam fuisse auctoritatem, quâ ut bene uterentur, potius ipsorum voluntatis esset, quam populi curæ. Sed hæc in presentia volo satis esse, ad sententiam meam, quam intelligere cupiebas, tibi exponendam, nec non ad ea refellenda, quæ a te pro contraria sententia allata fuerant. Paulicovix. 17. Martii. 1585.

Ex alia ad eundem epistola

De externa Christi Ecclesia erigenda seu instauranda.

Hinc initium sumam, ad primas tuas literas respondendi, atq; ea diluendi, quae in eis contra externum Ecclesiae ministerium disputas. Nam certè in illis, nullam neq; esse nec esse posse hodie externam Ecclesiam, unà cum Puccio te sentire ostendis, quae res tandem illi causa fuit ad Papam remvertendi. Utebatur ipse iisdem ferme rationibus, quibus tu uteris; & potissimum hoc unum urgebat, post collapsum externae Ecclesiae statum, necesse esse ad eundem erigendum, ut aliquis vel aliqui divinitus excitentur, ita ut ex signis, id est, prodigiis seu miraculis manifestis id appareat ac cœlitus confirmetur, quemadmodum antea factum est, cum primum is status erectus fuit. Ego verò mihi videor aliis meis ad te literis hanc rationem satis convellisse. Explicabo tamen hoc loco aliquanto apertius, quid mihi velim. Dico igitur longè diversam esse rationem ejus temporis, cū primum Ecclesia externa erecta fuit, & cum postea corrupta est, & hoc pacto ejus status verus ac legitimus labefactatus atq; collapsus. Antequam enim erigeretur externa Christi Ecclesia, necesse fuit ejus doctrina, unde Ecclesia constat, hominibus, qui in ipsa Ecclesia futuri erant, fidem facere, utpote

nove atq; inaudite, quæq; ab iis religionibus, que
 tum in mundo erant, non solum plurimum aberat,
 sed magna ex parte eis ex diametro, ut dicitur, ad-
 versabatur, easq; penitus convellebat. Nec tantum
 propter eos qui tunc erant, sed propter alios omnes,
 qui usq; ad hujus sæculi finem futuri erant, omnino
 oportebat eam doctrinam tot ac tantis divinis testi-
 moniis confirmari, ut nemo deinceps de ea meritò
 dubitare posset. Et sanè si Apostoli & ipse Christus,
 qui tamen universam suam doctrinam non per se-
 ipsum protulit, sed per Apostolos non contemnenda
 ex parte eam publicavit, ad suam prædicationem
 sine ullis miraculis accessisset, seq; divinitus missum
 fuisse variis rationibus non aperte confirmasset, ole-
 um, ut est in proverbio, & operam facile perdidis-
 set, nec nisi fortasse paucissimos aliquot ad discipli-
 nam suam amplectendam pertraxisset. Neq; enim
 ejus disciplina certis quibusdam in principiis cum
 aliis conveniebat, ex quibus manifestè ipsa com-
 probaretur, cæteræ verò improbarentur. Immo cum
 ejus doctrina concederet principia ejus discipline,
 sub qua ipse Christus natus erat, & que tamen per
 ipsam ex parte aboleri debebat, & tota aliquã ra-
 tione immutari, esse ab ipso Deo profecta, id est,
 sacras veteris testamenti litteras, sive que illis com-
 prehensa erant, divinitus tradita fuisse; necessari-
 um planè erat, ipsam Christi doctrinam admirabilè
 præter modum ratione aliqua confirmari, ejusq;
 auctorem similiter Deum esse, evidentibus docu-
 menti demonstrari, præsertim cum, quidquid ex
 prius

principiis illis ad eam comprobendam petipoterat,
 mysteriis quibusdam esset involutum, ac celesti qua-
 dam explicatione indigeret. At verò post collapsum
 externe Ecclesie statum, id est, veram Iesu Christi
 & Apostolorum ejus doctrinam in publicis cœtibus
 abolitam, non principia modò ipsius doctrine, sed,
 ut magna pars sentit eorum, in quibus eam instau-
 rare multi curant, ipsa etiam universa doctrina
 litteris consignata permansit: quibus omnes, ut divi-
 nitus traditis, assentiuntur, quæq; adeò sunt aperte,
 ut faciliè unusquisq; eam, quantum necesse est, in-
 de petere queat. Hinc enim fit, ut ii, qui in vitiatò
 & corrupto Ecclesie statu adhuc perdurare volunt,
 in controversiis quæ ipsis moventur, solis illis literis
 agere nolint, & præterea caussentur, earum inter-
 pretationem a sua ipsorum Ecclesia petendam esse:
 Et tamen velint nolint, coacti sunt tandem ad eas
 & ipsi confugere, ut sue Ecclesie auctoritatem pro-
 bent, sine qua non inveniunt, quomodo sua falsa do-
 gmata defendere, ne in speciem quidem, ulla ratio-
 ne possint. Quid ergò est hîc opus ulla nova & cœle-
 sti confirmatione, cum, modò ipsa omnibus commu-
 nia principia urgeantur, vera Christi doctrina pror-
 sus eluceat? An non re ipsa comperimus, iis solis ur-
 gendis brevi tempore factum esse, ut infinita homi-
 num multitudo ab iis Antichristianis corruptelis si-
 bi & caverint & caveant, quæ interitum asferre
 possunt? Nam quod quibusdam videtur, propter dis-
 fensiones & magnas & multiplices, quæ inter eos
 hodie vigent, qui ex Antichristianis erroribus gra-
 viori-

vioribus emerferunt, incertum esse, quibus quis se adungere debeat (id quod ipse quoq; satis aperte commemoras) & propterea ad externam aliquam Ecclesiam erigendam, expectandum esse donec Deus aliquem sive aliquos excitet, qui suae auctoritatis mirabili aliqua ratione fidem facientes, has lites componant. Hoc, inquam, facilem habet responsionem, duplici de causa. Primum quia, qualescunq; sint dissensiones istae, plerq; non circa ea versantur, quae per se ad salutem sunt necessaria; quemadmodum jam complures animadverterunt, & satis ex eo demonstrari potest, quod ego in aliis meis literis ad te scripsi. Cum enim ad eternam salutem consequendam nihil aliud requiratur, quam ut Christi praecepta teneantur, dissensiones autē istae majore ex parte ad ipsa Christi praecepta non pertineant, sequitur, nihil necesse esse illas componi prius, quam externa erigatur Ecclesia; nisi velimus non satis esse ad Christi externam Ecclesiam constituendam, si ea teneantur, quae ad eternam salutem sunt necessaria. Deinde, inde potissimum istas dissensiones oriri quilibet facile perspicere poterit, quod soli Dei verbo pleriq; revera non adherent. Nam adhuc praeter sacras literas, nescio quae Concilia, Patres, antiquitas, maxima sunt in veneratione, adeo ut divinis oraculis propemodum aequentur. Cum tamen ista omnia, & si quae sunt alia ejusmodi, nullas vires praeterea apud cordatos homines habere debeant, quam ut sensus Ecclesiae illorum temporum fidem faciant, vel etiam non temere recedendum moneant

ant ab iis dogmatis quæ ipsa approbant. Sed sacræ literis licet apertè reclamantibus; quedam tamen mordicus retinere velle, quia scilicet ab istis approbantur; hoc nihil aliud est, quàm divinam veritatem consultò pessumdare, & ad Antichristiani Regni confirmationem ingentem fenestram patefacere. Legantur modò Pontificiorum scripta adversus Lutheranos & Calvinianos, & satis intelligetur, si præter sacras literas istorum auctoritate sit standum, nobis omnibus causâ cadendum esse. Sed quorsum isthæc mecum? inquires. Nempe ut animadvertas, tot dissensiones, quæ hodie inter illos sunt qui Christi nomen profitentur, de Christianæ religionis decretis, non quidem ex divinorum oraculorum obscuritate, sed potiùs ex eorundem contemptione quadam, dum ab illis solis universa Christiana doctrina non petitur, natas atq; exortas esse; neve ex illis colligas, auctoritate sacrarum literarum eas, quantum satis est, componi non posse; aut saltem non neges, ex ipsis divinis literis posse unumquemq; Christianam religionem ejusq; placita, quatenus ad hominem Christianum constituendum necesse est, rectè agnoscere. Namq; hoc concessio, sequitur continuò, Christi Ecclesiam ejusq; externum statum, hoc tempore instaurari & posse & debere; quemadmodum apertius postea ostendam. Libet enim priùs te ad hoc concedendum quodammodo adigere. Etenim nisi hoc concesseris, quomodo factum tuum defendes, qui de rebus ad Christianam religionem pertinentibus non pauca asseverare audeas, contra
quàm

quàm vulgò affirmatur, ac planè contendere, jam pridem plenam defectionem in Ecclesia exiitisse, fundamentumq; fuisse sublatum? An non hæc idèd affirmas, quòd ea ex sanctis literis colligis? Igitur te ipso teste, ex ipsis sacris literis veritas Christiana religionis percipi potest. Alioqui cur non de omnibus dubitas? aut cur te saltem aliis plerisq; palàm non adjungis? immo verò te ab ipsis separas? Nonne ipse & concedis & urges, hodie posse Deum coli, & Christi nomen ritè invocari, etiamsi externa quedam non adsint? Atqui non video quemadmodum id fieri possit, nisi aliunde verus Dei cultus & Christi nominis invocatio petatur. Vnde verò, nisi ex ipsis divinis oraculis? Quamquam ad id concludendum quod volo, satis est hæc, qualia esse debeant, sciri posse, undecunq; tandem id sciatur. Certè enim si hoc sciri potest, potest etiam externus Ecclesie Christi status instaurari; cùm externa Christi Ecclesie nihil aliud sit, quam publica congregatio seu convocatio hominum Deum colentium & Christi nomen ritè invocantium. Nam quid prohibet quominus ii qui isthæc faciunt, publicè etiam conveniant? Immò quomodo isthæc facere dici possunt, nisi palàm aliquando congregentur, cùm, ut cetera omittam, inter alia Christi præcepta omnibus ejus discipulis convenientia, quibus Deus colitur & Christi nomen ritè invocatur, sit publica commemoratio ipsius Christi mortis? Ex iis que hucusq; disserui, satis, nî fallor, responsum patet ad duo inter illa, que contra Ecclesie externæ instauracionem

attulisse mihi videris: quorum alterum est, eadem aut certe simili ratione instaurandam esse Ecclesiam, quâ edificata fuit; alterum verò, inter tot Christiani orbis dissensiones non posse veritatem dignosci, nisi luce aliqua divinitus, ut Apostolorum tempore, illatâ. Predictis autem addo expressius, rationem, quâ primùm edificata est Ecclesia, Dei & Christi verbum revera fuisse, cetera omnia ad hoc confirmandum pertinuisse. Itaque, cum nunc idem Dei Christiq; verbum habeamus, idq; abundè confirmatum, immò de quo nemo dubitat, eandem rationem instaurande Ecclesie hodie revera habemus, quâ primùm edificata fuit. Iam verò ad reliqua, partim ex iis quæ hactenus tecum per literas disputavi, partim ex re ipsa satis patere responsio videtur. Quòd enim urges, Apostolorum tempore talem fuisse externam Ecclesiam, quæ verum esset Dei edificium, in quo esset veritas, & extra quod tenebræ tantùm essent & cæcæ nubes, quod videlicet hodie post subsecutam defectionem, nisi lux nova aliqua divinitus ac manifestò, ut antè factum est, affulgeat, haberi nequeat. Primùm, hoc non ad externe Ecclesie instauracionem simpliciter dissuadendam pertinet, sed ad ejus Ecclesie quæ par Apostolica illi futura sit. quod tamen satis refutatum est, ut arbitror, superioribus meis literis, in quibus est ostensum, ipsas Ecclesias Apostolicas, id est, ab ipsis Apostolis fundatas, errasse, idq; in rebus ad salutem pertinentibus, dum adhuc ii viverent & earum curam haberent, qui ipsas fundaverant. Nec sane

sanè quæ de Ecclesia magnificè prædicat Paulus, affirmans inter cætera, quòd sit columna & firmamentum veritatis. 1 Timoth. 3. 15. aut ad externam ullam Ecclesiam pertinent, aut, si tamen pertinent, ita accipienda sunt, quasi Paulus sentiat, in æstabili Ecclesia nullos errores esse, vel extra æstabilem Ecclesiam nullam divinam veritatem. Sed est intelligendum, quia omnis externa Ecclesia Christi doctrinam profitebatur, Christi autem doctrina est illa divina veritas; propterea Paulum Ecclesiam, id est, Christum profitentium cætus sive externam Ecclesiam (si modò, ut dixi, ibi eam intelligit) veritatis columnam & firmamentum appellasse. Opponitur enim ibi tacitè, quemadmodum in compluribus aliis locis apud eundem Paulum, Christi disciplina in genere cunctis aliis disciplinis. Nihil autem vetabat tunc, quemadmodum nec hodie vetat, quominus posset quis veram Christi disciplinam amplecti & retinere, nec tamen ulli externe Ecclesie se adungere, quòd fortasse omnes alicujus erroris ad salutem ipsam pertinentis, sive jurè sive injuriâ suspectus haberet. Sed videamus deinde cur asseras, Ecclesiam Apostolorum tempore fuisse planè veram Dei Ecclesiam. Quia, inquis, ex spiritu sancto, quem tunc, post impositas Apostolorum manus, homines consequebantur, & ex aliis ostentis ac miraculis divinitus editis confirmabatur, quòd quicumq; Iesu nomini fidem haberent, sanctum essent Dei templum &c. Atqui hinc omnino sequitur, si dari hodie possunt, qui Iesu nomini fi-

dem habeant, dari quoq; posse sanctum Dei templum & porro Ecclesiam, eam, que Apostolorum tempore fuit, quod huc attinet ut vera Dei Ecclesia sit, nihilo inferiorem. Quare hic, ut in superioribus quoq; litteris, innuere videris te sentire, hodie fidem in Iesum Christum non dari. Rogaveram quidem te, ut velles posthac sententiam tuam hic aliquanto apertius exponere, quo uberius tota de re tecum disputare possem: sed quando id non fecisti, ad opinionem istam ex tuis ipsius verbis convellendam, ea pauca satis esse volo, que antea scripsi. Verum hoc fortasse tibi vis, ex illis signis & Spiritus sancti donis constituisse, eos, qui Iesu nomen profitebantur, illud ex animo professos fuisse; qua de re hodie nulla ratione constet. Ad hoc rursus primum respondeo, hinc non colligi, non esse instaurandam externam Christi Ecclesiam, sed non esse sperandum, talem instaurari posse, de qua constet eam esse veram Dei Ecclesiam: ex quo nequaquam sequitur, eam re ipsa parem primæ illi esse non posse, cum nihil prohibeat quin aliquid tale sit, licet tale esse non constet. Deinde dico, si tamen signa & dona illa fidem faciebant animi non simulati eorum, qui Iesu nomen invocare incipiebant, non propterea sequi, quod ex illis apparuerit constitutam jam fuisse veram Dei Ecclesiam. Nam ad hoc necesse preterea erat, ut in eadem sententia perseverarent. Quod autem potuerint non perseverare, si quis est qui dubitet, meminerit Christi verborum Matth. 7. 22. ex quibus etiam constare videtur, potuisse quæpiam

piam eodem tempore a vera fide in Christum defecisse, quo miracula, ejus nomine invocato, edebat; nedum non potuerit aliquando ejusmodi signa facere, & postea a veritate deficere. Nam quòd quidam veram, id est, ut hic intelligimus, ex animo in Christum fidem, a charitate sive a bonis operibus, ut Papistæ faciunt, sejungi posse affirmant, id planè falsum esse vel unica Iacobi sententia, quòd fides sine operibus sit mortua, Iaco. 2. 17. apertè ostendit. Itaq; cum Christus iniquitatis operatores quosdam vocet, qui in ipsius nomine miracula fecerint, apparet istos vel eodem tempore, vel saltem diversis, & signa ista edidisse, & vera in Christum fide caruisse. Quamquam non crediderim ego, spiritus sancti dona illa eis tantùm fuisse concessa, qui ex animo ab ipso initio Christi nomen profitebantur, sed omnibus qui profiterentur. Eò enim potissimùm tendebant dona illa, ut veritatis disciplina Christi fidem facerent, non autem ut de vera Christum profitentium fide testarentur. Nam quòd Petrus Act. 15. 7. 8. videtur omnino spiritum sanctum a Deo datum, certum testimonium statuere veræ fidei eorum quibus dabatur, id arbitror esse singulare in gentibus, quæ ab initio crediderunt; quas, cum antehac ab ipso Deo essent prorsus alienæ, non est verisimile Deum tanto dono dignaturum fuisse, nisi ex animo credidissent. Adde, quòd ad id, quod Petrus querebat, concludendum ac persuadendum, non est necesse ut singuli ex gentibus, qui primi omnium credere se in Christum sunt professi, de quibus tantùm

ipse loquitur, ex animo crediderint, sed ut aliqui
 ex ipsis. Siquidem hoc contendit Petrus, gentes de-
 inceps a Dei regno exclusas esse censerit non debere,
 cum & Deus illis ostium fidei patefecerit, & ille
 vicissim ingressus fuerint. Nam certe, nisi aliqui sal-
 tem ex iis, quibus ipse ab initio, Deo sic iubente, E-
 vangeliū predicaverat, ex animo credidissent,
 nunquam Deus illis spiritus sancti donum imperti-
 tus fuisset. At verò dices forsitan, me a scopo tuo
 multum aberrare, quippe qui sentias, Apostolorum
 tempore ad veram Dei Ecclesiam constituendam,
 satis fuisse Christi nomen profiteri, eiq; fidem habe-
 re; nam hoc testabantur dona illa spiritus sancti &
 alia ostenta ac miracula: hodie verò hoc non esse sa-
 tis, nam si esset, hodie quoq; aliquam eiusmodi divi-
 nam ac celestem approbationem Christi nomen
 profitentium eiq; credentium haberemus. Ergò, si
 ita sentis, credis religionis Christiane conditionem
 labente tempore mutatam fuisse, nec Christum fu-
 isse & esse heri & hodie, & eundem in æternum
 Heb. 13. 8. quod tamen scriptura affirmat. Ergò e-
 nunciatio illa Christi, quòd, ubi duo aut tres in ipsi-
 us nomine congregati fuerint, ipse in eorum medio
 sit, Matth. 18. 20. quæ sola ferme potest totam hanc
 de Ecclesia Christi nec ne instauranda quæstionem
 dirimere, & contra id hodie fieri posse negantes
 sententiam ferre. ista, inquam, Christi enunciatio
 jam non est vera, ut antea aliquando fuit, dum sci-
 licet signa & miracula eos comitabantur, qui in
 Christi nomine congregati erant. Hac igitur ratio-
 ne ce-

ne cetera etiam omnia, quae Christus dixit, universaq; ipsius disciplina in dubium hoc tempore revocabitur, id est, hodie haec ad nos nihil pertinere censentur, nec per plurima secula ad quosquam ea pertinuisse, affirmari poterit. Cum tamen luce meridiana clarius sit, signa & miracula in eum finem tantum adhibita fuisse, ut Christi doctrina confirmaretur, certumq; esset, illam perpetuo verissimam futuram, & locum habituram donec praesens maneret seculum. Ex quo, ut antea dixi, necessario sequitur, ut, si signa & miracula, cum eis conjuncta qui Iesu Christi nomini ab initio fidem habuerunt, nos monent, istiusmodi homines verum Dei templum fuisse, Dei verum templum hodie quoq; sint ii, qui Iesu Christi nomini fidem similiter habent, licet signis istis & miraculis sint destituti. quae cur perpetua in Ecclesia non fuerint, immo esse non debuerint, satis me ostendisse opinor in superioribus litteris meis. Feras me, quae so, vir optime ac praestantissime, si haec tecum frustra omnino fortasse disputo; nec arbitreris me tam hebetem ac suspiciosum esse, & simul ab omni Christiana charitate atq; adeo civili modestia alienum, ut tibi ridiculas & perniciosas istas opiniones ascribam, quas ipsa verba tua postmodum aperte satis refellunt: sed me non tui modo, verum etiam aliorum his scribendis rationem habere cogites; atq; pro tua singulari humanitate, quid ad ea jam respondeam, quae privatum & proprie contra Ecclesiae externum ministerium hoc tempore a nobis instaurandum attulisti,

patienter audias. *Ut enim eodem tempore ad id respondeas, quod a me affertur ut probem, hodie externam Christi Ecclesiam instaurari posse, nos videlicet Dei Christiq; verbum habere, quo ea ab initio fundata fuit; affers primo loco exempla defectionis Israeliticae Eliae temporibus, & captivitatis Babylonicae: ex quibus nos discere oportere ais, quamvis vera de Deo doctrina habeatur, non tamen temerè ad externa ista prosiliendum esse, quemadmodum nec illi prosilierunt, qui in istis defectionibus verum Dei cultum nihilominus retinuerunt. Ad hoc respondeo, & nominatim de exemplo defectionis temporibus Eliae agens (nam alterum captivitatis Babylonicae, non videtur complures ob causas satis ad rem facere) dico primum, aliam fuisse conditionem illorum temporum, & externi cultus Dei sub veteri Testamento, & aliam horum temporum externiq; Dei cultus sub Testamento novo. Sub veteri enim Testamento externus cultus ille divinus, a quo ii abstinebant, qui in media ipsa defectione idololatricis cultibus non adhaeserant, cuidam certe tribui ac familiae quodammodo alligatus erat, id est, Levitica & Aaronica; ut nulla ratione liceret extra ipsas alicui sibi sumere, ut illum administraret. Quinetiam summum sacerdotium in tota familia Aaronica, uni domui Phinees alligatum erat, sine quo divinus iste cultus administrari non poterat. Quid igitur, si nullus ex ea domo fortasse tunc erat, qui idololatricis cultibus non consentiret? Annon necesse prorsus fuit interim illius divini cultus ad-*

mini.

ministracionem cessare? Adde, quòd summus sacer-
dos ex domo illa, certa quadam ratione & successi-
one eligebatur, quam spernere, & alium in jam e-
lecti locum, licèt ex eadem domo, substituere, pri-
vatis præsertim hominibus nullo pacto licebat. Huc
accedit, quòd in Israelis Regno, ubi Elia tempore
defectio ista contigit, nullus poterat divinus cultus
administrari, a quo reliquie ille piorum abstine-
rent. Omnia enim sacrificia, omnis Dei publica &
solemnis adoratio & invocatio Hierosolymis in tem-
plo, ex ipsius Dei præscripto, peragenda erat, id est,
in Regno Iude, unde illi jam pridem secessionem
fecerant, & penitus sese disjunxerant. Præterea
legimus quidem istos Deo caros fuisse, eò quòd ab
idololatricis cultibus abstinuissent. quemadmodum
& hodie eos Deo caros esse credendum est, qui in-
ter idololatrias licèt degentes, idololatriæ tamen non
sunt. Sed non propterea eos commendari audimus,
quòd ita occultè solum verum Deum colerent, ut
Elias eos non agnosceret, & se solum unius veri Dei
cultorem in populo illo relictum fuisse (ut quidem
Paulus interpretari videtur) existimaret, aut certè
neminem præter se publicè Dei causam agere af-
firmaret. Nunc consideremus ex altera parte con-
ditionem externi cultus Dei sub novo Testamento.
Is autem vel omnino, ut quibusdam placet, vel po-
tissimum verbi Dei & sacramentorum (quæ vo-
cant) administratione continetur. Iam verò verbi
Dei administratio, præsertim quæ ad externam
Ecclesiam colligendam & constituendam requiri-
tur.

tur, nulli certæ nationi aut familiae, nulli eligendi rationi deniq̄, aut successioni alligata est. Patet hoc vel ex eo, quòd in ipso ferme initio prædicationis Apostolica, nullà præviâ ad id muneris factâ electione, ii, qui Iesu Christi disciplinam amplexi fuerant, passim Evangelium annunciabant, non sine felicibus successibus & divina comprobatione, ut legitur Act. 8. 4. & 11. 19. & c. Nam si munus ipsum Apostolicum, ipsis Apostolis adhuc viventibus, immo vix dum illud obire incipientibus, evangelizandi & Dei verbum ministrandi iis qui extra Ecclesiam erant, omnibus Christi discipulis sua sponte exercere indistinctè licuit, multo magis profectò Christiano homini licere debet, iis, qui jam ad Ecclesiam pertinent; præire tantùm quodammodo in verbo Dei recepto & ab omnibus approbato, exponendo atq̄, explicando, idq̄, ex aliorum omnium consensu.

» que hodie tota ratio est administrandi verbi divini

» necessaria ad externam Ecclesiam colligendam.

Nam quod ais, priscos illos scivisse unde doctrinam hausissent, & sanam esse nihil dubitâsse; hoc idem & scire, & pro certo habere nostri temporis Christiani possunt, cum Dei verbum æternis monumentis consignatum ac prorsus indubitatum habeant; cui soli si quis penitus adhereat, nullo pacto in iis, que ad salutem pertinent, ita falli potest, ut condemnationem ullam incurrat. Quamquam quanto minùs asseveranter loquendum est iis, qui, ut nunc fit, verbum Dei populo explanant, quàm iis qui Evangelium annunciant, tanto minùs necesse est, ut de do-

ctrina

trina sua meritò nihil dubitent. De Sacramentis
 porrò, id est, ut ferè ab iis receptum est, qui ab An-
 tichristo defecerunt, de Baptismo aque & Cena
 Domini. Quod ad Cenam Domini attinet, nihil est
 cur suspicari possimus, eam a quolibet Christi no-
 men profitentium cœtu celebrari non posse. Neq̃
 enim parabilissima hæc & simplicissima cerimonia
 Apostolis ut Apostolis a Christo præscripta fuit; sed
 simpliciter ut ipsius discipulis seu mavis Christianis:
 id quod & Pauli verba 1 Cor. 11. manifestum faci-
 unt, & satis ostendunt ipsa Christi verba a Paulo u-
 berius exposita, quibus ipsius cerimoniae finis conti-
 netur, qui est commemoratio Dominicæ mortis, &
 annunciatio donec ipse Dominus veniat. Cui gra-
 tiarum actionem pro eadem morte fuisse conjun-
 ctam, & res ipsa apertè monet, & satis indicat an-
 tiquissimum hujus ritus nomen ἐὺ χεῖρας ἰεῖ. Iam &
 Christi mortem commemorare & annunciare, &
 pro ea gratias publicè agere, ad omnes Christianos
 per æquè pertinere, nemo est quin fateri cogatur.
 Nec verò est in hoc ritu alicujus divine rei ulla da-
 tio seu ministratio (sic enim loqui oportet) & pro-
 pterea nullus certus homo requiritur, qui quasi
 Christi vicem gerens, panem & vinum cæteris di-
 stribuat aut porrigat; quamvis ab ipso initio, cum
 institutus fuit, id Christus, qui eum instituebat, fe-
 cerit. Ex accidente id enim fuit, & quia tunc pri-
 mum ab ipso instituebatur, qui compendii cujusdam
 gratiâ, facta quadam verborum loco substituit. Cæ-
 terum

verum unicuique de caerimonia ista rectè alioqui sentienti abundè constare potest, nihil aliud sensisse Christum, quàm, ut sui discipuli pane simul frangendo ac comedendo, poculoque infundendo ac bibendo, corporis sui fractionem & sanguinis fusionem pro ipsis mox secuturam, postea, ut jam peractam commemorarent ac concelebrarent. Ex quo id intelligitur, quod supra attigi, tantum abesse ut errent, quicumque Christi discipuli merito dici volunt, hoc ritu peragendo, ut potius errare omnino existimandi sint, nisi, quantum in ipsis est, curent, ut illum peragant. Nihil autem simile fuit Elia tempore, a quo ii abstinerent, qui Deo cari erant.

De aquæ baptismo ego ita sentio, eum Ecclesie in perpetuum prescriptum non fuisse, nec unquam, ut illum acciperent, iis præceptum neque a Christo neque ab Apostolis fuisse, qui jam ipsi Christo alia quacunque ratione publicè nomen dedissent, vel a primis annis in Christiana disciplina educati atque instituti essent. Qua de mea sententia, cujus alii etiam ante me fuerunt, justum librum conscripsi, in quo omnia testimonia sacra omnesque rationes diligenter examino ac diluo, quæ illum infirmare posse videantur; cui titulum feci, An homini Christiano aquæ baptismo carere liceat, disputatio. fratrum autem rogatu eum conscripsi. Verum, ut ad propositum revertar, dico, aquæ baptismum ad Ecclesiam externam hoc tempore instaurandam, meo iudicio, nihil pertinere, remque indifferen-

ferentem esse (in qua utinam fratres nostri nihil novare tentassent) atq; idcirco non esse, quod de eo quidquam in hoc proposito explicatius dicam. Crediderim tamen, si is hodieq; retinendus sit, propter eos qui ab aliis religionibus ad Christi religionem convertuntur, potissimè retinendum esse: quos non video, cur ii baptizare non possint, qui illis Christum annuntiaverint; aut si neminem ex hominibus genitorem (ut ita dicam) in Christo habuerint, cur id facere non possit is, qui huic muneri ab eo cœtu, cui se adjungere voluerint, destinatus fuerit; cum aqua baptismus, in Iesu Christi videlicet nomine ministratus, nihil aliud sit, quàm adumbratio remissionis peccatorum in nomine Christi, ejusq; nominis aperta confessio, atq; in ipsius religionem initiatio quædam, id est, per eum nihil revera detur: sed tantummodò eorum, quæ vel jam data esse, vel datum iri certissimum est, externa quædam agnitio significetur. Quod si illi, qui Eliæ tempore, propterea quod ab idololatria sibi cavissent, a Deo in aliorum cæde conservati fuerunt, persuasum habuissent, quemadmodum nostri homines de aquæ baptismo persuasum habent, aliquem fuisse ritum a Deo præscriptum, quem nisi ritè quis peregisset, in ejus populo numerari non posset, & tamen illum prorsus neglexissent; putasne eos Deo tantopere caros futuros fuisse, nec ejus iram aliqua saltem ex parte sensuros? Breviter, non video, quid istorum exemplum, ad externæ Christi Ecclesiæ instaurationem dissua-

Baptismus
aquæ quid
est.

dissuadendam momenti habere possit; quos nemo
 negaverit rectius facturos fuisse, si publicè & pa-
 lam se idololatriæ illi cultui, qui in populo vige-
 bat, minimè assentiri protestati essent, seseq; ab aliis,
 qui idololatrae erant, quammaximè poterant, se-
 gregassent. Nihil autem dico, quòd hoc tempore
 multa clarissima indicia dedit Deus voluntatis suæ,
 ut externa Christi Ecclesia instauretur, & Anti-
 christianum Regnum diruatur; atq; inter alia, vim
 infinitam hominum excitavit, qui suo sanguine ve-
 ram Christi doctrinam, quantum ad salutem satis
 est, confirmarunt, & falsam Antichristi refelle-
 runt, adeò, ut si quis rectè animadvertat, miraculis
 & spiritus sancti externis donis exceptis, quibus
 propter eas causas quæ antè sunt expositæ, hoc tem-
 pore nihil opus erat, maxima similitudo inter hæc
 & Apostolica tempora, & quæ illis proximè succes-
 serunt, appareat. Ut meritò affirmari possit, quem-
 admodum tunc nasci, sic nunc renasci Christi Ec-
 clesiam cœpisse; & consequenter concludi, non esse
 Eliæ tempora illa cum nostris hæc temporibus ullo
 modo comparanda, non magis quàm cum ipsis Apo-
 stolicis. Vbi semper meminisse oportet, ad Christi
 Ecclesiam constituendam, non esse necesse ut veritas
 omnium rerum divinarum teneatur, sed satis esse
 ea sciri, sine quibus æterna salus nemini contingere
 potest.

De seniori-
 bus Eccle-
 siæ.

Nunc ad illud accedo, quod addis de discrimi-
 ne seniorum Ecclesiæ nostri temporis, & Ecclesiæ
 quæ

que Apostolorum tempore fuit: ex quo concludere vis, nostros non esse veros seniores, nec illorum Ecclesiam veram Ecclesiam; immò quia hodie tales seniores, quales antiquitus fuerunt, nulli apparent, nullam etiam instaurari posse externam ecclesiam. At enim hoc tempore seniores ab Ecclesia constitui, non autem a senioribus Ecclesiam colligi, quod contra, inquis, fiebat in primitiva Ecclesia. Ad hoc, etiam si ea certissima essent quæ pro concessis sumis, abundè ex superioribus responsio patet, propter temporum rationis diversitatem. Tunc opus fuit ut seniores Ecclesiam colligerent, quia tum primùm fundabatur Ecclesia, nec ulla principia certissima atq; indubitata erant, quibus omnes assentirentur, & ex quibus per se ipsi veritatem agnoscere, & Dei populo se aggregare sua sponte possent. Nunc verò instauratur Ecclesia ex iis principiis, de quibus inter omnes constat: quare certo aliquo architecto nihil est opus, sed unusquisq; per se suaq; sponte partem in hac instauracione habere potest atq; adeò habet. Monitore tantùm opus fuit vastationis Ecclesie, e- jusq; instaurandæ rationis: quos sanè non unum sed plures habuimus, qui etiam in ea instauranda gnauiter laborarunt. Sed animadvertendum præterea est, te pro concessis sumere ea, quæ mihi minùs certa videntur. Neq; enim in primitiva Ecclesia colligebantur cœtus a senioribus, sed iis cœtibus sive Ecclesiis præsciebantur, quæ Apostolorum & aliorum evangelizantium ministerio collectæ fuerant. E-

templi causâ, ecclesie Corinthiorum, Philippensium, Ephesiorum, non a senioribus, id est, pastoribus qui in illis perpetuo erant, sed a Paulo Apostolo fuerant collectæ, in quibus ipse deinde seniores constituit; non quidem ex sua tantum ipsius voluntate & sententia, sed ipsa approbante ecclesia. ut ex eo intelligi potest, quod Timotheus ipse tantus Pauli administrator, non sine impositione manuum Presbiterii, id est, Senatus, ut sic dixerim, ecclesie, qui ipsius ecclesie personam sustinebat, ut alicujus urbis Senatus, Civitatis & Reipub. personam sustinet, ad munus pastoris, quo in ecclesia fungebatur, delectus fuit. An non legimus, mandatum fuisse Tito a Paulo, ut in singulis Crete urbibus seniores constitueret? Quod sine dubio de iis urbibus intelligendum est, in quibus jam aliquis numerus Christi fidelium collectus erat, quibus volebat Paulus pastores dari, ad ipsos verbo Dei pascendos, adq; ecclesie conservationem & incrementum, ut satis ex ipsius verbis, ubi hac de re agit, apparet. Quomodo igitur tunc temporis a Senioribus ecclesie colligebantur, si jam collectis Ecclesiis seniores præsciebantur? Non tamen hinc similiter est intelligendum, Titum debuisse aut potuisse ex proprio tantum sensu proprio arbitratu, quoscumq; magis ipse probasset, seniores constituere; sed ei mandatum fuisse, ut curaret seniores constitui ex ipsius Ecclesie consensu; qui modo tales essent, quales Paulus descriperat. atq; ejusmodi seniores ipsam Ecclesiam per se sibi constituerent po-

re poruisse, nihil est quod dubitare nos sinat. Et sanè in illis ipsis Ecclesiis, in quibus Paulus ipse Seniores ab initio (ut legitur Act. 14. 22.) quemadmodum paulò ante dixi, constituerat, illis deficientibus, ecclesiam ipsam per se alios sibi constituere potuisse, necessarium quodammodo est, & ex ecclesiastica historia sic quoq; factum fuisse intelligere licet. Rursus hoc tempore non est perpetuum, immò verò admodum rarum, ut ecclesia ipsa Seniores, id est, pastores sibi eligat, ecclesia, inquam, cui ipsi seniores presunt. Eliguntur enim ab aliis pastoribus ut plurimum, quamvis non sine consensu illius Ecclesie. Quinetiam non solùm ab ipso initio renascentis Evangelicæ veritatis, collectæ sunt Ecclesie ab ipsis pastoribus pluribus in locis, ut a Luthero, Zuinglio, Oecolampadio, Balthasare Pacimontano, & aliis; sed postea etiam sæpenumero contigit, ut homines pii aliisq; erudiendis non inepti, vel planè sua sponte, vel ab aliqua ecclesia jam collecta missi, ecclesias ubi nullæ erant, collegèrint ac fundaverint; quod cum alibi tam in Gallia potissimum factum esse scimus. Itaq; nihil mihi hac etiam in parte dissimilitudinis inter hæc & primitive Ecclesie tempora esse videtur. Et, si insignis aliqua tamen in ipsis initiis fuisset, jam ejus rei causam attuli, ex qua apparet non propterea sentiendum, præpostera ratione hodie in ecclesia instauranda agi. Post ipsa initia nulla profectò dissimilitudo, quæ alicujus momenti sit, inter hæc duo tempora animadverti potest.

Sed quidquid sit, ut de re ipsa, quæ in controversia est, agamus, illud unum scire velim, cur hodie non liceat hominibus rectè, quantum satis est, de religione Christiana sentientibus convenire, memoriam Christi mortis, ut jussi sunt, celebrare, communes preces ad Deum fundere, sese in vicem ad pietatem ac perseverantiam in fide cohortari, de divinis rebus colloqui ac disputare, aliquot ex suo numero certos homines habere, quorum hic aliis in verbo Dei explanando præeat, ac rudiores in disciplina Christiana instituat; ille singulariter pauperibus, ex communibus Ecclesiæ pecuniis subveniendi curam habeat; alii, ut omnia ordine ac decenter in cœtu fiant, provideant & curent; alii sint, quorum prudentiæ ac rerum divinarum cognitioni universus cœtus plurimum deferat, & quos idcirco tamquam senatum suum esse statuat; alii deniq; aliis munibus vacent, quæ ad totius congregationis conservationem pertineant: Velim, inquam, scire, cur hæc facere non liceat hoc tempore, quidve, quo minus fiant, jure prohibere possit. sive ejusmodi congregationem Ecclesiam appellare velis, sive nolis, sive tales congregationes pares aut similes Apostolicis Ecclesiis esse concedas, sive minus. Certè cum Deus a nobis quàm maximè colendus sit, & Iesu Christi disciplina quàm apertissimè profitenda, & quantum in nobis est, propaganda; cumq; hæc omnia ad Dei cultum, & professionem ac propagationem Christi discipline plurimum pertine-

ant, immò sine his existere aut consistere nequeant, necesse est fateri, quicquid præterea de illis iudices, & quocunq; nomine ea voces, cuncta non modo fieri posse sed etiam debere. Nam quod tu asseris, multos pietate & iustitiâ insignes viros, sine externis istis notis & signis hodie Deum colere & olim coluisse, id mihi nullo pacto verisimile videtur; nisi vel ubi ista habendi facultas non fuerit, vel si fortè viris istis omnes cœtus, in quibus hæc fuerint, aliquo perverso & salutis æternæ contrario dogmate visi fuerint contaminati: alioquin prorsus necesse esse statuo, ut quilibet Christianus alicui Christum profitentium cœtui palàm adhareat, ei videlicet quem aliis puriorem esse iudicaverit. Cujus sententiæ infiniti pietate præstantes viri nostra ætate fuerunt, & adhuc sunt; quibus ob hanc causam grave non fuit famæ atq; honorum jacturam facere, & sese manifestis vitæ periculis exponere. Non dubito, quin, ut ipse sanctè affirmas, optima mente & solo veritatis amore ea & scripseris & sentias, quæ in tuis ad me literis de hoc argumento continentur: sed transfiguratur se hic (ignosce queso libertati meæ) satanas in angelum lucis, & per te talem tamq; insigni alioqui pietate virum, aliosq; non contemnendos homines, ruinam Christi Ecclesiæ renascentis fruit. Cujus artes & astum agnosce obsecro, nec paterere, ut te paulatim seducat, & tandem, cum prorsus tibi persuaserit, nullam inter eos qui a Romana Ecclesia defecerunt, hætenus esse vel esse posse externam Christi Ecclesiam, nec scriptum, quod

habemus, Dei verbum ad eam erigendam satis esse, te ad Ecclesiam istam, quæ perpetuam ab Apostolis & ministerii & doctrinæ successionem, ac spiritus sancti assiduum favorem & præsentiam audacter, nec prorsus ineptè (ut compluribus videtur) jactare solet, ut Puccium, aliquando reducat aut aggreget. Quod omen Deus, ut spero ac fore mihi penitus persuadeo, pro sua bonitate avertat. Nec verò credas aut me, aut alios innumerabiles qui mecum sentiunt, clariorem multo, quàm nunc habeamus, veritatis divinæ patefactionem non expectare. Et sanè si quis usquam est, qui hoc expectet, ego is sum; cui fortasse ii omnes, qui Christi nomine appellantur, in pluribus adhuc errare videntur, quàm vel tibi vel cuiquam alii videri possint. Sed non propterea censemus, talem hodie veritatis celestis lucem non affuisse, quæ ad salutem æternam consequendam satis sit; vel ad talem lucem habendam non satis esse divinis litteris penitus adherere, ex iisq; solis divinam veritatem petere. Ex quo necessario consequitur, externam Christi Ecclesiam hoc tempore instaurari & posse & debere.

Sensus verborum Christi Matth. 16. 18. Portæ inferni non prævalebunt ei.

Non possum autem non vehementer mirari, te Christi verba, quòd portæ inferorù non essent adversùs ipsiù Ecclesiã prævalituræ, ita interpretari, ut nondù ejus rei tēpus extiterit. quod nihil aliud est, quàm, vel negare ullam Christi veram ecclesiam hæcenus extitisse, vel Christum mendacii coarguere. Atqui Christi verba non ita prorsus sunt accipienda, ut credamus, quæ verba Christi Ecclesia

lesia est, eam non posse satanae astutiis subverti; sed quamdiu vera Christi Ecclesia fuerit, fieri non posse, ut ab ipsa morte atq; inferno quidquam detrimenti patiatur. Non negaverim quidem, sicut etiam non affirmaverim, in hoc seculo talem Christi ecclesiam futuram, quae deficere nulla ratione possit, idq; Christum suis verbis significare voluisse. Sed in eo a multis erratur, quod vaticinationes seu praedictiones non nisi in eum sensum accipi posse existimant, qui potior sit, & nulla sermonis figurâ quantumvis usitatâ expressus. Cum tamen & Christi ipsius dicta, & Apostolorum ejus scripta, & deniq; res ipsa apertissimè doceat, in praedictionibus divini sapientissimè duplicem sensum inesse: unum videlicet, qui ex ipsis verbis omni tropo prorsus nudatis elici potest, alterum verò qui usitate verborum, licet aliqua ratione figuratè significationi est consentaneus. Verùm hac de re, quae latissimè patet, non est hic uberius disserendi locus.

De spe ac fide in venturum Christum, qua praedicti fuerint patres illi sub veteri Testamento, ita ut in suis Sacrificiis ad illum respexerint, nihil aliud in praesentia dico, nisi, me nullo modo diffiteri, Christum ibi adumbratum fuisse; sed nego hoc illos intellexisse, quod nobis demum patefaciendum erat, ut caelestis atq; aeterna veritatis & lucis confirmationem ex antecedentibus figuris & umbris haberemus, sub quibus veteres illi omnes conclusi erant usq; ad correctionis tempus, ut loquitur Apostolus Heb. 9. 10. Et quod dixi de Messia Hieremiae tem-

De spe ac fide in venturum Christum, qua praedicti fuerint patres sub veteri Testamento.

poribus aperte promisso, ita ut nova quedam promissio censeri debeat, verissimum est, & per ea, quae in ejus Prophetae vaticinatione scripta sunt, cap. 23. & repetita cap. 33. abundè confirmari videtur. Tametsi enim antea per alios prophetas, praecipuè verò per Esaiam Messiae adventus ita praedictus fuerit, ut nunc ejus vaticinationem legentes, historiam potius quàm vaticinationem nobis legere videamur; tamen eo tempore praedictiones istae obscuriores erant, eaq; ad varios atq; extraneos sensus accommodari poterant. Cujus rei fidem faciunt, quae hodie inter Iudeos receptae sunt earum interpretationes. Pleraq; enim de Iesu Nazaræno ibi praedicta, non modò de illo accipere renuunt, sed etiam de Messia, quem ipsi tamen expectant, accipi posse nolunt. At verò quae de Messia ab Hieremia primùm, deinde ab Ezechiele & Daniele aliisq; praedicta sunt, qui etiam clarissimis verbis antecedentem Babylonicam captivitatem & ab ea liberationem certo tempore futuram praedixerunt, adeò sunt aperta, ut nulla extranea interpretatione occultari aut obscurari possint, nec ad ipsum Messiam ea omninò pertinere Iudaei umquam negare sint ausi. Itaq; quod dicitis, Christum etiam antiquioribus illis patribus fuisse promissum, id sanè fateor. Sed nego ita apertas fuisse promissiones, ut id ipsi intelligerent, nedum ad se pertinere arbitrarentur illud, quod non ipsis, sed eorum posteritati se daturum Deus promiserat. Nam quod sive in Epistola ad Heb. ca. 11. sive alibi de spe futurorum sibi ipsis bonorum, quae
 patres

patres illi præditi essent, scriptum est; in eo neq; ad ipsius Christi personam illos respexisse traditur, aut illius ullam rationem habuisse, nec alius quàm vel mysticus sensus, vel eventum potius quàm ipsorum animum significans est, admittendus. Sed requirit hæc res longiorem disputationem, quàm ut hisce litteris includi possit.

Declarationem verborum tuorum, quòd Christus non sit ex Adamo, vel Adami filius, libenter amplector; atq; ut idem sentiamus, satis mihi est quod ais te credere, illum verum hominem ex Davidis semine progenitum, & interim, licet in virginis, id est, mulieris utero, non tamen per commixtionem maris & femine conceptum.

De loco autem illo, solvite templum hoc &c. quòd suspectus censerì debeat, nullo modo tibi assentiri possum. Nam quamvis dicas, te non propterea in dubium revocare sacra oracula, id tamen, si non mentem tuam quidem sed rem ipsam spectes, necessario aliter se habet. Etenim si de uno aliquo loco, qui in omnibus codicibus & exemplaribus, & apud omnes interpretes eodem modo legatur, ut iste legitur, dubitare licet, nihil est cur de omnibus dubitare non liceat. & tu ipse adjungis de Sacris oraculis verba illa, quantumvis hinc inde depravata: quibus verbis satis indicas, non debere omnibus, quæ in divinis litteris scripta leguntur, temere fidem adhiberi. Ego quidem contra ita sentio, Nihil in iis scriptis, quæ communiter ab iis, qui Christiani sunt dicti, recepta & pro divinis habita sunt,

Christum
non esse ex
Adamo A-
dami filium

De verbis
Christi, Io-
an. 2. 19. Sol-
vite templum
hoc, & in
tribus die-
bus erigam
illud.

constanter legi, quod non verissimum sit; hocq; ad
 divinam providentiam prorsus pertinere arbitror,
 ut ejusmodi scripta numquam depraventur aut cor-
 rumpantur, neq; ex toto neq; ex parte; et, si aliqui
 Codices aut exemplaria alicubi mendosa sint, ex
 aliis emendatioribus, vel ex antiquorum Interpre-
 tum auctoritate emendari queant. Qua de re dis-
 serui pluribus in opusculo quodam, quod de Auctori-
 tate librorum veteris & novi Testamenti, Italicâ
 linguâ conscripsi. Præstat, mi frater, mihi crede,
 cum in aliquem scripturæ locum incidimus, qui no-
 bis falsam sententiam continere videatur, unâ cum
 Augustino hac in parte ignorantiam nostram fateri,
 quàm eum, si alioquin indubitatus planè sit, in
 dubium revocare. Nihil habent verba illa apud Io-
 annem Christo tributa, quod non sit verissimum &
 cum reliquis omnibus sacris oraculis consentiens,
 ut ipse fortassis, si unquam scripta mea legeris,
 præsertim verò disputationem meam cum Erasmo
 Ioannis, ingenuè fateberis. Depone, quæso te, istam,
 quam habes de sacris scripturis opinionem; quæ so-
 la, nisi caveris, innumerabilium in religione erro-
 rum, quemadmodum aliis compluribus Christum
 profitentibus, causa tibi esse poterit; & si ipsius
 vim atq; aliorum exempla attendere velimus, faci-
 lè quemvis in atheismum inducere tandem potest.

De Invocatione Christi,

ex eadem epistola.

V Ideo nihil hodie edi posse in tota Christiana religione majoris momenti, quam hoc sit, Demonstratio videlicet, quòd Christo, licet rei create, tamen invocatio & adoratio seu cultus divinus conveniat. Nam hoc præsertim quòd ad invocationem attinet, de qua nominatim inter me & Franciscum Davidis disputatur, me in ea responsione satis demonstrasse confido; cui addipoterunt disputationes meæ cum Christiano Francken, cum quo præcipuè de adoratione mihi disceptatio fuit, & sic res tota clariùs apparebit. Si enim hoc demonstratum fuerit, concident omnes Trinitariorum munitiones, quæ revera uno hoc fundamento adhuc nituntur, quòd Christo adoratio & invocatio conveniat, quæ solius Dei illius altissimi omni ratione videtur esse propria; & ex altera parte, vera Christi potestas atq; majestas ostendetur, & in omnium animis confirmabitur: Sine cujus cognitione nec Deus ipse, nec quidquam rerum divinarum rectè cognoscitur; salutis nostræ ratio revera ignoratur; quidquid, præsertim de expiatione nostrorum peccatorum per Christum, in sacris litteris legitur, pessimè intelligitur; ipsius Christi universa religio, in dubium revocatur, aut saltem mutationi & finì in hoc ipso seculo obnoxia redditur; summum ac præstantissimum nostræ spei ac fidei in Deum fundamentum.

damentum nobis eripitur; ac deniq̄, ne omnia hinc
 provenientia mala & incommoda, que innumera-
 bilia sunt, enumerare hinc nunc velle videar, in
 ipsum Christum & Deum patrem gravissimè pec-
 catur. Nam quod tu pro Maxima, ut inquis, habes,
 Nullum de Christo adorando præceptum in Sacris
 litteris extare; unde concludere vis, non modò non
 debere, sed ne posse quidem jurè Christum adorari,
 duplicem habet responsionem. Nam & assumptio
 & consequentia falsa est. Probo utrumq̄, simul ex
 duobus sacris testimoniis, ex quorum utroq̄, apparet,
 & Deum omnino velle ut Christus a nobis adore-
 tur, & non fuisse tamen necesse ut hæc ejus volun-
 tas expressa disertè fuerit. rē enim per se ipsam mo-
 nere, Christum omnino a nobis adorandum esse.
 Prius testimonium est verba sunt ipsius Christi, Io-
 an. 5. 22. 23. Neq̄; enim pater judicat quem-
 quam, sed omne judicium dedit filio, ut om-
 nes honorificent filium, sicut honorifi-
 cant patrem. Qui non honorificat filium,
 non honorificat patrem qui misit illum. Hic
 primùm audis, Deum velle ut Christus honoretur,
 sicut ipse honoratur: ex quo apertè intelligitur,
 Christum eo genere honoris a nobis afficiendum es-
 se, quo ipse Deus afficitur, & consequenter a nobis
 adorandum esse. Nam honoris genus quo Deum af-
 ficimus adoratio sine dubio est. Tametsi enim par-
 tícula sicut, plenam similitudinem necessariò non
 significat, neq̄; ego hoc loco significare volo (nulla
 enim alioqui esset differentia inter honorem Deo
 debitum

debitum & Christo, quam ego non minimam constituo) tamen ut aliquam peculiarem similitudinem significet necesse est. Nam si nulla alia esset similitudo nisi prorsus generalis, id est, in eo simpliciter quod uterq; honoratur, inutilia & vana omnino fuissent verba illa, sicut honorificant Patrē. Et ne quis putet, honoris similitudinem istam in eo tantum consistere, quod doctrinae & praeceptis Christi non minus sit parendum, quam Dei doctrinae & praeceptis pareatur (quamquam nec sola obedientia simplici honoris nomine appellari solet, & Christi praecepta ac doctrina non sunt, ut ipse dicebat, ipsius Christi sed Dei) animadvertatur causa honoris, quae est, quia Deus dedit Christo omne iudicium, ita ut ipse pater jam non iudicet quemquam, id est, omne regimen ac gubernationem Ecclesiae ei commisit, & poenarum ac praemiorum in eam, eosve qui quacunq; ratione cum ea aut cum Evangelii praedicatione quidquam commune habent, distribuendorum omnimodam potestatem dedit, & quod ad haec attinet, in sui ipsius loco eum constituit. Iudicare enim phrasi Hebraica, non solum jus dicere & sententiam ferre, sed etiam, idq; praecipue, regere ac gubernare significat. Consideretur, inquam, causa ista, & intelligetur hic de honore agi qui debetur Christo, non quatenus eius praeceptis & mandatis obeditur, sed quatenus pro nostro Rege ac Domino caelesti agnoscitur, qui in nos omnes vitae necisq; potestatem habet, ac perpetuo, ut Dei vicarius, nostri curam gerit. Hunc autem honorem, adorationem

& divi-

& divinum cultum esse, nemo (opinor) sanæ mentis
 negaverit. Patet igitur ex his Christi verbis, Deum
 velle ut Christus adoretur & divino cultu afficia-
 tur; quæ expositio divinæ voluntatis nihil aliud est,
 quam præceptum: ac proinde patet, extare præce-
 ptum de Christo adorando. Deinde vides ex iisdem
 verbis manifestò colligi, gubernationem & potesta-
 tem a Deo Christo concessam tanti esse, ut ipsa per
 se moneat, Christum esse adorandum, nec ullo præ-
 terea præcepto ad eam rem esse opus. Inquit enim,
 Omne iudicium dedit filio, ut omnes hono-
 rificent filium, &c. Igitur omne iudicium habe-
 re a Deo, trahit secum necessariò adorationem. Et
 sanè, quemadmodum ipse sensus communis dicitur,
 ut is, qui hic in terris nos regunt & gubernant, si
 certum sit (ut profectò est) eos a Deo reges & gu-
 bernatores nobis fuisse datos, terrenum honorem
 humanumq; cultum exhibeamus, etiamsi nullum
 ea de re præceptum extaret; sic idem sensus com-
 munis planè dicitur, ut ei qui in cœlis degens, divina
 ratione ex Dei voluntate nos regit & gubernat,
 cœlestem honorem & divinum cultum præstemus,
 etiamsi id facere numquam iussi fuisset. Sed jam
 ad alterum testimonium veniamus, quod est apud
 Paulum Philipp. 2.9. Propter quod & Deus su-
 perexaltavit illum, & donavit illi nomen,
 quod est supra omne nomen, ut in nomine
 Iesu omne genu flectatur, cœlestium, terre-
 strium & subterraneorum, & omnis lingua
 confiteatur, quòd Dominus [est] Iesus Chri-
 stus

stus ad Dei patris gloriam. Hic similiter pri-
 mum vides expressam (idē graphicē) adorationem,
 quæ nomini Iesu ab omnibus rebus creatis debea-
 tur, ex ipsius Dei voluntate; quare manifestum ha-
 bes de Iesu adorando præceptum. Deinde causam
 audis, quæ non solum aperte docet, hanc esse divi-
 nam adorationem (nam ei qui supra omnes crea-
 turas, etiam cœlestes, erectus est, non potest propter
 hoc ipsum deberi cultus nisi divinus.) sed etiam pro-
 pter modum, qui cum suo effectu hic coniungitur,
 clarè ostendit, ubi ea sit, ut certè in Christo est, ne-
 cessariò ibidem effectum istum adorationis & divi-
 ni cultus esse oportere, nec necesse esse aliunde ea de
 re divinum præceptum extare. Sed quod ad præcep-
 tum attinet, habemus expressum aliud testimoni-
 um, Heb. 1. 6. ubi verba illa Psal. 97. 7. Et adorent
 eum omnes Angeli Dei, manifestè ad Christum
 referuntur, ad ostendendum quanto Christus ex-
 cellentior omnibus Angelis sit, utpote qui ab ipsis om-
 nibus adorari debeat. Neq; hic est opus ostendere,
 etiam si verba ista in Psalmo ad Deum ipsum refe-
 rantur, tamen meritò potuisse a divino illo scripto-
 re ad Christum referri, nisi & scriptoris illius &
 aliorum, quorum monumenta in sacro volumine
 extant, qui nonnunquam ea quæ de Deo sunt dicta,
 ad Christum referunt, auctoritatem in dubium re-
 vocare velimus. Est tamen id a me breviter osten-
 sum in Animadversionibus in Assertiones collegiæ
 Posnaniensis de trino & uno Deo, Assert. 21 num. 6.
 quem locum, si libuerit, poteris percurrere. Sed

multo

multo fusius idem ostendi in disputatione mea cum Erasmo Iohannis. Quod si Christus ab omnibus Dei Angelis adorari debet, quanto magis ab hominibus, vis presertim quorum propriè est cœlestis Rex & Dominus? Sed dices fortasse, Angeli Christum vident, homines hodie non vident. quasi verò vel præceptum de solo Deo adorando, ex quo revera omnis oritur causa dubitandi an Christus adorandus sit, eos tantùm excludat qui non videntur, vel Christi potestate & perpetua gubernatione in Ecclesia concessa, unà cum necessaria non modo factorum & verborum nostrorum, sed etiam cogitationum omnium cognitione conjuncta, quam concedere divina oracula omnino cogunt, possit ullum discrimen constitui inter Christum a nobis visum & non visum; quemadmodum in prioribus meis ad te de hoc argumento, litteris memini me scripsisse. Sed quale pondus in Christi persona habere possit discrimen istud, postea clariùs videbimus. Priùs enim examinanda ea sunt, que a te ad Christi adorationem infirmandam sunt allata. Ai igitur primùm, Christũ ipsum Satane pollicenti, se illi daturum omnia mundi regna, si procumbens se adorasset, respondisse: Abi e conspectu meo satana, scriptum est enim, Dominum Deum tuum adorato, eumq; solum colito. Sed quid hoc ad rem, cum hic de eo, quem adorare deberet ipse Christus, agatur? Numquid, si ipse Christus adorandus est, sequitur, eum potuisse non Deum modò, sed etiam semetipsum adorare, & propterea falso præceptum illud de solo Deo

Deo adorando sibi accommodasse? Non crediderim te hasce ineptias dicturum. At respondebis, idcirco locum istum ad rem facere, quia inde apparet, etiam post Christum exhibitum vigere præceptum in lege Mosis datum de solo Deo adorando, per quod Christus, cum is non sit ipse Deus, non secus atq; alie omnes res create ab adoratione excluditur. Ad hoc primo loco respondeo, post Christum exhibitum, dum ille adhuc mortalis in terris degeret, non solum præceptum istud de solo Deo adorando viguisse, sed alia omnia que in lege Mosis scripta erant, quantumvis ceremonialia & (ut sic dicam) umbratilia, quæ tamen postea, Christo glorificato, sublata sunt. Ex quo fit, ut hinc nihil concludere liceat; præsertim cum post Christum glorificatum apparuerit, tantam esse ex ipsius Dei voluntate in nos Christi potestatem & gubernationem, ut merito a nobis omnibus adorari debeat: adeo ut necesse sit, si modò præceptum istud eam vim habet, ut nullo modo ququam præter Deum ipsum adorari possit, id post Christi glorificationem non amplius vigere. Secundo respondeo, istud præceptum minimè istam vim habere aut habuisse umquam, nisi ex accidente, quatenus scilicet nemo esset præter Deum ipsum, qui adoratione dignus esset ex ipsius Dei voluntate, cuiusq; adoratio tota ad ipsum Deum referretur: nam quandocunq; talis extitisset, nequaquam per præceptum istud ejus adoratio prohibita fuisset. Nomen enim solus, & particula idem significantes, cum de Deo dicuntur, numquam eos excludunt, qui

illi sunt subordinati. Solus Deus, exempli causa, est Servator, & tamen multi homines quoque servatores merito sunt appellati, & ipse Christus passim Servator dicitur. Nempe quia isti omnes, quamvis revera servaverint aut servent, non tamen ex se ipsis aut aliunde, quam ab ipso Deo id potestatis adepti sunt. Quis negaverit (ut de precepto aliquo simili agamus) soli Deo confidendum esse? & tamen, ut alios omitam, Christo confidendum esse, passim est scriptum. Causa hujus rei est, quod, ut ipse Christus dixit, qui ipsi confidit sive in ipsum credit, non in ipsum credit, sed in eum qui misit illum, cui videlicet soli confidendum est. Sic dicere possumus, & quidem summo jure, quod, qui Christum adorant, non ipsum Christum adorant, sed Deum qui illi ea dedit, unde ad gloriam ipsius Dei adorari & possit & debeat. Nam, ut Paulus disertè ait, quod omnis lingua confiteatur Iesum Christum esse Dominum, hoc ad ipsius patris gloriam pertinet. tantum abest ut dubitare possimus, ne honor, qui Christo tribuitur, Dei honori quidquam deroget. Itaque, ut multa alia ejusmodi exempla in ipsius Christi persona reticeam, si quis velit ex precepto de solo Deo adorando concludere, Christum non esse adorandum, oportet ut vel ipse probet, Christum ea non habere quibus adoratio conveniat; aut certè ejus adorationem ad ipsum Deum non referri; vel ea diluat, ex quibus contrarium ab aliis probatur. alioquin nihil arguet. Pleraque autem, quæ ad argumentationem tuam refellendam, ex Christi verbis illis ad Satanam du-

Etiam pertinere magnopere possunt, sciens prudens
omitto, sperans hæc pauca satis esse; & ad illud ac-
cedo, quod deinde affers de eodem ipso Christo, qui
discipulis suis petentibus ut ipsos orare doceret,
Cum orabitis, inquit, dicitote, Pater noster
quies in cœlis, &c. & addis: Hujus ipsius Christi
mandati fines quis transgredi audebit? Hic primum
adorationem cum invocatione confundis, quod tam-
men fieri non debet, cum utriusq; sit diversa quedam
ratio: aded ut ego, quamvis nihil prorsus dubitem,
præceptum extare de Christo adorando, & etiam si
non extaret, tamen cum omnino adorari a nobis
debere; non idem tamen existimem de eodem in-
vocando, cum videlicet invocatio pro ipsa opis im-
ploratione & directione precum nostrarum accipi-
tur. Hic enim statuo, id quidem merito a nobis fieri
posse, id est, posse nos jure ad ipsum Christum preces
nostras dirigere, ejusq; opem nominatim implorare,
nihil tamen esse, quod nos id facere cogat: Alioquin
numquam posset a nobis Deus solus, id est, Christo
non etiam rogato, rogari, quod tamen falsissimum
esse, & ipforum Apostolorum exempla, & perpetuus
Ecclesie usus demonstrat. Atq; hæc ratio, que mihi
evidentissima videtur, tantum apud me ponderis
habet, ut non paucos locos novi Testamenti, ubi
Christi invocatio præcipi videtur, quos satis diligen-
ter in disputatione mea cum Francisco Davidis col-
legi, ita interpreter, ut ibi non præcepta, sed com-
monefactiones tantum habeantur & adhortatio-
nes. Quis enim ex nobis non vehementer lætetur, si

*sciat se in omnibus suis necessitatibus posse confiden-
 ter ejus opem implorare, qui homo mortalis fuit, ut
 nos sumus? qui ea omnia mala est expertus in hoc
 mundo, quæ nos quotidie experimur? qui licet Do-
 minus, tamen idem noster frater est, & caro ex car-
 ne nostra, osq; ex ossibus nostris? qui deniq; nostræ fi-
 dei ac professionis, ob quam tam multa patimur,
 princeps, dux & auctor est, cujusq; propterea plu-
 rimum interest ut nos salvi simus? Quis non liben-
 ter ad ejusmodi servatoris opem confugiat, eamq;
 imploret? Ex quo apparet summa Dei erga nos be-
 nignitas cum summâ sapientiâ conjuncta, qui hac
 admirabili ratione, ubi similiter infinitam suam
 potentiam ostendit, voluerit fragilitati nostræ suc-
 currere, & in mediis nostris calamitatibus nos non
 modò securos, sed etiam letissimos reddere. Nec ve-
 rò metuendum est, ne si, Deo solo invocato, ut supra
 dictum est, Christus ipse non invocatur, vicissim,
 Christo solo, id est, nomine Dei præterito, invocato,
 Deus ipse non invocetur, & sic præcepto Dei ipsius
 invocandi non satisfiat. Nam licet, qui Regem ro-
 gat, hoc ipso ejus præfectum non roget, tamen qui
 præfectum Regis rogat, hoc ipso ipsum Regem roga-
 re intelligitur. Subordinatus est enim præfectus Re-
 gi, sed non contrâ Rex præfecto. Sic Christus Deo
 subordinatus est, sed non contrâ Deus Christo. Qua-
 re etiamsi, qui Deum invocat, non idcirco Chri-
 stum omnino invocat, tamen qui Christum invocat,
 omnino ipsum Deum invocare dicendus est. Verum
 quia, ut ex tuis verbis patet, tu ex Christi verbis,*

cum orare discipulos docuit, non solum concludere vis non fuisse preceptum ut Christum oremus, sed etiam non posse eum a nobis orari: Dico, Christi verba hanc vim nullo pacto habere posse, nec precepti, quod dedit, fines eum transgredi, qui ipsum Christum oret. Neq; enim vel discipuli ab ipso exquisierunt, quem orare deberent; vel ipse, ut consequens est, id illis prescribere voluit. Sed id exquisierunt discipuli, quibus verbis & quamnam orare Deum deberent, quem orandum esse constabat: & Christus necessario similiter nihil aliud eos docuit, nisi qua ratione Deum orare deberent. Quid igitur hoc ad Christi invocationem excludendam, si alioquin appareat, eum illa habere que ad invocationem requiruntur? Numquid peccarunt iidem discipuli, cum postea ipsum Christum orarunt, ut se in navi pereuntes servaret, sibiq; augetet fidem? que tamen res sunt ejusmodi, quas nemo antea nisi ab ipso Deo petere ausus fuisset. Cur vero non peccarunt? quia videlicet vel animadverterunt vel merito crediderunt, Christum ista prestandi potestatem & munus ab ipso Deo habuisse, quod satis est, ut quis jure omnino invocari possit, si modo invocanti preces audire vel percipere queat. Adde, quod etiam si discipuli interrogassent, quem orare deberent, quia sine dubio de numine aliquo intellexissent, quod, licet ab ipsis non visum, presens tamen ipsis esset, & Christus, quisnam iste esset, eos docuisset; no idcirco tamen se ipsum ab invocatione exclusisset. Adhuc enim conspiciebatur ipse ab illis, necdum eam vim

& potestatem fuerat adeptus, ut quamvis nulli conspectus, omnibus tamen esset presens; aut certè ea de re nihil adhuc constabat, quæ tanta erat, tamq̃ ab omniverisimilitudine abhorreere videbatur, ut æquum esset eam prius effectis comprobari, quàm ipsius tantum Christi verbis asseri. Quamquam cum jam hora illa appropinquaret, quæ eundum illi erat ad patrem, & mox pluribus documentis confirmandum, eum vi ista ac potestate præditum esse; non prætermisit ipse eosdem suos discipulos monere, ut, quod antehac numquam fecerant, patrem Deum in ipsius nomine rogarent, se enim facturum quidquid hac ratione rogassent. Quippe cum dicit se facturum, idq̃ etiam repetit, satis significat, Rogare patrem in Christi nomine, nihil aliud esse quàm patrem rogare, ad ipsum Christum preces dirigendo. quod quia fieri posse nondum constabat, idcirco patri suâ prerogativâ interim expressè conservatâ, & ostenso, sui ipsius invocationem, non ipsius sed patris revera invocationem esse; summa cum modestia tantam de se ipso rem significavit potius, quàm disertis verbis expressit, & propterea etiam, quod se, si rogassent, facturum dixerat, postea patrem daturum affirmavit, ac deinde subjunxit: In die illa in nomine meo petetis. quasi diceret, Hoc, quod nunc satis intelligere non potestis, vel, si tamen intelligitis fieri a vobis posse, persuaderi, tunc omnino facietis, cum post meam glorificationem agnoscetis & planè percipietis aliquando, me, licet a vobis absentem, tamen & preces vestras

exaudire, & vobis in tempore secundum vota vestra opitulari posse. Tamen si non est omittendum, in Codicibus Latinis, & in Syriaca interpretatione, ubi Christus secundo ait, se facturum quod petissent in ipsius nomine, ad hunc modum legi, Si quid petieritis me in nomine meo. quæ lectio nequaquam inepta est, ut quidem Franciscus Davidis existimabat; quod me, vel ipsius testimonio, in mecum ipso disputatione satis probasse confido. Iam quod ais, exemplum nullum extare adorati seu invocati Christi, & ad id confirmandum Apostolorum exemplum affers, qui aliquando orantes ad ipsum tantum Deum preces direxerint; infirmissima omnino est hæc confirmatio & ratiocinatio, quia videlicet quidpiam aliquando factum non fuerit, numquam factum fuisse; sive, quia aliquando factum non fuisse legatur, haud legi umquam fuisse factum. Atqui & adoratum & invocatum fuisse Christum, probant aperte vel illi duo exempla quæ N. N. protulerat: ad quæ responsionem tuam, quam ego miratus fueram, dum defendere conaris, eamque, ut mihi admirationem adimas, apertius explicare, multo magis, (ignosce obsecro) me mirari cogis. Tua enim responsio in litteris ad ipsum N. N. prorsus hæc est; questionem esse, Num quisquam Christum non visum veneratus sit, vel eum adoraverit, non autem, an visum aliquando: nam de hoc nullum est dubium. Ego hanc responsionem sum miratus, quæ post Christi glorificationem, discrimen, quod ad eum adorandum & invocandum

attinet, ponit inter ipsum visum & non visum. Nam propterea ibidem pluribus niteris ostendere, Christum ipsum a Stephano corporeis oculis fuisse visum; ubi, meo iudicio, addere debueras, Stephanum vicissim a Christo corporeis auribus fuisse auditum. Attuli autem rationes, cur, si sacris testimoniis credimus, nulla sit causa ut quisquam discrimen istud ponat: quæ rationes a te refellende erant, si mihi admirationem adimere volebas, & demonstrandum, plurimum interesse in hoc invocationis & adorationis Christi negotio, utrum Christus conspiciatur nec ne; præsertim cum alioqui apertum sit, sive absentem sive presentem neminem divino cultu, sine Dei expressa aut saltem tacita voluntate afficiendum esse. Nam quod, ut rectè quid tibi velis percipiam, cum ais Christum ipsum adoratum fuisse, scribis, multos quidem a Christo, quem presentem viderunt, multa petiisse, cum tamen id nullam adorationem evincat. Hæc certè non videtur tui dicti explicatio, sed potius refutatio; nisi adorationis nomen alio sensu hic extuleris, quàm supra verbum adorandi. Pugnat enim aliquo modo hoc, quòd ex petitionibus illis nulla Christi adoratio evincatur, cum eo, quòd Christus visus adoratus fuerit; tantum abest ut illius possit esse explicatio. Verùm arbitror, te, cum dixisti Christum visum fuisse adoratum, non divinum honorem sed humanum tantum exhibitum intellexisse, postea verò adorationis voce divinum honorem omnino significare voluisse; quasi divinus honor seu Deo debitus nemini
 viso

viso exhiberi possit. Quod si ita est, nihil erat cur Christus satanam a se visum propterea adorare recusaret, quòd scriptum esset, solum Deum esse adorandum; quandoquidem præceptum istud de divino exhibendo honore accipiendum esse, nulli dubium esse potest. Non tollit igitur conspectus ipse divinam adorationem. Quemadmodum vicissim ex altera parte, nemo est qui ex eo solo, quòd Christo coram, dum ab eo aliquid peteretur, exhibitus a petentibus honor & cultus quidam haud rarò legitur, concludat, Christum divino honore affectum fuisse. quod tamen a quibusdam concludi, ipse existimare videris, idq; exemplo Elisei refutare conaris, coram quo mulier illa Sunamitis procubuit: quo interim exemplo asserendo atq; explicando non parum confirmas & explicas Christi licet absentis invocationem; quam, ut antè dixi, cum adoratione confundis, nec minùs hanc quàm illam ei adimere videris. Etenim si, ut ais, idcirco ante Eliseum procumbens mulier illa suscitationem pueri ab illo petiit, quòd videret Deum ei vim & virtutem suscitandi mortuos & alia faciendi miracula dedisse; nihil est cur, si animadvertimus Deum Christo, licet a nobis corpore absenti, vim & virtutem nobis opitulandi dedisse, eumq; preces nostras exaudire posse, illius opem venerabundi implorare dubitemus. Nam quòd excipis, mulierem illam ab Eliseo non tanquam a Deo, a quo solo omnia petenda sunt, filium suum suscitari petiisse; nec ego sanè aliter de Christo sentio, quidquamve ab ipso tanquam a Deo, a quo solo

omnia petenda esse fateor, peti posse volo: id est, has ipsa in re, ut Eliseum mulier illa, sic ego Christum non primam & solam, sed secundam & ascitam causam agnosco; quamvis magnum alioquin inter Eliseum & Christum hic discrimen constituam. Vis enim seu potestas Christo data, perpetuo ac constantissime in ipso residet; idque in hunc ipsum finem, ut ad eius opem omnes confugere possimus, quod ne utiquam de Eliseo affirmari potest. Ex quo fit, ut alia & multo maiore fiducia ac veneratione a Christo petendum sit, quam ab Eliseo peti poterat. Hic autem vides, te optime agnoscere, id verum esse quod supra dixi, particulas exclusivas (quas vocant) non excludere ab ipso Deo illos qui ei sunt subordinati. Alioqui quomodo ais a solo Deo omnia petenda esse, & interim non obscure confiteri, recte ab Eliseo mortui pueri suscitationem petitam fuisse? Ex predictis patet, ad exempla, que N. N. adorati & invocati Christi attulerat, refellenda nihil pertinere id, in quo tue responsionis vim posueras, Christum videlicet tum fuisse inspectum; nisi de Iesu Christi a nobis corpore absentis cura & potestate in Ecclesia, ac spirituali presentia dubites, aut diversum a nobis sentias. qua de re postmodum aliquid explicatius dicendum erit. Nunc reliqua refutanda sunt, que ad eadem exempla convellenda pertinere existimasti. Inquis enim Stephanum non adorasse Christum, sed ei vitam in manus commendasse; annon ipse concedis, a Stephano Christum fuisse invocatum? Nam, quod causam as-

fers,

fers, quòd sciret illum a patre datum esse Servatorem, rectè est. Verùm nos quoq; idem scimus, & propterea ut nos fervet, illum similiter invocare possumus, seu in illius manus vitam nostram commendare. Quòd cùm sit omnium, quæ ad nos pertinent, maximum & præstantissimum, nulla causa est, cur quisquam dubitet, an simpliciter dici queat, Christum a nobis meritò invocari posse. Immo, ut Christi invocatio asseratur, nihil opus est nos scire eum fuisse Servatorem a patre datum. Sive enim hoc nos sciamus sive minùs, verissimum tamen id est, & erit semper. Atq; idcirco si hæc Christi invocandi causa est, certissimum esse debet, Christo invocationem perpetuò convenire. Itaq; vel prorsus supervacaneum mihi videtur id, quòd subjungit Stephanum confirmatum fuisse in sententia, quòd Christus scilicet datus esset a patre servator, cùm videret cælos apertos & Iesum ad Dei dexteram; vel certè ad exemplum istud invocati Christi ulla ex parte elevandum nihil momenti habet. Primum enim non id hoc loco queritur, an, si nos Christum invocaverimus, id bonâ conscientia, sive, ut Paulina locutione utar, ex fide facturi simus; sed simpliciter, an Christus meritò a nobis invocari queat. Deinde bonâ planè conscientia atq; ex fide Christum invocat, quisquis, ut verum est, ita credit ac sibi persuadet, Christum a Deo datum fuisse Servatorem; nec magis quàm Stephanus ea in re a quoquam reprehendi jure potest. Quid enim est opus alia confirmatione, ubi quis id, quòd verissimum est,

jam firmiter credit? Quamquam si sacris novi fœ-
 deris litteris credendum est, multo magis in hac
 sententia, quòd Christus datus sit a patre servator,
 confirmati nos sumus, quàm fuerit Stephanus ex
 visione illa. Nam nos quoq; ex eadem visione pari-
 ter confirmamur, ac præterea innumerabilia pœnè
 alia documenta & apertissima testimonia ejus rei
 habemus. Itaq; necesse est omnino, ut qui Christo
 invocationē nō convenire suspicatur, novi Testamē-
 ti scripta omnia tandem suspectissima habeat, &
 propterea neget nobis constare, an Iesus Christus
 perpetuus Servator a Deo nobis datus fuerit, si mo-
 dō, ut ipse satis apertè confiteris, hoc satis est, ut pro-
 fectò est, ad Christi opem salutis consequendæ gra-
 tiā implorandam. Non rectè igitur inter Christum
 a Stephano conspectum, a nobis verò minimè, dif-
 ferentia a te constitui videtur, ob eam causam,
 quòd ille in ea sententia, quòd Christus Servator a
 Deo datus fuerit, confirmaretur, nos verò scilicet
 non confirmemur. Immo multo absurdus dictum est
 hoc, quàm si dixisses idcirco differentiam istam con-
 stitui debere, quia potuit Stephanus sperare, Chri-
 stum, quem videbat, suas preces percepturum, nos
 autem, cum illum non videamus, non est cur id spe-
 remus. quemadmodum te ratiocinatum tacitè fuis-
 se in tuis ad N. N. litteris prorsus existima-
 bam. Hic enim id saltem nobis probandum relin-
 quitur, Christum a nobis licet corpore absentem,
 preces nostras audire: quod quantumvis Sacris
 testimoniis confirmatum; negant tamen non omnes,
 qui

qui Christo hodie invocationem adimunt. Itaque, ut antea dixi, est cur explicationem sententiae tuae in refellendis exemplis a N. N. allatis, multo magis mirer quam ipsam sententiam mirabar. Nam quod attinet ad alterum exemplum, Apostolorum videlicet qui Christum adoraverunt, nihil affers praeter id quod prius dixeras, Apostolos tunc Christum vidisse; quod verò non visum postea adorassent, nullum extare in sacris litteris exemplum. Ostendendum est igitur, sive quod ad invocationem, sive quod ad adorationem attinet, nullam differentiam esse inter Christum visum & non visum, postquam is a Deo glorificatus fuit. Est autem questio haec tota ad Christi in caelo manentis in nos potestatem & gubernationem referenda, de qua videamus quid ipse sentias. Ans igitur, potestatem & gubernationem ejus esse in Ecclesiam, ut ei distribuat dona spiritualia a patre accepta. Ergò haec poterunt a Christo peti. Quod enim illico addis, Pro quibus cum Pater invocatur, dat ea petentibus, sed non nisi per Iesum Christum filium, in quo ejus nomine, juxta Christi praecipitum, Quicquid per meum nomen petieritis, id faciam, si eam vim habet, ut nolis tamen haec ab ipso Christo peti, sed tantum a Deo, id & rationi manifeste, & tuis quodammodo, que subjungis, verbis aperte repugnat. Cum enim statim addis; Sed dices fortassis, non satis esse ea tantum petere; plura esse petenda, Videris velle occurrere tacite objectioni, quasi pauciora a Christo peti posse concesseris, quam revera peti possunt. Nam alioqui

non apparet, cur me ista dicturum suspicari queas. Ostendunt quidem sequentia alia verba tua, te aliud sensitse: verum id extra propositam questionem esse videtur, adeoq; veritati minimè consentaneum. Videris enim nolle, ab ipso Deo quidquam peti posse præter dona spiritualia, aut certè non esse cur aliud petamus. quod ut multis sacris testimoniis & rationibus inde sumptis, nō fallor, refellitur, sic iis paucis, quæ affers, neutiquam confirmatur. Sed quoniam, ut dixi, hoc extra propositam questionem esse mihi videtur, de eo pluribus differendum non censui. Itaq; ad rationem venio, ex qua omnino probari posse existimo, non ab ipso Deo tantum, sed etiam a Christo nominatim dona spiritualia peti posse. Si modo verum est, quod ipse verissimum esse & agnoscis & concedis, ejusmodi dona a Deo non nisi per Christum dari. Nam quid queso est aliud, aliquid per Iesum Christum dari, quam proximum (ut sic dixerim) datorem esse ipsum Christum? id quod ipse satis agnoscis, cum huc accommodas verba illa Christi, Hoc faciã. (quamquam intelligis omnino, Christum ita dare, ut tamen semper cum dat, quod dat, a Deo accipiat.) Etenim si concedis, Christum perpetuam dandi potestatem habere jam inde a sue glorificationis initio sibi traditam, nihil est cur neges eum in iis, quæ ad eam potestatem pertinent, invocari posse, ut mox ostendam. Iam verò Deum nullam potestatem revera dandi Iesu Christo concessisse, sed tantum instrumentalem quandam nec liberam ejus rei causam eum constituisse; cum di-

vniſ litteris aduerſatur, que præter alia multa e-
 juſdem ſententiæ teſtimonia, diſertè alicubi teſtan-
 tur, Chriſto omnem poteſtatem in celo & in ter-
 ra datam fuiſſe; tum rationi repugnat, que nullo
 modo patitur, a Deo quidquam fruſtra fieri. Fruſtrâ
 autem facturum fuiſſe Deum, ſi Chriſtum gloriſi-
 catum & in cœlis perpetuò manentem, ſimplex ac
 nudum instrumentum dona ſua ſpiritualia ejus fi-
 delibus dandi effeciſſet, vel id demonſtrat, quòd
 quantumvis diligenter quis id inveſtigare conetur,
 nullam tamen ejus rei probabilem cauſam ſit de-
 prehenuſus. Cauſam autem cur id fecerit, nobis
 nulla ratione conſtare, abſurdiſſimum cenſeri debet;
 cum ſatis ſuperq̃, maniſteſtum ſit, quicquid Deus
 Chriſto conceſſit, id ad nos in fide ac ſpe ſalutis no-
 ſtræ confirmandos pertinere. Quid verò huc, obſe-
 cro, pertinere poteſt, quòd Chriſtus ſolus ſit ſimplex
 ac nudum instrumentum diſtribuendorum Dei do-
 norum? Certè, ſi Chriſtus nullam ea in re liberam
 ac perpetuam poteſtatem habet, nihil eſt cur hinc
 Deo magis quàm antea conſidendi argumentum
 ullum habeamus. At verò, ſi ejusmodi poteſtas à
 Deo fuit Chriſto conceſſa, ut pro arbitratu ſuo ſuis
 fidelibus ſpiritualia dona largiri queat; nemo eſt
 quin & videat & ſentiat, ſi modò Chriſti fidelis ſit,
 quantopere hinc in ſalutis æternæ ſpe jugiter con-
 firmetur. Qua de re ſuprà, quantum ſatis eſt, egi-
 mus, exq̃, iis, que ibi diximus, abundè conſtat, iſtam
 Chriſti poteſtatem, invocationem ejusdem Chriſti
 ſecum trahere; non modò quia certum ex ſanctis
 litteris

litteris est, Christum in caelis regnantem renes & corda scrutari, Apoc. 2. 23. & consequenter multo magis verba precationum nostrarum exaudire ac percipere: verum etiam quia hoc precipuum est effectum, proximusq; finis potestatis ejusmodi a Deo Christo concessæ; ut videlicet sine ulla dubitatione, ejus opem ad opportunam auxilium, ut loquitur Apostolus Heb. 4. ver. ult. implorare possimus. Sensit Franciscus Davidis, senserunt & alii, qui vel ante, vel post ipsum, Christi invocationem negare sunt ausi, quàm sit necessarium, Christum invocari posse, si distributio ista donorum spiritualium, que a te agnoscitur, illi concedatur: & propterea tandem, Christum nihil planè nunc agere affirmarunt; sed tantummodo in tutela Dei esse, donec regnum suum, quod nunc illi revera adimunt, ineat atq; assumat: atq; in hunc sensum non minùs ridiculè, quàm impiè interpretati sunt Christi sessionem ad Dei dexteram, donec Deus ponat illius inimicos scabellum pedum ejus. cum tamen & ex ipsa locutione, & ex Pauli & aliorum Apostolorum explicatione, & ex ipso loco unde sententia ista de Christo sumpta est, & deniq; ex tota religionis nostræ analogia, nemo non perspicere queat, ejusmodi sessione nihil aliud significari, quàm supremam post Deum potestatem ac gubernationem, duraturam donec mors ultimus hostis aboleatur; cum interim alii hostes paulatim debellantur, & Christo subjiciantur, ab ipso quidem Deo (inde enim tanquam ex fonte omnis virtus & potentia derivatur) sed tamen, ut

per

Ad Dei dextram sessio quid significet.

per secundam causam, per ipsum Christum nullo prorsus pacto otiosum, sed perpetuo ac jugiter vi & potestate sibi a Deo tradita ea in re, agentem & operantem. quemadmodum David, hac in re Christi typus, in sibi inimicis suis subjiciendis nulla ratione fuit otiosus; immò ipse is fuit, qui virtute ac potentia sibi a Deo concessa omnes suos hostes tandem debellavit. Et sanè nemo fuerit umquam, qui ex divinis testimoniis edoctus Iesum post crucis mortem a Deo factum fuisse Dominum & Christum, id est, dominatorem ac regem populi sui, eumq; cum Davide typo comparans & componens, non planè agnoscat necesse esse ut Iesus Christus re ipsa Dei populi curam ac gubernationem habeat, eiq; presit, eumq; regat, in eum deniq; supremam post Deum, vel potius Dei quodammodo vice, potestatem atq; imperium exerceat: & idcirco quemadmodum poterat Israelis populus ad Davidem in omnibus, quæ ad ejus regnum pertinebant, sic populum Christianum ad Christum Iesum in omnibus, quæ ad ejus regnum pertinent, opis implorandæ & impetrandæ gratiâ meritissimò confugere posse; ac simul non fateatur, ut Davidi terreno & carnali (ut dicitur) regi humanus & carnalis cultus ab Israelis populo prorsus debebatur, sic Christo Iesu regi caelesti & spiritali divinum & spiritualem cultum ab omnibus Christianis prorsus deberi. Cùmq; ex ejusmodi regno & potestate in nos omnes, necessariò ejusdem Christi, licet corpore absentis, efficacia spiritus, & factorum, dictorum, cogitationum omnium nostrarum

cognitione, perpetua presentia colligatur & consequatur, necesse est confiteri, cultum istum ei licet a nobis corporeis oculis non viso, perpetuo exhibendum esse. Quamquam ejus in celo manentis, apud suos hic in terris presentia ex pluribus alioqui sacrarum litterarum locis aperte colligitur; ut, cum ipse dicit, se in eorum medio esse, qui in ipsius nomine fuerint congregati; cum se cum Apostolis ad consummationem usq; seculi futurum ait; cum deniq; ut alia testimonia omittam, pollicetur, si quis ipsum dilexerit, se unà cum patre ad eum venturum, & mansionem apud eum facturum. Quinetiam aperte ex sanctis litteris constat, Christum, licet corpore absentem ac non visum, adorandum tamen esse; cum disertè, ut supra vidimus, scriptum sit, omne genu caelestium, terrestrium & subterraneorum in nomine Iesu flecti, Deum, ipso super exaltando & nomine omniū summo donando, curasse. Itaq; quamvis tu aliter sentire videaris, & Christo, licet corpore presenti, divinum cultum exhibitum fuisse negare, ea exempla missa facio ex quibus constat, Christum corporeis oculis visum divino cultu affectum fuisse, seu longè alià quàm politicā humane ratione, si adorantium mens spectetur, fuisse adoratum; qualia sunt quae habentur Matth. 14. 33. & Ioan. 9. 39. Tametsi ejusmodi exempla fidem faciunt atq; demonstrant, divinum cultum qui Christo exhibeatur, nihil pugnare cum præcepto illo de solo Deo adorando, sive præceptum illud nihil impedire quominus Christus divino cultu afficiatur.

quo evictō, & Christi perpetuā inter nos presentia ex sacris litteris aperte ostensa, ipsaq; totius Christiane religionis, præcipue verò ipsius Christi muneri ratione rectè perpensa, non est quod quis dubitet, vel potius dubitare non exhorrescat, utrum Christo divinus cultus conveniat. Breviter, ipsius Christi nomen unumquæq; satis superq; admonet, Christum perpetuò a nobis colendum & divina ratione, quando a nobis corpore jam diu abest, adorandum esse, adq; illius opem atq; auxilium nos summa cum fiducia confugere posse. Alioqui jam Christus, id est rex noster, quatenus Dei populus sumus, revera non esset, & turpiter a Deo divinisq; hominibus delusi fuisset omnes, qui apertissimè sapissimeq; sunt contestati, hunc nobis regem dominumq; fuisse datum. Quamobrem, etiamsi verissimum est quod ais, hic de re omnium maxima agi; nihil est tamen quod nos suspensos sive ancipites, qualem te esse confiteris, hac in re tenere debeat. Immo, quia de re omnium maxima in religione nostra agitur, nihil prorsus est cunctandum, sed apertissima veritas statim amplectenda & mordicus retinenda. Nam unde factum esse existimas, ut ab ipso ferme nascentis Ecclesie Christi initio usq; ad nostra tempora, tot viri, adeò ut nullus sit numerus, non minùs pietate quàm doctrinā clarissimi, tot ipsius Christi sanctissimi martyres eum alioqui gravissimum errorem secuti fuerint, quòd Christus sit ille unus Deus qui omnia creavit, aut certè ex illius propria substantia genitus, nisi quia nimis aperte in sanctis litteris ea

illi tribui animadverterunt, quæ soli Deo tribui
 consueverunt, & inter cætera potissimum adoratio-
 nem & invocationem, eâve a quibus adoratio &
 invocatio, illa ut prorsus debita, hæc ut planè conve-
 niens, nullo pacto se jungi possunt? Noli igitur, rogo
 atq; obsecro te, veritari manifestissime quidquam
 repugnare, & summum ac præstantissimum Chri-
 stianæ pietatis mysterium & fundamentum agno-
 sce, supremam videlicet in nos omnes Iesu Naza-
 ræno datam a Deo in perpetuum præsentem pote-
 statem & gubernationem: quam graphicè inter a-
 lios locos descriptam, & ἱεροσολίμωνεσσι quædam o-
 culis subiectam habes in prioribus tribus Apoca: ca-
 pitibus, quibus, ne tibi quidquam desit, quintum e-
 jusdem libri caput adijunge; ubi præter alia huc a-
 pertissime pertinentia, in uno octavo versiculo ea
 ipsa satis expressa habes, de quibus nominatim agi-
 mus, Christi videlicet adorationem & invocatio-
 nem: idq; tecum deniq; seriò reputes, quantus error
 sit, si Deus Christum a nobis adorari debere & in-
 vocari posse velit, ei adorationem invocationemq;
 denegare; contra verò, quam leviter is erraret, qui,
 etiamsi id Deus non juberet, Christum tamen ado-
 rari debere & invocari posse, non verbis tantum,
 sed factis quoq; comprobaret; modò, ut res ipsa mo-
 net, ad ipsum Deum omnem Christi adorationem
 & invocationem referret. Quæ latiùs hic exponere
 atq; explicarem, nisi persuasum haberem, ex
 iis quæ supra disputata sunt, ea satis intelligi ac per-
 cipi

ripi posse. Quare finem etiam hoc de argumento
 differendi faciam in presentia, donec mihi uberiùs
 rem totam tractandi abs te occasio detur. quod nū-
 quam facere detrectabo, quamvis plurima jam ea-
 dem de re scripserim; si modo animadvertere pote-
 ro te nihil tergiversari, idq̄ unum re ipsa querere
 ut veritatem agnoscas & amplectaris: quemadmo-
 dum de te sperare mihiq̄, certò polliceri, & charitas
 Christiana, & opinio quam jam diu ex tuis ad me
 litteris, de tua pietate & integritate concepi, non
 solùm suadet, verùm etiam cogit.


FINIS.





Blancpain
Paris
1850


1850

1850









Biblioteka Jagiellońska



stdr0009426

